

宋 薛居正 等撰

陷五代史

卷二五至卷四八(唐書) 册

中 華 書 局

册

舊五代史卷二十五

唐書一

武皇紀上

使。 使, 衆,至於靈州,德宗命爲陰山府都督。 盡忠尋率部衆三萬東奔,俄而吐蕃追兵大至,盡忠戰歿。祖執宜,卽盡忠之長子也,收合餘 承。 陁都督府。 都護,因家於瓜州。 案新唐書沙陁傳:元和三年,盡忠款靈州塞,詔處其部鹽州置陰山府,以執宜爲府兵馬使。 曾祖盡忠, 貞元中, 墨離,原本作「墨維」,今從新、舊唐書改正。(影庫本粘籤) 太祖武皇帝,諱克用,本姓朱耶氏,其先隴右金城人也。 蓋北庭有磧日沙陁,故因以爲名焉。 太宗平薛延陁諸部,於安西、北庭置都護屬之,分同羅、僕骨之人,置沙 繼爲沙陁府都督。 元和初,入爲金吾將軍,遷蔚州刺史、代北行營招撫 旣而爲吐蕃所陷,乃舉其族七千帳徙於甘州。 永徽中,以拔野爲都督,其後子孫五世相 從太宗討高麗、薛延陁有功,爲金方道 始祖拔野,唐貞觀中爲墨離 朝長安,授特進、金吾 副

武皇

紀上

年薨。 中, 衞 振 名國昌,案:代州 旭 將軍。 武 節度 陰山 烈考國昌 從攻 案新唐書沙 使, 都 鎖 督、代北行營招撫 州 尋爲吐渾所襲, 進蔚州 ,本名赤心,唐朔州 有唐故龍武軍 施傳:光啓三年, 刺史。 使。 統軍檢校司 破 吳元濟,授檢校刑部尚書。 |國 所載官 退保於神武川 昌卒。 、刺史。 I 爵詳略 · 徒贈太保隴 與薛史異。 先後, **咸通** ·西李公神道碑云:公諱國昌,字德興。 與蔣史異。 考[舊 中,討龐勛 及武皇鎭太原, 唐書僖宗紀,中和三年十 長慶初 莊宗 破賊深州, 有 即位, 功,入 表爲 入朝 爲 追諡 代北軍 金吾 涥 留宿衞, 爲 國昌卒,與薛史同 上將軍,賜 昭烈 仍係 節度使。 拜金吾衞將軍。 鄭王 皇帝, 房。 姓李氏, 中和 廟 歐陽史 出 號懿 太和

水暴溢 所及, 籤 已,有神人被金甲持戈, 翔於空,射之連中,衆皆臣伏。 城。 亦從 :"「予有尊主濟民之志,無何井溢,故未察其禍福,惟天王若有 一群史。 躍馬 在姙 武 可 皇 馳歸, 大噪,環所居三周而止。」族人如其教, 莊宗 武皇始言,喜軍中語,齠齔善騎射,與儕類馳騁嬉戲, 十三月,載誕之際,母艱危者竟夕,族 卽獻祖之第三子也。 即位,追諡 盡率部人,被甲持旄,擊鉦 爲文皇, 有神人被金甲持戈,北夢瑣言作有龍形出于壁間。 新城 母秦氏,以大中 廟號獻祖 北有毗沙天王祠,祠前井 鼓, 擊鉦,原本作 果無恙 X + 憂 年丙子歲九月二十二日, 一駭, 而 擊町」,今從冊府元龜所引薛史改正。(影 市藥於鴈門,遇神叟告曰:「非 生。 是時,虹光燭室, 必出其右。 日沸溢,武皇因持巵 神奇,可與僕交談。」奠酒未 蓋傳聞之異, 生於神 今附識于此。(影庫本 年十三, 白 氣 武川之新 充庭,井 酒 見雙鳧 庫 巫醫 而 本

粘籤) 隱然出於壁間,見者大驚走,唯武皇從容而退,繇是益 自

踞謨之座,謨亦不敢詰。 使,事防禦使支謨, 雙鵰於空曰:「公能一發中否?」武皇卽彎弧發矢,連貫雙鵰,邊 害武皇,及突入曲室,但見烈火熾赫於帳中,俠兒駭異而退。 平,獻祖授振 獻 祖 之討龐勛也,武皇年十五,從征,摧鋒陷 武節度使,武皇爲雲中牙將。 支護,原本作「友模」,今從通鑑改正。(影庫本粘籤) 嘗在雲中,宿於別館,擁妓醉寢, 陣, 出諸將之右, 與同列晨集廨舍,因戲升郡閣, 又嘗與達靼部 人拜伏。 軍中目爲「飛虎子」。 及壯,爲雲中守捉 人角勝,達 有俠 兄持刃欲 靼指

太祖紀年錄正作乾符三年。 用殺大同防禦使段文楚。 國昌小男克用殺雲中防禦使段文楚,據雲州,自稱防禦留後。 諸將列狀以聞,請授武皇旄鉞,朝廷不允,徵諸道兵以討之。案舊唐書懿宗紀:咸通十三年十二月,李 璋、薛鐵山、康君立等,卽擁武皇入雲州,衆且萬人,營於圖雞臺,城中械文楚出,以應於外。 軍咸怨。 乾符三年,朝廷以段文楚爲代北水陸發運、雲州防禦使。 武皇爲雲中防邊督將,部下爭訴以軍食不充,邊校程懷素〔三、王行審、蓋寓、李存 歐陽史從舊唐書,通鑑從新唐書(日)。薛史作乾符三年,與諸書異。據通鑑考異引趙鳳後唐 趙鳳爲唐宰相,去武皇時不遠,見聞較確,宜可徵信云 新唐書僖宗紀(三):乾符五年二月癸酉,雲中守捉使李克 時歲薦饑,文楚稍削軍食,諸

乾符 五 年,黃巢渡江,其勢滋蔓,天子乃悟其事,以武皇爲大同軍節度使、 案:歐陽史作拜

克用 爲 大 同 軍 防 禦 使 新唐書 作 以 國 昌 爲 大同 軍防禦使, 通鑑作以國昌爲大同節 渡使, 倶與 茶醛史異 檢校 工 一部尙

以 夜 旭 赫 攻 歸 雲州 連 圍 鐸 一,武 獻 爲 皇昆 雲州 祖 大同軍節度使, 出 守將 弟三人四 師 討党項 拒關 面 不 吐渾 仍 納 應 賊 命進軍以討 ·赫連鐸 武 俄 皇略 而 獻祖 乘虚 蔚、 武 自蔚州引軍 朔之地,得三千人,屯 陷 皇 振武, 舉族爲 至,吐渾退走,自 吐渾 神 所 擄。 武 Ш 之新 是軍勢復 武 皇 城 至定 赫 邊 連 軍 鐸 迎

拒 屯於代州 李鈞。 乾符 ,與幽州李可舉會赫 六年春, 朝廷以 昭義節度使李鈞充北 連鐸同攻蔚州。 獻祖以一軍禦之,武皇以一軍 面 招討使, 將上黨、太原之師過石 南抵 「韻關 遮 虜 二宝

引薛史 蔚 旣 部 州 將 īmī 漸 公及新唐: 廣 率兵 案新唐書作 生猜 (明元年春,天子復命元帥李涿 旭 是多大雪,弓弩弦折,南軍苦寒,臨戰大敗,奔歸代州,李鈞中流矢而 數 戰 書 阻 1、通鑑諸 萬 不 薩葛首領米海萬、安慶(4)。(舊五代史考異) 屯代州。 利 武 皇知之, 書俱作薜葛、安慶, 乃 率 · 其族 武皇令軍使傅文達 每召 奔 於 1其豪右: 達 今改正。(影庫本粘籤) 靼 案 : 部 射獵 歐陽史作 居數 起兵於蔚州 於野 月, 招討使李琢〔六〕, 縛文達 吐 薛葛、 或與之百步馳射馬 渾 赫 安慶,原本作「薛曷、女度」,今考 朔州 連 送於李涿。 鐸 通鑑亦作「琢」, 刺史高文集與薛葛、 密遣 路 六月,李涿 鞭 達 與薛史異。(舊五 靼以 或以 離 懸針樹葉 引 {册 間 安慶等 大軍 流行元龜 獻 城以 }史

爲的,中之如神, 日 天子 ,酒酣,喻之曰:「予父子爲賊臣 ,赦宥,有詔徵兵,僕與公等南向而定天下,是予心也。 由是部人心伏,不敢竊發。 讒間,報 國無由。 俄而黃巢自江、淮北渡,武皇椎牛釃酒, 今聞黃巢北犯江、淮,必爲中原之患。 人生世間, 光景幾何, 曷能

也。 黃巢犯長安,僖宗幸蜀,陳景思與李友金發沙陁諸部五千騎南赴京師。 案通鑑,友金初與高文集並降於李琢,故得與陳景思南赴京師。 是歲十一月,黃巢寇潼關,天子令河東監軍陳景思爲代北起軍使,收兵破賊。 薛史不載 友金卽武皇之族父 十二月,

終老沙堆

中哉

公等勉之。」達靼知無留意,皆釋然無間

所、代二州隸鴈門節度。 更大同節度爲鴈門節度,治代州。 獲罪於國家,今寄北部,雄武之略,爲衆所推。 西。 代州刺史、忻代兵馬留後。 賊不足平也。」景思然之,促奏行在。 還代北,徐圖利害。」四月,友金旋軍鴈門,瞿正至代州, 事,當威名素著,則可以伏人。今軍雖數萬,苟無善帥,進亦無功。 其軍皆北邊五部之衆,不閑軍法,瞿正、李友金不能制。 中和元年二月,友金軍至絳州,將渡河, 二年,擢鴈門節度、神策天寧軍鎭遏、忻代觀察使。 天子乃以武皇爲鴈門節度使,案新唐書表:中和二年,以河東 是中和二年以前,鴈門非鎭名也。 刺史瞿 若驃騎急奏召還,代北之人一麾響應, 正謂陳景思曰(云):「巢賊方盛,不如 半月之間,募兵三萬,營於崞縣之 是克用為鴈門節度實在二年,薛史疑誤。 友金謂景思曰:「興大衆,成大 吾兄李司徒父子, 據舊唐書: 初,赦克用,拜 則妖 去歲 且

唐

不顧難 達 仍令以 靼 ,死義如己, 武 本軍 卽 率達 賊 若乞師焉, 型諸部萬人趨鴈門。 案 他道,至太原城下,會大雨,班師於鴈門 唐書 事蔑不 王重榮傳: 湾 乃遣使 重榮懼黃巢復振,憂之,與復光計, 者約連和。(舊五 五 育, 整兵二萬,南嚮京師。 (代史考異) 李友 復光 白 金酸 我世與李克用 太原鄭從讜以兵守石 五 百 騎 齎 共憂患, 詔 召 武 其 皇 人忠 於

嶺

關

武皇

万引

軍

出

鄭 萬 從 五 讞 中 Ŧ 和二年八月、獻祖自達靼部率其族歸代州。 拒 騎 軍 器 蔚 不 崩, 納,武皇以兵擊之,進軍至城下, 原本 武 皇 · 脫「朔」字,今據册府元龜 南 去,自 陰地趨晉、絳。 所引薛史增入。(影庫本粘籤) 赴難於京師。 十二月, 遣 人齎幣馬遺從讜, 十月,武皇率忻、代、蔚、朔、達靼之軍三 武皇至河 中。 從讜亦遣人饋武皇貨 先移檄太原,

是夜, 字,故諸 趙 軍 是 百 璋 時 騎 渡 中 當 賊衆遁據華州。 本不 諸 引 河 和 道 避 視 軍 其鋒。」 勤王 賊 年 + 惟通鑑從 Ė. 五. 黄巢遣 之師 萬 月, 武皇以兵自 屯於梁田 一群史作梁田 雲集京畿,然以賊 晉國 將米 武皇進軍圍之,巢弟黃鄴、黃揆固守。 公王鐸承制授武 重威 陂 陂,今仍其舊。 夏陽 齎重路 梁田 濟 陂 河。 勢尙熾,未 及僞詔 舊唐書作 (影庫本 二月, 皇東北面 粘籤) 以 良天陂, 營於乾坑 敢 賜 爭鋒。 武 翌日 行 皇, . 營都: **新** 武皇納 店 大軍 書及歐陽史俱作 及武 統。 三月, 黄巢 合戰 皇將至, 武 其路 皇 尚讓引大軍赴援, 大將尚讓 以 自 令其弟克修領前鋒五 良田 給 午 賊 及晡 帥 諸 陂, 相 將,燔其僞詔 蓋 巢 謂 地 名 賊 多用 王璠 大 武皇 敗 對

幾,以 尹 度、忻代蔚朔等州觀察處置等使、檢校尚書左僕射、代州刺史、 天 度使、檢校尙書左僕射。 正 率兵萬餘逆戰於零口,零口,原本作「陵口」,考新、舊唐書及通鑑俱作零口。 亡。(影 、北京留守,充河東節度、管內觀察處置等使。 八子授武 克用 庫 本 領 ~粘籤) 皇金紫光祿大夫、檢校左僕射、 河東節 巢軍 度。 所 大敗,武 載 官 **爵與薛史詳** 几 月 /皇進軍 ,黃巢燔長 略互異。 一渭橋。 新唐書沙陀傳 又,武皇領 安, 河東節度使。 翌 日 收其餘衆, ,黃揆棄華州而 云 上柱國、 河東,薛史作七 收京師功第一, 食邑七百戶李克用檢校司空、 案舊唐書僖宗紀; 東走藍關。 月,舊唐書作五 遁。 進同 胡三省云:零口在京兆昭應縣。 中書門下平章事 王鐸承制授武皇鴈門 武皇 五月, 月,通鑑從薛史 進收京師 制以 [順門以 同平章事 隴 西 |郡公。 北行 七月, 東太原 今改 潜節 節 未

邢州 鎭, 龍。。 弟克修爲昭義節度使。 獻祖 司空兼單于都護、御史大夫李國昌爲檢校司徒、 八月赴鎮 是時 是月,武皇仗節赴鎮,遣使報鄭從讜, 八月,自鴈門赴鎮 河東。 武皇 旣 蓋七月始離京師, 收長安, 案通鑑,克用表克修爲昭義軍節度使在四年八月,與蔣史異。 河東,時年二十有八。 軍勢甚雄,諸侯之師皆畏之。 八月乃歸 代州刺史、 河東 也。 請治裝歸朝。 通鑑統繫於七月, 鴈門以北行營節 案舊唐書:八 武皇一 月,李克用赴鎭太原 武皇 似未詳考。 度、 蔚朔等州觀察使。 次於郊外, 目微眇, 十一月,平路州, 路帥孟方立退保於 故其時 ,制以前 因往赴 薛史作七月仗節 振 號爲 武 鴈門 節度、檢校 獨 表其 眼 赴

唐 月, 許帥田從異、汴帥朱温、徐帥時溥、陳州刺史趙犨各遣使來告,以巢、蔡合從, 武 皇 紀 上

凶鋒尙熾,請武皇共力討賊

龜所引薛史及通鑑註俱作陽景彪,今改正。(影庫本粘籤)是夜,賊大敗,殘衆保於胙縣、寃句。 考 出師援陳、許,河陽節度使諸葛爽以兵屯澤州 而南,半濟擊之,大敗之,臨陣斬賊將李周、王濟安、陽景彪等。 至,濟汴而北。是夜復大雨,賊黨驚潰。武皇營於鄭州,賊衆分寇汴境。 深數尺,賊營爲水所漂而潰。 是夜大雨 不完,乃屯兵 黄巢乃攜妻子兄弟千餘人東走,武皇追賊至於曹州 四月, 中 和 ,巢營中驚亂,乃棄西華之壘,退營陳州 武皇合徐、汴之師破尚讓於太康,斬獲萬計, 四 年 於萬善。 春, 武皇率蕃漢之師五萬,自澤、潞將下天井關,河陽節度使諸葛爽辭以 數 行,移 戊辰,武皇引軍營於中年,大破賊於王滿渡。 軍自 拒之。 河 中 三月甲戌,克用移軍自河中南渡,東下 南 渡, 趨汝、洛。 北故陽里。 進攻賊於 案舊唐書. 五月癸亥, 陽景彪, 西華, 四 洛陽。 年二月, 原本作「易景俿」, 賊 武皇渡汴, 大雨 將黃 通鑑統作二 河 東節度使李克用 庚午, 震 鄴 棄 遇 一月,似 , 考册府元 巢賊 平 賊 而 將 河橋 地水 未詳 渡 大

思館 帥 握 陁 於上源驛。 是 (傳 ,敍破 月, 亦作全忠忌克用桀邁難制,與唐紀合。 班師過汴,汴帥迎勞於封禪寺,請武皇休於府第,乃以從官三百人及監軍使陳景 賊 事以爲樂。 是夜,張樂陳宴席,汴 **汴帥素忌** 武皇, 蓋全忠之攻上源驛, 帥自佐饗,出珍幣侑勸。 案:梁紀作克用乘醉任氣,帝不平之。 實忌其威名而欲害之,非徒以其乘醉任氣也。 武皇酒酣,戲諸侍妓,與汴 通鑑從梁紀。 今考新唐 宜

抗賊。 從唐紀。 武 檄於汴帥 急,雖汴人謀害,自有朝廷論 扶武皇,以茵幕裹之,匿於牀下,以水洒面, 醉, 旣還營, 不辨人物,隨 牢腳 俄 申 而伏兵 西趨浦 有頃 理 乃與其將楊彥洪密謀竊發,彥洪於巷陌連車樹栅,以扼奔竄之路。 與劉 及武皇表至,朝廷大恐,遣內臣宣諭,尋加守太傅、同平章事、隴西郡王 汴帥報曰:「竊發之夜,非僕本心,是朝廷遣天使與牙將楊彥洪同謀也。」武皇 夫 電 烟 、竊發,來攻傳舍。 、陝而旋。 人相向 光登尉氏門, 火四合, 動哭。 復大雨震電,武皇得從者薛鐵山、賀回鶻等數 秋七月,至太原。 列。 組城而出,得還本營。 詰旦,欲勒軍攻汴,夫人曰:「司空比爲國家討賊,赴東諸侯之 武皇方大醉,譟聲動地,從官十餘 若反戈攻城,則 武皇自以累立大功,爲汴帥怨圖,陷沒諸將, 徐曰:「汴帥謀害司 一曲在我也,人得以爲辭。」乃收 監 軍陳景思、大將史敬思並 空! 人捍賊。 」武皇 人而 方張 侍 時武皇之從官皆 去。 人郭景銖 目 遇害。 軍 加 雨 丽 起 水 去, 如 武 引 滅 自 皇 馳 燭

天安廟李克用題名碑云:李克用以幽、鎭侵擾中山,領蕃漢步騎五十萬親來救援,時中和五年二月二十一日也。 **薛史異。** 丁」,今從無府元龜改正。(影庫本粘籤) ; 光啓元年三月,幽州 節度使王 考藩鎭傳,景崇以中和二年卒,子鎔繼立。 一處存求援於武皇,武皇 李 可 舉、鎭州王景崇 郭啜率兵赴之。 遣大將康君立、安老、 是光啓初寇定州者當爲王鎔,非景崇也。 案:新唐書沙陁傳作王景崇,與薛史同; 五月,鎭人攻無極,武皇親領兵救之。 薛可 安老、 通鑑從舊唐書。 薛可, 舊唐書作王 原本作「安考薛 連兵寇 案曲陽 至三月 一鎔,與

唐

立等, 與通鑑合,繼乃親 「以幽州 应 日已改光路 請就 和 斷, 領兵救之,與題名碑合。 ,曲陽去京師遠,故未知 遂却班師。 考舊唐書,中和五年三月丙辰朔,丁卯,駕至京師。 耳。 惟薛史作五 又,克用親援處存,與通鑑遣將康君立異。 月, 碑作三月, 微有 瓦異耳。(舊五代史考異) 己己, 御宣正 今考薛史, 殿, 大赦 武皇先遣康君 鎭 改元。 是

唐實錄 將離 新城 子覽表,遣 到,使 朱玫决戰,玫大敗,收軍夜遁,入于京師。 軍 朱玫、李昌符,然後平盪朱温。」 案新唐書汪重榮傳: 薛史異。(舊五代史考異) ドド 大體,武皇 於 人構怨,前後 沙苑, 我 其 十一月, 避 武皇攻之,斬首萬餘級,獲馬千 圖 獻祖 勢,乃移 公,此令孜、朱全忠、朱玫之惑上也。」因示僞詔,克用方與全忠有隙,信之,請討全忠及政。(舊五代史考異)天 使譬喻 · 譚,故去「昌」字。(舊五代史考異) 不 沙苑,原本作「河苑」,今從通鑑改正。(影庫本粘籤) 河中 時 重榮於定州。 奉 八 表, 百端,軺傳相望。 王重榮遣使來乞師, 詔,天子頗 重榮告於武皇,武皇上章言:「李符、朱玫挾邪忌正 請削 案歐陽史作徙重榮于兗州。 帥 官爵, 帥。 旣而 黨庇朱温。 匹。 且言邠州朱政、鳳翔李昌符將 時 自以本軍 朱玫引邪、 觀軍容使田令孜君 時京城大駭,天子幸鳳翔,武皇退軍於河中。 王處存 詔 一進討。 臣已點檢蕃漢軍 亦敗燕軍 克用將兵援河中,重榮貽 對壘月餘。 鳳之師攻河中,王 考新唐書王重榮傳 天子累遣內臣楊復恭宣旨,令且全 一於易州 側 擅 十二月, 權 亦 五 ", 惡 王 云令致徙 萬, 克用 加兵於己。 重 , 楽出 書, 武皇引 案 : 取 重榮與武 來 且 重榮亮海 歐陽史作 師 言:「奉 年 担戰。 軍 渡河 杒, 渡河, 密韶, 節 皇 李昌符,蓋 武皇 度 廖 先 須公 固 玫 興 與

賊連 黨。 朱玫 武皇燔之,械其使,馳檄諸方鎭,遣使奉表於行 自贖。 一衡之舊,乃奏遣諫議大夫劉崇望齎詔宣諭,達復恭之旨。 時田 光啓二年正月,僖宗駐蹕於寶雞,武皇自河中遣使上章,請車駕還京,且言大軍 是克用之奉僖宗,因詔使宣諭而改圖也。 一令孜請僖宗 南幸興元,武皇遂班師。 與薛史異。 朱玫於鳳翔立嗣襄王煴爲帝,以僞詔賜武皇 王重榮、李克用欣然聽命、尋遣使買奉, 在〔元〕。 新唐書沙陀傳云:僞韶至太原,克用燔之,執其使 案舊唐書僖宗紀:楊復恭兄弟於河中、太原 獻縑十萬 止誅 匹, 小間道 有破 願殺 区

奉表興元 ,與薛史同。 歐陽史從舊唐書,通鑑從薛史。

於鎭州,鎭人出兵三萬以援方立。 以大將安金俊爲邢州刺史,以撫其降人。十月,進攻邢州,邢人出戰,又敗之。 九月,武皇遣昭義節度使李克修討孟方立於邢州,大敗方立之衆於焦崗,斬首數千級。 克修班師。 孟方立求援

月,武皇以安金俊爲澤州刺史。時張全義自河陽據澤州,及李罕之收復河陽,召全義令守 光啓三年六月,河中節度使王重榮爲部將常行儒所殺,武皇表重榮兄重盈爲帥。

七

洛陽,全義 乃棄澤州 而去,故以金俊守之。

檢校 於河陽,城陷,舉族爲全義所擄,罕之踰垣獲免,來歸於武皇。 太師、兼侍中、隴 文德元年二月,僖宗自興元還京。 西郡王,食邑七千戶,食實封二百戶。 三月,僖宗崩,昭宗卽位,以武皇爲開府儀同三司、 河南尹張全義潛兵夜襲李罕之 遣李存孝、薛阿檀 、史儼兒

唐

書

武

皇

紀

上

三四

安 脫 「節」字, 金 俊、 安休 今 據 通鑑增 休 將 入。(影庫本 七 Ŧ 騎 送罕之至 (粘籤) 李 存 河 孝 陽。 쬭 精 汴將 騎 逆 Ţ 戦 會、牛存節、 於 温 縣。 汴 葛從 人旣 周 扼 將 太行 兵 (赴援, 之路 牛存節, 存 孝 殿 原

而 退 騎 將 安休 休 以 戦 不 利, 奔於 蔡。 武皇 以罕之爲澤州 刺 史, 遙 領 河陽 節 度 使

+ 月 邢 州 孟 方立遣大將奚忠信將兵三萬寇遼州 武 (皇大破之), 斬 首 萬 生 擒

忠信

罕之敗之於琉]唐書昭宗紀、歐陽史莊宗紀,皆以孟遷爲方立之弟,新唐書孟方立傳作方立之子, 龍 紀 元 年五月, 璃陂,生擒 遣李罕之、李存孝攻邢州 馬溉,狗於城下。 孟 方立恚恨,飲酖 六月,下磁州 而 邢將 死 薛史 馬 武 漑 軍 **L**皇紀又作 率兵 立 其 、數萬 煙遷 方立 之姪, 爲 來 溜 拒 後。

孰 是。 使 求 後 於汴。 汴將王虔裕率精甲數百入於那州, 罕之等班 師

案

舊

大 順 元 年,遣 李存 孝 攻邢 州 孟 遷以邢、洛、磁三州降, 執汴將王虔裕三百人以獻 武

皇 一徙 孟 遷 於太原 ,以安金 俊爲邢洛 團 練 使

城 赫 月 連 鐸 昭 水援 義 軍 於於 節 燕 度使 燕 李克修 帥 李匡 威 卒,以 將 兵三萬 李克 恭 以 赴之, 爲路州節 戰於城下 l'度使。 ٠, 是月, |燕軍 大敗。 武皇 工攻雲州 時徐州 拔 時 溥 其 東

汴 軍 所 攻 介,遣使 來 求 援,武 皇 命 石 君 和 鄆 以赴之。

五 月 路州 軍 亂 殺節 度使李 克恭 州 人 推 牙將安居受爲留後,南結汴將。 時路之小將

康 君 霸 」,今從通 立 擁 叛徒三千騎駐於沁水, 李存孝等攻之,汴將朱崇節、葛從周率兵入路州以固之。 鑑改 正。(影庫本 粘 籤) 爲村胥 居受使人召之, 所殺,傳首 馮霸 於霸 不 霸 至。 遂入路州 居受懼, 是 出奔至 時, 自 爲留後。 幽州李匡 長子, 武 威 長子 皇 造 雲州 原本 大 赫 將 作

以 絡 東 濟傳作河東行營兵馬招討制置使, 連 父援之。 南 建 **|鐸與||汴帥協謀,連上表請加兵於太原,宰相張濬、** 案 : 爲 面 行 招 新唐書作五 軍 汴將 營 討 Ė 使, 都虞候, 據 鄧 潞州 幽州 季筠 月。(舊五代史考異) 李匡威爲河東 以 案:歐陽史作韓建為副 叉 遣 軍 歐陽史作太原四面行營兵馬都 大 將 犯 陣 李讜等率 以張 存 北 孝 濬 面 一使,新唐書張濬傳作 追 爲招討使, 招討使, 軍 擊,擒其都將 中數萬 急攻 雲州 統。(舊五代史考異) 案 孔緯贊 澤州 赫 新唐書本紀作 韓建爲供軍使。 十數 連鐸 成其事 ,武皇遣李存孝自 人,獲 爲副。 張濬爲河東行營都招討宜慰使,張 馬 以京兆尹孫揆爲副 (舊五代史考異) o 千餘 汴將朱友裕將兵屯晉 六月,天子削奪 匹。 潞州 是夜,李讜收 將三千騎 武皇官 華州 河

新、 蓋 舊唐 月。 擁 衆 書 (舊五 月 改 m IE 存 代史考異) 行 (影 孝 存孝 庫本 擒 新 粘籤) 初, 突 授 出 一昭義 朝 容 存孝 廷 口 節度使孫揆 授 偵 及揆節鉞 **遂擒揆及中使韓歸範** 知 ん之, 引騎 以本 案 三百 新唐書作七月戊申, 軍 取 伏 刀黃嶺 于 長子 **幷將校五百人。** 路 縣 赴 李克用 崖 任 谷 間 執 刀 昭義節 黄 領, 揆 存孝 建 度 原 使孫揆。 牙 本作「力 械揆等 持 、黄嶺」, 通鑑從薛史 褒 以組 衣

軍

m

退,

大軍

掩

擊

至馬牢

·關,斬首

萬餘級

追

襲至

|懐州

而

還

存孝

復

引

軍

攻

八路州

唐

書

活

皇

紀

上

練繫之, 上揆 無 環 以 于 對,令 潞 州 繋於晉 遂 獻 于武皇。 陽 獄 武 武 皇 皇謂揆曰:「公縉紳之士, 將 用爲副使,使人誘之,揆言不遜,遂殺之。 安言徐 步 可至達官, 何用

通鑑改正 作十一 遣 州 月, 李存孝將兵五千,營於趙城。 西 張濬之師 九月 月,與薛史先後互異。(舊五代史考異) 。(影庫本 張濬之師出戰,爲存孝 ٠, 汴 八晉州 將葛從周棄潞州 、粘籤) 十二月,晉州 ,遊軍 至汾、 而 所敗, 濕。 遁,武 華州 刺 自是閉壁 史張行 武皇 韓 案: 皇以 建以壯 新唐書昭帝紀作十一 遣辞 恭棄城 康君立爲潞州 示出。 鐵山 士三百人冒犯存孝之營, 而 存孝 奔, 李承 韓建 引 月,張濬及李克用 節度 嗣 軍 將騎 攻 張 使,以李存孝爲汾州 絳州 濬 三千出 由 含山 戰于陰地 絳州,原本作 陰 存孝 路 地關 遁 追 敗 擊, 績 營於洪洞 鋒 刺 州, 直 `歐 陽史亦 史。十 壓 今從

東節度 且欲於 大順 使、隴西郡 二年春正 河中寄寓,進退 上,加 檢 月, 校太師、 武皇 兼 行 上章 中書令。 止, 伏 申理 候 (舊五代史考異) 聖裁。」天 , 其 略曰:「臣 子 是月, · 蓉 就 今 魏博爲汴將葛從周所寇,節 加 身 無官 守 中 書 爵, 令。 名是 案歐陽 罪 {史 不 月, 敦 度 歸 復拜 使羅 唑 克用 下 弘 河

信遣使來求援,武皇出師以赴之。

州 朱瑄邀斬於河 三月 /1, 那州 節度使安知建叛, 上,傳首晉陽。以李存孝爲邢州 奔青 州 天子 節度使。 以知建爲神武統軍 , 自棣州派 河 歸 軍

几 月,武皇大舉兵討赫連鐸於雲州 遣騎將薛阿檀率前軍以進攻, 武皇設伏兵於御河

之上,大破之,因塹守其城。七月,武皇進軍柳會,赫連鐸力屈食盡,奔於吐渾部,遂歸幽州,

雲州平。武皇表石善友爲大同軍防禦使。

裕,原本作「免裕」,今從薛史梁書改正。(影庫本粘籤)請修隣好。 軍攻臨城,鎭人五萬營於臨城西北龍尾崗,武皇令李存審、李存賢以步軍攻之,鎭人大敗, 燕、趙,武皇然之。八月,大蒐於晉陽,遂南巡澤、潞,略地懷、孟,河陽趙克裕望風送款,趙克 掠,旋軍邢州。 殺獲萬計,拔臨城,進攻元氏。幽州李匡威以步騎五萬營於鄗邑,以援鎭州,武皇分兵大 邢州節度使李存孝以鎭州王鎔託附汴人,謀亂河朔,北連燕寇,請乘雲、代之捷,平定 永樂大典卷一萬八千一百五十五。 九月,蒐於邢州。十月,李存孝董前

校勘記

1〕廟號獻祖 「廟」字原無,據殿本補。

 Ξ 程 一懷素 本書卷五五康君立傳、通鑑卷二五三考異引薛史作程懷信。

吕 新唐書僖宗紀 「僖」原作「懿」,據新唐書卷九僖宗紀改。

何の 通 鑑從 新 唐書 據通鑑卷二五三考異,通鑑所從爲唐末三朝見聞錄,非新唐書。

至 將上黨太原之師 「上黨」二字原無,據通鑑卷二五三考異引薛史、冊府卷七補。

唐

書

校

勘記

三四五

五

歐陽史作招討使李琢 琢 原作「涿」,據殿本、劉本考證及歐陽史卷四唐本紀改。 本卷下文注

文同。

(1) 薩葛首領米海萬安慶 按新唐書卷二一八沙陀傳云:「薩葛首領米海萬、 安慶都督史敬存屯感

皆部落之名。」薩葛,殿本與本書正文作薛葛。 義軍。」通鑑卷二五三「沙陀酋長安慶、薩萬酋長米海萬」句下注云:「參考新、 舊書;

安慶、薩葛、

2 瞿正 殿本、通鑑卷二五 四及考異引薛史作瞿賴。

(九) 遣使奉表於行在 「使」上原有「來」字,據彭梭刪。

舊五代史卷二十六

唐書二

武皇紀下

班師介 師也。 得有王鎔之援師,蓋即景福元年事,誤移於前一年耳。歐陽史從薛史。武皇遣李存信將兵應援,李存孝素與 時太原之衆軍於常山,易、定之衆堅守固鎭,燕、趙之卒分拒之。三月,克用、處存斂軍而退。 月,王鎔、李匡威合兵十餘萬攻堯山。與薛史同。舊唐書作大順二年,王鎔援邢州,屯於堯山。考此時邢州未叛於晉,不 存信不協,遞相猜貳,留兵不進。」武皇又遣李嗣勳、李存審將兵援之,大破燕、趙之衆,斬首 三萬,收其軍實。三月,武皇進軍渡滹沱,攻欒城,下鼓城、豪城。四月,燕軍寇雲、代,武皇 景福元年正月,鎭州王鎔恃燕人之援,率兵十餘萬攻邢州之堯山。 通鑑云:三月,李克用、王處存合兵攻王鎔。 癸丑,拔天長鎭。 戊午,鎔與戰於新市,大破之,殺獲三萬餘人。 辛 案舊唐書云:景福元年二月庚寅,太原、易、定之兵合勢攻鎭州,王鎔復告難於幽州,李匡威率步騎三萬赴之。 是興師以二月,至三月始旋 案通鑑云:景福元年正

唐書

酉, 克用退屯 欒城。 是進 師 退 師皆在三月也。 薛史作三月進軍,四 [月班師,與諸書異。

}史、 年,存孝 納 昭義帥,怨克用 款 潛 、通鑑並從 於梁, 軍 始 汥 月 爲 於雲州 /,赫 邢州 薛史作景福 李存信構 授 連鐸 節度, 康君立。 誘 詰 無 元 之也。 由 幽州李匡 日 年十 存孝自 於元年冬得據 一, 出 月。 晉州 騎軍以擊之, 案舊唐書云:大順元年十一月癸丑朔, 率行營兵歸 一威之衆八萬,寇天成軍,遂攻 邢州 也。 邢州 舊唐書: 斬獲數萬,李匡威燒營而 據 特 城, 因 存孝 L 表 攻澤 公歸朝, 潞而 太原 仍致 (雲州 牽連書之,其 將邢州刺史李存孝自恃擒孫揆功, 書 張濬、 遁 營於州 王鎔 + 年 求 月 户 北 援。 則 邢州 誤耳。 今考薛史, 連 亙. 李 新唐書、 數里。 存 孝 大順二 合為 @[数,

於幽州 州 鎭 出 州 師三萬 進 景 十二月,武皇狩於近郊,獲白冤,有角長三寸。 福 ,李匡威率兵赴之,武皇乃班師。 軍下井陘, 王鎔懼,以帛 來援,武 二年春, 全逆 **珍存孝將兵夜** 大舉以 五 十萬犒軍,請修舊好, 戦 於 伐王鎔,以其通 叱日嶺下, 入鎭州,鎭 鎭 人敗,斬首萬餘 好於李存孝也。 七月,武皇討李存孝於邢州 人乞師於汴,汴帥方攻時溥,不暇應 仍以鎭、冀之師助擊存孝, 級。 二月, 時歲 攻天長鎮 饑, 遂攻平山 軍乏食, 許之。 , 旬 日 之。 渡滹水, 武皇進圍 脯 不 屍 乃求 肉 而 王 攻 食

師 素爲邢州節度使。 乾 寧元年三月,邢州李存孝出城首罪,繁歸太原, 案:舊唐書作克用以大將馬師素權知邢、洺團練事,與薛史異 轘 於市。 邢、洛、磁三州平。 武皇表

督精騎五 · 群史作五月,與舊唐書異。 考朱瑄、朱瑾自魚山之敗,其勢始蹴,當由正月遣使乞援,至援師之出,自在五月耳。 五 百,假道於魏州以應之。 案舊唐書云:乾寧元年正月(1),瑄、瑾勢踬, 求救於太原,李克用出師援

九月、路州節度使康君立以酖死。

書昭宗紀:六月壬辰,克用攻陷雲州,執赫連鐸。 境,武皇怒,故率軍以討之。 |恭挈族歸於||武皇,||武皇遇之甚厚。 月,恐未足據。 作李克用大破吐谷渾,殺赫連鐸,擒白義誠, 十月,武皇自晉陽率師伐幽州。 武皇方討李存孝於邢州,輟兵數千, 是時、雲州吐渾赫連鐸、白義誠並來歸, 俱與蔣史異。 仁恭數進畫於蓋寓,言幽州可取之狀,願得兵一萬,指期 新唐書昭宗紀: 初,李匡儔奪據兄位,燕人多不義之,安塞軍戍將劉仁 欲納仁恭, 不利而還。 考雲州諸部因討李匡儔而來歸,自當在十月, 六月,赫連鐸與李克用戰於雲州,死之。 ,命皆笞而釋之。 匡儔由是驕怠,數犯邊 而諸書皆作六 通鑑從新唐書 案舊唐

進攻嬀州。 遊戰,

燕軍大敗,

斬首萬餘級,

生獲將領百餘人,

曳練徇於新州城下。

是夜,新州降。 通鑑考異,蓋薛史仍紀年錄之誤。 攻新州。 十二月,李匡儔命大將率步騎六萬救新州,武皇選精甲 十一月,進攻武州。 媽州,原本作「僞州」,今從通鑑改正。(影庫本粘籤) 壬子, 燕兵復合於居庸關拒戰, 武皇命 甲寅, 案 : 甲寅字誤。 下文十二月有辛亥、壬子、甲寅, 則十一月不得有甲寅也。

三四九

唐書

武皇紀下

故,市不改肆,封府庫以迎武皇 精騎以疲之,令步將李存審由他道擊之,自午至晡,燕軍復敗。 遁,將之滄州,隨行輜車 盡擄其衆。 丙辰, 進軍幽州, 其守城大將請降, 武皇令李存審與劉仁恭入城撫勞, - 、臧獲、妓妾甚衆。 滄帥盧彦威利其貨,以兵攻匡儔於景城, 甲寅,李匡儔攜其族棄城而 居人如 殺之,

後,從燕人之請也。 事,皆因平幽州而終言之,未嘗核其年月也。 乾寧二年正月,武皇在幽州,命李存審、 案舊唐書: 乾寧元年十二月(三),以李匡威故將劉仁恭爲幽州兵馬留後。 通鑑從薛史作二年二月。留腹心燕留德等十餘人分典軍政,武 劉仁恭徇諸屬郡。 二月,以仁恭爲權幽州留 歐陽史亦作元年冬

皇遂班師,凡駐幽州四十日。

子壻也 皇遂舉兵表三帥之罪,復移檄三鎭,三鎭大懼。 之。 鎭 是,三帥 訛字,今改正。(影庫本粘籤) () 言珂 三帥 六月 一,權 本蒼頭,蒼頭,原本作「莊頭」,考舊唐書王重榮傳云:王珙上言,珂本家之蒼頭, 稱 遂 武皇 典軍 兵向 以 兵 政。 闕, 率蕃漢之師自晉陽趨三輔,討鳳翔李茂貞、邠州王行瑜、華州韓建之亂。 入覲,大掠 同弱王室, 其兄珙爲陝州節度使,瑤爲絳州刺史,與珂爭河中,遂訴於岐、邠、華三 不當襲位。 京 殺害宰輔。 師,請授王 珂亦訴於武皇, 武皇上表保薦珂, 乞授河中旄 珂同州節 時河中節度使王重盈卒,重榮之子珂,卽武皇之 是月,次絳州,刺史王瑤登陴拒命,武皇攻 度使,王瑤 河中 節度使,天子亦許之。 小字忠兒。 則「莊頭」確為 鉞, 詔 先 武 印

旬日而 拔,斬王瑤於軍門,誅其黨千餘人。 七月,次河中,王珂迎謁於路

延之兵 延王 爲 往 欲扨天子幸邠州。 西 行營兵馬 鳳 惑犯心。 兵,左右軍退走。 也,本姓閻,名珪,與全瓘謀級天子幸鳳翔。 £ij 北 石 也。 同行。 1,扼 那 面 門 同討別、鳳。 八 己未,同州節度使王行約棄城奔京師,與左軍兵士籾掠西市,都民大擾。 (攻行 招 月乙酉,供 迎駕,乃解 庚申,樞密使駱全瓘以武皇之軍將至,請天子幸(三)。 發赴新平。 據 :討使, 壬戌,武皇進收同州,聞天子幸石門,遣判官王慶奉表奔問,天子遣使賜詔,令與 岐 |通 瑜之梨 鑑作壬午, 之路 以 群史作八月乙酉,與舊唐書月日互異,相隔殊遠。 莊安作八月乙酉,與舊唐書月日互異,相隔殊遠。 奉官 華州之圍, 時武皇方攻華州,俄聞 王行瑜、李茂貞聲言自來迎駕,天子懼,出幸南山,駐蹕於莎城。 涇州張鐺爲西南面招討使。 園 兩 武皇 寨。 軍相攻,縱火燒內門,煙火蔽天。 遣張承業詣克用軍, 張承業齎 進營 天子 進營渭橋)削奪 .渭北,遣史嚴 詔 出告論 行瑜官爵 濫 王午 李茂貞領兵士三萬至盩厔,王行瑜領兵 天子遣 案舊唐書: 遣使, 將三千騎往 左軍指揮使王行實, 亦行瑜之弟也, 以武皇爲 天子又遭延王、 延王戒丕、丹王允齎 乙酉始至軍耳。 七月丁卯,上遣內官張承業傳詔克用軍,便令監太原 舊唐書又作八月乙酉朔,延王至河中, 天子急詔鹽州六都兵士, 石 天下兵馬都 FF 右軍 扈駕, 涇帥張鐺 丹王賜武皇御衣及大將茶 ·指揮使李繼鵬,茂貞假 遣李存信、李存審會郎 招 韶,促武皇兵直抵邠 討使,以鄜州 已領 步騎三萬於京 行約,即行 至 令追殺亂 與劉景 興平,欲 是夜,熒 李思孝 疑 承 業與 瑜 子

三五

唐

書

武

皇

紀

下

慮者二凶締合,卒難翦除,且欲姑息茂貞,令與卿修好,俟梟斬行瑜,更與卿商量。」 酒、弓矢,命二王兄事武皇。 嘗名存貞, 太師、中書令、邠寧四面行營都統 表,請駕還京。 **警唐書**誤。 案:舊唐書作壬寅,李克用遣子存貞奉表行在,請車駕還京。 令李存節領二千騎於京西北,以防邠賊奔突。 延王傳天子密旨云:「一昨非卿至此,已爲賊庭行酒之人矣。所 考當時奉表者,即後唐莊宗也。 辛亥, 天子還宮, 加武皇守 武皇上 莊宗未

茂貞自率兵三萬迫咸陽。武皇奏請詔茂貞罷兵、兼請削奪茂貞官爵、詔曰:「茂貞勒兵、蓋 時王行瑜弟兄固守梨園寨, 我師攻之甚急。 李茂貞遣兵萬餘來援行瑜, 營於龍泉鎮,

等二百人,送赴闕庭。 備非常,尋已發遣歸鎭。」又言:「茂貞已誅李繼鵬、李繼晸,卿可切戒兵甲,無犯土疆。」」武皇 文建爲邠州節度使,且於寧州爲治所。 至,縱兵擊之,殺戮萬計。是日,收梨園等三寨,生擒行瑜之子知進,並母丘氏、大將李元福 武皇令李罕之晝夜急攻,賊軍乏食,拔營而去。李存信與罕之等先伏軍於阨路,俟賊軍之 請賜河中王珂旌節,三表許之。又表李罕之爲副都統 内弟子四人,又降朱書御札,賜魏國夫人陳氏。是月,王行瑜因敗衄之後,閉壁自固, 月丙戌,李存信於梨園寨北遇賊軍,斬首千餘級, 庚寅,王行約、王行實燒級寧州遁走,寧州守將

徐景乞降。 十一月丁巳,案:舊唐書作十一月癸未朔,疑十一月不當有丁 自是賊閉壁不出。 戊子, 天子賜 武皇

捷聞。 E, 州,行瑜乞東身歸朝。」武皇報曰:「王尚父何恭之甚耶!僕受命討三賊臣,公其一也。 還軍渭北 束身歸闕,老夫未敢專命,爲公奏取進止。」行瑜懼,棄城而遁。 軍進逼其城,行瑜登城號哭曰:「行瑜無罪,昨殺南北司大臣,是岐帥將兵脅制主上,請治岐 精甲五千守之,李茂貞出兵來援,爲李罕之所敗,邠賊遂棄龍 據薛史上文,十月有丙戌、戊子,則十一月斷非癸未朔矣。 旣而慶州奏,王行瑜將家屬五百人到州界,爲部下所殺,傳首闕下。 通鑑所定月日皆從醉史。 泉寨而去。 武皇收其城,封府庫,遽以 收龍泉寨。 行瑜復入邠州, 武皇旣平行瑜 時行瑜以 如能 大

意,疑僕 亥,引兵東歸。 封晉王 」遂班 十二月,武皇營於雲陽,案歐陽史:晉軍渭北,遇雨六十日。考通鑑:十二月乙酉,李克用軍於雲陽。 .別有他腸,復何言哉!但禍不去胎,憂患未已。」又奏:「臣統領大軍,不敢徑赴朝 加實封二百戶。 無緣得有六十日也,歐陽史誤。候討鳳翔進止。 武皇復上表請討李茂貞,天子不允。 乙未,天子賜武皇爲忠貞平難功臣,進 武皇私謂詔使曰:「觀主上 辛

合勢,頻挫汴軍,汴帥患之,乃間魏人。 乃令都 乾寧三年正月,汴人大舉以攻克、鄆,朱瑄、朱瑾再乞師於武皇,假道於魏州,羅 指 揮使李存信將步騎三萬 與李承嗣、史嚴會軍,以拒汴人。存信 存信御兵無法,稍侵魏之獨牧者,弘信乃與汴帥通 軍於莘,與朱瑾 弘信許

唐

書

武 皇 紀 下

郡,陷城安、洹水、臨漳十餘邑,報幸之怒也。 殺魏兵萬餘 出 I師三萬· 攻存信軍。 人,進攻魏州。 存信揭營而退,保於洺州。 案舊唐書: 醉史作三月事, 六月庚戌,李克用率沙陀丼。汾之衆五萬攻魏州,及其郛,大掠於其六 蓋自三月興師,至十月始退耳。 五月,汴將葛從周、 三月、武皇大掠相、魏諸邑、攻李固、洹水、

氏 叔踪引兵赴搜

指揮使落落被擒。 之追兵將及,武皇背射一發而斃,乃退 六月,李茂貞舉兵犯京師。 落落,武皇之長子也。 七月,車駕幸華州。 既戰,馬踣於坎,武皇馳騎以救之,其馬亦踣,汴 是月,武皇與汴軍戰於洹水之上,鐵林

月、武皇敗魏軍於白龍潭、追擊至觀音門,汴軍救至,乃退。十一月,武皇徵兵於幽、鎭、定 三州,將迎駕於華下,幽州劉仁恭託以契丹入寇,俟敵退聽命。 九月,李存信攻魏之臨淸,汴將葛從周等引軍來援,大敗於宗城北。 存信進攻魏州。十

天子遣 攻 河中,王珂來告難,武皇遣李嗣昭率二千騎赴之,破陝軍於猗氏,乃解河中之圍。 乾寧四年正月,汴軍陷兗、鄲,騎將李承嗣、史儼與朱瑾同奔於淮南。 |延王戒丕至晉陽,傳宣旨於武皇:「朕不取卿言,以及於此,苟非英賢竭力,朕何由再 至是,

三月,陝帥王珙

謁 庭 在 卿表率,予所望也。」

七月,武皇復徵兵於幽州,劉仁恭辭旨不遜,武皇以書讓之,仁恭捧書謾駡,捧書,疑當作

舉以伐仁恭。 「持書」,考冊府元龜所引薛史亦作「捧書」,今姑仍其舊。(影庫本粘籤) 九月,師次蔚州。 戊寅,晨霧晦暝,占者云不利深入。 抵之於地,仍囚武皇之行人。八月,大 辛巳,攻安塞 (日),俄報

武皇乘醉擊賊,燕軍披靡。 曰:「但見可及輩。」武皇張目怒曰:「可及輩何足爲敵!」仍促令出師。 燕將單可及領騎軍至矣」。 武皇方置酒高會,前鋒又報「賊至矣」 時步兵望賊而退,為燕軍所乘,大敗於木瓜澗, ! 武皇日:「仁恭何在?」 燕軍已擊武皇軍寨, 俄而大風 雨震

電,燕軍解去,武皇方醒。 甲午,師次代州,劉仁恭遣使謝罪於武皇,武皇亦以書報之,自 此

有檄十餘返。

光化元年春正月,鳳翔李茂貞、華州韓建皆致書於武皇,乞修和好,同獎王室,兼乞助

J匠修繕秦宮,武皇許之。

使。 大將李存信收軍,自馬嶺而 四月,汴將葛從周寇邢、洛、磁等州,旬日之內,三州連陷。 旋。 汴人以葛從周為邢州節度

武皇不欲先下汴帥,乃致書於鎭州 八 (月壬戌,天子自華還宮。 是時,車駕初復,而欲諸侯輯睦,賜武皇韶,令與汴帥通好。 王鎔, 令導其意。 明年,汴帥遣使奉書幣來修好,武皇亦

私月,代皇豊司惠伐、M. 同四報之。 自是使車交馳,朝野相賀。

唐書

武皇

紀下

九月,武皇遣周 德威 李嗣昭率兵三萬出青山口,以迫邢、洛。 十月, 遇汴將葛從周於

河中 張公 橋 王 珂 張公 來 告急 橋, 原 言王 本作「張恭」,考舊唐書、通鑑俱作「張公」,今改正。(影庫本粘籤) 珙 引炸 軍 來 寇 武 皇遣李嗣昭將兵三千以援 之, 旣 戰, 屯 我 於胡壁堡。 軍 大敗。 是月,

萬餘人來拒戰、嗣昭擊退之。

汴。 武 皇 百:「薛 武皇 遣 月, 李嗣 鐵 潞 山 州 新 昭將兵討之,下澤州, 節度 死 使薛志 潞 民 無 勤卒, 主, 慮 澤州 軍 收罕之家 城 刺史李罕之以本 有 變, 屬,拘送晉陽 輒 專命 鎭 撫 軍夜入路州 武 皇令人讓之, 據城以 罕之乃歸於 叛。 罕之 報

州。 等棄城 月 石會 州 武 關 進 八月, 皇令都指 軍輸次。 原本作「名 而 化 遁,路 二年 嗣昭 春 會」, 州 營於路州 揮使李君 武皇令周 正 平。 考 **{**歐 月,李罕之陷 陽史、 九月,武 城下, 慶將兵收澤、 德威擊之,敗汴 通鑑俱作「石會」, 皇 前 沁州 表汾州 鋒下澤州 潞,爲 三月,汴將葛從周、氏 刺 軍於 今改 史孟遷爲路州節 洞 正。(影庫本 渦 所 驛, 敗 叔琮 而還。 **七粘籤**) (徳倫 棄營而 殺千餘 張 度 以李嗣 叔 使 琮 歸 遁 厚等守路 自 昭 , 土門陷 德威 爲 汴 都指 人復陷澤州 追 承天 州 擊 揮 , 出 軍, 使, 是月,德倫 石 進 又 會 文 陷遼 潞 f_1

棄城 嗣 昭 攻堯山,至內丘,敗汴軍於沙河,進攻洺州,下之。 而歸、葛從周設伏於青山口 化 三年,汴 軍大寇河朔, 幽州 ,嗣昭之軍不利。 劉仁恭乞師,武皇遣周德威 十月,汴人乘勝寇鎭、定,鎭、定懼 九月,汴帥自將兵三 帥 五 千騎以援之。 萬圍洺 七月, 州 嗣 納

天子 賂 於汴。 加 武 、皇實封 是時,周德威與燕軍劉守光敗汴人二萬於望都,聞定州王郜來奔,乃班師。 百戶 0 遣 李嗣昭率步騎三萬攻懷州 了,下之。 進攻河陽, **汴將閻寶率軍來** 是月,

於張存 求援。 敬 自 援,嗣昭退保懷州 是不復能援京師,霸業由是中否 迫 河中 天復元年正月,汴將張存敬攻陷晉、絳二州,以兵二萬屯絳州, 敬。 武 ,王珂告急於武皇,使者相望於路。 |皇報曰:「賊阻道路,衆寡不敵,救爾即與 三月,汴帥自大梁至河中,王 珂遂出迎,尋徙於汴。 珂妻邠國夫人,武皇 爾 兩亡, 可與王 天子以汴帥兼鎮 一愛女也, 郎 以扼援路。 棄城歸朝。」 亦以 書至, 二月, 河中。武 珂遂 送款 懇 張 切

至路州 作昂車,今改正。(影庫本粘籤)武皇令李嗣昭將三千騎赴澤州援李存璋,而歸賀德倫。 晉、絳之兵自陰地入。 領 建先統兵三千在潞州,亦與孟遷降於汴,及叔踪之入寇也, 別 四月,汴將氏叔踪率兵五萬自太行路寇澤、潞,魏博大將張文恭領軍自新口入, 將 。 孟 白 遷開門迎,沁州刺史蔡訓亦以城降於汴,氏叔踪悉其衆趨石會關。 李 國 與鎭州大將石公立自井陘入, 氏叔踪、康懷英營於澤州之昂車。 自井陘入,原本脫「自」字, 昂車,原本作「昂卑」,考**通鑑及**册 審建 爲其鄉導。 今據通鑑增入。(影庫本粘籤 是時,偏將 **汴人營於洞** 氏叔琮 葛從 府元龜 軍

唐

武

皇紀

下

衆, 陷 承 芻糧 天 軍 不 給,復多痢 及 攻壽陽, 瘧, 遼 州 師人多死。 刺史張鄂以城降於汴,都人大恐。 時大將李嗣昭、 李嗣源 每 時霖 夜率驍騎突營拖殺, 雨 積旬 || |軍 屯聚旣 敵衆

恐懼

叔琮旣旋軍,過路州,擄孟遷以歸。 是歲、井、汾饑、粟暴貴,人多附瑭爲亂,嗣昭 汴 軍之將 五. 月,汴軍皆退。 入寇也, 汾州 刺 氏叔琮軍出石會, 史李瑭據城叛, **汴帥以丁會爲潞州** 以連汴· 周德威、 悉力攻城、三日 、李嗣昭以精騎五千躡之,殺戮萬計。 至是武皇令李嗣昭 節 度 使。 而拔, 擒李瑭等斬於晉陽市。氏 李存審將 兵討之。

鳳翔,李茂貞、韓全誨請召克用入衞,克用間道遣使者奔問,並詒書全忠, 陳當時利害,請復舊好。 城 來降。 昭率兵三千自沁州趨平陽,遇汴軍於晉州北,斬首五 六月,遺李嗣昭、 武皇以汴寇方盛,難以兵服,佯降心以緩其謀,乃遣 周德威將兵出陰地,攻慈、隰二郡,隰州刺史唐禮、慈州 十一月壬子,汴帥營於渭濱。 甲寅, 勸還汴,全忠不答。(舊五代史考異) 百級 牙將張特 天子出幸鳳翔 持幣馬書檄以諭之, 刺史張瓌 案新唐書: 武皇遣 並以 帝如

寧、氏叔琮將兵十萬,營於蒲縣之南。 有 虹貫德威之營。戊午,氏叔琮率軍來戰,德威逆擊,爲汴人所敗,兵仗、輜車委棄殆盡。 天復二年二月,李嗣昭、周德威領大軍自慈、隰進攻晉、絳,營於蒲縣。 乙巳,汴帥自領軍至晉州,德威之軍大恐。三月丁巳, 乙未, 汴將朱友

朱友 德威 |寧長驅至汾州,慈、隰二州復爲汴人所據。 、李嗣昭緣 山保其餘衆而旋。 武皇 驅丁壯登陴拒守,汴軍攻城日急,武皇召李嗣昭、周 辛酉,汴軍營於晉陽之西北,攻城西門,

妃|劉 徳威 斬將搴旗,敵人扞禦不暇,自相驚擾。 氏 等謀將出奔雲州,嗣昭以爲不可。 、亦極言於內,乃止。 居數日,亡散之士復集,軍城稍安。 丁卯,朱友寧燒營而遁,周德威追 李存信堅請且入北蕃,續圖 李嗣昭與李嗣源夜入汴軍, 進取, 至白壁關 嗣昭等固爭之,太 ,白壁關,原

本作「向辟」,今從歐陽史改正。(影庫本粘籤)俘斬萬計,因收復慈、隰、汾等三州。

家賣馬自給。今四方諸侯皆懸重賞以募勇士,吾若束之以法,急則棄吾, 之,左右或以爲言,武皇曰:「此輩膽略過人,數十年從吾征伐,比年以來,國藏空竭,諸軍之 天復三年正月,天子自 武皇怒,笞嗣昭及李存審而削其官。 武皇遣李嗣昭討之,仁恭遣將以兵五 鳳翔歸京。 五月, 是時, 萬 雲州都將王敬暉殺刺史劉 來援雲州 親軍萬衆皆邊部人, ,嗣昭退保樂安,燕人擴敬暉 動違紀律,人甚苦 再立, 以城歸於劉 吾安能獨保此 ,棄城

戶,實封三百戶。 不復西矣 天祐元年閏四月,汴帥迫天子遷都於洛陽。 !」遣使者奔問行在。(舊五代史秀異)五月乙丑,天子制授武皇叶盟同力功臣, 八月,汴帥遣朱友恭弑昭宗於洛陽宮,輝王卽位。 案新唐書: 帝東遷, 韶至太原,克用泣謂其下曰:「乘 告哀使至晉陽,武皇南 加食邑三千

乎

俟時開運泰,吾固自能處置矣。」

三五九

向慟哭、三軍縞素。

元年,新唐書作天祐元年,與薛史異。 |州之東,握手甚歡、結爲兄弟,旬日而去,留馬千匹,牛羊萬計, 天祐二年春,契丹阿保機始盛,武皇召之,阿保機領部族三十萬至雲州,與武皇會於雲 歐陽史與薛史同。 义,契丹國志作晉王存勗與契丹連和,會於東城,殊誤(五)。 案 : 武皇會契丹於雲州,通鑑作開平 {東

都事略: 天祐 契丹與晉王會在天祐三年。 三年正月,魏博旣殺牙軍,魏將史仁遇據高唐以叛,遣人乞師於武皇,武皇遣李嗣 遼史太祖紀與薛史同。 期以多初大舉渡河

昭率三千騎攻邢州以應之,遇汴將牛存節、張筠於青山 口,嗣昭 不利 而 還

月, 通鑑俱作「溥」,今改正。(影庫本粘籤) 解滄州之圍。 路州節度使丁會開門迎降,命李嗣昭爲路州節度使,以丁會歸於晉陽 九月,汴帥親率兵攻滄州,幽州劉仁恭遣使來乞師,武皇乃徵兵於仁恭, 仁恭遣掌書記馬郁、都指揮使李溥等將兵三萬, 會於晉陽, 武皇遣周德威 李嗣昭合燕軍以攻澤、 李溥,原本作「李倩」, 將攻路州,以 考册府元龜及 路。

天祐四年正月甲申,汴帥聞路州失守,自滄州燒營而遁。

使至, 四月,天子禪位於汴帥,奉天子爲濟陰王,改元爲開平, 勸武皇各王一方,俟破賊之後,訪唐朝宗室以嗣帝位, 然後各歸藩守。 國號大梁。 是歲, 武皇不從, 四川 王建遣 以

書報之曰:

生此厲階,永爲痛毒,視橫流而莫救,徒誓檝以興言。 駭惕異常。 竊念本朝屯否,巨業淪胥,攀鼎駕以長違, 撫彤弓而自咎。 淚下霑衿、倍鬱申胥之素,汗流浹背,如聞蔣濟之言。蔣濟,原本作「蔣沇」,今 別捧函題,過垂獎諭,省覽周旣, 默默終古,悠悠彼蒼,

損於 據。 位,陵谷有變遷,或箠塞長河、泥封函谷,時移事改、理有萬殊。 兵校戰,二十餘年,竟未能斬新莽之頭顱,斷蚩尤之肩髀,以至廟朝顚覆,豺虎縱橫。且 從册府元龜改正。(影庫本粘籤) 改正。(影庫本粘籤) 授任分憂、叨榮冒寵(弘),龜玉毀櫝,誰之咎歟!俯閱指陳,不勝慚恧。 可奪牛。 下,亦無恨矣。 、功名,適當逐鹿之秋,何惜華蟲之服。 孫權父子,不顯授於漢恩,劉備君臣, 僕經事兩朝、受恩三代,位叨將相,籍係宗枝,賜鈇鉞以專征,徵苞茅而問罪。 誓於此生,靡敢失節,仰憑廟勝,早殄寇讎。 奕世輸忠, **忝佩訓詞**, 粗存家法。 唯僕累朝席寵,席鼈,原本作「膺體」,今從冊府元龜 自微興於涿郡。 善博奕者唯先守道, 如其事與願違,則共臧洪遊於地 得之不謝於家世, 即如周 末虎爭,魏初鼎 然則君臣無常 治蹊 失之無 田者不

所承良訊,非僕深心,天下其謂我何,有國非吾節也。 唯公社稷元勳,嵩、衡降祉、鎭九州之上地,負一代之弘才,合於此時,自求多福。 **慺熡孤懇,此不盡陳。**

書二 武皇紀下

唐

援軍。 以五 英無功,乃以李思安代之。 軍將營於潞城,潞城,原本作「澤城」,考通鑑、歐陽史、五代春秋俱作李思安圍潞城,今改正。(影庫本粘籤)周德威 武皇遣周德威將兵赴援,德威軍於余吾,率先鋒挑戰,日有俘獲,懷英不敢卽戰。 南 一千騎搏之,梁軍大敗,斬首千餘級。 五 梁祖 月,梁祖遣其將康懷英率兵十萬圍潞州,懷英驅率士衆,築壘環城,城中音信斷絕。 山 口築夾道,連接夾寨,以通饋運,自是梁軍堅保夾寨。 調發山東之民以供饋運, 案: 李思安之代懷英,通鑑作七月事,與薛史繫五月異。(舊五代史考異) 德威日以輕騎掩之,運路艱阻,衆心益恐。 思安退保堅壁,別築外壘,謂之「夾寨」, 以抗我之 梁祖 李思安乃 思安引 以懷

多十月,武皇有疾。 是時晉陽城無故自壞,占者惡之。

補太 未幾,人有知其謀者,擒之。 度使,封 所養也。 七 日 部落 1除服。 궲 天站 晉王 武皇,本朱耶赤心之後,沙陀部人也。 所疾。 其後言訛,以「諸」爲「朱」,以「爺」爲「耶」。 五. 莊宗卽位,追諡武皇帝,廟號太祖 年正月戊子朔,武皇疾革。 太祖 武 皇之有河東也 恐禍及,遂舉族歸唐,授雲州刺史,賜姓李,名克用。 武皇初甚怒,旣而謂所親曰〔4〕:「且吾素眇一目,試召之使寫,觀其所爲如何。」及至, ,威聲大振,淮南楊行密常恨不識其狀貌, 其先生于雕窠中,酋長以其異生,諸族傳養之,遂以「賭爺」爲氏, 至太祖 辛卯,崩於晉陽,年五十三。 生,眇一目,長而驍勇,善騎射,所向 ,陵在鴈門。 **黃巢犯長安,自北引兵赴難,功成,**遂 因使畫工詐爲商賈,往河東寫之。 永樂大典卷七千一百五十四。 遺令薄葬,發喪後二十 無 敵, 時謂: 之「獨 拜太原節 言非一父 畫 五代史 眼龍 工 武皇 到,

按膝厲聲曰〔八〕:「淮南使汝來寫吾眞,必畫工之尤也,寫吾不及十分,卽階下便是死汝之所矣。」畫工再拜下筆。 暑,武皇執八角扇,因寫扇角半遮其面。 武皇曰:「汝韶吾也」。 遽使別寫之,又應聲下筆, 畫其臂弓撚箭之狀, 仍微合 時方盛

目以觀箭之曲直。 武皇大喜,因厚賂金帛遣之。 五代史闕文:世傳武皇臨薨, 以三矢付莊宗曰:「一矢討劉仁恭,

不先下

幽州,河南

未可圖也。

一矢擊契丹,

且曰阿保機與吾把臂而盟,結爲兄弟,誓復唐家社稷,今背約附賊,

汝必

伐

汝

之。一矢滅朱溫,汝能成吾志,死無憾矣。」莊宗藏三矢於武皇廟庭。 喜殺,左右有小過失,必置於死。 褻,使親將負之以爲前驅。 凱旋之日,隨俘馘納矢於太廟。伐契丹,滅朱氏亦如之。又,武皇眇一目,謂之「獨眼龍」。 初諱眇,人無敢犯者,嘗令寫眞,畫工卽爲撚箭之狀,微瞑一目,圖成而進,」或皇大悅,賜 及討劉仁恭,命幕吏以少牢告廟,請一矢,盛以 性 錦

斯亦幸焉。 晉,可謂有功矣。然雖茂勤王之績,而非無震主之威。 英才,豈有興王之茂業。 之幸,比夫桓、文之輔周室,無乃有所愧乎!洎失援於瀟、絳, 史臣曰:武皇肇跡陰山、赴難唐室、逐豺狼於魏闕、殄氛祲於秦川、賜姓受封、奄有汾、 泳樂大典卷七千一百五十四。 矧累 功積德,未比於周文;創業開基,尙虧於魏祖。 及朱旗屯渭曲之師, 久垂 翅於井、汾, 俾翠輦有石門 追諡爲「武」, 若非嗣子之

校勘記

(1) 正月 劉本、舊五代史考異同。 舊唐書卷二〇昭宗紀作「二月」。

(三) 乾寧元年 「乾寧」二字原無,據舊五代史考異、殿本考證補。

(三) 樞密使駱全瓘……請天子幸 「幸」下疑有脫誤。通鑑卷二六〇記此事作「樞密使駱全瓘奏請

車駕幸鳳翔」。

(質)安塞 原作「安寨」,據殿本、劉本改。 通鑑卷二六一注:「安塞軍在蔚州之東,嬀州之西。」

至 武皇會契丹於雲州……殊誤 五十五字原無,據舊五代史考異補。

[代] 叨榮冒寵 「榮」原作「策」,據<u>彭</u>校及冊府卷七改。

(七) 旣 而 謂 所親 日 原作「旣而親謂曰」,據五代史補卷二改。

(宋) 按膝 原作「接膝」,據殿本、劉本、五代史補卷二改。

舊五代史卷二十七

唐書三

莊宗紀第一

瑜年十一,薛、歐陽二史俱同,徐注作年四十三,誤。(舊五代史考異)從行。初令入覲獻捷,迎駕還宮,昭宗 以甲辰年生,乾寧二年破王行瑜時當云年十二。今考五代會要,莊宗以光啓元年生,年四十二。北夢瑣言載莊宗獻王行 武皇之討王行瑜,帝時年十一,案:歐陽史從薛史作十一。吳縝寨誤據徐無黨注,莊宗年四十三,逆推之,當 侍左右。載誕之辰,紫氣出於牕戶。及爲嬰兒,體貌奇特,沈厚不羣,武皇特所鍾愛。 朔,無癸巳,今從五代會要改正。(影庫本粘籤) 歲在乙巳,

冬十月二十二日癸亥, 見駭之,曰:「此兒有奇表。」因撫其背曰:「兒將來之國棟也,勿忘忠孝于予家。」因賜鸂鶒 莊宗光聖神閔孝皇帝,諱存勗,武皇帝之長子也。 生帝於晉陽宮。 癸亥,原本作「癸巳」,五代會要作癸亥。考舊唐書, **姙時**, 母日貞簡皇后曹氏,以唐光啓元年 曹后嘗夢神人, 黑衣擁易, 光啓元年十月壬寅 夾 及

書

莊

宗紀

第一

通大義。 及壯,便射騎,膽略絕人,其心豁如也 史,改汾、晉二郡,皆遙領之。帝洞曉晉律,常令歌舞于前口。 酒 后、翡翠盤 案北夢瑣言云: 昭宗曰:「此子可亞其父。」 時人號曰「亞子」。 十三習春秋, 賊平,授檢校 手自繕寫 司 空、 隰州 刺

心。 據通鑑改正。(影庫本粘籤)時事多難,梁將氏叔琮、康懷英頻犯郊圻,案:懷英本名懷貞,後因避熙末帝 而 諱,始改名懷英。 臣 緩於禁制,唯帝不平之,因從容啓於武皇,武皇依違之。及安塞不利之後,安塞,原作「安寒」,今 「擾籠」,今據文改正。(影庫本粘籤)因多不法,或陵侮官吏,豪奪士民,白晝剽攘,酒博喧競。 觀之,殆其極矣。 于 物不 武皇起義雲中,部下皆北邊勁兵,及破賊迎鑾,功居第一,由是稍優寵士伍, 帝因啓曰:「夫盛衰有常理,禍福繫神道。家世三代,盡忠王室,勢窮力屈,無所 極則不反 薛史前後統作懷英,今仍其舊。(舊五代史考異) ,惡不極則不亡。 大人當遵養時晦,以待其衰,何事 今朱氏攻逼 一乘輿,窺伺神器,陷害良善,誣 土疆日蹙,城門之外,鞠爲戰場, 輕爲沮喪!」太祖釋然,因奉觴作樂 誑 神 優寵,原本作 武 祇 以 愧

吾復 惲者,唯我與<u>仁</u>恭爾,我之興衰,繫此一舉,不可失也。」<u>太祖乃徵兵於燕,攻取潞州,旣而</u>丁 一振之道也,不得以嫌怨介懷。 及 滄州 劉守文爲梁朝所攻,其父仁恭遣使乞師,武皇恨其翻覆,不時許之,帝白曰:「此 且九分天下,朱氏 、今有六七,趙、魏、中山 在佗廡 下, 賊所

付後

(事,唯卿等所教。」及武皇厭代,帝乃嗣王位于晉陽,時年二十有四。 天祐五年春正月,武皇疾篤,召監軍張承業、大將吳珙謂曰:「吾常愛此子志氣遠大,可

得謁見、監軍使張承業排闥至廬所、言曰:「夫孝在不墜家業,不同匹夫之孝。 州屯留縣界。今改正。(舊五代史考異)以軍城易帥, |未立,竊慮兇猾不逞之徒,有懷覬望。 又||汔壓境,利我凶衰,苟或搖動,則倍張賊勢, 汴人方寇路州,周德威宿兵於

亂柳,案:原本作「亂楊」,考歐陽史作亂柳。 竊議 忷 忷, 訛言播於行路。 胡三省通鑑注云:亂柳在路 帝方居喪, 且君父厭世, 將吏不

訛言不息,懼有變生。請依顧命,墨綾聽政,保家安親,此惟大孝。」帝於是始聽斷大事

嗣主

各綰 以陰計干克寧曰:「兄亡弟立,古今舊事,季父拜姪,理所未安。」克寧妻素剛狠,因激怒克 先拜賀。 且 府 事 請 讓季父,曰:「兒年幼稚,未通庶政,雖承遺命,恐未能彈壓。季父勳德俱高,衆情推伏, 強兵,朝夕聚議,欲謀爲亂。 制置軍府,俟兒有立,聽季父處分。」克寧曰:「亡兄遺命,屬在我兒,孰敢異議!」因率 時振武節度使克寧,卽帝之季父也,爲管內蕃漢馬步都知兵馬使,典握兵柄。 初,武皇獎勵戎功,多畜庶孽,衣服禮秩如嫡者六七輩,比之嗣王,年齒又長,部下 及帝紹統,或強項不拜,鬱鬱憤惋,託疾廢事。 會李存顥 帝以軍

九州, 寧, 陰圖 通鑑作 禍 河東九州。 亂 存顥欲於克寧之第謀害張承業、李存璋等,以丼、汾九州歸附於梁, 胡三省注云: 河東領丼、遼、沁、汾、石、忻、代、嵐、憲九州。 附識于此。(舊五代史考異) 案...并、汾 送貞

相 克 屬 簡太后爲質。 魚 寧所誘, 郡,帝悉俞 肉, 予當避路,則 盡得其情,乃來告帝。 允, 克寧意將激發,乃擅殺大將李存質,請授己雲州節度使,割蔚、朔、應三州 然 · 知 其 陰 禍亂不作矣。」承業曰:「臣受命先王(三),言猶在耳。 禍 有 日 帝謂 矣。 張承業曰:「季父所爲 克寧俟帝過其第則 圖 如 竊 此,無猶子 發。 時幸臣史敬鎔者, 之情,骨肉 存顯輩 欲以太原 不 可自

降賊,王欲何路求生?不卽誅除,亡無日矣。」因召吳珙、李存璋、李存敬、朱守殷 咸憤怒。 諭其謀,衆

是月,唐少帝崩於曹州,梁祖使人酖之也。 帝聞之,舉哀號慟

二月壬戌,

案 :

原本作「丙戌」,今據通鑑改正。(舊五代史考異)

命存璋伏甲以誅克寧,遂

靖其難。

澤州 三月, 以劉 知俊爲招討使以代思安,以范君寔、劉重霸爲先鋒, 周德威尙在亂柳,梁將李思安屢爲德威所敗, 閉壁 牛存節爲撫遏, 不 Щ 是時, 梁祖 統 自將兵至 大軍營於

長子。

遂 停斥候。 几 月, 帝召德威軍歸晉陽。 梁祖亦自澤州歸洛。 汴人旣見班師,知我國禍, 帝知其無備, 乃謂將佐曰〔三〕「汴人聞我有喪,必謂不能 以爲潞州 必取, 援軍 無俟 再

興師; 原。 吾憤激之衆,擊彼驕惰之師,拉朽摧枯,未云其易,解圍定霸,在此一役。」 **甲子,軍發自**太 己巳,至潞州北黃碾下營。 又以我少年嗣位,未習戎事,必有驕怠之心。若簡練兵甲,倍道兼行,出其不意,以 案: 原本作「黄張」,通鑑作黃碾。 胡三省注云: 黄碾村在潞州潞城縣。

正。(舊五代史考異) 五月辛未朔, 晨霧晦暝, 帝率親軍伏三垂崗下, 詰旦, 天復昏霧, 進軍直抵夾城。 時|李

岡 委甲,噎塞行路,斬萬餘級,獲其將副招討使符道昭洎大將三百人,獨粟百萬。 道進攻,軍士鼓譟,三道齊進。 衰老之狀,聲調悽苦。武皇引滿,捋鬚指帝曰:「老夫壯心未已,二十年後,此子必戰於此。」 武皇校獵於三垂崗,崗上有玄宗原廟在焉。 吾家諸子乃豚犬爾。」初,唐龍紀元年,帝纔五歲,案歐陽史:克用破孟方立于邢州,還軍上黨,置酒三垂 懷英得百餘騎,出天井關而遁。 嗣源總帳下親軍攻東北隅,李存璋、王霸率丁夫燒寨,斸夾城爲二道,周德威、李存審各分 時莊宗在側,方五歲。考克用邢州之役在文德元年,今以莊宗生年計之,當從薛史作龍紀元年。(舊五代史考異) 李嗣源壞夾城東北隅,率先掩擊,梁軍大恐,南向而奔,投戈 梁祖聞其敗也,旣懼而歎曰:「生子當如是, 武皇於祠前置酒,樂作,伶人奏百年歌者,陳其 李氏不亡矣! 梁招討使康 從

是月, 周德威乘勝攻澤州,刺史王班登城拒守,王班,原本作「玉辨」,今據通鑑及歐陽史改正。(影庫

唐

及是役也,果符其言焉。

實錄云 晉陽, 本粘籤) 告廟飮至,賞勞有差。 李存璋進攻澤州, 梁將劉 知俊 自晉、絳將兵赴援,德威退保高平。 刺史王班棄城 乃下令於國中,禁賊盜,恤 流而去, 澤、潞悉平。殊失事實。 案 : 孤寡,徵隱逸,止貪暴, 通鑑從薛史。(舊五代史考異) 澤州因牛存節之救得全。 峻隄防, 帝遂班 通鑑考異引莊宗 寬獄 師

訟,朞月之間,其俗丕變。 自茲而 基矣。 帝每出,於路遇饑寒者,必駐馬 而臨問之,由是人情大悅,王

張承業率師赴之。 六月,鳳翔李茂貞 遣使會兵於帝, 帝遣

隰州 與梁將尹皓戰于神山北,梁人大敗。 九月,邠、岐、蜀三鎭復大舉攻長安,遣李嗣昭、周德威將兵三萬攻晉州以應之。 案歐陽史:九月丁丑,如懷州。 通鑑作周德威等聞梁帝將至, 是時,晉之騎將夏侯敬受以一 乙未, 退保隰州。 軍奔于梁, 是德威之退師, 徳威乃! 因 梁祖 之親至 徳 威

正。(影庫本粘籤) 薛史唐紀不載 「耐六年秋七月、那、岐二帥及梁之叛將劉知俊俱遣使來告、 將大舉以伐靈、夏,兼收關輔,請出兵晉、絳,以張兵勢。 叛將,原本作「判將」,

也

一十餘步,城中血戰拒守。 月 了, 帝 御 軍南征,先遣周德威、李存審、丁會統大軍出陰地關,攻晉州,爲地道, 梁祖遣楊師厚領兵赴援,德威乃收軍而退。 案通鑑引莊宗實錄云: 汴 壞城

退。(舊五代史考異

敗汴軍於寧州,靈、夏危蹙,岐、隴之師大舉,決取河西。 天祐七年秋七月,鳳翔李茂貞、邠州楊崇本皆遣師來會兵,同討靈、夏。 帝令周德威將兵萬 人,西渡河以應 且言劉知俊三

九月,德威班師。

是役也,劉知俊爲岐人所構,乃自退。

冬十月,梁祖遣大將李思安、楊師厚率師營於澤州,以攻上黨。

深、冀,鎭人懼,故來告難。 鎭、定,兼幷,原本作「兼兵」,今據文改正。(影庫本粘籤)遣供奉官杜廷隱、 十一月,鎭州王鎔遣使來求援。 帝集軍吏議之,咸欲按甲治兵,徐觀勝負,唯帝獨斷,堅欲救之, 是時,梁祖以羅紹威初卒, 丁延徽督魏軍三千人入于 全有魏博之地,因欲兼幷

乃遣周德威率軍屯于趙州。 是月,行營都招討使丁會卒。

爲副,相州刺史李思安爲前鋒,會魏州之兵以討王鎔。又令閻寶、王彥章率二千騎,會景仁 十二月丁巳朔,梁祖聞帝軍屯趙州,命寧國軍節度使王景仁爲北面行營招討使,韓勍 丁丑,景仁營於柏鄉,帝遂親征,自贊皇縣東下。辛巳,至趙州,與周德威兵合。

唐

=

莊宗

紀第

柏 距 退。 帝令史建 鄕 河 日 無芻粟之備, 而 進 翌日 梁將韓就、李思安率步騎三萬、鎧甲炫曜,其勢甚盛, 毕 下, 距 進軍 **瑭以輕騎嘗寇** 旣而德威偵知梁人造浮橋,乃退保高邑。 柏鄉一舍, ·,距柏鄉 梁軍以樵采爲給,爲帝之遊軍所獲,由是堅壁不出,剉屋茅坐席以秣其 五 ,獲芻牧者二百人、問其兵數,精兵七萬。 周德威、史建瑭率蕃落勁騎以 里, 案:原本作「七里」,今據歐陽史及通鑑改正。(舊五代史考異) 乙酉,致師於柏鄉,帝禱戰於光武 挑戰, 分道以薄帝軍。 四面 馳 是日 射, , 梁軍 帝 德威 觀兵於石 ·閉壁 遣騎軍逼其 且戰且 出,乃 橋

與張 有龍驤、神威、拱宸等軍,皆武勇之士也、每一人鎧仗,費數十萬,裝以組繡,飾以金銀,人望 軍 馬,衆心益恐。 其營。 未 定定 . 成 正 承業登高 天祐八年正月丁亥,周德威、史建瑭帥三千騎致師於柏鄉,設伏於村塢間,遣三百騎直 。(影庫本粘籤) 步兵禦之,勢不能支。與此微異。(舊五代史秀異)與、定之師與血戰,梁軍敗而復整者數四。 列, 梁將怒,悉其軍結陣而來,德威與之轉戰至高邑南,梁軍列陣、橫亙六七里。 李存璋引諸軍陣於野河之上,梁軍以五百人爭橋, 觀望,梁人戈矛 步 騎 嚴整,寂然 如東,申令之後,囂聲若雷,王師進退有序、王師,原本作「王追」,今 無聲。 帝臨陣誓衆,人百 其勇,短兵旣接,無不奮力。 梁 案 : 通鑑作梁軍橫互數里, 競前奪 時帝

長鯨而)那、洺、魏、博、衞、滑諸郡縣曰:「王室遇屯,七廟被陵夷之酷;昊天不弔,萬民罹<u>塗</u>炭之災。 敗,兩州之人悉爲奴擄,老弱者皆坑之。己亥,遣史建瑭、周德威徇地 食。 帝號令收軍於趙州。 萬級,獲馬三千匹,鎧甲兵仗七萬,輜車鍋幕不可勝計。 公立旣出,指城闉而言曰:「開門納盜,後悔何追,此城數萬生靈,生爲俘馘矣!」 以深、冀之憾,不顧剽掠,但奮白刃追之,梁之龍驤、神捷精兵皆盡。 陣夾攻,梁軍大敗,棄鎧投仗之聲,震動天地,龍驤、神威、神捷諸 資財、奴僕, 至柏鄉數十 而畏之。自巳及午,騎軍接戰,至哺,梁軍欲抽退,塵埃漲天, 」帝軍 案:册府元龜載晉王諭邢(四)、洺、魏、博、衞、滑諸郡縣檄。 天祐八年正月, 數日,廷隱閉城殺鎭兵數千人,遂登陴拒守,王鎔方命公立攻之,即有備矣。 時王鎔將石公立戍深州,欲杜關不納,鎔遽令啓關,命公立移軍於外,廷隱遂據其城。 清四海,靖祇祲以泰三靈。予位忝維城,任當分閩,念茲顚覆,詎可宴安。 齊躁以 里,殭 皆爲帝軍所有。 一屍枕籍,敗旗折戟,所在嚴 進, 旣而梁人棄深、冀二州而遁。 魏 人收軍 梁將王景仁、韓勍、李思安等以數十騎夜遁。 漸退。 李嗣 地。 源率親軍與史建瑭、 夜漏一鼓, 帝軍入柏鄉, 與薛史互有詳略,今附識于此。(影庫本粘籤) 杒, 杜廷隱之襲深、冀也,聲言分兵就 擒梁將陳思權以下二百八十五人。 周德威等破賊,**徇地** 故仗威、文輔合之規,問齊、浞凶狂之 德威周麾而 軍,殺戮殆盡, 安金全兼北部吐渾諸軍衝 必有英主奮庸,忠臣仗順,斬 于邢、魏,先馳 是役也,斬首二 梁軍輜重、帳幄、 呼曰:「汴人走 邢、洛, **通** 及柏鄉之 因投刃泣 先馳 機以 云 自陣 |趙 諭 人

唐

我太祖 舉族以 謀夫猛 罪。 洛州 難,遂 師, 周 籤) 官 邢、洺之衆、感 趙州特發使車,來求援助。 抱沉寃。 飄, 仁安耕 則改 、漢,迹盛伊、唐,二十聖之鎡基,三百年之文物。外則五侯九伯,內則百辟千官,或代襲簪纓,或門傳忠孝,皆遭陷害, 授以七 逆溫碭山庸隸 夜入邢州。 被脅從。 從軍 補 俯憐窮鳥,曲爲開懷,特發表章, 將,盡作俘囚。 梁祖 官資, 且|鎭 が織。 擒之略。 -,皆 令其將徐仁浦將兵五 、定兩藩,國家巨鎭,冀安民而保族,咸屈節以稱藩。 恩懷義之人,乃祖 予恭 空嘗膽以銜寃, 百 審料興亡,能圖富 姓 ,巢孽餘凶,當僖宗奔播之初,我太祖掃平之際,東身泥首,請命牙門,苞藏姦詐之心, 鸛 則 行天罸,罪 張承業、李存璋以三鎭步兵攻邢州,遣周德威、史建瑭將三千騎,長驅至澶 区室 |鵝纔列,梟獍大奔,易如走坂之丸,勢若燎原之火。 優加賞賜,所 一旣快於天誅,大憝須垂於鬼錄。 予情惟盪寇,義切親仁,躬率賦輿,赴茲盟約。 竟無 止 乃孫, 貴, 元凶,已外歸 經註誤, 門而雪憤 殊勳茂業,翼子 爲聖唐赤子, 請帥梁汴, 百 更不 , 明 旣 聞告捷, 徐仁浦,通鑑作「仁溥」, 推 纔出崔蒲之澤, 窮。 切不 胎孫. **岢狗** = 轉 問 想所慰懷。 虎狼之黨, 一鎭諸 凡 今則選蒐兵甲,簡練車徒, 禍 阚 見機,決 軍, 士 逆溫唯仗陰謀〔五〕,專行不義,欲全吞噬,先據屬州。 棄, 便居茅社之尊, 已申 今義旅 遂忘覆: 在今日。 咸諒予懷。」 -嚴令, 考薛史前後俱作「浦」, 僵尸 賊將王景仁將兵十萬, 徂征, 載之恩。 ,仆地, 不得焚燒 若能 止于 殊不感恩, 流血 帝御 蓋以 詣 乘勝長驅 招 轅門 廬舍, 撫。 成川。 封涿長蛇, 親 而 昔耿純焚廬而 效順, 軍 ,翦除元惡。 今姑仍其舊。(影庫 遽行猜忍。 剽 組甲 屯據柏鄉, 南 掠 馬牛, -雕戈, 征 開 馮陵荐食, 惟示婦人之態。 城 堡 庚子 我國家祚 但 凡 **遂驅三鎭之** 皆投草莽; 向 以 仰 爾魏、博、 迎 順 無方逃 降, 所 , |本粘 蕭 在 至 隆 長 永 生 何

魏

,帝與李嗣源率親軍繼進

陽都將張從楚、曹儒以部下兵三千人來降,立其軍爲左右匡霸使。 誰從予者?」癸亥,帝觀河於黎陽。 庚午,梁祖 地貝郡,攻博州,下東武、朝城。 之,其城幾陷。 德威以騎掩擊,迫入觀音門。 下令班師。 二月戊午,師次洹水,周德威進至臨河。 在洛,聞王師將攻河陽,率親軍屯白馬坡。 帝至趙州,王鎔迎謁。 帝歎曰:「予爲兒童時,從先王渡河,今其忘矣。 是日,王師迫魏州,帝舍於狄公祠 時澶州刺史張可臻棄城而遁,遂攻黎陽〔8〕,下臨 翌日,大饗諸軍。 是時,梁祖發兵萬餘將渡河, 己未,魏帥羅周翰出兵五千,塞石灰窰 壬午,帝發趙州,歸晉陽,留周德威戍 案:通鑑作白馬阪。(舊五代史考異) 西。 方春桃花水滿,思一觀之, 聞王 乙丑,周德威自 周翰閉壁自 師至,棄 介舟而 固 河 壬申,帝 ,帝軍攻 、淇門。 退。 臨淸狗 口 周

籤) 鎭」,今據通鑑改正。(舊五代史考異) 周德威、天德宋瑤六節度使共奉册于守光。 至晉陽宮,召監軍張承業諸將等議幽州之事,乃遣牙將戴漢超齎墨制井六鎭書,案:原本作「大 推劉守光爲尚書令、尚父,守光由是凶熾日甚,遂邀六鎭奉册。 月己丑,鎭、定州各遣使言幽州劉守光凶僭之狀,請推爲尙父,以稔其惡。 胡三省云:五鎭井河東而六。 六鎭,原本作「大鎭」,據通鑑:晉王與王鎔及義武王處直、昭義李嗣昭、振武 知原本「大」字係傳寫之訛,今改正。(影庫本粘 乙未, 帝

五月、六鎭使至幽、梁使亦集。 案通鑑考異引莊宗實錄云:三月己丑,鎭州遣押衙劉光業至,言劉守光凶

唐書

Ξ

莊宗紀

惡。 淫縱毒(+),欲自尊大,請稔其惡以咎之,推爲尚父。乙未,上至<u>晉陽宮,召張承業諸將等議討燕之謀</u>, 上令押衙戴漢超持墨制及六鎭書如幽州, 諸將亦云宜稔其

威、昭義節度使李嗣昭、易定節度使王處直、鎭州節度使王鎔、河東節度使尚書令晉王謹奉册進盧龍橫海等軍 太尉、中書令、燕王爲尚書令、尚父。」五月,六鎭使至,汴使亦集。 其辭曰:「天祐八年三月二十七日,天德軍節度使宋瑤、 六月,守光令有司定尚父、採訪使儀則(よ)。(舊五代 振武節度使 節度、檢 周 德 }史 校

考異) 是月,梁祖遣都招討使楊師厚將兵三萬屯邢州,帝令李嗣昭出 師掠相、 衞 而 還

秋七月,帝會王鎔於承天軍 鎔, 武皇之友也,帝奉之盡敬, 捧巵酒爲壽, 鎔亦捧酒鑄

帝。鎔幼子昭誨從行,因許爲婚。

月甲子, 幽州 劉守光僭稱大燕皇帝 ,年號應天。

九月庚子, 梁祖 將親軍 自洛 渡河 而 北 , 至相州 ,聞帝軍未出,乃止。

十月,幽州 劉守光殺帝之行人李承勳,忿其不 行朝禮 也。

月辛丑 一,燕人侵易、定, 案:通鑑作戊申,燕主守光將兵二萬寇易、定。 薛史作辛丑,與通鑑異。(舊五

代史考異)王處直來告難。

幽州。 十二月甲子, 泳樂大典卷七千一百五十五。 帝遣 周德威、 劉光溶、 李嗣源及諸將率蕃漢之兵發晉陽, 伐劉守光於

校勘記

(三) 先王 (1) 常令歌舞于前 原作「先帝」,據殿本改。舊五代史考異云:「案原本作『先帝』,考晉王嗣位之初,武皇尚 殘宋本冊府卷四三「常」上有「武皇」二字,明本冊府作「武皇帝令歌舞于前」。

未追稱爲帝,今改正。」

(三) 乃謂將佐日 「佐」字原無,據彭本補。

晉王諭 那 「邢」字原無,據殿本、劉本、冊府卷八補。

至 逆溫唯仗陰謀 「仗」原作「伏」,據劉本、舊五代史考異、冊府卷八改。

(4) (水) 遂攻黎陽 「攻」原作「入」,據殿本改。影庫本批校云::「『入』字應作『攻』字。」

(公) 採訪使儀則 鎮州遣押衙劉光業至言劉 「儀則」二字原作「議」,據通鑑卷二六八考異改。 十一字原無,據殿本、劉本補。

唐

舊五代史卷二十八

唐書四

莊宗紀第二

本作「禮溝」,據胡三省通鑑注云:祁溝關在涿州南,易州互馬河之北。 天祐九年春正月庚辰朔,周德威等自飛狐東下。 今改正。(影庫本粘籤) 庚子,次涿州 丙戌,會鎭、定之師進營祁溝。 祁溝,原 刺史

劉知温以城歸順。 德威進迫幽州,守光出兵拒戰,燕將王行方等以部下四百人來奔。

周彝攻鎭州之棗強,命賀德倫攻蓨縣。 彝爲副; 月庚戌朔,梁祖大舉河南之衆以援守光,以陝州節度使楊師厚爲招討使,河陽李周 青州賀德倫爲應接使,鄆州袁象先爲副。 甲子,梁祖自洛陽趨魏州,遣楊師厚、李

審與史建塘以三千騎屯趙州,相與謀曰:「梁軍若不攻蓨城,必西攻深、冀。 三月壬午,梁祖自督軍攻棗強。 甲申,城陷,屠之。 案 通鑑作丙戌。(舊五代史考異) 吾王方北伐,以 時李存

唐

案通鑑後梁紀云:帝燒營夜遁,迷失道,委曲行百五十里。 都督 其亡師於蓨故也。 不可勝計。(舊五代史考異) 生。 帥,遣人送款于梁,亦乞降于帝。 俘斬而旋。 南 鄙之事付 各領百餘騎,旗幟軍號類梁軍,與芻牧者雜行,暮及賀德倫營門,殺守門者,縱 翌日, 諸軍皆至,獲獨牧者數百人,盡殺之,縱數人逸去, 我 又執芻牧者,斷其手令迴,梁軍 豈 梁祖先抱痼疾,因是愈甚。辛丑,滄州都將張萬進殺留後劉繼威,自爲滄 可坐觀其弊。」乃以八百騎趨冀州, 梁祖聞之大駭,自棗強馳歸貝州,殺其將張正言、許從實、朱彥柔, 戊申,一 周德威遣李存暉攻瓦橋關,下之。 乃夜遁。 戊子旦,乃至冀州。 蓨人持鉏耰白挺追擊之, 悉獲其輜 扼下博橋,令史建瑭、李 且告:「晉王至矣。」 都督分道擒 建瑭與李 火大呼, 重。 以 械

几 月丁巳,梁祖 自魏南歸,疾篤故也。 戊申、李嗣源攻瀛州、拔之。

浅異) 擒 五 月乙卯朔, 大將單 ·廷珪, 周 徳威 斬首 大破燕軍於羊頭尚, 五千餘級。 德威自 涿州進軍于 案: 通鑑作龍頭岡, 考異引莊宗實錄作羊頭岡。(舊五代史 幽州 營于城下。

里 月己 酉,攻其 西門,燕人出戰, 敗之。

月戊 寅 梁祖 爲其子友珪所弑,友珪 僭卽帝位于洛陽

秋八月, 朱 ·友珪 遣其將韓勍 康 懷英、 牛存節率兵 (五萬 急攻河中。 朱友謙遣使來求

援,帝命李存審率師救之。

氏,梁軍解圍而去。 白徑嶺,原本作「百徑」,據胡三省通鑑注云: 月癸未,帝自澤州路赴河中,遇梁將康懷英於平陽,破之,斬首千餘級,追至白徑嶺, 庚申,周德威報劉守光三遣使乞和,不報。 白徑嶺在河中安邑縣東。 今改正。(影庫本粘籤)朱友謙會帝於猗 丁卯,燕將趙行實來奔。

天祐十年春正月丁巳,周德威攻下順州,獲刺史王在思。

友貞 〈卽位於汴州。 二月甲戌朔,攻下安遠軍,獲燕將一十八人。 丙申,周德威報檀州 刺史陳確以城降 庚寅,梁朱友珪爲其將袁象先所殺,

兵救武州,降元行欽 奔。 變,率戍兵攻行珪, 丙寅(二) 三月甲辰朔,收盧臺 武州刺史高行珪遣使乞降。 行珪遣其弟行温爲質, 以歸。 軍 乙丑,收古北 口。 且乞應援。 時劉守光遣愛將元行欽牧馬於 時居庸關使胡令珪等與諸戍將相繼挈族來 周德威遺李嗣源、李嗣本、安金全率 Ш 北, 聞 行珪 有

劣」,今據文改正。(影庫本粘籤) 化致書哀祈於德威,德威戲瓊化曰:「大燕皇帝尚未郊天,何怯劣如是耶 几 月甲申, 燕將李暉等二十餘人舉族來奔。 守光再遣哀祈,德威乃以狀聞。 德威攻幽州南門。 己亥,劉光濬攻下平州,獲刺 壬辰,劉守光遣使王 怯劣, 原本作 史張 惟

唐書四 莊宗紀第二

在一古。

鎭州 周 阿德威 五 時帝之先鋒將史建瑭自趙州率五百騎 月 ,德威分兵赴援,師厚移軍寇滄州,張萬進懼,遂降于梁。 主 寅 が朔 光濬進迫營州,刺史楊靖以城降。 入眞定, 乙巳, 師厚大掠鎭、冀之屬 梁將楊師厚會劉守奇率大軍侵 遂降於梁,原本作「遂師」, 邑。 王鎔告急於 今據文

六月壬申朔,帝遣監軍張承業至幽州,與周德威會議軍

改正。(影庫本粘籤)

乞降,將緩帝軍,陰令其將孟脩、阮通謀於滄州節度使劉守奇,及求援於楊師厚,帝之游騎 **擒其使以獻。是月,帝會王鎔於天長。** 諸 帥 城門。 [當令子弟一人爲質則可 [三]。] 秋 七月,承業與德威率千騎至幽州西,守光遣人持信箭一隻,乞修和 壬子, 賊將楊師貴等五十人來降。甲子, 五院軍使李信攻下莫州。 是日,燕將司全爽等十一人並舉族來奔。 辛亥,德威進攻 好。 時守光繼遣人 承業日:「燕

九月,劉守光率衆夜出,遂陷順州。

入燕城。 申,守光自檀州南山而遁,德威追及,大敗之,獲大將李劉、張景紹及將吏八百五十人,馬一 百 五 十匹。 冬十月己巳朔,守光帥七百騎、步軍五千夜入檀州。 己丑,守光遣牙將劉化脩、周遵業等以書幣哀祈德威。 守光得百餘騎遁入山谷,德威急馳,扼其城門,守光惟與親將李小喜等七騎奔 庚午,周德威自涿州將兵躡之。壬 庚寅,守光乘城以病告,復

令人獻自乘馬玉鞍勒易德威所乘馬而去。俄而劉光濬擒送守光僞殿直二十五人於軍門, 又乘城謂德威曰:「予俟晉王至,卽泥首俟命。」祈德威卽馳驛以聞

單騎 旦攻城。 臨 十一月己亥朔,帝下令親征幽州。 城邀守光,辭以佗日,蓋爲其親將李小喜所扼也。 壬戌,梯幢並進,軍士畢登,帝登燕丹塚以觀之。 通鑑從薛史。 甲辰,發晉陽。 己未,至范陽。 案 是夕,小喜來奔,帝下令諸軍, 歐陽史作十月,劉守光請降,王如 有頃,擒劉仁恭以獻。 辛酉,守光奉禮幣歸款於帝,帝 人と 據

入燕城,諸將畢賀

井陘而 曲陽, 氏、子繼祚以獻 一鎔迎 十二月庚午, | 謁於路 曲陽 西,許之。 原本作「田陽」, 庚辰,帝發幽州 己卯, 墨 一制授周德威幽州節度使。 今據文改正。(影庫本粘籤) 帝下令班 師, 擄仁恭父子以行。 自雲、代而旋。 與王處直謁北嶽祠。 癸酉, 時鎭州王鎔、定州王處直遣使請帝 甲 檀州燕樂縣人執劉守光幷妻李氏祝 申, 次定州, 是日, 舍於關城。 次行唐 [三], 翌 日 鎭 由 次

日:「燕主劉 天 祐 十一年春正 |太師頃爲隣國,今欲挹其風儀,可乎?」帝卽命主者破械, 月戊戌朔, 王鎔以履新之日 , 與其子昭祚、 昭称 引仁恭、守光至,與之 奉觴上壽置宴。 |鎔 啓

唐

四

莊

宗

紀

第二

八

<u></u>
祐十年冬始拔幽州, 陵, 一恭、守光,號令而 然後 「斬之。 + -案遼史太祖 年正月乃凱旋 是日 |紀: 也。 七年正月,晉王李存勗拔幽州,擒劉守光。 遼史誤以: 遣大將李存霸拘送仁恭于代州 次年事先一年書之。 是月, 考遼太祖七年即天祐十年,莊宗以 鎭 州 王鎔 定州 王處直 遣 使 天

推 帝爲 尚書令。 案通鑑考異引唐實錄云: 天祐 八年, 晉王已稱尙書令。 薛史作天祐十 年, 與唐實錄異。〈舊五 11

火考異) 初,王鎔稱藩於梁,梁以鎔爲尚書令,至是鎭、定以帝南破梁軍, 北定幽、薊, 乃共推

崇焉。 使三至,帝讓乃從之,遂選日受册,開霸府,建行臺,如武德故事

秋 ,既而裨將曹進金奔於梁,帝軍不利而退。 七月,帝親將自黃沙嶺東下會鎭人〔四〕,進軍邢、洛。 梁將楊師厚軍於潭東, 帝軍次

八 月,還晉陽。 張公橋

相 衞 天 澶三州 站 十二年三月,梁魏博節度使賀德倫遣使奉幣乞盟。 別爲 鎭 ,以德倫 爲 魏博節度使,以張 筠爲相州 時楊師厚卒於魏州,梁主 節度使, 張筠,原本作 「張均」,今從 方割

賀德倫傳作二十九日, 薛史梁紀改正。(影庫本粘籤) 與此紀合。 魏 (舊五代史考異) 人不從。 是月二十九 魏軍作亂, 日 夜, 囚 一德倫於牙署, 案: 通鑑考異引莊宗實錄作二十七日,今考薛史 三軍大掠。 軍士有張彦

槍, 見,以 軍 庫本粘籤) 親 妻女,數 王 師 引大軍自 加 密 衆心 素 慰撫 路張彦 銀 實 大服 槍 凶暴,爲亂軍之首,迫德倫上章請却復六州之地,梁主不從,遂迫德倫歸於帝,且乞 帝命 日 黃澤嶺東下,與存審會于 帝命 而 効節 以 退。 來 狂勃之狀, 李存 馬 梁將 五. 迎訴 步 翌 百人從,皆被甲持兵以 審 日 副 劉 帥 , 者甚衆,當斬汝等,以謝鄴 總管李存審自趙州 帝輕 師禦之,帝率親軍 且曰:「若不翦 裘 臨淸,猶疑魏人之詐,按兵不進。(舊五代史考異) 緩策 術進, 此 帥 自 令張彥部 一於魏縣 亂 人自 衞 師屯臨清,帝自晉陽東下,與存審 階, 洹 恐貽後悔。」 帝登樓諭之曰:「汝等 人。」遽令斬彦 西北, 水趣 下 軍 夾 魏縣 土 河爲 被 , 甲 帝默然,遂進 棚 及同惡者七人,軍士股慄,帝 洹水,原作「桓水」,今據通鑑改正。(影 持兵,環馬 賀德倫遣從事司 在 .城,濫殺平人,奪其 而 軍永濟。 從,命爲 會。 案通鑑: 空頸 帳前 張彦 謁 銀 晉

度, 通為德州 命(邑),南 令取便路赴任 月 通 刺 庚 劉鄩, 、寅朔, 史,以扼滄、貝之路。 又與滄州首尾 帝 ~ 入 帝下令撫諭 魏州 賀 (徳倫 相應 鄴人, 滴、貝,原本作「滄貝」,今據文改正 上 _, 一符印 聞 軍城畏肅 德州 ,請帝 無備 兼 民心 遣 領 魏州, 別 大服 將 襲 一。(影庫 帝從之。 之,遂拔 是時 本 粘籤 ٠, 人其城 以 墨 貝州 制授德倫 命遼州 張源德據 大同 牙將 軍節 壘 拒

經考異引莊宗實錄作李嚴。(舊五代史考異) 秋 --月,梁澶州 刺 史王彥章棄城而 帝至魏縣, 遁,畏帝軍之逼 因率百餘騎覘梁軍之營。 也。 以故將李巖 爲澶州刺 是日 I陰晦 史。 , 劉郭伏 案 : {通

唐

書

四

莊

宗

紀

第

八

軍

辟易,決 兵五千於河曲叢 士曰:「幾爲賊所笑。 圍 而 出, (木間,帝至,伏兵忽起,大譟而來,圍帝數十重。 **案**: 通鑑作自午至申,乃得出,亡其七騎。(舊五代史考異) 有頃援軍至, 帝以百騎馳突奮擊, 乃解。 帝 梁軍 顧謂

威至 門。 史劉鄩傳改正。(影庫本粘籤) 改正。(影庫本粘籤) 合其衆還,自邢州陳宋口渡潭水而 而死者十二三。前軍至樂平,糗糒將竭,聞帝軍追躡於後,太原之衆在前,羣情大駭。 道兼行,皆腹疾足腫,加以山路險阻,崖谷泥滑,緣蘿引葛,方得少進。 去已二日矣。 詭計誤我。」使視城中,乃縛旗於芻偶之上,使驢負之,循堞而行。 無煙火之狀,但有鳥止於壘上,時見旗幟循堞往 一臨清, 及鄭軍東下,急趨南宮,知鄭軍在宗城,遣十餘騎迫其營,擒斥候者, 是 月, 鄰起軍駐貝州。 劉鄟潛師由黃澤西趨晉陽,至樂平而還, 旣而有人自鄭軍至者,言兵已趨黃澤,帝遽發騎追之。 臨淸積粟所在,鄭欲引軍據之。 初, 鄩在洹水、數日不出, 寂 帝率親騎次博州,鄭軍於堂邑,周德威自臨淸率五百騎躡之。是 東,駐於宗城。 來。 周德威初聞鄩軍之西,自 時魏之軍儲已乏, 無聲迹,帝遣騎覘之,無斥候者,城 遂軍於宗城。 帝曰:「我聞劉鄭用兵,一步百 得城中羸老者詰之,云軍 宗城, 軍儲,原本作「申諸」,今據文 時霖雨積旬,鄭軍倍 顚墜嚴坂,陷於泥淖 原本作「宋城」,今據歐陽 幽州 斷其腕令還。 率千騎至 變,必以 |郡收 中亦 德

日

,鄭軍於華縣,帝營於華西一舍,城壘相望,日夕交鬭

八月,梁將賀瓌襲取澶州,帝遣李存審率兵五千攻貝州,因塹而圍之。

多十月,有軍士自鄭軍來奔,帝善待之,乃劉鄭密令齎酖賂帝膳夫,欲置毒於食中,

有告者,索其黨誅之。

存審守其營。鄭謂帝已臨晉陽,將乘虛襲鄴。 天祐十三年春二月,帝知劉鄩將謀速戰,乃聲言歸晉陽以誘之,實勞軍於貝州也,令李

存審 魏城 劉朝自黎陽濟,奔滑州。 重,埃 聞數十 再合,鄩引 軍自亂。 會於城下行。夜半至於南門之外。城中潛出壯士五百人,突入延直之軍,譟聲動地,梁 出戰。 大軍已成列矣。 三月,郭遣其將楊延直自澶州率兵萬人,楊延直,原本作「延值」,今據通鑑及歐陽史改正。(影庫本粘 入塵漲 連。 遲明,鄩自萃引軍至城東,與延直兵會。 天。 騎軍突西南而走。 衆既奔潰,帝之騎軍追及于河上,十百爲羣, 俄而帝自具州至,鄭卒見帝,驚曰:「晉王耶! 李嗣源以千騎突入其間,衆皆披靡,相躪 軍前後爲方陣,梁軍於其間爲圓陣,四面受敵。 是月,梁主遣別將王檀率兵五萬,自陰地關趨 帝以騎軍追擊之,梁步軍合戰,短兵旣接, |鄭之來也,李存審率兵踵其後,李嗣源自 赴水 如積。 」因引軍漸却,至故元城西(も),李 而死,梁步兵七萬殲亡殆盡 帝軍匹 兩軍初合,梁軍稍衄, 晉陽,急攻其城,昭 面 帝軍 斬擊, 鼓躁,圍之數 棄甲之聲,

唐書

79

莊宗

紀第

__

義李嗣昭遣將 石嘉才 案:梁紀作家才,唐列傳作家財。(舊五代史考異) 率騎三百赴援。 時安金全、張

遁於晉陽,梁主聞之曰:「吾事去矣! 承業堅守於內,嘉才救援於外,檀懼,乃燒營而 」三月乙卯朔, 遁,追擊至陰地 分兵以攻衛州 關 時 劉朝敗於幸縣, 壬戌, 刺史米昭以城

夏四月,攻洺州,下之。

降。

五月,帝還晉陽。

六月,命偏師攻閻寶於邢州, 梁主遣捉生都將張温率步騎五百爲援, 至內黃, 温率衆

外奔。

秋七月甲寅朔,帝自晉陽至魏州。

刺史。 魏州。 八月,大閱師徒,進攻邢州 與薛史異。(舊五代史考異) 案:通鑑作四月,晉人拔洺州,以魏州都巡檢使袁建豐爲洺州刺 邢州節度使閻寶請以城降,以 相州節度使張筠棄城遁去,以袁建豐爲相州刺史,依舊隸 史 忻州 八月,晉人復以相州隸天雄軍,以李 刺 史、 蕃漢 副總管李存審 嗣 源 爲

邢州 鑑俱從薛史作蔚州。 節度使,以閻寶爲西南 遼史太祖紀: 神册元年八月, 面招討使, 遙領 拔朔州, 天平軍 擒節度使李嗣本。 節度使。 是月, 與薛史異。 契丹入 振武節度使李嗣本陷 が
蔚州 ; 案:歐陽史及通

於契丹。

時而. 章 __, 紀 嗣 + 源 破 今據 爲 九月, 月,攻 邢州 蓋 刻 由 傳 蔚 朔 改正。 帝還晉陽。 節 新、 州 度使。 進破 武、嬀、 (影庫-蔚州 儒 也。 本 時 粘籤) 五州,自代北至河曲,踰陰山,盡有 梁滄州節度使戴思遠棄城遁去, 契丹犯塞,帝 通鑑作晉王自將兵救雲州 李嗣源帥師招撫,璋以城降。 領親軍北 ,契丹聞之,引 征,至代州北,閩蔚州 其地。 其圍 去。 舊將毛璋入據其城, 蔚州, 乃以 與遼史異。 敵樓無故自壞,衆軍大躁,乘之,不 李存審爲 是 陷 月, 乃 滄州節 班 貝州 師 毛璋, 平, 度使,以 案遼史太祖 原本作「毛 以滄州 李

據通鑑改正。(影庫本粘籤)

降將毛璋爲貝州刺史。

自是河朔悉爲帝所有。

帝自晉陽復至於魏州

魏州,

原本作「媿州」,

新州 拔營而 文進 百萬 至是容納叛將,違盟犯塞,乃馳書以讓之。 少,御下 將盧文進殺節度使李存矩,叛入契丹,遂引契丹之衆寇新州。 部 漁陽以北 天祐十四年二月,帝聞劉鄩復收殘兵保守黎陽,遂率師以攻之,不克而還。 歸 將劉殷爲刺 因爲 無恩,故及於禍 契丹 Ш 史。 谷之間,氊 追 躡, 帝 師 命 周 徒 帝以契丹王阿保機 車 多喪。 · 德威 · 毳幕 率兵三萬攻之,營於城東。 契丹 羊馬彌漫。 乘勝寇 契丹攻新州 興武皇 幽州。 盧文進招誘幽州亡命之人, 甚急,刺史安金全棄城而 屢盟於雲中, 約爲兄弟, 急難 是時言契丹者, 俄 而 存矩,帝之諸弟也,治民 文進 引 或云五 契丹 教契丹為 + 遁,契丹以 是月甲午, 大至,德 萬,或云 相救 攻 威

唐

叮

會議 中 突騎五千,以破契丹。」閻寶曰:「但當蒐選銳兵,控制山險,強弓勁弩,設伏待之。」帝曰:「吾 有三將,無復憂矣 城之具、飛梯、衝車之類、畢陳於城下。 ·隨機以應之,僅得保全,軍民困弊,上下恐懼。 時李存審請急救燕、薊,且曰:「我若猶豫未行,但恐城中生事。」 鑿地道,起土山,四面攻城,半月之間,機變百端。城 德威間道馳使以聞, 帝憂形 李嗣 源曰:「願假臣 於色, ,召諸 將

人,宜夜出奇兵,掩其不備。」圖源具以事聞。 閻 如烟火狀,上曰:「未可攻也。」以大暑霖潦,班師,留盧國用守之。 日 所食羊馬過半,阿保機責讓盧文進,深悔其來。 寶 率師夜過祁溝,俘擒而還。 夏 20 月,命李嗣源率師赴援,次於淶水,淶水,原本作「涑水」,今據歐陽史改正。(影庫本粘籤) 周德威遣人告李嗣源曰:「契丹三十萬,馬牛不 案遼史太祖紀: 是契丹主已於六月退師矣,薛史及通鑑皆不 契丹勝兵散布射獵, 四月、圍幽州、不克。 阿保機帳前 六月乙巳,望城 知 泛其數, 不滿 从中有氣 叉遣 近 萬

甲,尋澗谷而行,直抵幽州 秋 (七月辛未,帝遣李存審領軍與嗣源會於易州,步騎凡七萬。於是三將同謀,銜枚束

勝紀,進軍追討,俘斬萬計。 六十里。契丹萬騎遽至,存審、嗣源極力以拒之,契丹大敗,委棄毳幕、氊廬、弓矢、羊馬不可 八月甲午,自易州北循山而行,李嗣源率三千騎爲前鋒。庚子,循大房嶺而東,距幽州 辛丑,大軍入幽州,德威見諸將,握手流涕。 翌日,獻捷於鄴。

九月,班師,帝授存審檢校太傅,嗣源檢校太保,閻寶加同平章事

十月,帝自魏州還晉陽。

十一月,復至魏州。

塹,帝自負一 進攻楊劉城。 十二月,帝觀兵於河上。時梁人據楊劉城,列栅相望,帝率軍履河冰而渡,盡 圍而進,諸軍鼓譟而登,遂拔其壘,獲守將安彥之。是夕,帝宿楊劉。 城中守兵三千人,帝率騎軍環城馳射,又令步兵持斧斬其鹿角, 負葭葦以煙 平諸栅,

史梁末帝紀參考改正。(影庫本粘籤) |天祐十五年春正月,帝軍徇地至鄲、濮。 聞楊劉失守,狼狽而還。 時梁主在洛,將修郊禮,郊禮,原本作「校禮」,今以薛

而 六月壬戌,帝自 二月,梁將謝彥章帥衆數萬來迫楊劉,築壘以自固,又决河水,瀰漫數里,以限帝軍 [魏州復至楊劉。甲子,率諸軍涉 水而進,梁人臨水拒戰,帝軍 河水如 小却。 絳, 謝彦 俄

遣間使持帛書會兵伐梁,王辭以虔州之難。 秋 八月辛 丑朔,大閱於魏郊,河東、魏博、幽、滄、鎭定、邢洛、麟、麡、雲、朔十鎭之師,及 與薛史異。(舊五代史考異) 章僅得免去。

是月,淮南楊溥遣使來會兵,將致討於梁也。

案:

十國春秋吳世家作七月,晉王李存勗

唐書四 莊宗紀第一

有間 騎登 Щ 節 列營十 度 籤) 契丹 使 李存審兵至,梁軍方退。 一堤,伏兵發,圍帝十數重。 即策馬而出,顧左右曰:「老子妨吾戲耳! 張萬 數 給 壘 相 持 室 進 梁將賀瓌 遣 使歸款。 百餘 之衆 节。 、謝彦章以軍 十餘萬 帝嘗以數百騎摩壘求戰,謝彥章帥精兵五千伏於堤下,帝以十餘 帝自 是時 俄而帝之騎軍繼至,攻於圍外, 魏州率師次於楊劉 一部陣嚴 ',帝銳於接戰,每馳騎出營,存審必扣馬進諫,帝 屯濮州行臺村, 肅 旌 甲照曜,師旅之盛,近代 ``」至是幾危,方以存審之言爲忠也 略地至軍、濮 行臺村、原本作「待臺材」、今據通鑑改正〔八〕。 帝於圍中躍馬奮擊 而還,遂營於麻家渡, 為最。 一酉,梁 兗州 决 伺 圍 諸鎭 (影庫 審 而

曰:「賊 毁營 П1 見 戰 |博 軍 深軍 了,帝以 ,梁軍數萬先據之, 之衆居其中,周德 出 視 而 旗 進 帥 级槍突 諸軍從之。 一月庚子朔,帝進軍,距 幟, 自 :相魚肉,安得不亡。」 戊午,下令軍 辛酉,次於臨濮,梁軍捨營踵於後。 皆驚 入 梁 走, 威以 軍 梁軍已成陣,橫亙數 帝帥中軍至山下。 因自相 陣 幽、薊之師 中,斬擊十餘 蹈籍 梁軍 不能 當其西,鎭 ·栅十里而止。 里, 禁 十里,帝亦以 梁軍嚴整不動, 此 賀瓌 帝 中老幼,令歸魏州, 癸亥,次胡柳陂。 、王彥章 、定之師當 時梁將賀瓊殺騎將謝彥章於軍, 軍 《横陣抗之。 ·先 單騎 败, 旗幟甚盛。 其 周德 走 東。 濮陽。 威 梁將 悉兵以趣汴。 時帝與李存審 遲 戦 明, 帝呼諸軍曰:「今日之 帝軍 歿。 賀 瓌 梁軍亦至, 是時 輜 王彥章全軍 重 在 總 庚 陂 陣 河東、魏 申, 帝 帝 中有 西 李親 聞之 接 望 軍

正。(影庫本粘籤)於山下曳柴揚塵,鼓譟助其勢。 戰,得山者勝,賊已據山,吾與爾等各馳一騎以奪之!」帝率軍先登,銀槍步兵繼進,遂奪其 其殘衆奔歸汴者不滿千人,帝軍遂拔濮陽。 行戰場,收獲鎧仗不知其數。 繼之,梁軍大敗。 軍自土山北以逼梁軍,王建及呼士衆曰:「今日所失輜重,並在山下。」 乃大呼以奮擊, 所損,賊衆晡晚,大半思歸,擊之必破。王但登山縱觀、賣臣以破賊之效。」於是李嗣昭領 今乘高擊下,勢如破竹矣。」銀槍都將王建及被甲橫槊進曰:「賊將先已奔亡,王之騎軍一無 Щ 可圖再戰。」 梁軍紛紜而下,復於土山西結陣數里。時日已晡矣,或曰:「諸軍未齊,不如還營,詰朝 閻寶曰:「深入賊境,逢其大敵,期於盡銳,以决雌雄。 時元城令吳瓊、貴鄉令胡裝各部役徒萬人,貴鄉,原本作「賁鄉」,今據胡裝本傳改 時帝之軍士有先入大梁問其次舍者,梁人大恐,驅市人以守。 泳樂大典卷七千一百五十六。 梁軍不之測,自相騰籍,棄甲山積。 況賊帥奔亡,衆心方恐, 甲子,命 諸 騎 軍

校勘記

丙寅 原作「丙戌」,據殿本改。 影庫本批校云:「『寅』訛『戌』。」按上文「三月甲辰朔」,是月無丙

戌,丙寅爲十三日。

(三) 燕帥 原作「燕師」,據殿本、彭校改。

記

唐書四

校

勘

- **=** 行唐 原作「衡唐」,劉本、通鑑卷二六九作行唐。 按太平寰宇記卷六一,鎭州有行唐縣。 據改。
- 本卷下文「畋於行唐之西」及下卷「餘衆保行唐」句中「行唐」同。
- 黄沙嶺 嶺。 本書卷八梁末帝紀作黃澤嶺。 通鑑卷二六九注云:「魏收志, 樂平郡遼陽縣有黃澤
- (<u>E</u>) 張源德 原作「張原德」,據殿本、劉本、通鑑卷二六九、歐陽史卷三三張源德傳改。
- **3** 三月鄟遣其將楊延直自澶州率兵萬人會於城下 於二月。 殿本無「三月鄩」三字。 通鑑卷二六九繫此事

(4) 至故元城西 本有『元』字。」 「元」字原無, 據殿本、冊府卷四五、通鑑卷二六九補。 影庫本批校云:「『故』下原

(公) 今據通鑑改正 影庫本附舊五代史卷二八考證作「今據梁書賀璣傳改正」。

售五代史卷二十九

唐書五

莊宗紀第三

天祐 十六年春正月,李存審城德勝,夾河爲栅。 帝還魏州, 命昭義軍節度使李嗣昭權

知幽州軍府事。

月,帝兼領幽州,遣近臣李紹宏提舉府事

南城守將氏延賞告急, 夏四月,梁將賀瓌 圍德勝南城,百道攻擊,復以艨艟扼斷津渡。 氏延賞、原本作「民廷賞」,今據歐陽史改正。(影庫本粘籤) 帝馳而往,陣於 且言矢石 將盡。 北岸。 帝以

驗。 重賄 帝 召 1募能 憂形於色,親從都將王建及進曰:「臣請效命。」乃以巨索連 破賊艦者,於是獻技者數十,或言能吐火焚舟,或言能禁呪兵刃,悉命試之, 治舟十 ·艘,選效節勇士三 百 無

唐書五 莊宗紀第三

人,持斧被鎧

鼓枻

而

進

?,至中流

梁樓船三層,蒙以牛革,懸板爲楯

建及率持斧者入艨

三九六

又以互 斬其竹笮,破其懸楯。 艦 載 甲士,令乘 煙 又於上流取甕數百,用竹笮維之,積薪於上,灌以 鼓躁。 梁之樓船斷 紲 而 下, 沈溺 者殆半。 軍 既得渡, 脂 膏,火發 梁軍 瓦

秋七月,帝歸晉陽。

退,

命騎軍追襲至

濮陽,俘斬千計。

賀瓌由

此飲氣遘疾而卒。

八月,梁將王瓚帥衆數萬自黎陽渡河,營於楊村,造舟爲梁, 以通

冬十月,帝自晉陽至魏州 `,發徒數萬,以廣德勝北城,自是,日與梁軍接

十二月戊戌,帝軍於河南,夜伏步兵於潘張村梁軍寨下,以騎

軍掠其餉運,

餉

運

原

本作

「餉軍 ·」,今據文改正。(影庫本粘籤) 擒其斥候。 梁王瓚結陣以待,帝軍以鐵騎突之,諸軍繼進,梁

軍大弈,赴水死者甚衆,瓚走保北城。

天祐 十七年春,幽州民於田中得金印,文曰「關中龜印」,李紹宏獻於行臺

同州 務,請 秋 梁主 尹皓,原作「伊告」,今據薛史梁紀改 七月, 降節。 梁將劉 梁主怒,不與, 事、 尹皓寇同州。 正。(影庫本粘籤) 遂請旄節於帝。 先是,河中節度使朱友謙 友謙來告難, 梁主乃遣 劉弱與華州節度使尹 帝遣蕃漢總管李存審、昭義節 取同州,以其子令德主留 皓 帥 兵 圍

度使李嗣昭、代州刺史王建及率師赴援。

謀,遲明,進軍距梁壘,梁人悉衆以出,蒲人在南,王師在北。 遂宵遁。 以輕騎抗之,梁軍奔潰,追斬二千餘級。是夜,劉鄩收餘衆保營,自是閉壁不出。 病而卒。 九月,師至河中,朝至夕濟,梁人不意王師之至,望之大駭。 案:梁書劉鄩傅作遇酖而卒。與唐紀異。王師略地至奉先,嗣昭因謁唐帝諸陵而還。 王師追及於渭河,所棄兵仗輜重不可勝計,劉鄩、尹皓單騎獲免。 騎軍旣接,蒲人小却, 明日約戰(1),與朱友謙 未幾,郭憂恚發 數日 李嗣 鄩 昭

宴,酒 祀, 寃哉 禮弑其君鎔。 明中,遇京師喪亂得之,秘藏已四十年矣。 子孫寶之」八字也,羣僚稱賀。 案:自「開元寺」至此三十三字,原本闕佚,今從册府元驅增入。 王衍皆遣使致書,西川,原本作「西州」,今據文改正。(影庫本粘籤) 天祐十八年春正月,魏州開元寺僧傳眞獲傳國寶,獻於行臺。驗其文,即「受命於天, ·酣樂作,聞鎔遇弒,遽投觶而泣曰:「趙王與吾把臂同盟,分如金石,何負於人,覆宗絕 一月,代州刺史王建及卒。是月,鎭州大將張文禮殺其帥王鎔。 五代春秋作三月, 先是、滹沱暴漲,漂關城之半,溺死者千計。 趙人張文禮殺其君鎔。 篆文古體,人不之識,至是獻之。時准南楊溥 與薛史繫二月前後互異。(舊五代史考異) 是歲,天西北有赤祲 **勸帝嗣唐帝位,帝不從** 案:歐陽史作正月,趙將張文 時帝方 如 傳眞師於廣 Щ, 與諸 占者言 將

唐書

五

趙分之災,至是果驗。

時張文禮遣使請旄節於帝,帝曰:「文禮之罪,期於無赦,敢邀予旄

後。

節 左右曰:「方今事繁,不欲與人生事。」帝不得已而從之,乃承制授文禮鎭州兵馬留

州節 嘗夢手扶御座,自謂輔佐之象,由是頗述天時人事以諷,莊宗深納其言。(舊五代史考異) 獻貨幣數十萬,以助卽位之費,帝左右亦勸帝早副 存璋、新州節度使王郁、振武節度使李存進、 直 邢州節度使李嗣源、成德軍 度使朱令德,各遣使勸進,請帝紹唐帝位,帝報書不 三月, 河中節度使朱友謙、 兵馬留後張文禮、遙領天平軍節度使閻寶、大同 昭義節度使李嗣昭、 李存進,原本脫「存」字,今據列傳增入。 入望, 滄州節度使李存審、 宂。 帝撝挹久之。 自是, 諸鎭凡三上章勸進, 案九國志趙季良傳 定州節度使王處 (影庫本粘籤) 軍節度 使李 季良 同

以部下鎭、冀兵致討於文禮,又遣閻寶以助之,以史建瑭爲前鋒。 試思之!」於是習等率諸將三十餘人,慟哭於牙門,請討文禮。 罪,且言:「爾等荷戟從征,蓋君父之故,銜寃報恩,誰人無心。 以佗兵代習歸鎭,習等懼,請留。 偏將符習以本部兵從帝屯於德勝。 秋 八月庚申,令天平節度使閻寶、成德兵馬留後符習率兵討張文禮于鎭州 七月,河東節度副使盧汝弼卒。 帝令傳旨於習及別將趙仁貞、鳥慶等,明正文禮弑逆之 文禮旣行弑逆,忌鎔故將,多被誅戮,因遣 吾當給爾資糧,助爾兵甲,當 帝因授習成德軍兵馬留後, 甲子,攻趙州,刺史王鋌 使聞於帝,欲 杒, 王鎔令

送符印以迎,閻寶遂引軍至鎭州城下,營於西北隅。 是月,張文禮病疽而卒,其子處瑾代掌

軍事。

九月,前鋒將史建瑭與鎭人戰於城下,爲流矢所中而卒。

葉史梁紀及五代春秋改正。(影庫本粘籤) 令騎軍挑戰,梁軍大至,帝御中軍以禦之。 梁幟,奔入梁壘,斧其眺樓,持級而還。 案歐陽史: 王處直叛附于契丹, 其子都幽處直以來附。(舊五代史考異) 大敗,俘斬二萬計。辛酉,閻寶上言,定州節度使王處直爲其子都幽於別室,都自稱留後。 冬十月己未,梁將戴思遠攻德勝北城,帝命李嗣源設伏於戚城, 梁軍愈恐,步兵漸至,李嗣源以鐵騎三千乘之,梁軍 戚城,原本作「威城」,今據 時李從珂偽

以降。 時王 千騎夜突圍,將入定州與王處直議事,爲我游軍追擊,破之,餘衆保行唐,賊將彭贇斬正時 師築土山以攻其壘,城中亦起土山以拒之,旬日之間,機巧百變。 十一月,帝至鎭州城下,張處瑾遣弟處琪、幕客齊儉等候帝乞降,言猶不遜,帝命囚之。 張處瑾令韓正時以

爲已物也,不然,則爲晉王所有矣。」太祖以爲然,率衆而南。(舊五代史考異) 孤,乃潛使人語其子王郁,使賂契丹,令犯寨以救鎭州之圍。 十二月辛未,王郁誘契丹阿保機寇幽州, 王郁說太祖曰:「鎭州美女如雲,金帛似山,天皇速往, 案契丹國志: 王處直在定州,以鎮、定爲唇齒,恐鎭亡而定 遂引軍涿州,陷之。 案: 契丹陷涿州 則皆

唐書五

莊宗紀第三

在天祐十八年, 李嗣弼傳作天祐十九年, 紀傳互異。 又寇定州, 王都遣使告急, 帝自鎭州率五千騎

選) 是月,梁將戴思遠寇德勝北城,築壘穿塹,地道雲梯,晝夜攻擊,李存審極力拒守,城中 薄戶,橋梁隘狹,敵爭踐而過,陷溺者甚衆。 作二廣,當是用於條「左廣」「右廣」之名,今改正。(影庫本粘籤) 時契丹渡沙河口,諸將相顧失色,又聞梁人內侵,鄴城危急,皆請旋師,唯帝謂不可,乃率親 以寇魏州,軍至魏店,李嗣源自領兵馳入魏州。 擊之,晉王始得出,因縱兵奮擊,太祖兵敗,遂北至易州。 不絕,帝乘勝追襲至幽州。 獲氈裘、毳幕、羊馬不可勝紀。 定州,王都迎謁,是夜宿於開元寺。翌日,引軍至望都,契丹逆戰,帝身先士伍,馳擊數四,敵 騎 至新城。 : 結陣,帝之徒兵亦陣於水次。 天祐十九年春正月甲午,帝至新城, 契丹萬餘騎,遽 見帝軍,惶駭 案契丹國志:晉王趨望都,爲契丹所圍,力戰, 時歲且北至,大雪平地五尺,敵乏獨糧, 李嗣昭躍馬奮擊,敵衆大潰,俘斬數千,追擊至易水〔三〕, 而退。 契丹前鋒三千騎至新樂。 會大雪彌旬,平地數尺,人馬死者相屬,太祖 阿保機方在定州,聞前軍敗,退保望都。 帝分軍爲二廣,二廣,原本作「二黃」,案薛史前後多 梁人知其有備,乃西渡洹水,陷成安而去。 追躡數十里,獲阿保機之子。時沙河冰 出入數四, 是時, 不解。 人馬斃踣道路, 梁將戴思遠乘虛 乃歸。(舊五 李嗣昭引三百騎横 元代史考 **郹**纍 帝

危急。 帝自幽州聞之,倍道兼行以赴,梁人聞帝至,燒營而遁。

環之,又決滹沱水以絕城中出路。 師而退。 三月丙午,王師敗於鎭州城下,閻寶退保趙州。 鎭人壞其營壘,取其芻糧者累日。 是日,城中軍出,攻其長圍,皆奮力死戰,王師不能拒,引 帝聞失律,即以昭義節度使李嗣昭爲北面招討 時鎭州累月受圍,城中艱食,王師築壘

爲北面招討使。 夏四月,嗣昭爲流矢所中,卒於師。 是月,大同軍節度使李存璋卒。 己卯,天平節度使閻寶卒。 以振武節度使李存進 使,進攻鎭州

五月乙酉,李存進圍鎭州,營於東垣渡四。

作衞州,今改正。(影庫本粘籤)刺史李存儒被擒。 (代史考異) 梁將戴思遠又陷共城、新鄉等邑,自是<u>澶淵之西,相州之南,皆爲梁人所據</u>。 久。一日,莊宗召季良切責之,季良對曰:「殿下何時平河南?」莊宗正色曰:「爾掌輿賦而稽緩,安問我勝負乎!」 季良 曰:「殿下方謀攻守,復務急徵,一旦衆心有變,恐河南非殿下所有。」莊宗斂容前席曰:「微君之言,幾失吾大計!」(舊五 史,旣而誅斂無度,人皆怨之,故爲梁人所襲。案九國志趙季良傳:莊宗入鄴,時兵革屢興,屬邑租賦 八月,梁將段凝陷衞州, 衞州,原本作「魏州」,考五代春秋:八月,段凝攻晉衞州, 存儒,本俳優也,帝以其有膂力,故用爲衞州刺 克之。 歐陽史及通鑑並 逋

九月戊寅朔,張處球悉城中兵奄至東垣渡,急攻我之壘門。時騎軍已臨賊城,不覺其

唐

書五

莊

宗紀第三

Щ, 李存進惶駭,引十餘人鬭於橋上,賊退,我之騎軍前後夾擊之,賊衆大敗, 步 兵 、數千, 殆

無還者。 是役也,李存進戰歿於師,以蕃漢馬步總管李存審爲北 面招討使, 以攻鎭州 丙

井其母,及同惡高濛、李翥、齊儉等,皆折足送行臺,鎭人請醢 午夜,趙 將李再豐之子冲投縋以接王師,諸軍登城,遲明畢入,鎭州平。 而食之,發張文禮尸,磔於市。 獲處 球、處瑾、處琪

考五代春秋作李存審克鎭州,誅張文禮。據薛史則文禮先已病沒,後乃追戮也。 五代春秋所書未爲核實, 今附識 於此。

帝以符習爲鎭州節度使,烏震爲趙州刺史,趙仁貞爲深州刺史,

李再豐爲冀州

刺 史。 鎭 人請帝兼領本鎮,從之,乃以符習遙領天平軍節度使。

(影庫本粘籤)

十一月,河東監軍張承業卒。

十二月,以魏州觀察判官張憲權知鎭州軍州事。

同光 元年 春正月丙子,五臺山僧獻銅鼎三,言於山中石崖間得之。

仗衞 法 二月 物, 新州 省寺, 惠 原本作「省待」, 練 使李嗣肱 今據文改正。(影庫本粘籤) 卒。 是時 ,以諸藩鎭相 期以四月行即位 繼 上牋勸進,乃命有司制置百官省寺 之禮,以 河東節 度判官

盧質爲大禮使。

月己卯,以橫海軍節度使、內外蕃漢馬步總管李存審爲幽州節度使。 路州留後李繼

韜叛,送款於梁。是月,築即位壇於魏州牙城之南。

分,其下將有王者。」懿宗乃詔令鎭州王景崇被袞冕攝朝三日,遣臣下備儀注、軍府稱臣以 赦之日, 澍雨溥降。 應有祥瑞,不用聞奏。 諱。貢、選二司宜令有司速商量施行。雲、應、蔚、朔、易、定、幽、燕及山後八軍, 賜功臣名號,超授檢校官,已高者與一子六品正員官,兵士並賜等第優給。 劫、持杖殺人、官典犯贓、屠牛鑄錢、合造毒藥外,罪無輕重,咸赦除之。 制:改天祐二十年為同光元年。 厭之。其後四十九年,帝破梁軍於柏鄉,平定趙、魏,至是即位於鄴宮。 「易宜」,今據文改正。(影庫本粘籤)秋夏稅率量與蠲減。民有三世已上不分居者,與兗雜徭。 加 追贈,仍定諡號。民年八十已上,與冤一子役。 夏四月己巳,帝升壇,祭告昊天上帝,遂卽皇帝位,文武臣僚稱賀。禮畢,御應天門宣 初,唐咸通中,金、水、土、火四星聚于畢、昴,太史奏:「畢、昴,趙、魏之 赦書有所未該,委所司條奏以聞云。是歲自正月不雨,人心憂恐,宜 大赦天下,自四月二十五日昧爽以前,除十惡五逆、放火行 內外文武職官,並可直 應蕃漢馬步將校並 言極諫, 其戰歿功臣各 易、定,原本作 無有隱 諸道

定州掌書記李德休爲御史中丞;李德休,原本作「德林」,據蔣史唐列傳云:德休,字戒逸。知原「林」字爲誤, 相 盧澄 是月,以行臺左丞相豆盧革爲門下侍郎、同中書門下平章事、太淸宮使,以行臺右丞 [[語]案:原本作「盧登」,今從通鑑效異改正。、歐陽史作盧程。 爲中書侍郎平章事、監修國史;以前

唐書

守 郭崇 今改 爲 改 度 判 元 IE 官官 韌 部 城 以 縣 澤 影 侍 庫 潞 郎, 爲 IE 本 言爲 義 興 節 粘 充翰林學士 (唐縣, 監 籤 度 禮 軍使張居翰並 判官任 以河 部 貴 尚書 東節 鄉縣爲廣晉縣, 園爲 ; 度判官盧質 以魏博、鎭冀觀 行 興唐 爲 部尚書 樞 密使; 尹 兼真定尹,充北京副留守。 以太原爲西京, 為 以 兵 以 河 察判官張憲 八部尚 東 權 軍城都 知 書, 幽州 充翰林學士 以鎭州爲北都。 i 虞候 軍府 爲工 孟 事 部 知 李 侍 紹宏 祥爲太原 承旨 郞 詔升 7 為宣 充 ; 魏州 以 是時所管節度一十 租 徽 尹 庸 河 爲 使 使 東 東京 掌 充 酒京 書記 以 以 (興唐 魏 中 門 副 博 馮 府, 留 節 使

州,至易、定而還。 神 曾 使 追 夫 兼 李 堯 尊. X 佁 加田 州 、催氏 2皇帝 蔚 書 皇考 存 盟 $\overline{\mathcal{H}}$ 令 月 州 審 河 太 丁 · 公 爲 日 太宗文 東 保 昭 檢 丑: 節 烈 爲 校 安 以 皇后 度 昭 太 全帝 國 李嗣 使、 烈 時有自鄆來者,言節度使戴思遠領兵在河上,州城無守兵,可襲而取之。 師 軍 皇帝 節度 太師、 兼 源爲檢校侍中, 懿宗 追 中 尊 使符習 書令, 中 皇 昭 廟 聖 書 號 祖 代州 皇帝、 令、晉 懿 依 加同 祖 前 太保為 ; 依前 昭宗 主 平 蕃 懿祖 爲 章 漢 武 横 聖 事 , 馬 文景 原 皇帝 穆 步 海軍節度使、內外蕃漢副總管 本作「謚祖」,今據五代 定州 總管 皇 皇帝 帝 節度 廟 Ξ; 及 號 以 懿 廟 使王 太祖 旭 號 河中節度使朱友謙爲檢校太師 以 獻 都 下 祖 會要及歐陽史改正。(影庫本粘籤 加 詔 爲 於晉陽 檢 夫人 七廟 校侍中。 秦氏 立 甲 ; 宗 午, 日 以 是 廟 文景皇后 幽州 契丹 月, 以 寇幽 追尊 節度 高 旭

爲天平軍 千, 箝枚自 汝陽,原本作「滴陽」,今據通鑑改正。(影庫本粘籤) 帝召李嗣源謀曰:「昭義阻命,梁將董璋攻迫澤州,梁志在澤、路,不慮別有事生,汝陽無備, 節度使。 河趨軍。 梁主聞剛州陷(も),大恐, 是夜陰雨,我師至城下,剛人不覺,遂 不可失也。」嗣源以爲然。 乃遣王彦章代戴思遠總兵以來拒。 乘城而入, 壬寅, 鄆州 命嗣源 平。 制 率步 時朱守殷 以 |李嗣 騎 源 五

守德勝

南城、帝懼彦章奔衝,遂幸澶州

段凝率 以所 朱守 流 彦賓 能下,遂結營於楊劉 是令人輦負 交 殷徹 鬭 馳 毁屋木編 .Ti. 一大軍 月辛 至楊劉 流矢雨集,或全舟覆沒, 德勝北城屋木攻具,浮河而下,以助 攻楊劉 入澶州, 酉, 彥章夜率舟師自楊村浮河而下, 斷德勝之浮橋, 攻南城, 陷之。 栰,置步軍於其上。 固守其城, 南城,焦彥賓與守城將李周極力固守。 之南, 輦負, 東 原本作「替負」,今據文改正。(影庫本粘籤) 案:通鑑作帝令宦者焦延賓急趨楊劉,與鎭使李周固守其城。(舊五代史考異) 西延袤 彼 王彥章以舟師沿流而下,各行 + 一此,終日百 ·數栅 楊劉。 戰, 是時,德勝軍食芻茭薪炭數十萬計,至 比及楊劉、殆亡其半。 梁軍晝夜攻擊,百道齊進,竟不 事既倉卒, 一岸,每遇轉攤水匯、即中 耗失殆半。 己巳、王彥章、 帝令中書焦 朱守殷 令

絕其路,帝乃選 唐 五 勇士持短兵出戰。 莊 宗 紀 第 梁軍於城門外,連延屈曲,穿掘小壕, 四〇五 伏甲士 於中, 候帝

六月己亥,案:通鑑作乙亥。(舊五代史考異)

帝親

御

軍至楊劉,

登城望見梁軍

于, 重

壕復

量,以

營壘將 戰具 艘,扼 敗績也。 帝儀舟將渡,梁軍遂解圍,案:歐陽史作六月,及王彥章戰于新壘,敗之。 璋率數千人中夜往 以 軍 救 未 | 郵州 則弓弩齊發,師人多傷矢,不得進。 斷濟路, (舊五代史考異) 成。 沙城散惡,王彥章列騎環城,虐用其人,使步軍堙壕登堞。 戊子,梁將王彥章、杜晏球領徒數萬, 晨壓帝之新壘。 又請帝日令勇士挑戰,旬日之內,寇若不至、營壘必成。 自旦至午,攻擊百端,城中危急。 博州濟 退保鄒家 河東, 口 博州,原本作「溥州」,今據文改正。(影庫本粘籤)畫夜督役,居六日, 帝患之,問計於郭崇韜,崇韜請於下流據河築壘, 帝自楊劉引軍 據薛史則王彥章因救至而解圍,未嘗 :陣于西岸,城中望之,大呼, 時板築雖畢, 帝善之,即令崇韜與毛 又於上流下巨艦十餘 牆仭低庳,

故壘。 李紹 己未夜, 貽 秋 七月丁 案:通鑑作李紹榮。 梁軍拔營而遁云,復保於楊村。 未,帝御軍沿 (舊五代史考異) 河 而 南,梁軍棄鄒家口夜遁,委棄鍋甲芻糧千計。 直抵 梁軍 帝軍屯於德勝。 壘,梁益 恐。 又聞李嗣源自 甲子, 帝幸楊劉城, 即州引 戊午,遣騎將 大軍將一 巡視梁軍

戍澤州 未至而城已陷,裴約被害,帝聞之,嗟痛不已。 月壬申朔,帝遣李紹斌以甲士五千援澤州。 不狗繼韜之逆。 旣 甲戌,帝自楊劉歸鄴。 初, 李繼韜之叛也, 路之舊將裴約以兵 梁以段凝代王彦 故遣紹斌 救

段凝 章爲 臣惟 滑州 不旬日,天下事定矣。」帝懌然壯之。 巖、趙鵠、張漢傑居中專 董璋以陝魏、 否,悉取 勝南城, 見,賜御衣玉帶,屛人問之。 戮于都市 南 帥。 片人兵力,聚則不少,分則無餘。 、杜晏球領大軍以當陛下,令王彥章、張漢傑統禁軍以攻 決破河堤,使水東注,曹、濮之間至於汶陽, 段凝素無武略, 梁主 、監軍處分,彥章悒悒,形於顏色。 戊子,凝帥衆五萬結營於王村, 庚寅,帝御軍 一亦稍奬使。 澤路之衆,趨石會關以寇太原。 政, 朝便見大用、霍彦威、王彦章皆宿將有名、 至 彦章立性 朝城。 張漢傑,原本作「漢傑」,今據薛史梁列傳改正。(影庫本粘籤) 對曰"「臣竊觀|汴人兵衆不少,論其君臣將校, 戊戌, 剛 暴, 陛下但待分兵,領鐵騎五千,自剛州兼程直抵于汴, 自高陵渡河。 不耐凌制,梁主每一 梁左右先鋒指揮使康延孝領 自河津失利,段凝、彥章又獻謀, 霍彦威統關西、汝、洛之衆自相衞 瀰漫不絕,以陷 帝軍遇之,生擒梁前鋒軍士二百人, 發 剛州, 軍 北軍。 決取十月內大舉。 翻出其下。 即令近臣監護, 百騎來奔, 臣 則終見敗亡。 締結宮掖, 欲數道舉軍, 在軍側聞 自彦章獲 以寇鎭定, 帝虛懷 進 此議。 賄 又自 止 德 賂 盯 趙 引

梁人所據,州以西、 家省文也,今姑仍其舊。(影庫本粘籤) 九月壬寅朔,帝在朝城,凝兵至臨河南, 州以西,通鑑作圖州以西,疑原本有脫字。 相以南、寇鈔日至,編戶流亡,計其軍賦、不支半年。 與帝之騎 詳薛史文義, 軍接戰。 承上言 是時澤路叛, 衛州、黎陽 爲梁人所 衛州、黎陽爲 又王郁 據、蓋史

唐

書

五

莊宗

紀第

Ξ

校勘

記

酒大悅, 之,生擒梁將任釗、田章等三百人,俘斬二百級,彥章引衆保於中都。 作遽公鎭, 衛州、黎陽以易鄆州,指河爲界,約且休兵。 ||汝陽以來,須大將固守,城門之外,元是賊疆,細而料之,得不如失。 今若馳檄告論梁人,却 盧文進召契丹南侵瀛、涿。 功。」帝弗聽。戊辰,梁將王彥章率衆至汝河,李嗣源遣騎軍偵視,至遞公鎭,案:永樂大典原本 大丈夫得則爲王,失則爲寇,予行計決矣。」又問司天監,對曰"「今歲時不利,深入必無成 無葬地矣!」時郭崇韜勸帝親御六軍,直趨汴州,半月之間,天下可定。帝曰:「正合朕意。 曰:「是當決行渡河之策。」己巳,下令軍中將士家屬並令歸鄴。 今從通鑑考異所引薛史作遞公鎮,通鑑從莊宗實錄作遞坊鎮。 及聞梁人將圖大舉,帝深憂之,召將吏謀其大計,或曰:「自我得 我國力稍集,則議改圖。」帝曰:「嘻,行此謀則 梁軍來挑戰,嗣源以精騎擊而 嗣源飛驛告捷, 永樂大典卷七千一百五 帝置 敗

校勘記

明 日 約 戰 影庫本批校云:「原本『約戰』二字係『次朝』二字,按下文『帝至朝城』,疑原本『朝』下

脱『城』字。」

 Ξ 沙河冰薄 「冰」原作「水」,據冊府卷九八七、通鑑卷二七一改。 唐 書 五 校 勘 記

3 易水 殿本、冊府卷九八七、通鑑卷二七一作易州。

東垣渡 原作「東渡」,據本書卷五三李存進傳、冊府卷三六〇、通鑑卷二七一、本卷下文改。

(E) 盧澄 冊府卷七四、通鑑卷二七二作/盧程。 通鑑考異云:「薛史唐紀作盧澄,

今從實錄、莊宗列

傳。」殿本考證云:「盧澄,歐陽史作盧程。考北夢瑣言亦作『澄』,今仍其舊。」

(云)河中 原作「河東」,據本卷上文、本書卷六三朱友謙傳改。

(公) 梁軍拔營而遁 (+) 梁主 原作「梁王」,據殿本、本卷下文改。按朱梁稱帝已二代,此當云「梁主」。 「拔」原作「投」,據殿本、劉本改。

舊五代史卷三十

唐書六

莊宗紀第四

萬,奪馬千匹。時旣獲中都之捷,帝召諸將謀其所向,或言且殉兗州, 今據歐陽史改正。(影庫本粘籤)甲戌,帝攻之,中都素無城守,師旣雲合,梁衆自潰。 日:「宜急趨汴州。 王彥章及都監張漢傑、趙廷隱、劉嗣彬、李知節、康文通、王山興等將東二百餘人,斬馘 御大軍自楊劉濟河。癸酉,至鄆州。是夜三鼓,渡汝。時王彥章守中都。 歔 十萬之衆,舟檝焉能卒辦?此去汴城咫尺,若晝夜兼程,晝夜兼程,原本作「畫兼星」,今據文改正。(影 同光元年多十月辛未朔,日有蝕之。是日,皇后劉氏、皇子繼岌歸鄴宮,帝送於雜亭, 詔宣徽使李紹宏、宰相豆盧革、租庸使張憲、興唐尹王正言问守鄴城。壬申,帝 段凝方領大軍駐於河上,假如便來赴援,直路又阻 决河,須自 徐圖進取,唯李嗣 中都,原本作「巾都」, 是日,擒梁將 [滑州濟渡, 源

唐

書六

莊宗

紀第四

工周匝 今日 位 與 要,梁雜使有教坊使,歐陽史及通鑑並作教坊,今改正。(影庫本粘籤) 大 至是謁見, 時梁末帝朱鍠已爲其將皇甫麟所殺,獲其首,函之以獻。 軍 再 原本脫「工」字,今據歐陽史增入。(影庫本粘籤) 繼 卯 覩 中 遲 至,王瓚迎帝自大梁門入。 興, 明,前軍至汴城,嗣源令左右捉生攻封丘 **欣然慰接**。 雖 死無恨。 周匝 帝諭之曰:「殷二十年血戰,蓋爲 因言梁教坊使陳俊保庇之恩, 梁朝文武官屬於馬前謁見, 周匝 者,帝之寵伶也, 門, 垂泣推薦,請除郡守,帝亦許之。 梁開 卿等家門 封尹王 是日,賜樂工周匝 教坊使,原本作「孝防使」, 胡柳之役陷于 陳敍世代唐臣陷 費請以城降。 無 足憂矣,各復乃 梁, 幣帛。 在僞廷, 俄 考五代會 帝每思 而帝 賜樂

鄭珏等一十一人,皆本朝簪組,儒苑品流。 居台鉉,或處權衡,或列近職而預機謀,或當峻秩而掌刑憲,事分逆順, 舊章,以令多士。 戌,詔曰:「懲惡勸善,務振紀綱;激濁揚淸,須明眞偽。蓋前王之令典,爲歷代之通規,必按 丘 庚 凝等率大將先至請死,詔各賜錦袍、御馬、金幣。 (辰,帝御元德殿,梁百官於朝堂待罪,詔釋之。 而有志萌僭竊〔〕,位忝崇高,累世官而皆受唐恩,貪爵祿而但從僞命,或 雖博識多聞,備明今古;而修身愼行,頗負祖 帝幸北郊,撫勞降軍,各令還本營。丙 壬午, 段凝所部馬 理合去留。 步 軍五 萬解甲於封 偽 宰 相

四

先。 竇夢徵沂州 翰林學士劉岳爲均州司馬,任贊房州司馬,姚顗復州司馬, 既矜全族(言); 在周行、悉仍舊貫、凡居中外、咸體股懷。」乃貶深宰相鄭珏爲萊州司戶、 改正。(影庫本粘籤) 昧忠 点真而 不度安危,專利祿而全虧名節, 舜刑投裔,兼貸 **股以** 費嗣 丕基, 八一身。 初平 巨憝, 方務好生之道, 爾宜 |自新,我全大體,其爲顯列, 合當大辟,無恕近親。 封翹唐州司 在行含垢之恩。 崇政院學士劉光素密州司戶, 無恕,原本作「無恐」,今據文 馬,李懌懷州 不並 蕭頃爲登州 庶 湯 僚。 網 垂 仁言, 餘外應 司戶 司 馬,

陸崇安州司戶,御史中丞王權隨州司戶,並員外置同正員。

是日,以梁將段凝上疏奏:「梁朝權臣趙巖等,並助成虐政,結怨於人,聖政惟新, 宜誅

育惡。」乃下詔曰:

行 敬 此 「行致」, 翔 時 赤 難 族 况 肸 趙巖、趙鵠等,自朕收城數日,布惠 既殄僞庭,顯平國患。 漏 今據文改正。(影庫本粘籤) ,以謝衆心。 於 首佐 網 羅 |朱温,共傾||唐祚,屠害宗屬,殺戮朝臣,旣寰宇以皆知,在人神而 ,宜置 其張漢傑昨於中都與王彥章同時俘獲,此 國刑, 偶示哀矜。 以塞羣論 好生之令,含弘雖切於予懷; 今旣上將陳詞, 除妻兒骨肉外, 四方,尙匿迹以潛形,罔悛心而革面 羣情激怒, 其他疏屬僕 懲惡之規,決斷難違於衆 際未詳行 往 使, 日 止,行止,原本作 旣 彰於僭濫 並 從 (四),須 兴怒。 釋放。

唐

務讒 敬 翔 雖 那 聞自 ,鬭惑人情、枉害良善,將淸內外,須切 ,未豁幽冤,宜與李振並族於市。疎屬僕使,並從原宥。朱珪素聞狡蠹 去除,况衆狀指陳,亦 宜誅戮。 契丹撒 唯 期

阿撥 貸刑章,可丼妻子同 竹之榮, (亞),旣棄其母,又背其兄。 疊被頒宣之渥。 戮於市。 而乃輒辜重 其朱氏近親,趙鵠正 股比 惠,復背明廷, 重懷來,厚加 身,趙巖家屬 恩渥,看同骨肉, 罔 顧欺違、竄歸 , 仰嚴加 偽室, 既同 錫以 擒捕。 公姓名, 、梟獍, 其餘文 兼 分符 難

武職員將校,一切不問。

是日 本 門額,曾經改易者,並復舊名。 校太保、守兵部尚書郭崇韜權行中書公事 聖恩。」(舊五代史考異) 存聖恩(公), 孥,皆斬於汴橋 詔各復其位。 以樞 趙嚴、張希逸、張漢傑、張漢倫、張漢融、朱珪、敬翔、李振及契丹撒剌阿撥等, 密使、 案通鑑:"張全義上言:「朱溫雖國之深讎,然其人已死,刑無可加,屠滅其家, 下。 樞密使,原本作「驅察使」,考歐陽史郭崇韜傳, 帝乃止,令剗去闕室而已。 又詔除毁朱氏宗廟神主,偽梁二主并降爲庶 時帝欲發梁祖之墓,斷棺燔柩,河南尹張全義 丁亥,梁百官以誅凶族,於崇元殿立 崇韜由樞密使知中書事, 人。 天下官名府號 足以爲報, 今改正。(影庫本粘籤) 上章 乞莬焚斵, 申理 班待罪, 井 其 妻 及寺觀 以存 檢

己丑,御崇元殿。制曰:

凉 德 猷 仗 誓平元惡,期復本朝,屬四海之阽危,允萬邦之推戴。 經 順 討逆,少康所以誅有窮; 於草昧之中,式遏於亂略之際。 **纘業承基**, **朕以欽承大寶,顯荷鴻休,雖繼** 光武所以滅新莽。 近者親提組 威以中興景命, 練,徑掃氛祆 前修, 再造 固 慚

苦。 夷。 戰 振 土 已墜之皇綱,殄偷安之寇孽。 粤自 一疲勞於力役,烝民耗竭其膏腴,言念於斯,軫傷 剝喪元良,凌辱 1朱温 講遊、 ;神主,帝里動黍離之嘆, 友貞嗣凶, 篡殺二君,隳殘九廟,虺毒久傷於宇宙,狼 國讎方雪,帝道爰開,拯編 朝廷多棟橈之危。 彌 切。 **甿覆溺之**艱,救率土倒懸之 棄德崇奸, 窮兵黷武, 貪肆噬於華

觀 有 流 懷,將弘濟於艱難,宜特行於赦宥。 事,「準」字訛誤,今改正。(影庫本粘籤) 屯 駐 察、防禦、 人放歸 守戍兵 今則已 未在移復之限。 事 鄕 未經 里。 團練等使及刺史、監押、行營將校等,並頒恩詔,不議改更,仍許且稱舊銜 、士等,皆情堅破敵,業茂 一梟逆豎,大豁羣情,覩曆數之有歸,實神靈之匪 追 京畿及諸道 贈 者, 應 各與贈官; 扈從 見禁囚徒,大辟罪降從流,已下咸赦除之。 副予戡定之謀,顯爾忠勤之節,並 征討將校,及諸 (平准, 應僞命流 如有子孫堪 平淮,原本作「平準」,今考薛史原文係用唐 貶責授官等,已經 官員、職掌 任使者, 節 味。 並量材錄任。 級、 量移者, 得不臨深 據等第,續議獎酬。 馬步 兵士及河北諸 其鄭珏等一十 並 應僞 表誠, 馭朽為 可 憲宗平准、蔡 復資, 庭 節 其 徒

唐

四 六

當俟 别 加 新

逃難 発。 並 賑 負等,其

沖州城內,自收復日已前,並不在徵理之限

, 諸道戶口,並宜罷其差役,各務營農。 放。 給給 於諸處漂寓者,並令所在尋訪,津置赴闕。 應 理 國之道,莫若安民,勸課之規,宜從薄賦。 或鰥寡惸獨,無所告者,仰所在各議拯救。 有本朝宗屬及內外文武臣僚,被朱氏無辜屠害者,並可追贈。 北京及河北先以祆祲未平,配買征馬,如有未請却官本錢,及買馬不迨者,可放 所係殘欠賦 義夫節婦,孝子順孫, 稅 民年過八十者,免一子從征。 庶遂息肩之望,冀諧鼓腹之謠。 1,及諸務懸欠積年課利,及公私債 其諸道, 自壬午年十二月已前, 如有子孫及本身 旌表門閭, 其 有 量 應 加

州留後,仍賜姓, 處斬隨駕兵馬都監夏彥朗於和景門外印。 禄大 判 國 更部上銓, 史、兼眞定尹、成德 先投過僞庭將校官吏等,一切不問云。 甲午,以樞 夫、 檢校 密使、檢校太保、守兵部尙書、太原縣男郭崇韜爲開府儀同三司、守侍中、監 司空、守輝 御史中丞李德休權判東 名紹欽。 軍節度使,依前樞密使、太原郡侯,仍賜鐵劵。 州刺 紹欽,原本作「紹鏗」,今考通鑑及歐陽史皆作「欽」,今改正。(影庫本粘籤) 史杜晏球爲檢校司徒,依前輝州 西 l 銓事。 時宦官怙寵,廣侵占居人第舍,郭崇韜奏其事, 丙申, 滑州留後、檢校太保段凝 刺 史, 仍賜姓, 乙未, 詔宰相豆盧 名紹 可依 虔。 以 金紫 前

光

權

修

乃斬彥朗以徇。

臣 使、判六軍諸衞事李繼岌爲檢校太尉、同平章事,充東京留守。 職,或要分司,各許於中書投狀奏聞。 使、特進,封開國公,加食邑實封,餘如故。 傅、兼侍中、 丁酉, 匡國,原本避宋韓作「章國」,今據歐陽史改正。(影庫本粘籤) 天平軍節度使、 賜百官絹二千匹、錢二百萬,職事絹一千匹、錢百萬。 蕃漢馬步總管副使、隴西郡侯李嗣源爲依前檢校太傅、兼中書令、天平軍節度 以開府儀同三司、檢校太傅、北都留守、興聖宮 詔御史臺,班行內有欲求外 戊戌,以竭忠啓運匡 開府儀同三司、 檢校太 國 功

幸縣對 子,帝畋於汴水之陽 見! 器,盡歡而 之勍敵,一旦同會,皆卿前鋒之力也。」梁將霍彥威、戴思遠等皆伏陛叩頭,帝因賜御衣、酒 己亥,宴勳臣於崇元殿,梁室故將咸預焉。帝酒酣,謂李嗣源曰:「今日宴客,皆吾前日 璆惶恐請死,帝恕之。 壘, 龍。 |璆領七百騎奔梁,至是來請罪,帝報之曰:「爾當吾急,引七百騎投賊,何面目 齊州刺史孟璆上章請死,詔原之。璆初事帝爲騎將,天祐十三年,帝與劉鄩 未幾,移貝州刺史。 貝州,原本作「月州」,今據文改正。(影庫本粘籤)庚 相

太傅、左金吾上將軍兼領左龍武軍事、汾州刺史李存渥爲滑州節度使,加特進、同平章事 月辛 丑朔,有司奏:「河南州縣見使僞印,望追毀改鑄。」 從之。 以光祿大夫、檢校

唐

書

六

莊宗紀第四

孝爲 州節度使,仍賜姓,名紹冲。 前 檢 以 本粘籤) 河 中節度使、西平王朱友謙來朝。 爲宋州節度使,仍賜姓,名紹安。 雑 校 鄭州防禦使、檢校太保,賜姓,名紹琛(云)。 指 太保李紹欽爲兗州節度使。 乙巳、賜友謙姓,改名繼麟,帝令皇子繼岌兄事之。 揮散員都部署、特進、檢校太傅、忻州刺史李紹榮爲徐州節度使; 壬寅, 西平王 以許州匡國軍節度使、檢校太尉、同平章事温韜依前許 了,原本作「西來」,考歐陽史朱友謙傅,**友**謙封 鳳翔節度使、秦王 以宋州節度使、檢校太尉、平章事 以捧 一李茂貞遣使賀收復天 日都指 揮使、 以滑州兵馬留後、 西平王, 博州 今改 下。 袁 刺 象先: 正。(影庫 史 癸卯, 康 依 延

粘籤) 官。 腡 事 事關刑法, 監各請置卿、少卿監、祭酒、司業各一員,博士兩員,餘官並停。 朝官, 不 中、起居 急司存, 其西班上將軍已下, 丁未, 並 一請未議除授。 仍各錄名銜,具罷任時日,留在中書,候見任官滿二十五箇月, 鄭、起居舍人、補闕、拾遺, 日南至,帝不受朝賀。 除太常博士外,許更置丞一員。其王府及東宮官、司天五官正、奉御之屬,凡 凡關不急司存,疑有舛誤,考五代會要及薛史職官志並與莊宗紀同,今無可校正,姑仍其舊。(影庫本 其諸司郎中、員外應有雙曹者,且置一員。 仍望宣示樞密院斟酌施行。 戊申,中書門下上言:以朝廷兵革雖寧,支費獨闕,應諸寺 各置一半。 三院御史仍委御史中丞條 從之。 時議者以中興之朝, 唯太常寺事關大禮,大理寺 左右常侍、諫議大夫、給 並據資品,却 理 中奏。 事 其停 宜恢 與除

鄍, 岳,有母年踰八十,近聞身故,準故事許歸,候三年喪服闋,如未量移,卽却赴 直貢章 驟茲自弱,頓失物情。己酉,詔:應隨處官吏、務局員僚、諸軍將校等,如聞前 奏,不唯 ·褻黷於朝廷,實且傍滋於誅斂, 並宜 止絕,以肅 化風。又詔:左降均州 貶 例,各有進獻 州 司 馬劉

廟,二十五日有事於南郊。 壬子, 詔取今月二十四日幸洛京, 癸未,中書門下奏:「應隨駕及在京有帶兼官者,並望落下,只守 以十二月二十三日朝獻太微宮, 二十四四 日 朝 獻

本官。」從之。

部侍 部郞 依前 館事盧文度爲兵部侍郎, 異。(舊五代史浅異)以朝散大夫、禮部侍郎韋說守本官、同平章事;以吏部侍郎、史館修撰、 胤爲中書侍郎、平章事、集賢殿大學士; 事、充功德使王瓚爲宣武軍節度副使,權知軍 節, 充職,以扈鑾書制學士、 郎、知制誥, 中、知制 惟五代會要作扈鑾書制學士,與薛史莊宗紀同,今仍其舊。(影庫本粘籤)行尚書倉部員外郎趙鳳 乙卯,以特進、 誥 ii, 充翰 充翰林學士,以翰林學士、守尙書膳部員外郞劉昫爲比部郞中、知制誥 特進,原本作「恃進」,今據文改正。(影庫本粘籤) 林學士,以左拾遺于嶠守本官,充翰林學士。 充翰林學士;以右散騎常侍、充弘文館學士、判館事馮錫嘉爲戶 扈攀書制學士,考歐陽史作扈攀學士,通鑑作扈鑾書學士,疑皆引薛史而有所 案: 一州事。 歐陽史作趙光允爲中書侍郎,不載大學士銜, 丁巳,以銀青光祿大夫、尚書左丞趙光 檢校太傅、開封尹、判六軍諸衞 戊午,以中書侍郎、平 與薛史詳略 爲 倉

唐書

六

事 豆 盧 革 剉 和 庸 使, 兼 諸 道 鹽 鐵 轉運 等使。 新羅 王 金朴英遣使貢 方 物

安崇阮 尙書、 戌, 度 權 詔 師、 師 知 金 譯之。 使, 威 軍 吾 知 邠州 守中 守中書令, 以左 衞 節 化 河 兼 仍封 並 大 度 軍 -書令, 節度 御史大夫, 金 留後; 使、行 、將軍 留後、檢校司徒高 檢校舊官, 辛酉,以宣化軍留後、 吾 以 北平王; 使 浴溶京 衞 餘 李存 餘 大安尹、檢校太保張筠爲西都留守、行京兆 大 檢校 以鄜 如 如故; 將 留 充成 確 故。 却復本任。 守、 襄州節度使、 軍 太保韓恭,安州節度使、檢校太保朱漢賓, 爲 延兩鎭節度使、檢校太師、 忽德 史敬鎔爲 右 庚 判六 以 申 街 軍 允貞權知鎮 荆 使 節 , 軍諸 以 南 度 檢校太傅戴思遠權 以鎭 Ι. 節 左 使 檢校太傅、 衞 部 度 街使, 行 治尚書、 事 使、 國 軍 軍留後、檢 國 守太尉 檢校 司 軍 史敬 真定尹 馬, 一留後; 太 平章 鎔, 知軍 師、 兼 兼 原本作「敬容」,今據薛史列傳改正。(影庫本粘籤) ` 知青州 中 校太傅霍彦威爲保義 事孔勍依前 以權 |||| 府 守 中 書令、 都 中 書 事 令、 副 書令、渤 知河陽留後、檢校 軍 尹 安義 留守、 北平 州 河 事 南 襄州節 並 王高 以晉州節度使、檢校太保 軍 海王 ٠, 知留 ヺ 檢 節 檢校舊官, 校 度 萬 守 高 魏 度使, 使 興依前 司 事 季 軍 王 空、 |李繼韜入見待罪。 節 張 太保張繼業依 任 興 餘 爲 却 度 左監門上 贾 全 留後 鄜 如 義 爲 依 復本任 ~ 〔去〕、 檢 前 故。 爲 檢 校 檢 以永 以 將 吏 校 校 延 前 權 部 節 軍 太 太

甲子,車駕發汴州。

軍爲 文改正 原 舊以 盧蘋 軍, 復爲 軍、許州 慰勞 日月互異。(醬五代史考異) 壬申 五代史考異) 尹 〈獻金器二百兩、銀器三千兩、羅錦一千二百疋、龍 春秋吳世家云 洛京為東都。 西京,故尚仍梁制 晉州 順義 魂。 十二月庚午朔,車駕至西京。 以 (影庫本粘籤) 詔 租 匡 爲建 改 詔改僞 軍 國 庸 是 取 , 路州 使、 日 旌 軍復爲 來 或者以永平爲西京時,卽改梁西京爲洛京,而史脫其文也。 :唐以減梁來告,始稱韶,我國不受,唐主隨易書,用敵國禮,曰「大唐皇帝致書于吳國 有 軍 梁永平軍 年二月一 刑 ,稱洛陽爲西京也。 通津鎭 匡 , 部侍 司 忠武 安州 |養軍 自 改宋州 郞 石橋具儀仗法物, 爲安遠 復爲安義 軍 大安府復為西京京兆府, 胡 、太清宮副 日 , 宣武 行郊禮。 滑州宣 柳陂皆戰陣之所, 軍 又,通鑑考異云:諸書但謂之洛京,未嘗韶改西京爲洛京,至同光三年, 軍爲 **案**: 軍 義 使張 ,朗州武順軍復爲武貞 淮南楊溥遣使賀登極, 戊寅, 歐陽史作甲子如洛京, 歸德軍 軍 腦香五斤、龍鳳絲鞵一百事于唐。 -復爲 憲爲檢校吏部尙書、充北京 迎引入于大內。 詔德勝寨、 ,汴州開封府復爲宣 義 宜令逐處差人 成 軍 案:歐陽史作十一 , 陝府鎭 、幸縣、 庚午至自汴州。 辛未,以百 歐陽史于元年冬卽書洛京,未審所據。 軍 國 收掩戰 稱「大吳國主書上 楊劉 ,延州 軍復爲保義 武軍 月辛酉,復永平軍 又遺使張景報聘, 口 薛史作西京, 爲彰武 土 官初 副留守、 , 一骸骨, 楊劉 華州 到, 原原 軍 軍 感化 量備 本作「柳劉」,今據 放 主,王 知留守 耀州 蓋其時未改永平 大唐皇帝 鄧 為西都,與薛史 稱「大吳國 州 軍爲 祭 日 遣司 爲 奠, 朝參。 事 始詔 威 鎭 農 勝 以 奮 軍 或 主 卿 依

上書大唐皇帝」,辭禮

如牋表。(殿本)

己卯,禁屠牛馬

書鈴 也。 府 本 部 侍 進納。」從之。 事 . 郞,依前充集賢殿學士、判院事 胛 事 庚辰,御史臺上言:「請行用本朝律令格式,今訪聞唯定州 以禮部尙書崔沂爲尙書左丞、 T,以兵 申 淮南楊溥、奚首領李紹威 、部侍郎崔協爲吏部侍郎,以刑部侍郎、充集賢殿學士、判院事盧文紀爲尙書兵 辛巳,詔貶安義軍節度使李繼韜爲登州長 並遣使朝貢。 崔沂, 原本作「崔忻」,今據薛史列傳改正。(影庫本粘籤) 乙酉,以翰林學士承旨盧質權 史, 有本朝: 尋斬於 大津 法 書, 橋 望下 下 , 剕 再 本 東部 謀 州 寫 叛 倘 故 軍 副

宗文皇 安 撫 軍城。 T 帝 亥,澤州 配 己丑 į 季秋大享於明堂,請奉 刺 一,有司上言:「上辛祈穀於上帝, 請 史董璋上言:潞州軍變,李繼達領兵出城,自刎而死, 太祖 武皇帝 配; 奉高祖神堯皇帝配; 多至日祀圜丘, 請奉獻祖文皇帝配 節度副使李繼珂已 孟夏雩祀, 請奉太

孟

多祭神

州

地祇,請奉懿祖

昭

聖皇帝配。」從之。

檜 比 重 南 祖 華、至 舊殿 頓 辛 嘉 卯 安 生 禾 禄 Щ 亳州太清宮道 |枯檜新枝,應皇家再造之期, 瑞更 僭 號萎瘁。 超於光武。 玄宗自蜀歸京,枝葉復盛。 士上言, 宜 標 聖 史册,以示寰瀛」云。 祖 玄元 顯大 至是 皇帝殿前枯檜再生一枝,圖畫以進。 國 .再生一枝,長二尺餘。 中 興之運。 案五代會要云: 同上林 蓋 仆柳, 時誇 唐高祖 詡 之言也。 祥旣 神堯皇帝 叶於漢宣; 壬辰,幸伊 武德二年,枯 詔曰,「當

闕。

己已,以中書舍人崔居儉爲刑部侍郎,

充史館修撰、判館事

甲午,以租庸副使、光祿

校勘記

- (1) 志萌憯竊 「萌」原作「朋」,據殿本改。
- (三) 湯網垂仁 「網」原作「綱」,據殿本、劉本改。
- (三) 旣矜全族 「矜」原作「務」,據彭校改。
- 罔悛 心而 革面 「罔」原作「岡」、據殿本、劉本、冊府卷一五 四改。
- Ξ 撒 五代史時據遼史索倫國語解所改,今恢復原文。 刺 阿撥 原作「沙喇鄂博」,注云:「舊作撒剌阿撥,今改正。」殿本作實喇鄂博。 按此係輯錄舊
- [K] 乞存聖恩 四字原無,據殿本、劉本補。
- (中) 詔 處 斬 隨駕 兵馬都監夏彦朝 「韶」原作「紹」,據殿本、劉本改。
- **3** 紹 骙 原作「繼琛」, 據本書卷七四康延孝傅、歐陽史卷 匹 四康延孝傳、通鑑卷二七二改。 本書

下卷

亦作

李紹琛。

唐

書

六

校

勘記

(元) 北 爵 授之。 平王 珊府卷一二九作「制 原作「西平王」,按本書卷一三二高萬興傳 忠義太保等軍節度、延鄜管內觀察處置 載, 萬興於梁祖時封 等使、檢校太師、兼 北平王, 後唐莊宗 復以 書

Ţ

舊五代史卷三十一

唐書七

莊宗紀第五

武 改崇勳殿爲中興殿。 平軍節度使李嗣源爲北面行營都招討使,陝州留後霍彦威爲副,率軍援幽州。 燕進太廟登歌的獻樂舞名,<u>懿祖室日昭德之舞,昭德,原本作「紹德」,考五代會要及薛史樂志並作昭德</u> 今改正。(影庫本粘籤) 知保大軍軍州 上言,契丹入寇至瓦橋。 (軍節度副使、權知軍州事、檢校太傅王)費贈太子太師。 同光二年春正月庚子朔,帝御明堂殿受朝賀,仗衞如式。 事高允韜爲檢校太保。 獻祖室日文明之舞,太祖室日應天之舞,昭宗室日永平之舞。 戊申,以振武軍節度使、檢校太傅、同平章事李存霸 案契丹國志:時契丹日益強盛,遺使就唐求幽州,以處盧文進。(舊五代史考異) 庚戌,以涇原節度使、 丁未,詔改朝元殿復爲明堂殿、 涇原、原本作「經源」,今據歐陽史職方考 壬寅,南郊禮儀使、太常卿李 權 知潞州留後。 己巳,故宜 甲辰,

唐書七

莊

宗紀

第

 $\bar{\mathbf{H}}$

爲萬 尉、兼 改正。(影庫本粘籤) 充秦王府諸道行軍司馬、開府儀同三司、檢校太尉、兼侍中李從曮爲檢校太 春門,通 中書令,依前涇原軍節度使,充秦王府諸道行軍司 政 《門爲廣政門,鳳明門爲韶和門(1),萬春門爲中興門,解卸殿爲端明殿(11)。 馬。 詔改應順門爲永曜門,太平門

諸鎭 朝貢 赴 高 作「前卑」, 闕 低,並 監 者,約千餘 是日 軍 仰 今據文改正。(影庫本粘籤) [,詔曰:[皇綱已正, 紫禁方嚴, 凡事內官, 不合更居外地。 出 逐處丼家口發遣赴闕,不得輒有停滯。」帝龍潛時,寺人數已及五百,至是合諸道 「納王命, 人,皆給賜優贍,服玩華侈,委之事務,付以腹心。 造作威福, 以爲殷鑒, 昭宗以此亡國。 朝復興茲弊, 及帝奄有天下, 議者惜之。 唐時宦官爲 當知戒彼前 韶諸道應有內官, 新羅王金朴英遣使 內諸 車, 前車,原本 司 使務、 不計

從之。 武 司奏:郊祀前二日,迎祔高祖、太宗、懿祖、獻祖、太祖神主於太廟。 並從官給,今後如非前件事例,請官中不給告敕,其內司大官侍衞將校轉官,即不在此限。」 兩 團練使、留後官告,卽中書帖官告院索綾紙標軸,下所司書寫印署畢,進入宣賜。其文 班及諸道官員抖奏薦將校〔三,並合於所司送納朱膠綾紙價錢。伏自僞梁,不分輕重, 壬子, 圖主王衍致書於帝, 稱有詐爲天使, 馳報收復汴州者, 詔捕之, 不獲。癸丑, 有 中書門下奏:「準本朝故事,諸王、內命婦、宰臣、學士、 中書舍人,諸道節度、防 議者以中興唐祚,不宜

以追封之祖雜有國之君以爲昭穆, 南陽,原本作「南洋」,今據後漢書光武紀改正。(影庫本粘籤) 自懿祖已下,宜別立廟於代州, 幽州 北 面 軍前 軍前 奏, 契丹還塞、詔李嗣 如後漢南陽故事可也。 源 班 師。

十三日後散齋內,車駕不合遠出。」詔改至河陽奉迎。 有司上言:「皇太后到闕,皇帝合於銀臺門內奉迎。」 以禮部尚書、興唐尹王正言依前禮部 韶親至懷州 奉 迎。 中書奏:「自二

尚書, 充租

庸使。

鳳翔

節

度使、秦王李茂貞上表,請行藩臣之禮,帝優報之。

甲寅,帝於中興殿面賜

郭崇韜鐵

楊遘 武班三品以上官,可以內殿對見,其餘並詣正衙,以申常禮。」從之。 度支、戶部並委租庸使管轄。 卿,原本作「舜鄉」,今據册府元龜改正。(影庫本粘籤)以前太子賓客李文規爲戶部侍郎致仕。 少師薛廷珪爲檢校戶部尚書、太子少師致仕,以前太子賓客封舜卿爲太子少保致仕, 太僕卿李紓爲宗正卿,宗正卿,原本作「宗呈卿」,考新唐書百官志作宗正卿,今改正。(影庫本粘籤)以衞尉卿 辛酉、帝侍皇太后至,文武百僚迎於上東門。 爲太僕卿。 乙卯,渤海國遣使貢方物。 西京昭應縣華清宮道士張冲虛上言,天尊院枯檜重生枝葉。 庚申, 四方館上言:「請今後除隨駕將校, 及外方進奉專使文 幽州奏, 嬀州山後十三寨百姓却復新州。 是日、河中府上言、稷山縣割隸絳州。 車駕幸河陽,奉迎皇太 戊午,以前太子 詔鹽 鐵 封舜

丑,有司 上言:「南郊朝享太廟,舊例親王充亞獻、終獻行事。」乃以皇子繼岌爲亞獻,

皇弟 存紀 爲 終獻。 丙寅,帝赴明堂殿致齋。丁卯,朝饗於太微宮。戊辰,饗太廟,是 日赴南郊。

謙復刻 云,五 速檢勘天下戶口正額,墾田實數,待憑條理,以息煩苛。」是日,風景和暢,人胥悅服。 男子曾被刺面者、給與憑據,放逐營生。 文改正。(影庫本粘籤) 女服飾,異常寬博,倍費縑 諸州府不得令富室分外收貯見錢,禁工人鎔錢爲銅器, 史,官高者加階爵一 校,各與轉官,仍加賞給。 亡歿者, 「大赦 五逆、屠牛鑄錢、故意殺人(四)、合造毒藥、持杖行劫、官典犯 二月己巳朔,親 十年來無此盛禮。 天下,應同光二年二月一日昧爽已前,所犯罪無輕重常赦 剝 並 不行,大失人心,始於此矣。 興 追 贈, 宜令所在糾察。 級,官卑者加官一資。 在者各與加爵增封。 祀昊天上帝於圜丘,禮畢, 然自此權臣愎戾,伶官用事,吏人孔謙酷加賦斂,赦文之所原放, 綾。 文武常參官、節度、觀察、防禦、刺史、軍主、 有力之家,不計卑賤,悉 應有百姓婦女,曾經俘擄他處爲婢妾者,一任骨肉識 召天下有能以書籍進納者,各等第酬獎。 諸藩鎭各賜一子出身, 應本朝內外臣僚,被朱氏殺害者,特與追 宰臣率百官就次稱賀,還御五 衣錦繡, 勿令商 臟,不在 人載錢出境。 所不原者,咸赦除之。 悉衣錦繡,原本 仍封 此 都虞候、指 功臣名 限。 作「悉依綿繡」, 應自來立 號。 近年已來,婦 鳳 揮使, 樓 留後、 仰有司 贈。 宣 父母 一功將 議者 今據 刺 應

庚午,租庸使孔謙奏:「諸道綱運客旅,多於私路苟免商稅,請令所在關防嚴加捉搦。」

從之。 戌,詔曰:「汴州元管開封、後儀、封丘、雍丘、尉氏、陳留六縣,僞庭割許州鄢陵、扶溝,陳州 餘還本部。」丙子,以隨駕參謀耿瑗爲司天監。丁丑,以光祿大夫、檢校司徒李筠爲右騎衞 太康,鄭州陽武、中牟,曹州考城等縣屬焉。 癸酉,宰臣豆盧革率百官上尊號日昭文睿武至德光孝皇帝(至),凡三上表,從之。甲 其陽武、匡城、扶溝、考城四縣,宜令且隸汴州,

上將軍

率百 册,自備革輅一乘,載册犢車一乘,幷本品鹵簿鼓吹如儀。」從之。 故,仍賜不拜、不名。 池 権 河南尹 官上表,請立 以開 鹽使。 戊寅,幸李嗣源第,作樂,盡歡而罷。 一府儀同三司、守尙書令、秦王李茂貞 、判六軍諸衛事、魏王張全義爲守太尉、兼中書令、河陽節度使、河南 解縣,原本作「諧縣」,今據冊府元龜所引薛史改正。(影庫本粘籤) 辛巳,以檢校太師、 中宮。 案五代會要:太常禮院奏:「李茂貞封册之命,宜準故襄州節度使趙匡凝之例施行。 制以魏國夫人劉氏爲皇 己卯,以河中節度使、冀王李繼麟兼安邑、解縣兩 案:通鑑作岐王。(舊五代史考異) 一后,仍令所司擇日備禮 是日,帝幸左龍武 軍。 册 癸未, 依前封秦王,餘如 命 宰臣 尹, 改封 守尙書 .豆盧革 秦王受 齊

券; 本粘籤) 以前 T 檢校太傅、 亥,以天平軍 安 國軍節度 兼中書令李嗣源爲檢校太尉, 依前 節度使、蕃漢總管副使、開府儀同三司、開府,原本作「開封」,今據文改正。(影庫 副使、檢校太保、左衞上將軍李存乂爲晉州節度使、檢校太傅,以北 天平軍 節 度 使, 加實 封 百戶, 兼 賜 鐵

唐

使。 虞 請 成 太 龍 京 德 退 傅、平章事 武 候 皇 樞 汝州 泪 城 兼 軍 、留守、 澢 東京 密之職 馬 ,原本作「滸州」,今據册府元龜改正。(影庫本粘籤) 戾 步 候 軍 馬步 李存霸 檢校太保、 都指揮使、 優韶 軍 守左龍 都指 為路州 不允 武 左威衞上將軍李存紀爲邢州節度使, 揮使、檢校太保朱守殷爲振武節度使, 右 大將軍李紹奇爲 節 監門衞 度 使, 大將軍毛璋 以捧日 鄭州 都指 爲 己 揮使、 防禦使, 華州 Η, 節 鄭州防禦使李紹琛爲 以振 度使。壬 以 楚州 武 軍 加檢校 加檢校太傅; 一辰,樞 節 防 腹使、 禦使張繼 太 密 傅。 權 使郭崇韜 陝州 安義 孫爲 以蕃 戊子, 節 留後、檢校 汝州 漢 度 再 以 馬 使,以 削 步 防 都 禦 右

卿; 嚴, 史、檢校太保。 吐渾李紹 宜以長 以御 癸巳, 史中 魯皆貢 (壽宮 詔日 丞李德休 L為名。.] 一皇太后母 癸卯,以 (馳馬 樞 光 為兵部侍 T 密 酉, 禄 使 儀 大 天下, 郭崇韜 以武 夫、檢校左 郎; 安軍 子 奏時務利 以吏部侍郎 視羣生, 衙 僕射、行 內馬 便 當別建宮 步 一 十 崔 .太常. 軍 都指 協 五 爲 卿 件 闡, 御 李 揮 一燕爲 使、 優詔 史 顯標名號, 中 特 丞 昭 褒 進、 美。 州 刺 檢校司空,依前太常 史馬 甲午,奚王 冀因 希範 稱謂, 爲永 一李紹 益 州 表尊 刺

州 奏,契丹犯塞,詔李嗣源率師屯邢州。 爲 青州 月甲辰 節 度使,以北京衙 故故 河陽節 度使 內馬步 王 師 範 軍 都 贈太尉。 指揮使、 案通鑑: 乙巳,以 右 詔横海節度使李紹斌、 領 軍 滄州節 衞 大 將 度 軍 李紹斌 使、 北京指揮使李從珂帥騎兵分道備 檢校 爲滄州 太 傅、 箾 同 平 度 章事符 使 鎭

如管三州已下,只奏兩人,仍須課績尤異,方得上聞。 上言:「近以諸州奏薦令錄,頗亂規程,請今後節度使管三州已上,每年許奏管內官三人, 尚書令,封南平王; 以幽州節度行軍司馬李存賢依前檢校太保, 爲幽州節度使。 之。與難史異。(舊五代史秀異)丙午,以荆南節度使、守中書令、渤海王高季興依前檢校太師、兼 防禦使止許奏一人,刺史無奏薦之 中書門下

例。」從之。己酉,以太子少保李琪爲刑部尚書。

競進,故重臣憂懼,拜章請退。 正 戮生靈,公事不治,爲政怠惰,亦加懲罰。 其州縣官任滿三考,即具關申送吏部格式, 候敕除銓注, 其本道不得差攝官替 拯人命者;或去害物之積弊,立利世之新規,有益時政,爲衆所推者,即仰本處逐件分明聞奏,常議獎擢。或在任貪猥,誅 案五代會要: 同光二年,中書門下奏: 「刺史、縣令有政績尤異,爲衆所知;或招復戶口,能增加賦稅者;或辨雪寃獄,能 下上言:「州縣官在任考滿,卽具關申送吏部格式(心,本道不得差攝官替正官。」從之。 **籤)並賜忠果拱衞功臣。初帶憲銜者,並賜忠烈功臣。節級長行,並賜扈蹕功臣。」中書門** 國功臣。自檢校僕射、尚書、常侍及諫議大夫,諫議,原本作「兼義」,今據新唐書百官志改正。(影庫本粘 一授者。」從之。(舊五代史考異)有司上言:「皇帝四月一日御文明殿 日,散齋於內殿。」從之。是日,李嗣源上表乞退兵權,詔不允。 庚戌,幽州奏,契丹寇新城。是日,詔:「諸軍將校,自檢校司空以下,宜賜叶謀定亂匡 癸丑,左諫議大夫竇專上言:「請廢租庸使名目,事歸三司。」 受册徽號,合服袞冕,御殿前 是時伶人景進用事一觸官

唐書七

莊宗 紀第五

疏 辰, 責授萊州司戶鄭珏等一十一人並量移近地。 奏不 却復舊官,太子詹事石戩等五 報 唐州 奏,木連理。 詔:「先省員官,除已別授官外,其左散騎常侍李文矩等三十 人宜以本官致仕,將作少監岑保嗣等十四人續勅 尚書戶部侍郞、知貢舉趙頎卒, 以中書舍 處分。」丙

代會要唐獻祖陵名長寧,今改正。(影庫本粘籤) 角+株于唐。(舊五代史考異) 戊午,詔應南郊行事官,並付三銓磨勘,優與處分。己未,以大理卿 也。 張紹珪充制置安邑、解縣兩池權鹽使。 天禮物。 中書令、北平王。甲子,幸東宅。 裴皥權知貢 癸亥,以彰武、保大等軍節度使、北平王高萬興可依前延州鄜州節度使、檢校太保、兼 已,中書門下奏:「懿祖陵請以永興爲名,獻祖陵請以長寧爲名,長寧,原本作「長應」,考伍 案十國春秋吳世家:王遣右衞上將軍許確進賀郊天銀二千兩、錦綺羅 學。 禁用鉛錫錢。 太祖陵請以建極爲名。」從之。 幸左龍武軍,以皇子繼岌代張全義判六軍諸衞事故 一千二百疋、細茶五百斤、象牙 准 南楊溥遣使貢賀郊 四株、犀

書令、楚王馬殷可依前守太師, 兼尚書令。 德 軍留後華 軍節度行軍司馬、權 温 **| 琪依前檢校太保,充留後。** 知府事 任圜爲檢校右僕射、權北面水陸轉運制置使。甲戌,以順義 乙亥,以天策上將軍、武安等軍節度使、守太師、中 詔在京諸道節度使、刺史,令各歸本任。丁丑,

夏四月己巳朔,帝御文明殿,具袞冕,受册尊號曰昭文睿武至德光孝皇帝。

壬申,以成

以 前 幽 州 節度使、 幽州,原本作「邠州」,考薛史李存審傳,存審係幽州節度使,歐陽史與薛史同,今改正。(影庫本粘

籤 內 外 蕃 漢 馬步總管 檢 校 太師 兼中書令李存審 爲 宣 武 軍 節 度 使, 餘 如 故

韓洙 玉,原本作「宋康王」,今據册 州 前 以 爲 節 節 依 行 使、判內 觀 檢校 察使。 檢校 度使、 度 內侍省內侍楊希朗爲右 節度使。 宋州節度使李紹安依前 前 使 依 內客省 李仁 太尉 太傅、 前 卯,帝御文明殿, 侍省 扶 案. 威 檢 風 校 福 使 甲申,以樞 同 兼 郡 依 、警疑當作威、涇。 太 兼內局、 平章 王 侍中,依前 傅、 前 並 馬賽爲 賜 檢 事 兼 推 校 府元龜所引薛史改正。 工、許州 、特進、 密副使、 侍 ,忠匡 太 册 檢校太 中, 監 檢校 朗 師、 魏 考{通 左 佐 門衞將軍 節 州 或 兼 充朔方、 監門 功臣。 太尉 通議 腹使 節 夫人劉 鑑注 師 中書令、 度 云 ((九); 使。 將 大夫、行內侍省內侍宋唐玉 兼 警州 同 車駕 氏 同 中 軍 (影庫本 泂 平章 夏州 正 書令 爲皇后 同 鳳 西等軍 以襄州 在涇原西。 幸 翔 , IE ~粘籤) 事 節 李紹· 龍門。 節度使,封朔方王; 楊 希 度使、 依 宋州 節 節度 朗, 宏爲 依前 庚 前 今仍其舊。(舊五代史考異) 度使, 辰, 原本作「巾郎」, 靜 丙戌,迴鶻遣 秦王 使 節 右 江 樞 孔 賜 度 軍 領 密副 勃依前 李茂貞薨 靈、 使 霍 節 軍 (元); 彦 使; 度使; 衞 鹽、威、警、雄、凉、甘、 爲 威 上 今據册府元龜改正。(影 檢校 姓 以朔方、 使貢方物。 左監門衞將 一將軍 以 以內客省使、 許 名 以 太 朗州 ٥ 州 日 辛 傅、 紹眞 癸巳, 節 河西等軍 剪, 度 節 同 軍 己丑,以 以宣 使 (中)。 度 平 通議 同 使 以 李 章 庫本粘 IF. 節 為希 靜 黴 潚 紹 事 癸未, 大 冲依 等州 夏州 度 江 南 宋唐 使 籤 軍 院 襄

唐

書

+

莊

宗

紀

第

五

校

勘

記

州,與薛史同。 丙 申, 路 以李嗣源爲招討使,陝州留後李紹眞爲副,率師以討之。 州 小校楊立據城叛,案:歐陽史作三月,潞州將楊立反,與薛史異。 泳樂大典卷七千一百五十六。 五代春秋作四月,盗據潞

校勘記

- (1) 鳳明門 彭本及冊府卷一四、會要卷五作鳳鳴門。
- 解卸 殿 影 庫 本粘籤云:「解卸殿, 原本作『解缶』, 今據五代會要改正。」按五代會要(復旦藏抄

本)卷五作解卸殿,沈校本、殿本倉要作解慍殿。

- (三) 將校 原作「將枝」,據殿本、劉本改。
- (E) 故意殺人 「意」字原無,據冊府卷九二補。
- 至 上尊 號 「上」原作「止」,據殿本、劉本、通鑑卷二七三改。
- **公** 具關申送 「關」原作「闕」,據殿本、劉本改。 影庫本批校云:「『闕』應作『關』。」
- (七) 賜霍彦威姓名曰紹眞 「霍」原作「郭」, 據本書卷六四霍彥威傳、 通鑑卷二七三改。本書卷三

六明宗紀:「李紹眞復日霍彦威。」

- **公** 李紹安 「紹」原作「繼」,據劉本、本書卷三〇莊宗紀、卷五九袁象先傳改。
- (元) 李紹冲 「紹」原作「繼」,據本書卷三〇莊宗紀、卷七三溫韜傳改。

舊五代史卷三十一

唐書八

莊宗紀第六

年未行,我慚見二人,卿當屈意行之。」故有是命。 所薦,帝因許除郡,郭崇韜以爲不可,伶官言之者衆,案清異錄:同光旣卽位,猶襲故態,身預俳優,倘方 進御巾裹,名品日新。 係樂時雜使創置之官。儲德源爲憲州刺史,皆梁之伶人也。 李燕卒。 左諫議大夫竇專不降階,爲御史所劾,專援引舊典,宰相不能詰,寢而不行。 庚子,太常卿 同光二年夏五月己亥,帝御文明殿,册齊王張全義爲太尉。 壬寅,以教坊使陳俊爲景州刺史,內園使 今伶人所頂,倘有傳其遺製者。〈舊五代史考異〉帝密召崇韜謂之曰:「予已許除郡,經 案:歐陽史作內園栽接使。 一初,帝平梁,俊與德源皆爲寵伶周匝 禮畢,全義赴尚書省領事, 考五代會要,內園栽接使

甲辰,以兗州節度使李紹欽依前檢校太保、兗州節度使,進封開國侯;以邠州節度使 紀 第 六 四三五

唐

書

八

莊 宗

使,招討 韓恭 第。 充 丙 午, 西 、依前 己酉 都 以 留守。 使,原本作「招詔」,今據文改正。(影庫本粘籤) 檢校 福 , 詔 建 天下收拆防城之具,不得修濬池隍。 節 太保、 甲寅, 度使、閩王 邠州節度使, 河朔故 以滄州 王審知依前檢校太師、 也 節度使李紹斌 進封 開國伯。 充東 以宣徽使李紹宏爲招討都監,率大軍渡河而北, 北 開國, 守中書令、福建節度使。 以 面 西都留守、京兆尹張筠依前檢校太保, 招討使, 原作「 閑國」,今據們 以兗州節度李紹欽爲副招討 府元龜 戊申, 改 正。(影 幸郭崇韜 庫 本 粘 籤

上言

依 使、沙州 南 州 時 幺 前 孙 行 幽州 屬 郡。 檢校 軍司 上言, Z 卯, 刺史、檢校司空。 太尉、 馬三、蕃漢內外都 壬 契丹營於州 戌, 路州 契丹將寇 以權 兼 叛將 中 書 知 楊立 東南。 鳳 令 翔 遣 丙寅,李嗣源奏收 充鳳 軍 使健 知兵馬 丙辰, 府 翔 事 步 節 渤海 涇州 使。 奉 度使。 表乞行赦宥, 節 辛 或 度使 酉 王 復路州 乙丑 大 李曮 故澤路 以 党遣使貢· 權 爲 帝令樞密副使宋唐玉齎勅書招撫印。 幽 起復 節 知 州上言,新授宣 歸 度使 方物 雲 義 了一會 痙 軍 ·留後 將 以 軍 贈太師 ·、右金吾大將軍 曹義 澶 武 州 軍 金 刺 爲 餡 詔 史李審 歸 度 割 使李存 復 義 州 軍 益 同 爲荆 爲 節 度 赵幺

中、監修國史、兼樞密使、鎭州節度使郭崇韜進爵邑,加功臣號; 六月甲戌,中書侍郎 兼 吏部尙書、平章事 弘文館大學士豆 盧革 中書侍郎、平章事〔三〕、集賢 加 右 僕射 餘 如 故; 侍

安卒。 殿 本作「王 大學士趙光裔 深」, 丙子 今據文改 ٠, 李嗣源遣使部送路州叛將楊立 .加兼戶部尚書; 正。(影庫本粘籤) 至是帝命剗平之, 禮部侍郎、平章 等 到闕 事韋說加中書侍郎。 因 並 詔諸方鎭撤防城之備焉 一碟於市 潞 州 城峻而 宋州奏, 隍 節度使 深 丑: 隍 李紹 有 原

上言:「洛陽已建宗廟,其北京太廟請停。」從之。

禦使 道 舉 陳、恐 以前 全義養爲假 故 河 故 度 酒擅 朝 東 河 副 果家 行 之。 保 留 東 使、 張 甲 真 威 繼 守 節 義 申, 崩 族。」 福 子,令管 守左 案 册 判官 常恣 度 或 孫 軍 以衞國 法。 勅 留後 賜 副 》府 白:「有 姦 了 工 諫議大夫李襲吉贈 死 使、 沅 衙內兵 汝州 兇, 於本郡 李紹 緬 部 禮 一夫人韓氏爲淑妃, 載 侵奪 防禦 善必賞,所 士。 尚書李 部 張繼業爲河陽 眞 爻權 使 尚書蘇 爲 白皇 張 繼孫, 一感亂 徐州節 繼孫 以 敬義 帝 勸 到 循 家事,縱鳥獸之行,畜梟獍之心, 本 忠孝之方; 京, 卽 非 - | | | | 贈右 贈 禮 齊王 度使, 使留 張氏子 繼孫 左僕射, 部尙書, 燕國 僕 後。 一張全義 私藏兵甲, 孫 有惡 以徐州節度使 射 莊宗 自 夫人伊氏為德妃, 故河 必 小丐 **一談**,所 丙 同光二年六月,繼業上 之假子 李襲吉, 戌, 招 養 東 置 以 觀察判官、檢校右僕射 以 部 絕 以 原本作「襲古」,今據歐陽史列傳改正。 至 曲, 也, 姦 李 順 成立, 邪之迹。 有識者所不忍言 欲 紹榮為宋州 義 本 圖 軍 姓 備 不 仍令所司擇日册命。 極 軌, 節度使 郝 其或罪 疏稱:「弟繼孫 顯 氏 兼 榮, 私家 狀 李令 而 爲 節 、騰於衆 無賴者實爲其黨。 不 徑 兄繼業等 度 縱, 能 錫爲 使。 陋 司 本 口 無 撫 馬揆 姓 育 别 醜 郝, 許 戊 無 之 行布 義。 贈 訟 子 州 恩 (影 有 故 母 , 汝州 於近 節 其 一] 庫本粘籤) 河東節 履 臣 而 尙 陰 度使, 叉横征 若不 謙 在, 親, 恭之 防 故 須 纹

暴斂, 除 汚 穢之風。 虐 法 峻 刑 凡百 ,藏兵器於私家 臣 僚,宜體 脮 ,殺平人於廣 命。 可 |貶房州| 陌 司 戸参軍 罔思悛改,難議矜容,宜竄逐於遐方,仍歸 同 正 一,兼 勒 復本姓。」尋 賜 自盡,仍 籍沒 還 於 資 姓. 氏 俾我 動賢之 永

尙 以 驃 使、蕃漢 天平 書 騎 大 王 崔 溥 遠 將 軍 丑: 馬 節 並 宜 鲤 步總管 守 村 度 贈 迴鶻 使、 僕 司 左 徒; 射 驍 分餘 蕃 可 汗仁美爲英義可汗。 衞 漢 装 如 故 總管 上 静 故。 樞 將 等六 海 副 軍 甲 軍 使、 人皆 進 午 節 - , 以樞 封 開 度 使獨 府儀 開 前 朝宰 或 密使、 伯, 孤 同三司、 詔 輔 損 改 賜 特 贈 輝州 功 爲 進、 司 檢校 臣 梁祖 空; 爲單州 號 大 太尉 領 所害於白 故吏部 軍 **、兼 衞 庚寅, F 中 尙 將軍、知 馬 書陸扆 書令李嗣 故左僕射 驛, 至是追 內侍 贈右僕射 源 裴樞 省 爲宣 一贈焉 事 張 武 右 (居翰) 僕 軍節 故工 壬: 射裴 度

使李紹 陽 **府**元 尺。 廟 下 彬來 奏: 而 (銀 丙 秋 改 朝貢,稱「大蜀皇帝上書大唐皇帝」。庚申,以應州爲雲州 午,以 珙 正 句 七 亦望 爲 月 年 (影 襄州 戊 南 庫本 襄 差 戌 郊 州 宰 粘 留 朔, 壇 籤 節 臣 後 DU 度使 故宣武 行 乙 酉 洞 以前 事 祭, 孔 (回),幸龍 澤 勍 從 太 軍 爲 乏。 微 節 州 宮 潞 刺 度 史董璋 使 州 乙巳, 汴州 五 門之雷 薦 李 節 獻 存 度 使, 爲 審 Ш 並 邠 男彦 字 李 雍 祭天 州 存 臣 丘 留 超 攝 霸 縣 神, 後 進 爲 太 大 其 鄆州 尉 風 從 戊 父牙兵 行 北 午, 拔 節 事 俗 木 度 西 之舊 屬郡 惟 八八千 傷 使。 Ш 稼 太 王 事 廟 七百 升新州爲威塞 衍 |耶 也 曹州 遣 州 遣 人。 庶 原 僞 辛亥 本作「軍 僚 大 署 雨 行 戸 平平 事 部 以 州 」,今據 軍 中 侍 郇 此 地 節 書門 州 後 水 郎 太 度 歐 副 洲

攻渤海 使,以嬀、儒、武等州爲屬郡。 案遼史太祖紀 …天贊三年五月,渤海殺其刺史張秀實而掠其民。於東攻渤海之事,闕 壬戌, 皇子繼岌妻王氏封魏國夫人。 幽州 奏, 而不 載。考五代會要,同 契丹阿保機東

光二年七月,契丹東攻渤海國,與薛史同。

日 旌 今據文改正。(影庫本粘籤) 刺史,並於洛陽修宅一區。中書門下上言:「請今後諸道除節 守禮部尚書王正言罷使,守本官。辛巳,詔諸道節度、觀察、防禦、團練使、團練,原本作「團簡」, 刺史張廷裕爲新州威塞 以權知汴州軍州事、翰林學士承旨、戶部尚書盧質爲兵部尚書,依前翰林學士承旨,仍賜論 苑。 營。(舊五代史考異) 兩 思匡佐 見屋宇, 以以 使 中書 光尊俎。 判 癸酉,以租庸副使、守衞尉卿孔謙爲租庸使,以右威衞上將軍孔循爲租庸副使。 ·門下奏:「諸道除節度副使及兩使判官除授外(云),其餘職員幷軍事判官,伏以 官外, 一功臣。 月己巳, 許他人占射。 由是副 其餘職 丙子,以雲州刺史、雁門以北都知兵馬使安元信爲大同軍節度留後,以隰州 韶洛京應有隙地,任人請射修造,有主者限半年, 辛未、北京副留守、太原尹孟知祥加檢校太傅、增邑,賜功臣號。 知己之薦,成接士之榮(六),必當備悉行藏, 員幷諸州 軍節度留後。 案五代會要載此詔云:藩方侯伯,內外臣僚,于京邑之中,無安居之所,亦可 軍 事 判 官, 丁丑,樞密使郭崇韜上表請退,不允。戊寅、租庸使、 各任本處奏辟。」 習知才行, 從之。 允奉幕中之畫, 令本主自修 案五代會要: 翘車著詠, 以稱席 戔帛 蓋, 上之珍。 同光二年八月八 垂文, 請射, 帝畋於西 如過 度副使、 甲戌, 式重弓 缓自偽 各自修 限不

唐

從之。 史考異) 梁,頗乖斯義,皆從除授,以佐藩宣。 判官除授外(七),其餘職 爭論,若又依違,必長訛濫。望差權判尙書省銓左丞崔沂、吏部侍郎崔貽孫、給事中鄭韜光李光序、 流,多失根本,以至冬集赴選人,並南郊行事官,及陪位宗子共一千三百餘人,鈴曹檢勘之時,互有援引, 偽滋多,兼同光元年八月(10),車駕在東京,權判工部員外郎 遣使貢方物。宋州大水,鄭、曹等州大風 也。 詳定舊長定格、循資格、十道圖,務令簡要, 司公事,並緊長定格、循資格、十道圖等,前件格文,本朝創立,檢制姦濫,倫敍官資,頗謂精詳,久同遵守。自亂離之後,巧 十道圖。」從之。案伍代會要:同光二年八月,中書門下奏:「吏部三銓、門下省〔九〕、南曹、廢置、甲庫、格式、流外銓等 吏部尚書崔貽孫、 陝州奏, 汴州奏,大水損稼。癸未,租庸使孔謙進封會稽縣男,仍賜豐財贍國 河水溢岸。乙未, 、給事 6員丼諸州軍事判官等,並任本道本州,各當辟舉, 中鄭韜光李光序、 因緣多事之秋,慮爽得人之選,將期推擇,式示更張。 中書門下上言:「諸陵臺令丞請停, 可久施行。」 雨,損稼。 吏部員外郎盧損等, 從之。(舊五代史考異) 盧重本司起請一 丁亥,中書門下侍郎奏:「請差左丞崔沂 其軍事判官(八),仍不在奏官之限。」(舊五 卷二二, 癸巳, 同詳定選司 並以興復之始,務切懷來, 放朝參三日, 今後諸道,除節度副 以本縣令知陵臺事 功臣。 吏部員外 長定格、循資格、 去留之際, 郎盧損 以 淮南楊溥 霖 使、兩使 凡有 等, 雨 不 故 絕 條 同

春殿。 九月癸卯, 畋於西北郊。 戊申,以中書舍人、權知貢舉裴皥爲禮部侍郎,以前鄭州防禦副使姜弘道爲太僕卿。 幽州上言, 契丹阿保機自渤海國迴軍。 內園新殿成, 名曰長

書身 出身入仕,買覓鬼名告勅;今將骨肉文書,揩改姓名(三;或歷任不足,妄稱失墜; 侍中郭崇韜奏:「應三銓注授官員等,三鈴,原本作「正千」,今據五代會要改正。(影庫本粘籤)內有自無 衆情亦怨之。 己酉,司天臺請禁私曆日,從之。 及崇韜條奏之後,澄汰甚嚴,放棄者十有七八, 分 ; 蔭緒、託形勢論屬,安排參選,所司 若同保人內有僞濫者,並當駁放。 死月日 分 明付子孫。 今後銓司公事,至春末並須了畢。」從之。 隨例注官。 應有人身死之處,今後並須申報本州,於告身上批 如有人陳告, 特議超獎; 其所犯人, 放棄,原本作「坊弄」,今據五代會要改正。(影庫本粘籤) 銓綜之司,僞濫 檢格 或假 日久,

告勅。 嚴備盜· 辰, 二十二日夜,熒惑犯星二度,星周分也,請依法禳之。 護馬存可依前檢校太尉、兼侍中,充寧遠軍節度、容管觀察使。 黑水 庚戌,有司自契丹至者,言女真、迴鶻、黃頭室章合勢侵契丹。 一火,止絕夜行。」從之。 國遣使朝貢。 契丹寇幽州。 。甲寅,幸郭崇韜第,置酒作樂。 戊午, 宣宰臣於中書, 於京城四門懸東流 乙卯, 磨勘吏部選人, 存,湖南馬殷之弟也。 壬子,有司上言:「八月 以前振武 水一罌,兼令都市 節度使、安北 謬濫者焚毀 丙

庚午,正衙命使册淑妃韓氏、德妃伊氏,以宰臣豆盧革、韋說充册使。 多十月戊辰,帝畋於西北郊。己巳,故安義節度使、贈太尉、隴西郡王 辛未,詔:「今後支郡 李嗣昭贈太師。

唐書

莊宗紀第

達藩后,紊亂之弊,人不敢言。己卯,汴、鄆二州奏,大水。 丑,皇后差使賜兗州節度使李紹欽湯藥。 時皇太后行誥命,皇后劉氏行教命,互遣使人宣 璃戒壇,度僧百人。」從之。 乙亥,故守太師、尚書令、秦王李茂貞追封秦王,賜諡曰忠敬。丁 清河泛溢,壞廬合。癸未,畋於石橋。甲戌,河南尹張全義上言:「萬壽節日,請於嵩山開 牒, 觀察使貴 ,須申本道騰狀奏聞。 至理體。」契丹寇易、定北鄙。 騰狀,原本作「膝將」,今據册府元龜改正。(影庫本粘籤) 壬申,故大同軍防禦使李存 租 璋贈太尉 庸 使各有徵 鄆州 催 祇 瑠

寇, 以宣武軍節度押牙李從温、李從璋、李從榮、李從厚、李從璨並銀靑光祿大夫、檢校右散騎 令,餘如 度 察等使、 度、嶺南 帥、尙父、守尙書令,封吳越國王。癸未,幸小馬坊閱馬。甲申,以兩浙兵馬留後、淸海帥、尙父、守尙書令,封吳越國王。癸未,幸小馬坊閱馬。甲申,以兩浙兵馬留後、淸海 庫本粘籤)壬午, 觀察留後,餘 庚辰,以前太僕卿楊遘爲大理卿。 党項進白驢, 奚王李紹威進駞馬。 故。 檢校太傅、守侍中、知蘇州中吳軍 東道觀察等使、守太尉、兼侍中、廣州 辛巳,故天雄軍節度副使王緘贈司空。 辛 剪 如故; 以天下兵馬都元帥、尙父、守尙書令、吳越國王錢鏐可依前天下兵馬都元 天平軍監軍使柴重厚可 以鎭東軍節度副 大使、江南管內都招討使、建武軍節度、嶺南 軍州事、行邕州刺史錢元璙爲檢校太尉、 特進、右領衞將軍 刺史錢元瓘爲檢校太師、無中書令,充兩浙 故天雄軍,原本脫「天」字,今據册府元龜增入。(影 ·同正, 充 鳳翔監軍使。 幽州奏,契丹入 西道 兼中書 甲午, 軍節 觀 節

常侍 棄御史大夫,宣武軍節度押牙李從臻可檢校國子祭酒棄御史中丞。 自從温而下,皆李

嗣源諸子也。

趙光裔、韋說詣閤門待罪,詔釋之。 部侍郎崔貽孫貶朔州司馬,給事中鄭韜光貶寧州司馬,吏部員外盧損貶府州 於代州東南。 人吳延皓取亡叔告身故舊名求仕,事發,延皓付河南府處死,崔沂已下貶官。 十一月丙申、靈武奏,甘州迴鶻可汗仁美卒,其弟狄銀權主國事。 己亥,幸六宅宴諸弟。 壬寅,尙書左丞、判吏部尙書銓事崔沂貶麟州 吐渾白都督族帳移 司戶。 宰相豆盧革、 司馬,吏 時有選

物議非之。其夕,宿於張全義之別墅。 夜,顯墜崖谷,死傷甚衆。 癸卯,帝畋於伊闕,侍衞金槍馬萬餘騎從,帝一發中大鹿。 丙午,復命衞兵分獵,殺獲萬計。 甲辰,宿伊闕縣。 乙巳,宿椹磵。 是夜方歸京城,六街火炬如晝。 是日, 命從官拜梁祖之陵, 時騎士圍山,會

丁未,賜羣臣鹿肉有差。

氏為渤海 出使美宣鄧氏為魏國夫人,御正楚眞張氏為凉國夫人,司簿德美周氏為宋國夫人,侍眞吳 至,百官拜表稱賀。 庚戌,制改節將一十一人功臣號。辛亥,以兵部侍郎李德休爲吏部侍郎。 郡 夫人,其餘並封郡夫人。 以昭儀侯氏為汧國夫人,昭容夏氏為虢國夫人,昭媛白氏為沛國夫人, 丁巳,河中節度使、守太師、兼尚書令日司、西平王李繼 壬子,日南

唐

麟 可依前守太師、 兼尚書令、 河中護國軍節度使、西平王,仍賜鐵券。 戊午,幸李嗣源、李紹

榮之第,縱酒作樂。是日,鎭州地震。契丹寇蔚州。

使李紹 還宮。 申,以 全義 使李嗣 氣, 學士草謝全義 貢 獻 第,酒酣, 背氣,原本作「皆氣」,今據歐陽史司天考改正。(影庫本粘籤) 源將宿衞兵三萬七千人赴汴州, 教坊使王承 眞 壬 爲 月戊辰,幸西苑校獵。 丑,幸龍門。 午,契丹寇嵐州 北面 書,學士 帝命皇后拜全義爲養父, 行營副招討使。 顏 爲 庚寅, 興州 趙鳳 密疏, 党項 刺史。 詔 遂如幽州禦契丹。 河南尹張全義爲洛京留守, 遣使貢 己已,詔汴州節度使李嗣源歸鎮。 戊子,李嗣源奏,部 陳國后 丙子, 詔 方物。 全義惶恐致謝,復出珍貨貢獻。 無拜人臣爲父之禮,帝雖嘉之,竟不能已其事。 取 是嗣源因出師而歸鎭也。 來年正 乙酉, 凡十二。 月七日幸 署大軍 幸龍門佛寺祈 判 自宣武 在京諸 魏州。 庚午, **案**: 軍 雪。 軍 庚辰, 畋於近郊, 至 北 通鑑作己巳,命宣武軍節度 帝與皇后劉氏幸張 征 翌日,皇后 丙戌,以 是日, 淮 南 徐州 楊 日傍有背 傳制, 溥 遣 節 使 命 度

財 備 匱 而 昭宗、少帝,原本作 同光三年春正月甲午朔,帝御明堂殿受朝賀,仗衞 岞 契丹寇幽州。 「詔宗大帝」, 戊戌、詔:「起今後特恩授官及侍衞諸軍將校、內諸司等官,其告 今據舊唐書改正。 (影庫本粘籤) 如式。 宜令有 司 丙申,韶以昭宗、少帝山 別選 園陵 改葬, 尋 以 年饑 陵未

濮,以限我軍,至是方修之。丙辰,幽州上言,節度使李存賢卒。 戌, 不徵。兵、吏部兩司逐月各支錢四十貫文,充吏人食直。 前 銅炭價直,其料物官給。」庚子,車駕發京師幸鄴。 身官給, 邠州節度使韓恭爲右金吾大將軍,充兩街使; 至鄴。 舊例朱膠錢、臺省禮錢並停,其餘合徵臺省禮錢, 命青州節度使符習修酸棗河堤。 以前安州節度使朱漢賓爲左龍武統軍。庚 先是,梁末帝決河踶(四), 以前許州節度使李紹冲爲太子少保; 少府監鑄錢造印文,今後不得徵納 比舊數五分中許徵一分,特 引水東注至鄲 恩者 以

契丹, 命李 放五文。 召崇韜議之, 大同 據文改正。(影庫本粘籤) 未 永 與除 許州 紹 軍 生擒首領三十人。 放。」 斌 留後安元信爲滄州節度使。 逐年所俵 月甲子朔,詔:「興唐府管內有百姓隨絲鹽錢,每兩與減五十文。 上言:「襄城、葉縣準勅割 鎭 幽州,以其時望未 丙寅 崇韜 [蠶鹽,每斗與減五十文。 、定州節度使王都來朝。 奏以爲當, 從之。 符習 甲戌,以滄州 因懇辭兼領 重,欲以 奏,修隄役夫遇 隸 汝州,其扶溝等縣 乙亥,幸王莽河 李嗣 節度使李紹斌為 、三至。 小菉豆稅, 源 丁卯, 畋於近郊。 爲 雪 鎭 庚辰, 寒逃散 帥 射 鴈。 請卻隸當州。」 每畝與減放三升。 且爲紹斌 以宣武軍節度使李嗣源爲鎭州節度 幽州節 樞密使郭崇韜上表辭 丙子, 己巳,召從臣擊球於鞠場。 聲援, 渡使, 李嗣 卻隸當州,原本作「卻穎」,今 源奏, 移郭崇韜 依前 案:五代會要作每兩與減 都城內所徵稅絲, 涿州 檢校 兼 兼領 太保;以 鎭 東 南 汴州。 時 殺 敗

唐

| 韜 使。 部尚書崔柅 戌, 定州節度使、檢校太尉、 王致書上大唐皇帝」。乙酉,帝射鴨 司 徒、皆冲幼、未出閣。 依前 辛巳,以皇子繼潼、繼嵩 守侍 卒,贈右僕射。 一、監修國史、 突厥、渤海國皆遣使貢方物。 兼侍中王都進封開國公, 兼樞密使, 繼蟾、 於郭泊。 繼蟾, 加食邑實封。 原本脫「繼」字,今據歐陽史增入。(影庫本粘籤) 郭泊, 原本作「郭伯」, 加食邑實封。戊子, 帝幸近郊射鴈。 廣南 劉嚴遣使奉書於帝,稱「大漢 今據册府元顯改正。(影庫本粘籤) 甲申,以 幸近郊射鴈。 繼曉並檢校 樞密使郭崇 丙 國

州親廟。 蕃漢馬步使朱守殷奏,昨修月陂堤, 錢」,賊黨以爲「得一」非佳號,乃改「順天」。 年,洛京積善坊得古文錢,曰「得一元寶」「順天元寶」, 十六,內二十六文曰「得一元寶」,四 「皇帝行寶」四字,方圓八寸,厚二寸,背紐交龍,光瑩精 三月癸巳朔,賜扈從諸 庚子, 沼取三月十七日車駕歸洛京。 軍將士優給,自二十千至一千。 蓋史思明所 至德宮南獲玉璽 百四十日「順天元 史不載何代鑄錢。 鑄錢也。 壬寅、符習奏, 丙申, 寶」,上之。 妙。 紐口的、獻之。 近見錢氏錢譜云: 寒食節, 守殷又於役所得古文錢四 甲午,振武軍節度使、 修河隄畢 帝 與皇后出近郊, 案龐元英文昌雜錄云: 韶示百官, 史思明再陷洛陽, 功 驗其 洛京內外 遙變代 鑄得 同光三 文目 百六

相 聞、安知二年之間,在吾廡下。 戊申、帝召郭崇韜謂曰:「朕思在德勝寨時、霍彥威、段凝皆予之勍敵 吾無少康、光武之才,一旦重興基構者,良由二三勳德同 終日 格鬭, 戦聲

五代春秋 薛史,而 都 以 食 作 爲據也。 秋作庚子,帝幸鄴都,遂幸德勝故城。 1 樂而 一再觀 4 故 、心、殘壘荒溝,依然在目。 輔 井州 車 也。 翼故 夏 }通 酸地、 DLI 皆作庚辰,又疑原本不誤。 罷。 鑑、五 登城四 爲 時 纍纍於路焉。 臣。 月癸亥朔, 官苑使王允平、伶人景進爲帝廣采宮人,不擇良家委巷,殆千餘人,車駕不給, 北都。近以 壬子,淮 |代春秋皆襲其訛耳。 益知王業之聚難, 豈不韙哉! |望,指戰陣之處以窳宰臣。 朕有時夢寢, 南楊溥遣使朝貢。東京副留守張憲奏,諸營家口一千二百人逃亡,以艱 魏州 案:五代春秋作辛亥朔,通鑑 庚辰, 車駕至自鄴。案:原本作庚辰, 歐陽史作庚申, 疑永樂大典傳寫之訛。 考通鑑及 爲 如在戚城、 據上文,正月甲午朔,二月甲子朔,三月癸巳朔,則三月不得有庚辰也。 據薛史,則己酉發鄴宮,辛亥至德勝城,與五代春秋異。 東京,宜依舊以 子欲按德務故案,與卿再陳舊事。」崇韜曰:「此去澶州不遠,陛 今姑從原本,仍爲辨正於此。 思念霆時挑戰鏖兵,勞則勞矣, 渡河 從薛史。 」己酉、車駕發都宮。 洛京 . 南觀廢栅舊阯,至楊村寨,沿河至 爲 東都 辛 有蝕之。 酉, 魏州 詔 本 改爲 以租 朝以 庸副 郡都,與 雍州 然而揚旌伐鼓, 至德勝城。 蓋五代春秋祇以下詔之日 爲 西京, 八北都 並爲 戚城,置 洛州 濫 案:五代春 其誤始於 次府 爲東 差慰 載 酒

諸 及 州 第 道 事 州 進 府, 丙 寅, 依法 案五代會要 准 祈 南 楊溥 禱。」從之。 時以 遣使貢 新及第進 人方物。 乙亥,帝與皇后幸郭崇韜第,又幸左龍武統軍朱漢賓之第。戊 士 符蒙正 壬 中, 等尚干浮議,故命盧質覆 幸甘泉亭。 日 癸酉, 試 詔 租 翰林學士 庸 使奏:「時 使 孔循權 承旨盧質覆試新 雨 久愆, 知 汴州 請下 軍

唐

書

ス

莊

宗

紀

第

六

新及 無 使。 寅 寅 黜 未 中書 以 以 第 知孰 落 Ţ 早 耀 進 亥,以鎭州 是。(舊五代史考異) 侍 特 甚 州 士四人,其王澈 議 郞 爲 詔 寬容。 兼 車 河 T. 練 南 部 州,其順 節度使 府 今後 尚書、平章事趙 徙 廢朝三日 市 改爲 新 李 ·, 造 義軍額宜停。 及第 嗣 第 源 五 方 人, 兼 , 龍 北 光胤 桑 候 面 維翰第二, 過 集 水 卒, 庚辰,帝侍皇太后幸會節園,遂幸李紹榮之第。 堂 巫 陸轉運 禱 日 案薛史: 委中 祭。 符蒙正 使,以徐州 ·書門 癸未,以 二年六月,光允加 下精 第三,成僚 節度 加 詳覆。 使 節 兼 第 李 度 戶 ,紹眞 使 部份書, 儿 陝州 李 禮部 爲 紹 奏, 此 欽 副 處 爲 作工 木 侍 禮 連 郞 鄧 部,前後互 部 裴 州 理 皡 節 貢 旣 院 庚 度

校 衙 任 殿 太人人人 內 睘 行 馬 爲 服 五 步 Ī 月 軍 部 時皇 己未,詔天下見禁罪人,如無大過,速令疎放。 1 尙 都指 辰 太后 書。 一朔,淮南楊溥貢端午節物 揮使李繼昶爲涇州節度使、 戊 欲 申,幸龍門廣化寺 奔喪於晉陽,百官上 祈 表 雨 Ţ 請 酉 李繼昶, 留, 己 皇 酉 太 乃 , 原本作「繼 妃 黑水、女眞皆 止 劉 幸玄元 戊 氏薨於晉陽,廢朝 戌,以 永一, 廟 今從歐陽史改 I遺使 鎭 禱 州 雨 朝貢 行 軍 Ē 司 五 (影 日 戊 馬 庫本粘籤) 午, 帝 知 以 軍 於 鳳 興安 府 檢 州 事

節 部 度使安元信充北面行營馬步軍都排陣使。 族羊馬三萬來降口,已到 六 月癸亥,雲州上言,去年契丹從磧北 南界,今差使人來赴 歸帳,達 闕 奏事 靼 以宗正卿李舒充昭宗、 因相掩擊,其首 甲子, 太白 領 . 畫見。 于越族帳自 少帝改卜園陵 丁 卯 磧 以 滄 北 州

聞蜀 多未 都知 使。 言,果大悅。(舊五代史考異) 固不服者,惟吳 蓋當時私馬之禁如此。 修奉諸陵使。 子,以刑部尚書李琪充昭宗、少帝改卜園陵禮儀使。 陵 崇韜秉政,以爲不可,樞密承旨段徊贊其事, 下皆訴水災。 | 仰差近陵百姓二十戶充陵戶,以備灑掃。 地富民饒,獲之可 掩修。 兵馬使劉承訓爲天德軍節度觀察留後。 壬申,京師雨足。 |蜀耳。 其下宮殿宇法物等,各令奉陵州 丁丑,詔吳越王錢鏐將行册禮, 辛卯,詔括天下私馬,案五代會要:詔下河南、河北諸州、和市戰馬、官吏除一匹外,匿者坐罪。 建大利; 朕欲先有事于蜀,而蜀地險阻尤難,江南才隔荆南 將收蜀故也。 自是大雨,至於九月,晝夜陰晦,未嘗澄霽,江河漂溢,隄防壞決,天 江南國貧、地狹民少、得之恐無益。臣願陛下釋吳先閩。」時莊宗意亦欲伐蜀,及聞季興之 泳樂大典卷七千一百五十七。 其壽陵等一十陵,亦一例修掩,量置陵戶。」 戊 府據所管陵園修製,仍四時各依舊例薦饗。 故有是命。 丙戌,韶曰:「關內諸陵,頃因 準禮文合用竹册, 己丑,以工部郎中李途爲京兆少尹,充 一水,朕欲先之,卿以爲 癸丑,以天德軍節度使、管內蕃漢 案三楚新錄: 莊宗謂高季興曰: 「今天下負 宜令所司修製玉 何如?」 喪亂,例遭穿穴, 季興對 册。 四...[田 時郭 每

校勘記

(1) 齎勅書 「齎」原作「賚」,據殿本、劉本改。

唐

書

八

校

勘記

- (三) 行軍司馬 「軍」原作「馬」,據殿本、劉本改。
- (三) 平章事 原作「平事事」,據殿本、劉本改。
- 乙酉 冊府卷三四、歐陽史卷五,唐本紀作己酉。 按同光二年七月戊戌朔,無乙酉,在丙午與辛

亥之間,當是己酉。

- (至) 節度副使 「副」字原無,據會要卷二五補。
- **公** 由是副知己之薦成接士之榮 「知己」原作「己知」、據一要卷二五改。「成」原作「或」,據殿本、

劉本、會要卷二五改。

- (4) 兩使 判官 原作「判官兩使」,據全要卷二五、冊府卷六一及本注上文改。
- 冗 其軍事判官 「事」原作「州」,據殿本、劉本、會要卷二五改。
- **へ**たし 門下省 「門」字原無,冊府卷六三二作「門下省」,據補。
- 8 同光元年八月 「元年」原作「二年」,據會要卷二〇、冊府卷六三二改。
- (11) 盧重 原作「盧從」,據殿本、劉本、會要卷二〇改。
- (三) 揩改姓名 「揩」原作「楮」,據殿本、劉本改。
- (11) 兼尚書令 「兼」字原無、據殿本補。
- 梁末帝決河隄 「決」原作「次」、據劉本、冊府卷四九七、通鑑卷二七三改。

三 因懇辭無領 懇原作「墾」,據殿本、劉本、彭本改。

殿本、劉本同。

今恢復原文。

Cleb 于越 こう 至徳宮南 原作裕悅,注云:「舊作于越,今改正。」按此係輯錄舊五代史時據遼史索倫國語解所改, 冊府卷二五、會要卷五並作「至立德坊南古岸」。

舊五代史卷三十三

唐書九

莊宗紀第七

常膳,表凡三上。以刑部尚書李琪充大行皇太后山陵禮儀使,河南尹張全義充山陵橋 頓使,孔謙充監護使。 之說也。 服後,於殿前立班奉慰。乙巳,宰臣上表請聽政,不允,表再上,勅旨宜廢朝七日。丁未, 崇韜指,奏而改之。案五代會要載同光三年勅云:崇文館比與弘文館並置,今請改稱,頗協舊典。蓋豆盧革曲爲 弘文館上言:「請依六典,改弘文館爲崇文館。」從之。時樞密使郭崇韜亡父名弘,豆盧革希 崩於長壽宮,帝執喪於內,出遺令以示於外。癸卯,帝於長壽宮成服,百官於長壽宮幕次成 同光三年秋七月丁酉,以久雨,詔河南府依法祈晴。 洛水泛漲,壞天津橋,以舟濟渡,日有覆溺者。 壬子,河陽、陝州上言,河溢岸。 以禮部尚書王正言 己酉,宰臣百官上表請聽政,又請復 滑州上言,黃河決。壬寅,皇太后 案:原本作「直言」,今 道排

唐

書九

莊宗紀

第七

據歐陽 賢殿 撰、 部尙書、 城 東西權開場 剕 **※學士、** 壞浮) 史改 館 事 ιĘ 橋 判 崔 (舊五代史考異) 、太常卿兼判吏部尙書銓 判院事盧文紀爲吏部侍郎,以給事中李光序爲尙書右丞。 居儉爲御史中丞, 入城 П, 門, 引水入古河。 居人有溺 爲戶 部 以尙 尙 澤路 死者 書, 事 書 上言 李琪為吏部尚 左丞 以御史中丞崔協爲禮部尚書, Z 卯, 歸 自今月 靄 汴 爲 州 刑 書, 上言, 日 部 侍 依前判太常 雨 剆 **汴水** 至 $\overline{+}$ 泛漲 九日 陝州 卿 以 恐漂沒 許州 未 Ŀ 刑 以兵部 岞 部 i 侍 郎、 城 滑州 戊 泂 侍 池 漲 鄓 史館修 以 於州 刑 集

李嚴 宜 案:原本「入草」訛「全草」,今據通鑑及册府元龜所引薛史改正。(舊五代史考異) 內,先有丘墳, 杖 怒 幸 壽安 以 曰:「物歸 一頓 使 黄 八 蜀 金鑄 月壬戌,詔諸司人吏,不許諸處奏薦,如有勞績,只許本司奏聞。 Ш 處 回。 陵 死, 作所。 成,其文日「吳越國王之印」。丁卯,帝釋服,百官奉慰於長壽宮。 中夏者命之曰『入草』,王衍 坐部 初,帝令往市蜀中珍玩,蜀法嚴峻,不許奇貨東出,其許市者謂之「入草物」 合令子孫改卜。 内橋 都都 道 大水,御河泛溢。 不修 故也。 舊例給其所費,無子孫者官爲瘞藏。 及死,人皆冤之。 .寧莬爲入草之人耶!」由是伐蜀之意銳矣。 癸未, 河南縣令羅貫長流崖州, 甲申,山 嚴不獲珍貨,歸而奏之,帝大 陵 一禮儀使奏:「山 如是五品以 詔有 尋委河南 戊辰, 司 陵 吳越 上官三, 府決痛 客省使 封 庚辰, 印

地、 少卿 所 廟 后 太祖 必諡 司 太微宮、宗廟,如常告之儀。」 仍以 定 大行 於廟 皇帝室,然後差丞郎 禮致祭。」從之。 者,受成於祖宗。 .太后諡議,太常卿署定訖,告天地宗廟。 鳳翔奏,大水。 一人撰册文,別定日,命太尉上諡 今大行太后諡,請太常卿署定後,集百官連署諡狀訖,讀於太 從之。 青州大水、蝗。 己酉,中書門下上言:「據禮儀使狀,準故事,太常 伏準禮文: 己丑,以襄州留後李紹珙爲襄州 一册於西宮靈座,同日差官告天 賤不得誄貴,子不得爵母,

度使,以邠州留後

董璋爲邠州

節度使。

爲 壞 立。」從之。 廟 魏王 《廬舍。 太祖 九月辛卯 室, 乙未, 幸壽安陵。 其 鎭州 日, 朔,河陽 制封第三子鄴都留守、興聖宮使、檢校太尉、 **衛州** 集兩省御史臺 庚子,襄州 奏, 奏,黃河漲 案:原本脫「鎭州」二字, 奏、漢江 五品已上、尚書省四品已上、諸司 一丈五尺。 漲溢,漂溺廬舍。 癸巳,中書上言:「大行皇太后諡議合讀於太 今據册府元龜所引薛史增入。(舊五代史考異) 是日,命大舉伐蜀 同平章事、判六軍諸 三品 已上官, 詔 於太廟序 **衞事繼**发 水入城,

和萬 藴 (唐恩,間者父總藩宣,任居統制(三),屬朱温東離汴水,致昭皇西幸岐陽,不務扶持, 偷安之計, 邦 ',庶正 則必徵諸 朔以遐同,俾人倫之有序。 典訓,振以皇威, 爰興伐罪之師, 冀遏亂常之黨。 其或地居 陬裔,位 極 一驕奢, 殊乖 蠢 事 茲蜀主,世 大之規, 但

肸

龍

綏

几

海,籠綏,原本作「籠維」,今據文改正。(影

庫本粘籤)協

書幣 別 誤,據册府元龜所引薛史作「尙抗」,今改正。(影庫本粘籤)情動而先誇險固。加以宋光葆輒陳狂計, 題, 僭號。 信幣,皆絕酬還,背惠食言,棄同即異。 書,星歲俄移,歡盟頓阻。 反懷 銳 溶好 旅,電掃兇渠,復已墜之宗祧,纘中興之曆數。 尚抗書題,原本作「尚挽」,考通鑑: <u>閩主遺歐陽彬聘于唐,書題稱大蜀皇帝奉書大唐皇帝</u>。 反顧望 (四),此亦復展謝儀。 謀,將欲北顧秦川,東窺荆渚,人而無禮,罪莫大焉。 早者,曾上秦王緘札,張皇蜀地聲塵,形侮黷之言辭,謗親賢之勳德。 ¬盜據<u>劍</u>南之土宇,全虧閩外之忳誠。 後又特發使人,專持聘禮,彼則更不迴一介之使,答咫尺之 **股頃遵遺訓** ;,嗣統列藩,追昔日之來誠,繼先皇之舊好,累馳 今觀孽豎,紹據山河,委閹宦以持權,憑阻修而 先皇帝早在并門, 捷音旋報,復命仍稽,使來而尚抗書 將興霸 業,彼旣會馳 知原本「挽」字殊 昨朕風驅

昨 客省使李嚴奉使銅梁,近歸金闕,凡於奏對,備述端由。 其宋光嗣相見之時,於

西川 則 朋 坐 節度使高季興充西川東南面行營都招討使、鳳翔節度使李曮充供軍轉運應接等使,同 滋 H H 彰 奸 便 20 法令, 有 面 雄 行營都統, 言說,先問契丹強弱,次數秦王是非,度此 內則縱恣 蠧耗生靈。 命侍中、樞密使郭崇韜充西川東北面行營都招討制置 .輕華, 旣德力以不量,在神祇之共憤。 競貪寵位;競貪,原本作「竟食」,今據冊府元龜改正。(影庫本粘籤)外 苞藏,可見情狀 今命興聖宮使、魏王繼岌充 加以 等使, 疏遠忠直, 荆 南

邠 使, 州 州 節 西京 節度使董璋充行營右 度使李令德充行營招討副使, 留守張筠充西川管內安撫 加用馬 步 都 應接使, 陝府 虞候,客省使李嚴充 節度使李紹琛充行營蕃漢馬步軍都排陣斬斫 華州 節 度使毛璋充行營左廂馬步都虞候 酒川 管內 招 撫 使,總領闕下諸

軍

兼

辺

面

諸

道馬

步兵事

, 取

九月十八

H

進發。

凡

爾中外,

宜體股懷

甲寅, 字, 使, 巳,幸尖山 謂 尙 李廷安、 斌 候 辛 充 書任圜 兼 丑,授魏王 「天狗落 今删去。 中軍 中 馬 幸壽 軍 步 呂知 右 右 軍 射鴈 廂,原本 安陵。 翰林學士 太子 廂 都 柔 繼岌諸道 指 戊 馬 少師 充 脱「廂」字,今據册府元龜增入。(影庫 申, 軍 揮使,張廷蘊 魏王 司天上言:「自七月三日大雨, 都 致仕 李愚參魏王 指 魏 行營都 衙 揮 Ŧ 薛 通 一繼岌、 使,卓瓌 謁 廷 珪 爲中 統 充 魏 王 卒, 軍 樞 餘 事 充中 軍 密使 如 o 案: 步 一衙通謁, 故。 軍 軍 Ţ 侍 原本 未 都 左 中 繼岌旣受都統之命,以梁漢顋 厢 指 本 夕, 原本作「王 郭 作 ~粘籤) 步 揮 崇韜 「少保」, 徧 至九月十八日後方睛,三辰行度不見。」丁 使, 軍 天 都指揮 供 進發 陰 衞」, 牛景章充中軍 奉官李從襲充中 今據 雲,北方有 今據册府元龜 西 列 使,王贄充中軍右廂 征。 傳 改 Ē **案**: 聲 (舊五代史考異) 左廂 原本 改正 如雷 軍 。(影庫本粘 衍「辛巳幸 馬 馬 充中軍馬步都虞 軍 野 步 都指 雉 軍 皆鳴 步 壽安陵甲寅」八 鮰 籤 都 軍 揮 監 右 詔 都 使, 僕 俗 高 指 I 射 部 所 品品 揮

多十月庚申 唐 書 九 朔, 莊 宗 宰臣及文武三品以上官赴長壽宮,上大行皇太后諡 紀 第 七 日貞簡皇太后。 四 五七

太后 酉,幸甘泉,遂幸壽安陵 時朝拜,禮須便近,不能遠幸代州。 於壽安縣界別 名。」從之。 班於長壽宮門外奉慰。 諡 寶 (册赴 初卜山陵,帝欲祔於代州武皇陵,奏議:「天子以四海爲家,不當分其南北。」乃 卜是陵。 西宮靈 座 案五代會要載中書門下奏議云:「人君以四海爲家,不當分其南北。 淮南楊溥遣使進慰禮。 今漢朝諸陵,皆近秦雅,國朝陵寢, 壬戌,魏王繼岌率師至鳳翔,先遣使馳檄以諭蜀部。 (H), 宰臣豆盧革攝太尉讀册文, 吏部尚書李琪讀寶文, 百官 己巳, 布列京畿。 中書上言:「貞簡太后陵請以 後魏文帝自代遷洛之後,園陵皆在河 洛陽是帝王之宅,四 丁卯,奉皇 坤陵 素服 爲

南,兼勅功臣之家,不許北葬,今魏氏諸陵尚在京畿。 都、斷 蜀軍於三泉。時王衍將幸秦州,以其軍五萬屯於利州。聞我師至,造步騎三萬逆戰於三泉, 選延隱傳云:自入敵境,卽禁兵士焚廬舍,剽財物,蜀人德之。(舊五代史考異) 僞命 鳳州節度使王承捷、 百官上表,以貞簡皇太后靈駕發引,請車駕不至山陵所。戊子,葬貞簡太后於坤陵。 是 延孝與李嚴以勁騎三千擊之,蜀軍大敗,斬首五千級,餘衆奔潰。三衍聞敗,自利州奔歸成 屯駐指揮使唐景思次第迎降,得兵一萬二千、軍儲四十萬。又下三泉,得軍儲三十餘萬。自 師 無匱乏,軍聲大振。辛巳、偽興州刺史王承鑒、成州刺史王承朴棄城遁去,康延孝大破 丙子,以前翰林學士、戶部侍郎馮道依前本官充職。 戊寅,西征之師入大散關,案九國志 吉柏 津 案: 通鑑作拮柏,考歐陽史亦作吉柏,今仍其舊。 祔葬代州,理未爲允。」從之。 (舊五代史考異) 浮梁而去。 丁亥,文武 故鎭

洋、蓬、 脫 命。」遂斬之。(舊五代史考異) 不入封部,無門納款。」曰:「初入蕃部幾許人?」曰:「萬餘口。」 「今存者幾何?」曰:「纔及百數。」 扶州路奔於西川 納符印請命,秦州節度使王承休 魏 婦女孩幼萬餘口、金銀繒帛,於西蕃買路歸蜀。 身而至。 王繼岌至 | 壁 三 魏王使人問之曰:「親握重兵,何得不戰?」曰:「畏大王神武,不敢當其鋒。」 興州 州來降行了, 案太平廣記引王氏見聞記云: 偽東川節度使宋光葆以梓、綿、劍、龍、普五州來降, 興元節度使王宗威以梁、開、通、渠、麟 王承休,原本作「成休」,今據通鑑及十國春秋改正。(影庫本粘籤) 沿路為西審擄奪,凍餓相踐而死,迨至蜀, 王承休握銳兵於天水,兵刃不舉。 五 州來降, 曰:「何不早降?」 既知東軍人蜀,遂擁麾下之師 存 者百餘人, 武定軍使王承肇以 魏王曰:「汝可償萬 階州 刺 唯與田宗汭等 曰:「蓋緣王 史王 棄 承岳 城自 飾

|州 降(七)。 闕 使林 徐州 衍 王衍遣人送牛酒 思 詔 鄴都上言, 諤來降。 據薛史則王衍未 諭以 案九國志王宗壽傳:王衍 月庚寅 禍 福 朔, 案:原本作「世諤」,今據通鑑、十國 十月二十 送款 請降,李嚴遂先入成都。 甲辰, 帝幸 宗壽已降矣,與九國志異。 壽安, 五 魏王 時 爲 日 武信軍節度 夜, 至劍州 號働於坤陵。 地大 震。 (使,唐師 僞 春秋 武信 丁未, 康 戊申,祔貞簡皇太后神主於太廟 入境,郭崇韜遣 改正。(舊五代史考異) 戊戌, 延 軍 孝至 節度使王宗壽以遂、合、渝、瀘、忠五 高 麗 利 以振 國遣使貢 州 使遺宗壽書, 武節度使朱守殷 修吉柏 辛 (方物。 主, 津浮 宗壽不 梁。 魏 康 納 王 延孝、 爲兗州節度使。 偽昭武 過利 聞衍降, 州 軍節 乃治裝赴 州來 帝 賜 度

四五九

唐

九。 **輅歐陽** 師尚在 城爲 自 球爲檢校太尉、 案九國志王宗弼 王衍 正 遂與三招 金銀共二 在衍 興 守 左金吾 (師凡 備, 舉家 己丑 綿州, 荆 十二月壬戌,以前雲州節度使李存敬爲同州節度使,以同州節度使、 傳 討 晃 南 酉 與九國志異。 同送款於魏王。 一十二萬兩、珠玉犀象二萬、紋錦綾羅五 七十 ,禮儀使奏:「貞簡皇太后升祔禮畢,一應宗廟伎樂及諸祀並請仍舊。」從之。 同有異謀, 遷 節 未 1大將 魏 度使 入成都也。 於西宅 案:王衍出降在十一月丙辰,通鑑與薛史同,歐陽史作己酉,蓋據其 (傳 王 五 唐 軍晉州 守侍中, 至 高 日蜀平, 師陷鳳州,衍遣三招討屯三泉以拒唐師,未戰,三招討俱遁 綿 季 壬子 五代春秋作十二月,蜀 州 興 乃還 宗 宣徽使, 節度使存义、邢州節度使存紀,並 ,王衍遣使上牋歸命。 流開權稱 ٠, 奏, 充靜海 成都,斬宋光嗣等, 王衍遣使上表請降。 得兵士三萬、兵仗七百萬、糧三百五十三萬、錢一百九十二萬貫、 收復歸、 原本作「宣崇」, 西川 軍 節度使。 兵馬留後; 變、忠等州。 王衍降,尤誤。 函首送於魏王, 今據十國 Z 卯, 庚戌, 癸丑,以吳越 十萬,得節度州十、郡六十四、縣二百四十 春秋改正, 又報僞樞密使宋光嗣景潤澄、 辛亥, 丁巳,大軍入成都,法令嚴 魏王 遷衍及母妻於西宮。 皇弟鄆州節度使存霸、 至 魏王 一授起復雲麾將軍、右金吾大將 (影庫本粘籤) 西川 至德陽。 走, 國馬步 城 上牋歸 北。 因令宗弼守綿谷而誅三招討, 統 通鑑作李嚴至 惑亂蜀主, 命之日而先書之,其實已酉唐 丙辰, 僞 軍 六軍 使、檢校太傅錢元 檢校太保、同平 蜀主王衍 峻, 滑州節度使存 使王宗弼 成都, 宣徽使李周 市 已梟斬訖。 不易 宗弼 出降, 軍 宗弼 獝 同

武 本作「紹用」, 正 事 率 以 李令德爲遂州節度使, 爲 軍 成 檢校 華 節 都 州 度 今據文改正。(影庫本粘籤) 尹 吏部 節 副 へ、 劍 使 度 李紹文為 使毛璋為邠州 尚書、 守興 南 西川節 度副 兗州 唐 以邠州節度使、檢校太保董璋爲劍南東川節度副大使、 留守事 尹 觀察留後。 節度使, 大使、知節 丙子, 充 鄴 以北京副留守、 都 以 度事、西山 副留守; 左金吾大將軍史敬鎔爲華州節度使。 庚午,宴諸王武臣於長春殿, 以鄴都副留守、 八國雲南都招 太原尹孟知祥爲檢校太傅 興唐 撫等使, 尹張憲檢校吏部尚 始用樂。 以戶 部尚書王 丁 (元)、同 始用 卯, 知節 以 度 平 原

是時 給、 莊宗之從姊也〔三〕。 條 中 午 書、太原尹 ·書門下,以 因壞其什器 大雪苦寒, 吏士 己 , IJļ, 丙 次龕 戌 ´, 充 以臘 澗 第三姑宋氏封義 今歲水災異常,所在 北 ,撤其廬舍而 隆平集、 辰狩於白沙, 京 案 : 副留守、 有 原本「潭泊」訛「覃泊」,「龕澗」訛「竈澗」,今並從通鑑改正。(舊五代史考異) 東都事略孟昶傳並 凍踣於路者。 知 焚之,甚 皇后、 寧大長 人 、戶流徙,以 皇子、 於剽刦。 云: 公主,長姊孟氏 伊、汝之民, **父知群**, 宮人畢從。 避 縣 尚 唐 莊 宗 妹。 徴 吏畏恐, 飢乏尤 賦, 封 瓊 關 庚辰, 甚, 華 市 俱與薛史異。(舊五代史考異) 鼠 之征 長 避 衞兵所至, 公主 次伊闕。 於 一,抽 山谷間 案: 納 繁碎, 通鑑以 辛巳, 責其 甲 瓊華 宜令宰 申 供 癸未, 次潭泊。 銄 為克護 第十一 出 臣 御 旣 還宮。 女, 商 札 不 妹 能 量 則

唐

張氏

封瑤英

長

公主

閏十二月甲午(三),賜中書門下詔曰:

越度, 郊野,生靈及此,寢食寧遑,豈非朕德政未孚,焦勞自拙者耶! 甲胄者何嘗充給,趨朝省者轉困支持,州閭之貨殖全疎,天地之災祥屢應。以至星辰 區,備聆謠俗,或力役罕均其勞逸,或賦租莫辨於後先,但以督促爲名,煩苛不已。 多艱,蓋賴卿等寅亮居懷,康濟爲務,冀盡賦興之理口,,洞詢盍徹之規。 前 修、誠 **朕聞古先哲王,臨御天下,上則以無偏無黨爲至治,次則以足食足兵爲遠謀,緬惟** 越度,原本作「越展」,今據文改正。(影庫本粘籤) 可師範。 股纂承鳳曆,嗣守鴻圖,三載於茲,萬機是總,非不知五兵未弭,兆庶 旱澇不時, **農桑失業於丘園,道殣相望於** 今則潛按方 被

之間, 民、 說(圖) 之人,爾所不知,吾將安訪! 不翼翼罪躬,乾乾軫慮。 除姦革弊者,並宜各獻封章,朕當選擇施行。 肸 當宜歷告中外,急訪英髦。 莫不有盡忠者被掩其能, 昨親援毫翰,軫念瘡痍,一則詢爾謀猷,一則表予宵旰,未披來奏,轉撓於懷,敢 咨爾四岳, 弼予一人, 何不舉賢才, 裨寡昧。 卿等位尊調鼎,名顯代天,旣逢不諱之朝, 抱器者艱陳其力。 應在仕及前資文武官已下,至草澤之士,有濟國治 其近宣御札,亦告諭內外, 或草澤有遺逸之士, 百辟之內,羣后 山林多屈滯 何吝由衷之 體股意

焉。

狗旨 本朝 術。 東門」,據通鑑注云:洛城東面三門,中日建春,左日上東,右日永春。今改正。(舊五代史考異)算而給之。 是時、兩河大水、戶口流亡者十四五,都下供饋不充,軍士乏食,乃有鬻子去妻,老弱採拾於 之常道:不足以貽聖憂。」中官李紹宏奏曰:「侯魏王旋軍之後, 依 野、殍踣 理迂闊 入。(影庫本粘籤) 在泥潦、辇運艱難、愁歎之聲、盈於道路、四方地震、天象乖越。 此 孔謙 故 ,竟無所陳,但云:「陛下威德冠天下,今西蜀平定,珍寶甚多,可以給軍。 時或遇歲時災歉,國費不足,天子將求經濟之要,則內出朱書御札,以訪宰臣,請陛下 事行之。」卽命學士草詞,帝親札以訪宰臣,非帝憂民之實也。 於行路者。 不中時病。 比以吏進,故無保邦濟民之要務,唯以急刻賦斂爲事。 若兵額漸多、饋輓難給、請且幸沙州、以便漕輓。」時羣臣獻議者亦多、大較 州郡飛輓、旋給京師、租庸使孔謙日於上東門外佇望其來、案:原本作「尚 唯東部尚書李琪引古田租之法,從權救弊之道,上疏言之,帝優韶以 俟魏王, 樞密承旨段徊奏曰:「臣見 帝深憂之,問所司濟膽之 時宰相豆盧革等依阿 原本脫「王」字, 水旱作沙,天 今據文增 加以所 詞

濫 一稱名位、歸國體而悉合削除。 又慮有曾受本朝渥恩,當時已居班秩,須爲升降,不可通同。 丁酉,詔僞蜀私署官員等:惟名與器,不可假人,況是遐僻偏方, 但恐當本朝屯否之時,有歷代簪纓之士,旣陷彼土,遂授 應僞署官至太師、太傅及 僭竊偽署, 因時 亂 僞 而

唐

九

莊宗

獎任 低為 迹 者,官委 並 軍 錄,原本 下, 將 功臣 任: 據 上 相 使 將 如 X 已上 名 脫 不 外, 材 軍 其 四 太尉、 無」字,今據五代會要增入。 曾 高下 一與開 次第。 者, 刺 川 並宜 餘 經本朝授官, 史但 並 節 , 案 : 司徒、 削去。 國 與諸衞 度 稱 許 男 階至開府、特進、金紫者,宜令文班降至朝散大夫,武班降至銀 使衙 原本作「兩 前 稱 (110),餘並不得更稱封鹤,其有功臣者削 如 銜 司空、侍中、中書令、左右僕射已上,並宜降至六尙書,臨 使君,不得更有檢校官。 是僞署節鎭, 小 前 候朝 將 若 補 班, 軍、府 材 押 廷 衙 (影庫本粘籤) 今據五代會要改 智有聞, 續 率、 據 不 伐罪之初, 才 中鄓 堪 行 卽 任使者 任使 止是蜀 許於府縣中量材 將, 正。(舊五代史考異) 次第授任 其僞署 率先向 亦宜放 地土 人, 班行 化及立功效者, 歸 並宜放 任使; 田 如 正 去。 若是本 里。 是 四品已上, 小 案 : 歸田 應已 將 如無 朝功 此 軍 句疑有脫誤,據五代會要作 里。 一前降官, 已下, 材 臣 宜委繼岌、崇韜 酌 智 子孫及將相 如 可 此 據 是 時 降黜 錄 人 青 除 西 更約僞署 材 軍 班 如 前 堪 有 無材智 五. 爵僞 泛嗣, 稱 品 臨 量 任 使 時 E 其 口

李存 巡 點 幸 到 汴州 兩川馬九千五百三十匹。 庚子 乂 爲 鄜州 凡三上章, 彰武、保大等節度使高 節 度使,以相州 乃允。 庚戌, 刺 案清異錄:莊宗滅梁平蜀,志頗自逸,命蜀匠織十幅無縫錦爲被材 史李存確 萬 魏王 興 卒。 繼岌奏, 爲 甲 晉州 辰 遣 節 准 秦 南 度 楊溥遣 州 使。 副 史 丙 徐藹 午 使 ٠, 朝 兩 齎 貢 省 書 諫官上 乙巳, 招 諭 南 以晉州 疏 詔 蠻 請 被 節 成, 車 又 駕不 度 賜名 奏, 使

「六合被」。(舊五代史考異) 辛亥,制皇第二弟存霸可封永王,第三弟存美可封邕王,第四弟存渥

王, 可封申王,第五弟存义可封睦王,第六弟存確可封通王,第七弟存紀可封雅王。 考通鑑及歐陽史皆作雅王, 薛史宗室傳亦作雅王,今改正。 (舊五代史考異)是歲, 日傍有背氣, 案"原本作「睢 凡十

二。泳樂大典卷七千一百五十七。

校勘記

尚書 左 丞 歸 靄 「歸靄」,殿本、劉本作「歸藹」。影庫本粘籤云:「歸藹,原本作『歸蘐』,今據通鑑

改正。」

- (三) 五品以上官 「官」原作「品」,據殿本、劉本改。
- 任居統制 彼旣曾馳書幣 「居」原作「君」,據劉本、彭本、冊府卷一二三改。 「曾」原作「會」,據冊府卷一二三改。
- (五) 西宮 原作「西京」、據劉本、本卷上文改。
- 3 王承肇以洋蓬璧三州來降 卷二七三改。 按太平寰宇記卷一三七:「達州、唐爲通州、宋乾德二年始改爲達州。」 「洋」原作「達」, 據本書卷五一魏王繼岌傳、冊府卷二九一、通鑑
- (4) 王宗壽以遂合渝瀘忠五州來降 通鑑卷二七四「忠」作「昌」。

害九 校勘記

乃治裝赴闕 殿本考證此句下有「歐陽史獨世家亦言,宗壽獨不降,聞衍已衙璧, 大慟, 從衍東

遷」二十四字。

(元) 以北京副留守太原尹孟知祥爲檢校太傅 「守」下原有「事」字,據殿本删。

(10) 壬午 原作「壬寅」,據殿本、通鑑卷二七四改。 按二十史朔閨表,同光三年十二月庚申朔,無壬

寅,在辛巳和癸未間,當是壬午。

311 莊宗 原作「莊公」,據殿本考證改。

 $\stackrel{\triangle}{=}$ 関十二 月 甲 午 十二月己丑朔,甲午爲初六日。 「閏」字原無,據殿本補。 冊府卷一○三載此詔亦在閏十二月。 按二十史朔閆表,同光三年十二月庚申朔,無甲午,閏

冀盡 賦輿之理 「賦」原作「數」,劉本作「敷」,據冊府卷一〇三改。

何吝由衷之說 「吝」原作「怯」, 據殿本、劉本、無府卷一○三改。 影庫本批校云::「『怯』 應作

(IE) 爵偽署將相已上與開國男 「上」原作「下」,據會要卷一七改。

鲁五代史卷三十四

唐書十

莊宗紀第八

午朔, 括。 罪犯悉與減降。 令租庸可切準前勅處分。 沴,物價騰踊,自今月三日後避正殿,減膳撤樂,以答天譴。 典犯贓、屠牛毀錢、放火劫舍、持刃殺人,準律常赦不原外,應合抵極刑者,遞降一等。 並與放免。 下文有癸亥、 同光四年春正月戊午朔,帝不受朝賀。 西川王衍父子及僞署將相官吏,除已行刑憲外,一切釋放。 自壬午年已前所欠殘稅,及諸色課利,已有勅命放冤者,倚聞所在却有徵收,宜 逃背軍 ·健,並放逐便。 應京畿內人戶,有停貯斛斗者,並令減價出糶,如不遵行,當令檢 契丹寇渤海。 壬戌, 應去年遭水災州縣,秋夏稅賦 天下禁囚,除十惡五逆、官 壬戌,原本作「內戌」,據上文爲戊 韶以去歲災 其餘

唐書

+

莊宗紀第

八

甲子, 陽史 中節 事 皇 五代史考異) 尙 節度使存义伏誅。 表,乃允之。 二百九十八人。 屬 浩 考歐陽史,丁亥,殺李繼麟之將史武、薛敬容、周唐殷、楊師太、王景、來仁、白奉 千 T 丙 度 謂 魏王 以 (使,以 支, 餘 朱 、西平王李繼麟爲滑州 戌 又 無 友謙無私第在洛陽也。據雲谷雜記,唐末藩鎭入朝,館舍皆稱邸第,似無庸更易其字,通鑑仍從薛史作第。(舊 奏, 人同 一機发 誅之,夷其族。 罪 詔 迴鶻 河中節度使李繼麟來朝。 滑州 朱 族 西川行營都監李廷安進西川樂官 準宣 時遇害, 友謙 殺樞密使郭崇韜於西川,夷其族。 誅 山 契丹寇女真、渤海。 汗 節 進花果樹栽及抽樂 存义,郭崇韜之子壻也,故亦及於禍。 案通鑑 同惡人 阳 度使、申王 叫 爲 欲遣 三穴瘞於宮 云 辛巳,吐渾、溪各遣使貢馬。 少史武 友謙舊 節度使、尋合朱守殷以兵圍其第, 使 存渥為 等七 貢 良 將史武等七 戊寅,契丹阿保機造使貢良馬。 馬 人,已當 城 諧州上言,準宣爲去年十月地震, 人梅審鐸赴京。 鄆州節度使。 (11)° 西古龍興寺北,請改葬。」 人,時爲刺 鎭州 國法 進西川 上言,平棘等四 丙寅,百官上表, 並 史, 乙酉,內人景姹上言:「昭宗遇難之時, 樂官, 籍 甲 皆坐 鎭州上言,部民凍死者七千二百六 沒 申,以鄆州節度使、永王存霸爲河 是日, 原本脫「西」字, 以家產。 族 誅 或 蓋 案:歐陽史作圍其館,胡三省云:歐 以河中節度使、守太師、 以 縣部民, 從之,仍詔 武 可補薛史所未備 薛史爲據, 等 請復常膳气了, 庚辰, 今據文增入。 友謙 集僧道 餓 舊將,時 帝異母弟鄭 於七人姓名不爲全 死 河 起消災道 者二 南 (影庫 府監 千五五 皆 凡三上 本粘籤) 護其 刺 州 兼

特厚 散騎 爲意 充樞 左右 內侍省兼內勾、特進、右領軍衞上將軍李紹宏爲驃騎大將軍、守左武衞上將軍、知內侍省 密使。 無 常侍、守御史大夫。 月己丑 不托附,至於士人,亦有因之而求仕進者。 魏州錢穀諸務,及招兵市馬,悉委進監臨 是日,帝幸冷泉校獵。 甲午,以鄭州刺史李紹奇爲河陽節度使,以樂人景進爲銀靑光祿大夫、檢校右 ,以宣徽南院使、 進以俳優嬖幸、善采訪閭巷鄙細事以啓奏,復密求妓媵以進,恩寵 乙未,宰臣豆盧革上言,請支州縣官實俸,以責課效。 南院, 原本作「北院」,考歐陽史及通鑑俱作南院,今改正。(影庫本粘籤) 每入言事,左右紛然屛退,惟以陷害熒惑 孔謙附之以希寵, 常呼爲「八哥」。 諸軍 知

之任 帝令 圖。 地 有密 事。 十二月,以戶部尚書王正言爲 天 震, 韶令史彥瓊殺朱友謙之子澶州刺史建徽。 都府之中, 魏博指揮使楊仁晸率兵戍瓦橋,至是代歸,有詔令駐於貝州。 泊 IE. 丙 申 :郭崇韜伏誅,人未測其禍始,皆云:「崇韜已殺繼岌, 言年耄 自是居人或有亡去他郡者,每日族談巷語云:「城將亂矣! -,武德使史彥瓊自鄴馳報稱:「今月六日,貝州屯駐兵士突入都城,剽劫坊市。」初, 風 病,事多忽忘 威福自我,正言以 興唐尹、 、比無經治之才。 下,皆脅肩低首,曲事不 爲興唐尹, 武德使史彥瓊 史彥瓊夜半出城,不言所往。 原本脫「唐」字,今據列傳增入。(影庫本粘籤) 暇。 自王 (者,以伶官得幸,帝待以腹心 由 一西川, 一」人人恐悚,皆 是政無統攝 上歲天下大水,十月鄴 故盡 誅 郭氏。」先是, 姦 詰旦. 關報正 X 不自安。 八得以窺 知留守

唐

已行弑 家効命 得代歸,去家咫尺,不令與家屬相見。 蜀,威振 同行。」仁晸曰:「汝等何謀之過耶 於貝州 反, 苟不聽從, 須至無禮。」<u>仁</u>晸曰:「吾非不知此, 但丈夫舉事, 須計萬全。」軍人卽斬仁晸。 華夷,公等各有家族,何事 甲不離體 軍士 皇甫暉等因夜聚蒱博不勝,遂 一,已至吞 併天下,主上未垂恩澤, 如 -此 今英主在上,天下一家, 今聞皇后弑逆,京邑已亂, ! 軍人乃抽戈露刃環仁晸曰:「三軍怨怒,咸欲謀 作亂, 翻 劫都將楊仁最曰:「我輩 有猜嫌。 從駕精兵不下 防戍邊遠,經年離 將士 各欲歸 十有餘 百萬, 府寧親, 阻 年 鄕 西平巴、 國,及 請公 國

裨將趙在 永 隨 辺落 濟、館陶 」在禮懼,即曰:「吾能爲之。」衆遂 |禮聞軍亂,衣不及帶,將踰垣而遁,亂兵追及,白刃環之曰:「公能爲帥否?否則頭 永濟,原本作「求齊」,今據通鑑改正。(影庫本粘籤)五日晚,有自貝州來者,言亂兵將犯都 呼躁,中夜燆劫貝郡。 詰旦,擁在禮趨臨淸,剽

城,都 剪除。 何 日 及 巡檢使孫鐸等急趨史彥瓊之第,告曰:「賊將至矣,請給鎧仗,登陴拒守。」彥瓊曰:「今 請僕 臨清,計 如俟其凶徒薄於城下,必慮奸人內應,則事未可測也。」意瓊曰:「但訓士守城,何須 射 率衆登陴,鐸以勁兵千人伏於王莽河逆擊之,賊旣挫勢,須至離潰,然後 程六日方至,爲備未晚。」孫鐸曰:「賊來寇我,必倍道兼行,一朝失機,悔將

皇 城, 衆 宗 魏 胃 刨 水 甫 州 戦。 推 賊 | 對 暉 以牙 中 m 在 哑 及 猶 士 庤 軍 禮 譟 出 卒 行 城 校 彦瓊 爲 莫 遣 爲 趙進 獲 卽 兵馬 有 屯, 宮 趸。 時 鬭 城。 爲 廩 疑孫鐸等有他志, 志, 驚 馬 禄 留後,草 今改 晡 潰 步 進 旣 都 等 薄,又不 晚 Œ 指 因 一。(影 彥 陷 揮 趙 奏以 瓊 使。 其 時給,士卒 庫本粘籤) 在 城。 單 禮 與 聞。 騎 (九國 未 引 奔京 故拒之。 踰 諸 法異 帝怒, 多怨憤, 旬,兵數 署皇 軍 師 據 甫 諸 萬。 宮城, 思亂 命宋州節度使元行欽率騎三千赴鄴都招撫, 是夜三更, 軍 暉、 遲 在禮)明, 大掠 者 趙進 干 署 七。 宫 進 城, 等爲 興唐 衙 同光 原本作「官城」,通鑑作宮城 賊果攻北門, 入 內都 城,孫鐸 末, 都 尹王正 **魔候、三** i 虞候、 進與 (本軍 城巡 三言謁 與之巷 斬 皇甫暉 彦瓊 檢使。 斫 在 使, 戦 禮 時 等共 通鑑作趙 望 以部 ,胡三省註 案九國志趙 推趙在禮 不 塵 勝, 衆 再 在 在 禮據 拜。 云:帝即 攜 相 進 北 其母自 率 ﴿傳 宫 是日 門 夜 城, 云 位. 犯 莊 署 于 濮

Ę 都 州 使 左右 任 (影 淮 圜 庫 丁 取 攻 步直 率兵 太 四 勅 粘籤) 南 一、淮南 自 FJ, 追 軍 歸 应 推 討之[三]。 寧, 以 楊 |百人據 軍 詔 溥遣使賀平蜀。 Ŀ 校趙太爲留後、 書招 貽 城城级, 聖憂、 庚子、 諭 城 中 追 步直 福 悔 趙 建節度副 何 己亥, 詔 原本作「徒直」,通鑑作步直, 在 東北 及 禮 魏王繼岌奏、 獻羊 **儻公善爲敷奏**, 面 使王延翰 副 酒 招討 一勞軍 使 李紹真 奏, 康延孝擁衆反, 登 城 胡三省註云: 節度使王審知 俾從渙汗 遙 來兵討之。 拜 行欽 步直, 迴寇 某等亦 に、将 委權 辛丑 謂步兵長直 西川 不 1 知 元元 敢 經 軍 不 年 行 遣副招討 旨者也。 府 改 離 欽 事 過自 隔 至 今改 鄴 父

諸

道之

師

進討

唐

+

莊

宗

紀

第

八

新。」行 韓彦 行欽 後 衞 李 軍 紹 惲 以 + 欽 聞 文爲 王 爲 温 帝 戶 曰:「上以 夔州 等五 部 怒曰:「收城之日 侍 節 人夜半謀亂, 鄓 汝輩 度 使。 Ţ 未, 有 莊 詔 鄴 [稷功,必行赦宥。] 因以詔書諭之。 河 1,勿遺 都 殺本軍使,爲衞兵所擒,磔於本軍之門。 中節 行營招撫使元行欽率諸道之師再攻鄴都。 強類 度使、 壬 永王 寅, 存霸歸藩。 行欽自鄴 己酉 退軍 皇甫 以樞密使宋唐玉 保 澶州 暉 聚 丙辰,以右 衆 戊申 甲辰, 大 詬 以 散 從 一爲特進、 卽 洋州 騎 馬 壞 常 直 留 宿 侍

左

威

衞

E

將

軍

充宣

一徽南

院

使

軍 思 討, 備 木 許 威 府 府 繼 部 湖 州 事 朝 庚 岌端 南 節 署 廷聞 戌 壬 馬 請 西川 子 度 殷, 居 路 諸軍 之益 使。 ,以守太尉、 原本 利州 旄 宮人 節 ·大集於 恐, 脫「馬」字,今據 東 加 至 利州 連發 司 董 天 鄴 辛亥, 璋 中 原 監 中 都, 書令、 奏,準詔 本作「則州」,今據十國春秋 使促繼岌 上 文增 淮 言 進 入。(影 攻其城, 不克。 河 南 自 楊溥 南 誅 庫本 **遂州** 尹 西 月 遣 征 兼 粘 上 之師 節 河陽 使 **籤** 旬 度 貢 後, 福 方物。 使 節 改正。(影 行欽又大治攻具。 建 繼岌以 晝夜 李令德 度 節 使、 度 《陰雲,不見天象,自二十六日方晴, 西京 齊王 庫本粘籤) 使 於本 康 王審 延 上言,客省使 張 州 孝據漢州 全 知 不獲 義爲 夷 疾 甚 /其族。 城中 東 檢校 ,中軍之士從任 李嚴 副 知其無赦, 使 太 癸 是日 押蜀 師 王 丑: 延翰 兼尚 主 雅 湖 書夜爲 南 龍 書令 衍 權 圜 馬 使 至 至 殷 進 簡 知

月

終,星

一辰無變。

以右衛上將軍朱漢賓知河南府

事

殺長 功。」帝 亂 典兵,既聞 以制之,但命將出征,無煩躬御士伍。」帝曰:「紹榮討亂未有成功,繼岌之軍尚留巴、漢, 誅 名,振於夷夏,以臣等籌之,若委以專征,鄴城之寇不足平也。」帝素寬大容納,無疑於物,自 詔 可。」河南尹張全義亦奏云:「河朔多事, 口 將 張 郭 可將者,斷在自行。」樞密使李紹宏等奏曰:「陛下以謀臣猛將取天下,今一州之亂而云 即命爲行營招討使,久而無功。 據通鑑注云:綏、銀爲夏州所屬。 全 吏。 崇韜、朱友謙之後,閹宦伶官交相讒諂,邦國大事皆聽其謀,繇是漸多猜惑,不欲大臣 者,何也? 甲 ·辰(E),命蕃漢總管李嗣源統親軍赴鄴都,以討趙在禮。 乃命 義收瘞之。 帝欲親征,樞密使與宰臣奏言至三京師者,天下根本,雖四方有變, 奏議, 嗣源 總管李嗣源是陛下宗臣,創業已來,艱難百戰,何城不下,何賊不平,威略之 行營。 乃曰:「予恃嗣源侍衞, 乙巳, 是日,延州 以右武衞上將軍李肅爲安邑、解縣兩池權鹽使, 今改正。(影庫本粘籤) 知州白彦琛 時趙太據邢州,王景戡據滄州, 人則患生, 卿當擇其次者。」又奏曰:「以臣等料之,非嗣源 奏,綏、銀兵士剽州 魏王 宜令總管進兵。 |繼岌傳送郭崇韜父子首函 帝素倚愛元行欽, 城謀叛。 自爲留後, 如倚李紹榮輩,未見其 以吏部尚書李琪 一級、銀,原本作「經 河朔郡 陛下宜居中 至闕下公, 鄴城軍 邑多 無

三月丁 唐 萅 未朔, + 莊 宗 案 : 紀 通鑑作丁巳朔,與薛史異。 第 李紹眞奏,收復邢州,擒賊首趙太等二十一人, 四七三

爲

使。

都,營 作從璟。 保 史"(舊五代史考異) 使、 議 源 壬戌,李嗣源 都 貊 從 以詭 **衛州** 欲歸藩, 於 營於 檢校 爲元 於 鄴都 城 考通鑑,從審自衞州歸莊宗,賜名繼璟,與歐陽史異。與中使白從訓齎詔以諭嗣源(云),行 ,以飛語上奏, 詞 西 四 太 行欽 得出, 至 北 城 南 上章請罪,安重誨以爲不可,語在明宗紀中。翌日 傅、 業都 下 以 隅 太 所械,不得達。是日,西 守 詭詞 迫嗣 甲子 等狥 甲寅, 江 磔 [,原本作「詭記」,今據文改正。(影庫本粘籤)夜分至 夜,軍 於鄴 州 於 源 嗣源 刺 為帝。 軍 城 進 亂 F 史王 下 一營於 一日之中遣使上章申理者數四 而 浅異引莊宗實錄作壬戌,至<u>鄴都,癸亥夜,軍士</u>張 殺之 遲明, 延 庚戌,李紹眞 觀音門外,下令諸 翰 賏 爲福 亂軍 一群史異。 面行營副 建 擁 節 嗣 自邢州赴鄴都 辛亥(き) 度使, 源 招討使任 及霍彦威 軍 依前 ', 計 , 以 日 檢校 威 | 圜奏,收復漢州,擒逆賊 入於鄴城,復爲皇 一攻城。 城下。 0 武 一魏縣。 ,遂次於相州。元行欽部下兵退 帝遣嗣源子從審 太 軍 傅。 節 破敗 案 : 是 度 時嗣源 夜, 通鑑作 作亂 壬 副 使、 城 與薛史異1 遙領鎭州, 下 庚 李 福 甫 中, 軍 暉等所 嗣 建 李紹眞 管 源 康 從審, 日 內 領 延 至 案: 通鑑 引兵至鄴 脅, 軍 都 衞州 詰 通鑑作 指 至 從 嗣 鄴 揮 薛

監 夏 興 稅。 數 初 辰 將議 (八九), 時年飢民困,百姓不勝其酷,京畿之民,多號泣於路,議者以爲劉盆 伐蜀 因 荆 路 南 劉 高 詔 皇后 季興上 高 季 及宰 興令率本軍上 言, 臣 請割 樞 密使, 峽 內變、忠、萬等三州却 內外 峽, 自收元管屬 旪 附, 乃俞 洪請。 郡。 歸當道, 軍未進, 戊午, 詔 依舊管係 夔、忠、萬三州已降, 河 南 府預 子復生矣。 借今年秋 又請雲安 庚

蔬 出錢 粘籤) 西川 率部下兵士歸,帝幸耀店以勞之。案:通鑑作為店,胡三省注云: 蔣史作耀店。今仍其舊。(舊五代史考異) 殿,皇后出宫中粧匳銀盆各二,并皇子滿哥三人,滿哥,原本作「蒲哥」,今據歐陽史家人與改正。(影庫平 申,詔潞州節度使孔勍赴闕,以右龍虎統軍安崇阮權知路州。 而已,可鬻之給軍。」革等惶恐而退。 知星者上言:「客星犯天庫,宜散府藏。」又云:「流星犯天棓,主御前有急兵。」帝召宰臣於便 全義薨。 於野,及優給軍人,皆負物而詬曰:「吾妻子已殍矣、用此奚爲!」甲子日四,元行欽自衞州 *** 董運金銀四十萬至闕,分給將上有差。 元行欽請車駕幸汴州,帝將發京師,遣中官向** 馳韶所在誅蜀主王衍,仍夷其族。 帛給賜諸軍,兩樞密使及宋唐玉、景進等各貢助軍錢幣。是時,軍士之家乏食,婦女掇 謂宰臣曰:「外人謂內府金寶無數、 **£** 一戌,宰臣豆盧革率百官上表,以魏博軍變,請出 癸亥、以僞置昭武軍節度使林思諤爲閬州刺史。是日 向者諸侯貢獻旋供賜與,今宮中有者、粧匳、嬰孺 內府金帛優給將上。 是日,忠武軍節度使、 不報。 肨

登路旁荒塚,置 栗數萬,亦奔汴州。 軍八百騎爲前軍,遣姚彥温董之,彥温行至中牟,率所部奔於汴州。 乙丑,車駕發京師。戊辰,遣元行欽將騎軍沿河東向。 酒視諸將流涕。 是時,李嗣源已入於汴,帝聞諸軍離散,精神沮 俄有野人進雉,因問塚名, 對曰"「里人相傳爲愁臺。」帝彌 壬申,帝至滎澤口,以龍驤馬 一喪,至萬勝鎭 時潘環守王村寨,有積 印命 旋師。

+

莊宗

紀第

此者非 吾君 太祖 歸罪 恩。」帝流涕而已。 王 乃留秦州 在成鼻, 不 |機岌又進納||西川金銀五十萬,到京當盡給爾等。」軍士對曰:「陛下賜與太晚,人亦不感聖 悦, 罷酒 嘗問莊宗 於吾輩,事若不測,吾輩萬段,願不見此禍。」因投河而 社稷不保,是此閹豎!」抽刀逐之,或救而獲免。 通鑑亦作「甖」,今改。(影庫本粘籤)道路險狹,每遇衞士執兵仗者,皆善言撫之曰:「適 晚年 都指揮使張塘以步騎三千守關。 時事,對曰:「莊宗好畋獵,每次近郊,衞士必控馬首曰:『兒郞輩寒冷,望陛下與救接〕』莊宗隨所欲給之,如 而去。 蕭 牆之禍,由賞賚無節,威令不行也。」太祖歎曰:「二十年夾河戰爭,不能以軍法約束此輩,誠兒戲。」(舊 是夜次汜水。 又索袍帶賜從官,內庫使張容哥對曰:「頒給已盡。」 衞士叱容哥曰:「致 初,帝東出關,從駕兵二萬五千,及復至汜水, 帝過甖子谷,甖子谷, 容哥謂同黨曰:「皇后惜物不散,軍人 死。 案隆平集: 原本作「罌子谷」,考舊唐書盟子谷 內臣李承進逮事唐莊宗, 已失萬餘騎。 報 魏

五代史考異)

襟,共陳利害,今日俾余至此,卿等如何!」元行欽等百餘人垂泣而奏曰:「臣本小人,蒙陛 言 紛擾, 次, 悲啼不 坐 甲戌, 股 觀 成 實 敗。 樂,謂元行欽等諸將曰:「鄴下亂 次石橋, 無 聊 予 在祭澤之日 卿等事余已來,富貴急 案 通鑑作甲申,次石橋西,與薛史異。 ,欲單騎 渡河, 難, 離,寇盜蜂起,總管迫於亂軍 訪 無不共之, 求 總管, 歐陽史作甲戌,至自萬勝, 面 今茲危贓, 爲方略, 賴 招 撫 爾 ·,存亡未測 籌謀, 與薛史合。 亂 軍 唢 卿 帝置酒 等各 竟 一个訛言 默 默無 吐胸 野

守張筠部署西征兵士到京,見於上東門外,晡晚,帝還宮。 餘人皆援刀截髮,置髻於地口,以斷首自誓,上下無不悲號,識者以爲不 下撫養,位極將相,危難之時,不能立功報主, 汜水 革、韋說會於中興殿之廊下,商議軍機, 詔運 駭不寧,及帝至,人情稍安。 ,原本作「宜撫汜水」,今從通鑑改正。(影庫本粘籤)以俟魏王。」從之。午時,帝出上東門親閱騎軍 一糧萬石,進發次。 時謝已殺監軍使據城,詭奏也。 乙亥,百官進名起居。 因奏:「魏王西征兵士將至, 雖死無以塞責,乞申後効,以報國恩。」於是百 安義節度使孔勍奏, 丙子 (言) 樞密使李紹宏與宰相 初,帝在汜水,衞兵 車駕且宜控汜水 點校兵士防城 祥。 散 是 走,京師 日 西京 豆盧 準 留 恐 ,

誠以詰旦東幸,申時還宮。

朔。 月日 百。 營率所 從 近 傷禦之,逐亂兵 駕 有 唯薛史作丁 俄而 馬 几 可徵信也 月丁 部 軍 抽 帝為流 陳於宣仁門外口書, 戈露刃,至興教門大呼, 1] (国) 。 丑,與諸書異。 朔, 矢所中, 沿門。 以永王 案: 歐陽史及通鑑、五代春秋俱作四月丁亥朔。 案:是年正月係戊午朔,三月係丁未朔,則四月朔日自當爲丁丑。 存霸爲北 亭午, 旣 丽 步兵陳於 焚興教門、 崩於絳霄殿之廡下, 時年四十三 50 都留守,申王 與黃 五 緣城 甲兩 鳳門外。 而 軍 存渥爲河中節度使。 入,登宮牆 引 弓射 帝內殿食 興教門。 考遼史,天顯元年卽同光四年,亦作四月丁亥 灌課, 次, 從馬直指揮使 帝御 帝聞 是日,車駕將發京師 其變, 親 琬琰集載宋實錄王全斌**傳** 軍 蓋薛史據當時實錄,其 格 自宮中率諸王 鬭 郭從謙自 殺 亂 兵數 本

爲縣 耶! 忘其 之嗣 軍 云 敢 「大凡有 光 於帝尸之上, 人 M 方前 去。 咄 上騎 聖 善 同 上莊宗 咄 令, 死 前 位. 全斌 光 後 神 友 參考 也 書 後已定,不 末, 可 以 斯 隊 國 一、志 閔 家者 當 知 以 大 亦 伍 慟 蕭 薛 汝當 孝 突而 指 怒 用軍 皆 在渡河, 百 史 牆 以 犘 當 /通 皇 故 以 {何 有 發 · · · · · · 之 所 得 去。 死罪。」諸 百 爲 頑 朱梁 帝 福 變 作臨坊 姓 撰 越 火焚之。 遭 但 一,亂 ,進 民 東都事 奇 爲兒, 詞 軍 (傳 縣 舉 恨 廟 如 也 分以 兵遇 授 夫下 河 令 赤子 伶亦皆 之 號 人善友,胡三省 東 榯 旣 所 避險 脏宗。 宫 略符彥卿傅 莊宗 天子 辱 性 使 丽 地 城 莊宗 狹兵 揭 不 及 惡。 嘻笑繼和,於是莊宗默然,其怒少靈,頃之, 漖 命 ,近臣宿 親軍 墼 能 好 明宗 叱 所 好 獵, 禦,卒 其 少 而 退 繫。 獵 一,思 是月丙 分 唱 卽 云 惟 路 入洛 將 將,皆釋甲潛遁 注 匌: 合 陛下 謂 爲 欲 "郭從嶽之亂,莊宗左右皆 彦卿 斬之。 畄, 云 並 多 之一御 百 所 進, 留 滅, 練 廱 以 未 子 閑 有 期 其 坊 碿 止 伶官 製 良有 /,唐 會有 地 、衆,以 時 不 進 葬 得 之娛,恣其 蹂践 ,安得縱 製十 鏡 時 以也。 於 處 其 至 新 取 五坊之一也。 惟 雅陵。 苗 於 燼 而已二世。 嬣 不 必 全斌與符彥卿 稼。 入 骨而 者, 得違 勝於天下 百 初 陣 姓 蹂 不不 知其 莊 耕鋤 酸 多刻 永樂大典卷七千一百 引 旦 Ë 宗 論 去, 尔 至中 是時, 爲 皆 善, 使 勝 乃下 可 井 公子,雅 徧 等十 出. 負 惟 ,乃與 牟, 在 天 姓 恕縣 |彦卿 屋 路 馬 令曰:「凡 也。 成元年 妨 囂 數人居· 圍 頭 敢 帝之左右 令罪。 天子 耋 然 合, カ 好 繐 (舊五代史考異) 言 伶 動 戰, 音 轉, 病 忽 魔犬飛 齊 溝 律,又 H 出 者 有 1 殺十 進, 壑 則 五十八。 拒 師, 縣 月丁 衆歌 之慮; 戰 皆 令, 能 走耶 挽 例皆 餘 五代史闕文: 騎 斬之。」 自 住 齊作。 軍 莊宗 忘其 撰 卯 ! 令, 爲 卞 斂 奔散 曲 民 莊宗 而 見賊 中 姓 故三軍 佯 子 刻 叉不 廊 故 有 流 名 {五. 爲 崩, 母 詞 凡 不 矢, 下 11 莊宗嘗因博 詬 能 所 許 {史 犯 樂器 彦卿 其後 懼 扶 自 責 世. 唯 鬬 ?補 園 騎 掖 其 法 責, 日 謡 戰 諫 馬, 莊 五. 歸 若 儿 而 慟 簇 日 坊 E 更 汝 是 戮 或 宗 哭 絳 人 用

戲,親骰子采有暗相輪者,心悅之,乃自置暗箭格,凡博戲並認采之在下者。 及同光末,對都兵亂,從讓以兵犯興教門,莊

宗禦之,中流矢而崩。 識者以爲暗箭之應。

安、忘櫛沐之艱難,狗色禽之荒樂。 亡,矧咸有之,不亡何待!靜而思之,足以爲萬代之炯誠也。 厦配天、光武之膺圖受命,亦無以加也。 徵搜興賦,竭萬姓之脂膏。 史臣曰:莊宗以雄圖而起河、汾,以力戰而平汴、洛,家讎旣雪,國祚中興,雖少康之嗣 大臣無罪以獲誅, 外則伶人亂政,內則牝雞司晨。 然得之孔勞,失之何速?豈不以驕 衆口吞聲而避禍。 永樂大典卷七千一百五十八。 靳各貨 夫有一於此, 、財,激六師之憤 於驟勝、逸於居 未或不

校勘記

- 請復常膳「常」原作「帝」、據彭校改。
- \subseteq 阿咄欲 殿本作阿都欲,殿本考證云:「阿都欲,舊作阿咄欲,今改。」
- (三) 率兵追討之 「之」原作「次」,據殿本、劉本改。
- 四四 甲辰 通鑑卷二七四作甲寅。 按本卷中干支與通鑑所紀多有差異,凡注文未涉及者,出校以備

參考。

唐書十 校勘記

(H) 樞密使 「使」原作「史」,據殿本、劉本改。

[k] 至闕下 「闕」原作「關」,據殿本、劉本改。

(4) 辛亥 通鑑卷二七四作辛酉。

〔六〕齎詔 「齎」原作「資」,據殿本、劉本改。

(元) 丙辰 通鑑 卷二七五 注引莊宗實錄,高季興請割三州事在三月丙寅。 下文戊午,通鑑作戊辰。

祭澤 原作「榮澤」,據殿本、劉本、通鑑卷二七四改。 (0)

甲子

通鑑

卷二七四作甲戌,下文乙丑

、戊辰、壬申通鑑作乙亥、戊寅、壬午。

三 置髻於地 「髻」原作「鬚」,據劉本改。

(三) 丙子 通鑑卷二七四作丙戌。

各據莊宗實錄、明宗實錄,未及合考」。 蓋薛史據當時實錄其月日有可徵信也 舊五代史考異作 「然薛史明宗紀亦作四月丁亥朔。

蓋

至 宣仁門 原作「寬仁門」,據通鑑卷二七五、歐陽史卷三七伶官傳改。 通鑑注云:「唐昭宗天祐二

又,唐六典:東都東城在皇城之東,東日宣仁門,南日承福門。

会 時年四 十三 殿本、劉本、通鑑卷二七五、會要卷一「三」作「二」。

年,敕改東都延喜門爲宣仁門。

參考薛史何福進傳……而已 二十二字原無,據孔本補。

售五代史卷三十五

唐書十一

明宗紀第一

會要改正。 妣秦國 后。 触 諡爲孝質順 錫 汾州 遂 姓. 陵 帝 也,遂編 明宗聖德和武欽孝皇帝,諱亶,初名嗣源,及即位,改今諱,代北人也。 即孝成之元子 夫 刺 皇贈朔州刺史,追尊爲孝質皇帝,廟號毅祖,陵曰衍陵;曾祖妣趙國夫人張氏,追 人何氏,追諡爲孝靖穆皇后。 高祖妣衞國夫人崔氏,追諡爲孝恭昭皇后。 史,追尊爲孝成 《皇后。 於屬籍。 皇祖諱琰,皇贈尉州刺史,追尊爲孝靖皇帝,廟號烈祖,陵曰奕陵,皇祖 也。 四代祖諱津,皇贈鱗州刺史,天成初,追尊爲孝恭皇帝,廟號惠祖 皇帝,廟號德祖,陵日慶陵; 以唐咸通 丁亥歲九月九日,懿后 皇考諱霓, 案歐陽史云:父電,未知孰是。(舊五代史考異) 皇妣宋國夫人劉氏,追諡爲孝成懿 三代祖諱教, 生帝於應州之金城縣。 案:原本作「諱敖」,今從五代 世事武皇,及其 陵 皇

唐

書

+

明

宗

紀

第

之內, 作「武后」,今據文改正。(影庫本粘籤)將佐罹害者甚衆,帝時年十七,翼武皇踰垣脫難,於亂兵流矢 州之圍。 利、武皇遂選帝副之,所向克捷 可侍吾左右。」每從圍獵,仰射飛鳥,控弦必中, 初 獨無所傷。 孝成 武皇之鎭鴈門也,孝成厭代,帝年甫 事唐獻祖爲愛將,獻祖之失版武,爲吐渾所攻,部下離散,孝成獨奮忠義,解蔚 武皇鎭河東, 以帝掌親騎。 十三,善騎射, 時李存信爲蕃漢大將, 尋隸武皇帳下。 獻祖 武皇遇上源之難,武皇, 見而撫之曰:「英氣如父, 每總兵征討, 師 原本

率其屬攻之,擒弁以獻 府, 和 也。」問其故,具道娠子腹語事,帝曰:「老媼遜言, 勇,帝徐曰:「公輩 遽起, 命恣其所取, 帝嘗宿於鴈門逆旅,媪方娠,不時具饌,媪聞腹中兒語云:「大家至矣,速宜進食。」媪異 每有 親奉庖爨甚恭, 戦 功, 以口擊賊、吾以手擊賊。」衆慚而止。 帝唯持束 未嘗自 作數器 帝詰之, 伐。 居常唯治兵仗, 而 **媪告其故**。 懼吾辱耳。」後果如其言。(舊五代史考異) Щ 凡所 賜與, 案北夢瑣言云:帝以 持廉處靜, 分給部下。 景福初,黑山戍將王弁據振武叛,帝 晏如 **嫗前倨後恭,詰之,曰:「公貴不可言** 常與諸將會, 也。 帝旣 武皇常試之, 肚, 雄武 諸將矜衒 獨斷, 召於 泉 武

復遣李存信將兵三萬屯於莘縣。 乾寧三年, 梁人急攻兗、郿, **鄆帥朱瑄求救於武皇。** 聞汴軍益盛,攻兗甚急,存信遣帝率三百騎而往,敗汴軍 武皇先遣騎將李承嗣、史嚴援之,

於任 案:原本作「華縣」,今據新唐書藩鎭傳改正。(舊五代史考異) 城,遂解兗州之圍。 朱瑾見帝,執手涕謝。其年,魏帥羅弘信背盟,襲破李存信於莘縣, 帝奮 命殿 軍而還, 武皇嘉其功, 卽 以所屬 五

百 騎號日「横衝 都」,侍於帳下,故 兩 河間 目帝爲李横 衝

籤) 潰,嗣昭不能制。 酒,撫其背曰:「吾兒神人也,微吾兒幾爲從周所笑。」自青山之戰,名聞天下。 繼進,梁軍卽時退去,帝與嗣昭收兵入關。 戰,不捷 人莫之測,因呼曰:「吾王命我取葛司徒、他十可無倂命。」即徑犯其陣, 將復邢、洛, 明年 而死, 差勝被囚。」嗣昭曰:「吾爲卿副。」帝率其屬, 武 皇遣大將軍李嗣昭 梁將萬從周以兵應援。 會帝本軍至,謂嗣昭曰:「步兵雖散,若吾輩空 率師 下馬嶺關 嗣昭兵敗, 帝四中流矢,血流被股,武皇解衣授藥,手賜巵 馬嶺關, 退入青山口 原本作 解鞍礪鏃,憑高 |迴,大事去矣。 , 「爲嶺」, 梁軍扼 今從通鑑改正。(影庫本粘 其路, 奮擊 列陣,左右 如神。 步 爲公試 兵 不 指畫, 嗣 戰 昭 自

梁祖 爲梁將朱友寧、 李嗣 晉陽城外,營壘相望。 率 天復中 昭 衆 分兵四 攻 -,梁祖遣氏叔琮將兵五萬,營於洞渦。 童 出,突入諸營,梁軍由是引退, 岐下、武 朱友寧,原本作「勿寧」,今從歐陽史家人傳改正。(影庫本粘籤) 皇 奉 武皇登陴號令,不遑飮食。 詔 應援,遣李嗣昭 帝率偏師追 、周德威出 是時,諸道之師畢萃於太原,郡縣多陷於 屬大雨 師晉、絳,營於蒲縣。 襲,復諸 彌旬, 氏 郡 叔琮所敗 城壘多壞, 邑。 昭宗之幸鳳翔也, 嗣昭等軍,大 武皇令帝 梁之追兵直 與

唐

書

+

明宗

紀

第

欲 抵晉陽,營於晉祠 敢 出 死 奔 之士, 雲中,帝曰:「攻守之謀,據城百倍,但兒等在,必能固守。」乃止。 日 夜分出諸門掩襲梁軍,擒其驍將游崑崙等。 日以 步騎環城。 武皇登城督衆, 憂形於色。 梁軍 攻城旣急, 失勢,乃燒營而 居數日,潰軍 武皇 退 與大將謀,

史考異) 莊宗 帝先入 將 犯白 晨 周 騎 日: 德 欽 元 軍 対髀 窮蹙, 面 行 威 馬 夾 百 卿 天 戰, 夾 城 祐 都 見 伐 欽 兩 幽州 南 戰於廣邊軍,凡八戰,帝控弦發矢七 ·城,大破梁軍,是日解圍,其功居最。 大笑曰:「卿已氣吞之矣。」帝引 軍 東 五 帝往 奮檛 軍 旣 北 年五月,莊宗親將兵以救潞州之圍,帝時領突騎左右軍與周德威分爲二廣。 縛乞降, 白 成 隅,命斧其鹿角,負芻塡塹, ,帝分兵 來 舞 馬、赤馬都否? 列, 稍 衝擊,執訊獲醜,不可 ,生挾二騎校而 莊宗以梁軍 帝酌酒飲之,拊其背曰:「吾子壯士 略定 山後 甚盛,慮師人之怯,欲激壯之, 覩之令人膽破。」帝曰:「彼虚 軍, 迴, 勝計。 八軍,原 釆 鍾 下馬 矢麗帝甲 盡 爾,即 中。 本作「八年」,今據通鑑改 是日 柏鄉之役, 乘城 行欽 屬 大課。 如蝟 梁軍 鞬 酣 也 揮 毛焉 i 戦不 ·大敗。 弹, 1 案"原本訛「松鄉」,今據通鑑改正。(舊五代 時德威登 有其表耳,翌日當 解, 因厚遇之。 手持白金巨鍾賜帝 躍 由是三軍 以 正。(影庫 馬 矢亦中帝 功授代州 挺 西北隅, 身, 本粘籤) 增 與其 股, 氣 刺 亦譟以應之。 與劉 歸吾 史。 部 拔矢復戰。 自 下百 酒,謂之 辰及 莊宗遣 廐 守光愛 人直 中。 未,

三年二月,莊宗與梁將劉鄩大戰於故元城北,帝以三千騎環之,鼓譟奮擊,內外合

勢,鄭軍殆 使 命率兵慰撫。 戴思遠棄城歸汴, 既入城,以軍府乂安報莊宗(己,書吏誤云:「已至滄州, 帝徇 地慈、洛。 滄州, 原本作「温州」,今據薛史梁紀改正。(影庫本粘籤)小將毛璋 四月,相州張筠遁走, 乃以帝爲相州刺史。 禮上 華。」 據州 九月, 納款 莊宗省狀 滄州節度 莊宗

嗣源

反耶

」帝聞之懼,歸罪於書吏,斬之。

未幾,承制授邢州節度使。

會軍於易州。 騎五千爲前鋒以援之。」莊宗曰:「公言是也。」即命帝與李存審、閻寶率軍 而擊之可也。」帝奏曰:「德威盡忠於家國,孤城被攻, 咸言:「敵勢不能持久, 四年四月,契丹阿保機率衆攻 帝謂諸將曰:「敵騎以馬上爲生,不須營壘,況彼衆我寡,所宜銜枚箝馬,潛行 持久,原本作「持文」,今據文改正。(影庫本粘籤) | 幽州 周德威間使告急,莊宗召諸將議進取之計,諸將 危亡在 卽, 野無所掠,食盡自還,然後 不宜 更待敵衰。 一赴援, 帝爲前鋒, 願假臣突 踵

天皇 州 騎 溪澗,襲其不備也。」 日 兩 大至,每遇谷 較力耳。」 舍,敵騎復當谷口而陣,我軍失色,帝曰:「爲將者受命忘家,臨敵忘身,以身徇國,正 八月,師發上谷,陰晦而雨,帝仰天祈祝,卽時晴霽,師循大房嶺, 諸 君 觀吾父子與敵周旋! 案 : 口,敵騎扼其前,帝與長子從珂奮命血戰, 原本作「人皇」,考選史太祖稱爲天皇,讓宗追稱人皇。 」因挺力 身入於敵陣, 以邊語諭之曰:「爾輩非吾敵, 敵即解去,我軍方得前進。 莊宗初年侵幽州者,乃太祖,非讓宗也 緣澗 而進。 翌 吾當與 日 距 , 区区 敵

唐

如 今改正。(舊五代史考異) 席 捲、委棄鎧仗羊馬殆不勝紀。 舞檛舊擊,萬衆披靡,俄挾其脅帥而還。 是日、解圍,大軍入幽州 周德威迎帝,執手歔 我軍呼躍奮擊, 敵衆大敗, 欷 九月,

十 八 年十月, 從莊宗大破梁將戴思遠於戚城,斬首二萬級。 莊宗以帝爲蕃漢副總管,

加

加一平章

班

師於

魏

州

,莊宗親出郊勞,進位

檢校太保

尋命 帝率步騎五千襲鄆州,下之,授天平軍節度使 +-年,代李存審爲滄州節度使。 四月, 莊宗卽位於鄴宮, 帝進位檢校太傅、兼侍中。

明,帝先至汴州,攻封丘門,汴將王瓚開門迎降。 帝勸莊宗徑取汴州,語在莊宗紀中,莊宗嘉之。 地矣。」莊宗與諸將議兵所向,諸將多云:「靑、齊、徐、克皆空城耳,王師一臨,不戰自下。」唯 君多勸股棄耶州,以河爲界,賴副總管禦侮於前,崇韜畫謀於內,若信李紹宏輩,大事已 鋒,大破梁軍於中都,生擒王彥章等。 於遞坊鎮,獲梁將任釗等三百人,彥章退保中都。 解楊劉之圍。 五月,梁人陷德勝南城,圍楊劉,以扼出師之路,帝孤守汝陽,四 九月,梁將王彥章以步騎萬人迫鄆州, 是日,諸將稱賀,莊宗以酒屬帝曰:「昨股在朝城 帝卽時前進,莊宗繼發中都。 帝至建國門, 莊宗聞其捷,自楊劉引軍至鄆,以帝爲前 自中都渡汶, 建國, 帝遣長子從珂率騎 面 原本作「逮固」,今據通鑑改 1 拒寇, 久之, 莊宗方 十月己卯,遲 逆

宗大悅, 正。(影庫本粘籤) 手引帝衣,以首觸帝曰:「吾有天下, 聞梁主已殂,乃號令安撫,迴軍於封禪寺。 由公之血戰也,當與公共之。」尋進位兼中 辰時, 莊宗至, 帝迎謁路側。 莊.

路州 爲蕃漢總管。 小將楊立叛,帝受詔討之。 同光二年正月行,契丹犯塞,帝受命北征。二月,莊宗以郊天禮畢,賜帝鐵券。 十二月,契丹入塞。 五月,擒楊立以獻。六月,進位太尉,移鎭汴州,代李存審 四月,

行。 **>**唐自往取之,左右說論,乃止。 屬論事,各設法乳湯半盞,蓋甖中粟所煎者。(孔本)先是,帝領兵過鄴,鄴庫素有御甲, 愈不悅,曰:「軍政在吾,安得爲子奏請! 吾之細鎧,不奉詔旨強取,其意何也?」令留守脹 順文併敍之耳。 是歲,莊宗幸鄴,知之,怒甚曰。 十二月,帝朝於洛陽。 三年正月,帝領兵破契丹於涿州, 當以薛史爲徵實。(舊五代史考異) 是時,莊宗失政,四方饑饉,軍士匱乏,有賣兒貼婦者,道路怨 帝憂恐不自安,上表申理,方解。 無何,帝奏請以長子從珂爲北京內衙都指揮使,莊宗 案歐陽史云:冬,契丹侵漁陽,嗣源敗之于涿州。入寇破敵皆作冬間 移授鎭州節度使。 案清異錄: 明宗在潘不妄費,嘗召幕 帝取 五百聯以

都虞候朱守殷奉密旨何帝起居,朱守殷,原本作「安殷」,今據歐陽史改正。(影庫本粘籤) 帝在京師,頗爲謠言所屬,洎朱友謙、郭崇韜無名被戮,中外大臣皆懷憂懾。 守殷陰謂帝曰: 諸軍馬步

唐

負天地,禍

「德業振主者身危, [福之來,吾無所避,付之於天,卿勿多談也。] 功蓋天下者不賞,公可謂振主矣,宜自圖之,無與禍會。」帝曰:「吾心不

UL 年二月六日,趙在禮據 魏州反,莊宗遣元行欽將兵攻之,行欽不利,退保衞州。 杒,

尹張全義密奏,請委帝北伐,紹宏贊成之,遂遣帝將兵渡 帝 善遇 一樞密使李紹宏,及帝在洛陽, 羣 小多以 飛語誇毀,紹宏每爲庇護。 河 會行欽兵退,河南

敗,斬之,外兵皆潰。 聞 帝越豪而入, 露刃,環帝左右。 M 退 痍 焚營,灌譟雷 南,下令以九日攻城。 《者殆半,亂兵益盛。 諸道之師,欲主上帝河南,請令公帝河北。」案:原本作「河中」,今據通鑑改正。(舊五代史考異) 鄴城平定之後,欲盡坑全軍。 拒之, 亂兵呼曰:「令公欲何之。不帝河北, 則爲他人所有。 月六日,帝至鄴都,趙在禮等登城謝罪,出牲餼以勞師, 動。 趙在禮等歡泣奉迎。 趙在體等率諸校迎拜嗣源。(舊五代史考異)是日,饗將士於行宮,在禮等不納外兵, 至五 安重誨、霍彥威躡帝足、請詭隨之,因爲亂兵迫入鄴城。 鼓,亂兵逼帝營, 帝叱之,責其狂逆之狀,亂兵對曰:「昨貝州 八 日夜,軍亂。 某等初無叛志,直畏死耳。 案通鑑:亂兵擁嗣源及李紹眞等入城,城中不受外兵。 從馬直軍士有張破敗者,號令諸 親軍搏戰,搏戰,原本作「振戰」,今據文改正。(影庫本粘籤) 已共諸軍商量,與城中合勢,擊 苟不見幾,事當不測! 帝亦慰納之,營於鄴城之西 成兵,主上不垂厚宥; 軍, 懸橋已發, 共扶 各殺都 皇甫暉逆擊張破 將, 」抽戈 帝泣 縱 傷 又 火

當星 棄甲; 家付以閩外之事 不滿 謂 軍 相州 「國家患難, 在 衆流散,無所歸向。 百 禮 獲官馬二千匹, 如朝天之日,信其奏陳,何所不至! .歸闕 人,時霍彥威所將鎭州兵五千人獨不亂,聞帝旣出,相率歸帝。詰朝 :「欲建大計,非兵不能集事 一至於此! 面 11] ,不幸師徒逗橈,爲賊驚奔。 Ė. 階 一。讒間 案:歐陽史作掠 帝登南樓, 來日 沮謀,庶全功業, 歸藩上章 小坊馬三千匹(四)。(舊五代史考異) 南樓、通鑑作城樓、考冊府元龜引薛史亦作南樓、今仍其舊。(影庫本粘籤) ,吾自於城外招撫 干,徐圖 若 一再舉。 歸藩聽命,便是強 無便於此 元行欽狂妄小人,彼在城南, 」安重誨、霍彥威等曰:「此言非便也 諸軍。」帝乃得出。 者也。」帝從之。 據要君,正 始得成 軍 + 墮讒慝 未聞 ,帝登城掩泣曰 夜至 日 戦撃, 發 芝 魏縣 口 也。正 無 故 戓

悖也 帝奏章亦不 部 士以之增氣。 帝 無留滯焉。 下 · 八百 白從訓 元行欽退保衛州 」乃奪其兵,仍下令曰:「主上未諒吾心,遂致軍情至此,宜速赴京師。」 ·騎歸於帝,具言:「主上爲<u>行</u>欽所惑,事勢已 ,原本作「向從訓」,考通鑑及歐陽史俱作「白」, 達。 二十六日至汴州、莊宗領兵至滎澤, 及將濟,以渡船甚少,帝方憂之。 帝乃趨白皐渡、駐軍於河上、會山 , 果以飛語上奏, 帝上章 中理, 今改正。(影庫本粘籤) 遣龍 忽有木栰數隻,沿流 東 莊宗遣帝子從審及內官白從訓 離、難與共事 Ŀ 驤都校姚彦 供 綱 載絹敷船適 從審 温 1。」帝曰:「卿 爲前鋒。 而 至 一衞州 至,卽用以 至,乃取以賞 , 是日, 旣 爲 自不忠,言何 行欽 而房知温 〉濟師, 彦温 齎詔 軍 所 諭 故

唐

杜晏球 自 北 面 相繼 而 至。 杜曼球,原本作「燕球」,今從通鑑及歐陽史改正。(影庫本粘籤

惟新 之訛, 勝 無以讓天下』 張居翰、宰相豆盧革韋說、六軍馬步都虞候朱守殷、青州節度使符習、徐州節度使霍彦威 奉大行梓宮山陵禮畢,即歸藩矣。」是日,羣臣諸將上牋勸進,帝面諭止之。 已喪,不可以智力求。 見,帝謝之,斂袵泣涕。 午,則當作丁亥。 節度使杜晏球、兗州節度使房知温等頓首言曰:「帝王應運,蓋有天命,三靈所屬,當協 (金)。 歐陽史從薛史作己丑。(舊五代史秀異)帝至洛陽,止於舊宅,分命諸將止其焚掠。 ,不失舊物。 詰旦,朱守殷遣人馳報:「京城大亂,燔剽不息,請速至京師。」己丑 JU 月 J, 福之所鍾, 支朔,] 。願殿下俯徇樂推,時哉無失,軍國大事,望以教令施 前後參差,未詳孰是。(舊五代史考異) 今日廟社無依,人神乏主,天命所屬,人何能爭 案 : 丁亥朔,與莊宗紀異。 前代因敗爲功,殷憂啓聖,少康重興於有夏,平王再復於宗周, 福之所鍾,原本脫「福」字,今據册府元龜增入(影庫本粘籤)不可以謙遜免;道之 時魏王繼岌征蜀未還,帝謂朱守殷曰:「公善巡撫,以待魏王。 據莊宗紀, 至甖子谷, 三月丁未朔, **聞蕭牆釁作**, 則四月當作丁丑。 行。」帝優答不從。 光武所謂『使成帝再生, 莊宗晏駕, , 案:通鑑作乙丑 據此紀下文有己丑、甲 樞密使李紹宏 百官弊衣旅 帝慟哭不 ,疑傳寫 其命 吾當 自

午,幸大內興聖宮,始受百僚班見之儀。 一辰,文武百僚三拜牋請行監國之儀,以安宗社,答旨從之。 所司議卽位儀注,霍彥威、孔循等言:「唐之運數已 旣而有司 上監 國儀注。甲

後明宗聞之,切 確匿于南山民家,人有以報安重誨者,重誨 出 弟兄 書李 慮 親,庶諧敦敍之規,永保隆平之運。 |霸以今月三日出奔,不知 出何 予宗屬, 因 唐 奔,所至之處, 「藏竄, 相 請 若 琪 典 雪 如自創新號。」因請改國號,不從土德。 一禮 繼, 別新 議 以本朝言之, 愛幸不異所生。 武皇 日:「殿下宗室勳賢,立大功於三世,一 ? 即位 以 濫被傷痍,言念於茲,自然流涕。 讓 統制, 運 繼 重誨,傷惜久之。(舊五代史考異) 之義隆,吾自當之,衆之莠言,吾無取 功業卽予功業, 唐祚 柩前,如儲后之儀可 卽時津送赴闕。 則 先朝便是 則睿宗、 今梁朝 が所在。 事武 舊人,不願 路人,瓷瓷梓宫, 皇三十年, 睿宗, 先帝天下卽予天下也。 乙未,敕曰:「寡人允副羣情,方監 曰:「主上以下詔尋訪,帝之仁德,必不加害,不如密令殺之。」果併命于 如不幸物故者, 原本作「瑞宗」,今據新、舊唐書改正。(影庫本粘籤) 也。 昨京師 以中門使安重誨爲樞密使,以鎭州 排 殿下稱唐 於是羣議始定。 難 變起,禍難薦臻,至於戚屬之間,不測驚奔之所 宜令 解紛 帝問藩邸侍臣,左右奏曰:「先帝以錫姓宗屬 何所 朝雨泣赴難,安定宗社, 量事收瘞以聞。」案北夢瑣言: 河南府及諸 請 術 歸往 也。」時羣臣集議, 風 更名號。」帝曰:「予年十三事 兄亡弟紹, 沐雨 ! 不唯殿下 河中軍校王舜賢 门冒刃 道, 應諸王眷屬等, 於義何嫌。 國事 1111. 追感舊 戰, 依違不定, **5**,外安黎庶 撫事 體 別駕張延朝爲樞 文宗、 奏,節度使李存 君之義, 無完膚, 因心, 莊宗諸弟存紀、存 且 同 昨因驚擾 武宗皆以 唯 獻祖 宗異號 不失舊 吏部 何艱 內睦宗 羣 民家 臣 以以 尙 險 何

唐

副 使,以客將范延光爲宣徽使,進奏官馮贇爲內客省使。

檢括 寄,專掌重權,重權,原本作「重難」,今據冊府元龜改正。(影庫本粘籤)侵剝萬端,姦欺百變。 塗炭,軍士飢寒,成天下之瘡痍,極人間之疲弊。 載詳衆狀,側聽輿辭,難私降黜之文,合正 日 殛誅之典。 宜削奪在身官爵,按軍令處分。 雖犯衆怒,特貸全家,所有田宅,並從籍沒。」是 刺史劉仲殷爲鄧州留後, 知河南府兵馬留後。 ,謙伏誅。 丙申,下敕:「今年夏苗,委人戶自供,通頃畝五家爲保,本州具帳送省,州縣不得差人 如人戶隱欺,許人陳告,其田倍徵。」己亥,命石敬瑭權知陝州兵馬留後,皇子從珂權 敕停租庸名額,依舊爲鹽鐵、戶部、度支三司,委宰臣豆盧革專判 庚子,淮南楊溥進新茶。以權知汴州軍州事孔循爲樞密副使,以陳州 以鄭州防禦使王思同爲同州留後。 敕曰:「租庸使孔謙, 。遂使生靈 濫承委

行欽伏誅。 租 散,依夏稅限納錢。 院管繫,今據數卻還州府至,州府不得科率百姓。百姓合散蠶鹽,每年祇二月內一度俵 竿尺,一依|朱梁制度,仍委節度、刺史通申三司,不得差使量檢。 州使公廨錢物,先被租 庸 違 中書門下上言:「請停廢諸道監軍使、內勾司、租庸院大程官, 制徵收,並與除放。 壬寅,以樞密副使孔循爲樞密使。 夏秋苗稅子,除元徵石斗及地頭錢,餘外不得紐配。 今欲曉告河南府及諸道準此施行。」從之。 泳樂大典卷七千一百六十四。 出放猪羊柴炭戶。括田 是日,宋州節度使元 先遇赦所放逋稅, 案 歐陽史作左驍衛大

校勘記

- (1) 軍府乂安 「乂」原作「人」,據殿本、劉本改。
- (三) 同光二年正月 「同光」二字原無,據本書卷三一莊宗紀、通鑑卷二七三補。
- 3 一怒甚 原作「怒曰」,據殿本、劉本改。
- (豆) 三千匹 按:歐陽史卷六唐本紀作二千匹。
- (至) 當協冥符 「冥」原作「宴」,據殿本、劉本改。
- (六) 今據數卻還州府 「數」字原無,據冊府卷一六〇補。

唐 圕 +

校

勘

記



舊五代史卷三十六

唐書十二

明宗紀第二

設奠,哭盡哀,乃於柩前卽皇帝位。百官易吉服班于位,帝御袞冕受册訖,百僚稱賀。 丁未, 同光四年爲天成元年,大赦天下。後宮內職量留一百人,內官三十人,敎坊一百人,鷹坊二 羣官縞素赴西宮臨。以樞密使安重誨爲檢校司空,守左領軍大將軍,依前充樞密使。宰臣 饋送之勞。 秋夏稅子,稅子,原本作「悅于」,今從五代會要及交獻通考改正。(影庫本粘籤) 每斗先有省耗 十人,御廚五十人,其餘任從所適。諸司使務有名無實者並停。分遣諸軍就食近畿,以滅 西南面副招討使、工部尙書任圜率步騎二萬六千人入見。甲寅,帝御文明殿受朝。制改 豆盧革等三上表請聽政,從之。遣使往諸道及淮南告哀。辛亥,帝始聽政于中興殿。 壬子, 天成元年夏四月丙午,帝自興聖宮赴西宮,文武百僚編素于位,帝服斬衰,親奉攢,塗

+=

明宗

紀第二

達情 京 錢 稅物色名 升, 物 副留守、知留守事張憲賜死,以其失守故也 (`)與人迴圖,宜令盡底收納,以塞倖門云。 而已,自 Ē, 祇 於州府圓融,不得科 納 物色,原本作「恤邑」,今從交獻通考改 IF. 數,其省耗 宜停。 斂 百 天下節度、防禦使,除正、至、端午、降誕四節量事 姓。 其 正。(影庫本粘籤) 刺 Z 史雖 卯, 遇四 渤海 節,不在 不得邀難 國王大諲譔遣使朝貢。 貢 商旅。 奉。 諸州 租 庸 雜稅,宜定合 司 先將係省 是月, 進奉,

賜姓 |貝州 李紹 判六軍諸 部 並 傅霍彦 可之。 部 治書、監修國史,並依舊平章事。 毛璋 尙 刺 能 五 威 書 月丙辰朔,帝不視朝,臨於西宮。 復 史李紹英、齊州防禦使李紹虔、河陽節度使李紹奇、洛州刺史李紹能等上言,前朝寵 今乞還舊。 加兼侍中,移鎭鄆州。 李紹眞復日霍彥威,李紹英復日房知温,李紹虔復日王晏球,李紹奇復日夏魯奇, 任 加 日 衞 米君立。 同平章事。以太子賓客鄭珏爲中書侍郎兼刑部尚書、 睘 事 [為中書侍郎兼工部尙書、同中書門下平章事、判三司。 徐州節度使李紹眞、 滄州節度使、檢校太傅安元信加同平章事, 內李紹虔上言:「臣本姓王,後移杜氏,蒙前朝賜今姓名,乞復本姓。」詔 青州 節度 (使、檢校太傅、同平章事 丁巳,初詔文武百僚正衙常參外,五日一度內殿起居。案伍 兗州節度使、檢校太傅朱守殷 宰相 豆盧革進位左僕射, 符習加銀 移鎭 (侍中,徐州節度使、檢校太 徐州;邠州節度使、檢校 加同平章事, 章說進位門下侍 同中書門下平章事 **充河南** 鄓 了; 以 兼戶

代會要載天成元年五月三日勅:今後宰臣文武百官(一),除常朝外,每五日一度入內起居。 其中書非時有急切公事請開

不 在 此限。 麟州 奏,指揮使張延寵 作亂, 焚剽市民, 已殺 戮 訖

留後, 使; 以前 北京 使王 馬 以 僧,奔至太原七十餘 驢 福 加 檢校 金吾 州 步 留守、 晏球 副 相 馬 戊午, 節度使、 李紹文,原本作「昭文」, 西 以前 都指 大保。 將軍 都 州 步都指揮使李從温奏,準韶 刺史、北京 知 爲宋州節度使, 京兆 河陽節度使夏 陳州 况 府 張 籛 揮使安 張實爲金州防禦使。 福州, 制 尹 刺 下 張筠 史劉仲殷爲陝州 審通爲齊州防禦使。 , 原本脫「州」字, 左右廂 人,至 案 : 在禮以軍情不順爲辭, 加 今從列傳改正。(影庫本粘籤) 原本作「張蟉」, 魯奇 檢校太傅, 是盡誅 以洺州 都 指揮使安金全爲安北 加檢校太傅, 今據册府元龜增入。(影庫本粘籤) 戊辰, 於 刺 誅宦官。 留後。 充山 都亭驛。 今據通鑑改正。(舊五代史考異) 史米君立 以 南 庚午,以權知北京軍 癸酉, 金紫光祿大夫、檢校司空趙在禮爲滑州節度使 以具州 西道節度使; 不之任。 初,莊宗 爲邢州 辛酉,詔 以前鄧州留後戴思遠爲洋州節度使。 以前 刺 都護、振 以許州 遇內難 節度使。 磁州刺 史房知温爲兗州節度使, 華州放散 以夔州節度使李紹文爲遂州節度 檢校太傅王延翰 武 官者數 留後陶旺爲鄧州留後,以諸道 府事 進 史 己未, 節度使、 劉彦琮爲同州 魏王 西川 、汾州刺史符彦超爲晉州 機岌 宮人各歸 百 賜文武百官各一 人竄 同平章事 打毬馬七十二疋。 加檢校太尉、同 匿 留後。 骨 山 以齊州 肉。 谷,落髮爲 甲子,前 壬戌, 甲戌 丁卯, 馬 防禦

唐

書

 $\dot{\mathbf{+}}$

明

宗

紀

第

平章事

帶各二條、馬一百五十匹。 謙 藏竄,不知所之,而附之資裝妓樂並爲籛所有,復懼事泄,故聊有此獻 尹、西平王,所有田宅財產,並還與骨肉。」丁丑,西都衙內指揮使張籛進納僞圖主王衍 守侍中、 孔循獻議,因唐室侍讀之號,即創端明學士之名,命馮道等爲之。 案:原本作「萬州」,今據歐陽史改正。(舊五代史考異) 端明之職,自此始 監修國 翰林學士、戶部侍郎、知制誥馮道,翰林學士、中書舍人趙鳳,俱以本官充端明殿 [史、兼樞密使郭崇韜宜許歸葬, 也。 初,莊宗遣中官向延嗣就長安之殺王衍也,旋屬蕭牆之禍,延嗣 案五代會要云:明宗初登位,四方書奏,多令樞密使安重誨讚之,不曉文義。 可復護國軍節度使、守太師、 其世業田宅並還與骨肉。 丙子, 韶:「故西道行營都招討制 故萬州司戶朱友 兼尚書令、 置等使、 河中 於是

偷父、 吳越國王錢鏐遣使進金器五百兩、 銀萬兩、 綾萬疋謝恩, 後,以左右廂突陣指揮使康義誠爲汾州刺史,以左右廂馬軍都指揮使索自通爲忻州刺史。 年,鏐上疏密求玉册、金印,郭崇韜進議以爲不可,而樞密承旨段徊受其重路,案:沈國志作「段 守事。 不可乏帥,無宜兼領。」重誨卽自陳退,許之。 戊寅,以樞密使安重海兼領襄州節度使。 辛巳,以衞尉卿李懌爲中書舍人,充翰林學士。壬午,以前蔚州刺史張温爲振武留 以左金吾大將軍張遵誨爲西京副留守、知留 制下,重酶之黨謂重酶曰:「襄州地控要津, 賜玉册、金印。 同光季

懷」,考歐陽史及通鑑並作段個,今仍其舊。(舊五代史考異)贊成其事,莊宗即允其請,至是故有貢謝。 申,幽州 百 朔望入閣,賜廊下食。 司經費 節 不足,無每日之賜,至是遇入閣卽賜之。 度使、檢校太保李紹斌加檢校太傅、同平章事,復姓名爲趙德鈞。 自亂離已前,常參官每 日朝退賜食於廊下,謂之「廊餐」。 案五代會要云:明宗初即位,命百官五日一起居,李琪 乙酉,詔百官 乾符之後, 甲

小蕃 卿、判 河中 案:原本「正衙」訛「王衞」,今據册府元龜改正。(舊五代史考異) 未可全廢,內殿恩澤,且可常行。若遇大蕃 充同 爲尙書左丞。 原本作「肅項」,今據歐陽史改正。(影庫本粘籤) 以 四四 日。」從之。 為非故事,請罷之,惟每月朔望日合入閣賜食。 [夷來王,歷代故事,前後各因強弱, 州 -留後 但推於恩澤,仍於便殿撫懷。 六月戊子,前襄州節度使李紹珙起復, (吏部尙書銓事; 節度使。 從珂爲 故忠武軍節度使、檢校太師、兼尙書令、齊王張全義贈太師 丙申,新州留後張庭裕、 `河中節度使,百僚表賀。 己丑,以吏部尙書、判太常卿事李琪爲御史大夫, 以御史中丞崔居儉爲兵部侍郎,以太子賓客蕭頃爲禮 憲府奏論,禮院詳酌,皆徵故實, 中書奏、「請以九月九日皇帝降誕 至是宣旨,朔望入閣外,仍五日一起居,遂爲定式。 撫制互有典儀。 雲州留後高行珪並 以翰林承旨、兵部尚書、知制誥盧質爲檢校司空, 依前襄州節度使, 大蕃須示於威容,卽於正衙引對 正授本軍節度使。 仍復本姓名曰 以禮部尙書崔協爲太常 咸有明文。 日爲 ,以前尚書右 應聖節,休假三 劉訓 部尙書。 丁酉, 正衙威容, 丞崔沂 以皇子 蕭頃

唐

入朝 卻引對朝貢蕃客,御史大夫李琪奏論之,下禮院檢討,而降是命焉 卽准舊儀,於正殿排比鋪陳立仗,百官排班,於正門引入對見。」時百僚入閤班退後,

贈 犯而 左渝 但不 改正。(影庫本粘籤) 諫議大夫,以鄴都副留守孫岳爲潁州團練使。 以 「京城潛龍舊宅,望以至德宮爲名。」從之。 樞 太 加 密使孔循 兼 師、銀尚書令、南平王高季興加守太尉、銀尙書令,澤潞節度使、檢校太傅、同平章事孔勍 太子右庶子王權 連稱,不得迴避。 曲 易避,貴便於時。 況『徵』『在』一名,「貴便」,原本作「貴使」;「徵在」,原本作「徵彼」,今並從五代會要 侍 德陸崇爲右散騎常侍,以兵部郎中蕭希甫爲左諫議大夫,前幽州節度判官呂夢奇爲右 戊 避,止禁連呼。 中。 戌, 樞密使安重誨加檢校太保,行兵部尚書事 加檢校太保、守秘書監,依前充使。己巳、秘書少監姚顗爲左散騎常侍,以太子 汴州屯駐控鶴指揮使張諫等謀叛伏誅,以樞密使孔循權知汴州軍州事。 抑有前例。 爲戶部侍郎,以太子左庶子任贊爲工部侍郎。 朕猥以眇躬, 託於人上, 止遵聖範, 非敢 如是臣下之名,不欲與君親同字者,任自改更。」丁未,中書門下奏: 以太宗文皇帝自登寶位,不改舊稱,時即 詔曰"「古者酌禮以制名,懼廢於物;取其難 子如故。 以太子詹事劉岳爲兵部侍郎, 自尊。 庚子,荆南節度使、檢校 臣有世南,官有 應文書內所有 甲辰, 注民部,

戊申,夏州節度使、開府儀同三司、檢校太師、兼中書令、朔方王李仁福加食邑一千戶。

加檢校 留守,以鎭州副使王建立爲鎭州留後, 以 求三州,明宗許之。(舊五代史考異)其變州,僞蜀先曾建節,宜依舊除刺史。 言:「虁、忠、萬三州,舊是當道屬郡,先被西川侵據,今乞卻割隸本管。」詔可之, 留後者, 節度副 知州孔循奏,召集謀亂指揮使趙虔已下三千人並族誅訖。)延州留後高允韜爲延州節度使, 乃建立也, 人太傅。 大使、知節度使事孟知祥加檢校太傅、兼侍中,劍南 壬子,鳳翔節度使、檢校太尉、兼中書令李從曮加檢校太師、兼中書令。 今改正。(影庫本粘籤)以右龍武統軍安崇阮爲晉州留後。 以利州節度觀察留後張敬詢爲利州節度使。 王建立,原本作「建及」,考建及卒於莊宗未即位以前 甲寅,以晉州留後符彥超爲北 東川節 韶命未下,莊宗遇弑。 度副大使、 荆南節度使高季興上 知節 六月壬辰, 王表 ,明宗時爲鎭 案通鑑考異引 劍南 度 事 西川 董

諸為 月 城、 校于可洪等相 史、文武 並 郃陽 且止 檢校 秋 七月乙卯朔,以太原舊宅爲積慶宮。 將 兩縣屬同州 絕。」 司 吏,舊進 空 甲戌, 次到 守陵 月旦 |闕〔三〕,亦斬於都市。 (1) 中 州刺 書門下上言:「宣旨令進納新授諸道判官、 起 居表,今後除節度、 史, 誅滑州左右崇牙及長劍等軍士數百人,夷其族,作亂故也。 以虢州 刺 史石潭爲耀州 丁卯,以僞蜀守司空、門下侍郎、平章事、晉國公王 庚申,契丹、渤海國俱遣使朝貢。 留後、 團練、防禦使, 惟正、至 團 練使。 辛未, 州縣官官告敕牒, 詔:「諸道節 進賀 甲子,詔割韓 表, 其四 祇應宣 度、 其 刺

唐

書

+

明

宗

紀第

賜。 自 兩 準往 使判官令錄在京除授者,卽於內殿謝恩,便辭赴任,不更進納官誥, 敕下後,望準舊例處分。」從之。 例 除將 相 外, 並 不賜官告(四),即因梁氏起例,凡宣授官, 並特恩賜。 判司主簿,不合更 臣等商量

收掩, 裔。 於平人,互 考,姑仍其舊。(舊五代史考異) 爲彰國軍節度(至),仍以興唐軍爲寰州,隸彰國軍。 子。 又昧 侵鄰家 中,充史館修撰、判館事 考徐 史,仍令所在馳驛發遣,為諫議大夫蕭希甫 蘇史從實錄作乙亥。(舊五代史考異) 鎭州留後王建立奏,涿州刺史劉殷肇不受代,謀叛,昨發兵 無黨五代史注,莊宗陵名雍陵,石晉時避諱稱伊陵。 卷舒 其河南府文案及蕭希甫論疏,並宜宣示百僚。」庚辰,賜蕭希甫衣段二十疋、銀器五十 乙亥,莊宗皇帝梓宮發引,帝緀服臨送於樓前。 擒劉殷肇及其黨一十三人,見折足勘詰。 而奪井,選元亭之上第,改王參之本名。案:王參疑有舛誤,據册府元顯 阿私於愛子。 而 府司 案牘 ,以僞蜀吏部尚書楊玢爲給事中,充集賢殿學士、判 或主掌三司,委元隨之務局; 爱來,諫署奏章 任官匪當,黷貨無厭, 叠至,備彰 疏奏故也。 原本「永」字誤,今改正。又,莊宗葬日,通鑑從哀詔册文作丙 謀人之國若 己卯,以比部郎中、 醜迹、深汚明庭。 宰相 是日,葬莊宗於雍陵。 或陶 制略曰:「革則縱田客以 豆盧革貶辰州刺 斯, 致主之方安在 里,受長吏之桑田。 是宜約以三章,投之四 知制 引薛史亦作王参,今無 史,韋說貶溆州 誥楊凝式 案:原本作「永陵」, 院 事。 殺 旣 迷理 升應州 咸屈· 爲 說則 給 塞 刺 口

兩,賞疏革、說之罪也。 宰相鄭珏、任圜再見安重誨、救解革、說, 請不復追行後命,又三上

表救解,俱留中不報。

減省、 門下,原本脫「書」字,今據文增入。(影庫本粘籤 霑新命,各納禮錢。爰自近年,多隳舊制,遂致紀綱之地,遽成廢墜之司。 保元納三十千,減至十五千; 栅 千,減至七千;員外、郎中元納一十千,今納三千四百者。」詔曰:「會府華資,皇朝寵秩, 奏:「條制,檢校官各納尙書省禮錢,舊例太師、太尉納四十千,後減落至二十千;太傅、 下,三司 任納錢、 了,須 辛巳,以捧聖嚴衞左廂馬步軍都指揮使李從璋領饒州刺史,充大內皇城使。 (議 方當提 若 職掌 從權,不 不 改 ,監務官,州縣官,凡關此例,並 (舉,宜振規繩。 、呼,不在徵 在其例。 納。 其餘自不帶平章事節度使及防禦、團練、刺史、使府副使、行軍已 但緣其間, 司徒、司空元納二十千,減至一十千,僕射、尙書元納一十五 仍委尚書省部司專切檢舉,置曆逐月具數申中書門下。」中書 翊衞勳庸,藩宣將佐,自軍 可 徴納。 其檢校官自員外郎至僕射,祇 ·功而遷陟,示恩澤以獎 况累條流,就從 中書門 初 轉 太 凡

皆員 軍 一說等, 外 癸 一置同 韶辰州 自居台 ĪF. 員 輔 刺 仍令馳驛發遣 史豆 累換 盧革 炭 可責授費州司 , 負 先皇倚注之恩,失大國燮調之理。 甲 申, 又詔 戶參 曰:「責授費州 軍,沒州刺史韋說 口 戶 參 軍 可責授夷州司 股自登宸極 豆 盧革、夷州 戸參軍 常委鈞 一 戸參

唐

書

+

明

宗紀

第

校

勘

記

濤即革、說之子也。 貶謫,以塞尤違。 崇文館學士、賜緋魚袋韋濤等,各因權勢,驟列班行,無才業以可稱,竊寵榮而斯久。 宮判官、朝請大夫、檢校尙書、禮部郎中、賜紫金魚袋豆盧昇,將仕郎、守尙書屯田員外郎、 可合州長流百姓,合州,原本作「白州」,今從歐陽史改正。(影庫本粘籤)仍委逐處長知所在。 初,含弘是務,特軫墜泉之慮,爰施解網之仁,曲示優恩,俯寬後命。 路之諠騰不已,諫臣之條疏頗多,罪狀顯彰,典刑斯舉,合從極法, 衡,略無謙遜之辭,但縱貪變之意。除官受賂,樹黨徇私,每虧敬於朕前,徒自尊於人上。道 朕以纂襲之初,含容是務,父既寬於後命,子宜示於特恩,並停見任。」昇、 泳樂大典卷七千一百六十三。 以塞羣情。 革可陵州長流百姓、說 尚緣臨御之 同州長春

校勘記

- 一合後 原作「令後」,據殿本、舊五代史考異、會要卷五改。
- 詔 有郃 割韓城郃陽兩縣屬同州 陽縣,並云:「梁割河中府,後唐天成元年復舊。」 「郃陽」 原作「郤陽」,據殿本、劉本改。 按太平寰宇記卷二八,同州
- (三)相次到闕 「闕」原作「關」,據劉本、彭本改
- (四) 官告 原作「詰告」,據殿本、會要卷一四、冊府卷六三二改。劉本作「官誥」。

記

應州置彰國軍。

度。

據改。

舊五代史卷三十七

唐書十三

明宗紀第三

者(1),所奏請判官、殿中已上許奏緋,中丞已上許奏紫,今不帶平章事亦許同帶平章事例 若是朝廷除授者,卽不計使府除移, 韶天下疏理繫囚。甲午,汴州奏,舊管曹州乞卻歸當道,從之。是日,詔曰:「承前使府奏請 逢恩赦,不在原宥之限。 州、合州長流百姓豆盧革、韋說等,可並自長流後,長流,原本作「長沙」,今據文改正。(影庫本粘籤)縱 判官,率皆隨府除移停罷。近年流例,有異前規,使府雖已除移,判官元安舊職。起今後 鄆州節度使霍彥威移鎭青州。丁亥,莊宗神主祔廟,有司請祧懿祖室,從之。詔:「陵 天成元年秋八月乙酉朔,日有食之。 豆盧昇、韋濤仍削除自前所受官秩。」壬辰,以久雨,放百僚朝參, 如是使府奏請, 有司上言:「莊宗廟室酌獻,請奏武成之舞。」從 即皆隨府移罷。 舊例藩侯帶平章事

唐

書十三

明宗紀

第三

歷任 請 並 處 從 分。 不 府, 告 在 事 , 本 奏請 身隨 如防 切 準敕命處分。」 無官緒,妄結 奏 禦、團 判官之限。 全京。 練使奏請判官,員外郎已下不在奏緋之限。 如未有官,假稱試攝,亦奏狀內分明署出。 如刺 虚銜,不計職位高卑,多是請兼朱紫,不唯紊亂,實啓撓求。 史要奏州縣官,須申本道, 請發 表章,不得 其所奏判官、州縣官,並須將 如藩 鎭 留後、 .泊奏。 權 近 知 日 軍州 州 宜令諸 使奏 ,

道

州

度使 行 遠省價買賣者,以盜 審通, 池 下元隨,邀求職務,凌壓平人;及有力戶人,於諸 取,便給省司 除 御 科斂, 一解字,科賦於人,及營弘宅、諸縣鎭所受州使文符,如涉科斂人戶,不得稟受。 刺 文明殿, 史。 史敬鎔爲 金全之猶子也。 T 酉 須行 幽州 百官入閣、 內 '衣糧,况人數已多,訪問尙有招致。 止 出 安州節度使。 奏,契丹寇邊,詔 絕。 象笏三十四 今改正。(影庫本粘籤) 州 一鑄錢論。 月望. 使所納軍糧,不得更邀 如 面, 乙巳,禁鎔錢爲器,仍估定生銅器價斤二百,熟銅 月朔之儀,從新例也。 丁未, 樞密使院條 齊州 案:歐陽史作三十二。(舊五代史考異) 賜百官之無笏者。 辛丑,以前青州 防禦使安審通率師禦之。 加 耗。 奏:「諸道節度使、刺 處行路,希求事務。 諸色人多有抵罪亡命,便於州府投名爲 節度使符習 荆南 節度使、刺史所置牙隊,許 高季興 安審通,原本作「番道」, 爲 上言, 鄆州節度使, 史內, 亦有 峽內三 州使妄稱修葺 有不 州 器 於軍 以前華州 守詔 斤 據通鑑云:安 州府不得 請 己亥, 20 朝廷 都內抽 條, 節 城 使 加

賒 買 行 人物色、 兼行科率。 已前條件,州使如敢犯違,許人陳告, 勘詰不虛, 量行獎賞。 宜

令三京、諸道州府,準此處分。」

傷蜀 陴者 遺兵 取,公儼 爲登 準 赴所 粘籤) 謹 歸。 希望爲監軍 本粘籤) 等謀據州城,以邀 例舍故 右 了, 則 任 州 圍守習家,欲盡殺之。 希望遣兵邀之,習懼 新 刨 僕 刺 及同謀拒命指揮使李謹、王居厚等八人訖。 授青州節度使霍彦威奏、處斬新登州刺史王公嚴、 以 誰敢異圖。」希望從之。 射 彦威 史。 而 霍 乙未,始之官。 諱新 ·,專制軍政。 、中書侍郎、 彦威代符習 懲其初心, 公嚴不時赴任, 懿 符節,即令軍 旭 丁酉, 例 平 不諱, 而 遣人擒 趙在禮之據魏州,習奉詔以本軍進討,俄而帝爲亂 聚兵淄州 章事 公嚴素受希望獎愛, 彦威 還。 至 忌日 不時赴任,當云因其不如期赴任,考册府元龜與薛史同,今姑仍其舊。(影庫 公嚴 趙國公張格 青州 公嚴 至滑州,帝遣人招之,習至,乃從帝入汴。 府飛章留己,兼揚言符習在鎭, 不行香。」從之。 於北 乘其無備, 追擒之。 以 圖 海 進 。(舊五: 縣, 取。 案:原本作「張裕」,考舊唐書張濬傳 代史考異) 與同黨 謂希望曰:「內侍宜分腹心之兵, 圍希望之第,擒而殺之。公嚴遂與州 彦威 初, 壬子,襄州 至淄州 斯於州 同光中,符習爲青州節度使,宦官楊 有司 登州,原本作「晉州」,今從通鑑改 上言:「莊宗 東。 會詔 節度 人不 案通鑑: 使至青州告諭 使 便其政, 劉訓 耐廟, 彦威 潛次子格,什蜀為平章 軍所劫,習 希望聞 加檢 聚兵淄州 帝乃除 校 懿 監四 魏軍 太 加 公嚴 Ē 、以圖 傳,以 彨 將李 公嚴 面 卽 (影 遷 守 卽 進 庫 本

唐

書

+

今改 Ē (舊五代史考異) 爲太子賓客,充三司副使,從任 一圜請· 他

於歸 豐傳 轉運 聖節、 之。 稱,忠勤顯著。 州 書令錢元發加開 尉、兼中書令錢元瓘加 馬殷 賣 兼 刺 良 中 以前復州 改 書令、 計 史馬溉爲左衞上將 印 庚 制 人气言,從之。 九 正。(影庫本粘籤) 百 申 置 月 檢校太師、 僚 且 乙卯 言 於敬愛寺設齋,召緇黃 以 右金吾街 刺 |成 都 己未 朔,詔汴州 都 官 史袁義爲唐州 旣在維城之列(四),官新定體之文。 府階, 守尙 郎 具 癸酉,天策上 帝嘗爲太原內牙親將,建豐爲 幸至 中 (有本朝實 使張貽範爲兵部 食邑。 書 ·庾傳美充三川 軍 錢元琛,原 德宮,遂幸前隰州 扶溝縣復隸許州 令。 一致仕。 錄 刺 兩浙 中吳建武等軍節 上將軍 本作「遼」, 史。 ,及傳美使迴,所得纔 之衆於中 節 卯, - 、湖南節度使、開府儀同三司 度 搜訪圖籍使行。 詔曰:「鳳翔節 尚書致 留後、 今從十國春秋改正。(影庫 以 刺 光祿卿羅 興 以前絳州 、靜海 殿 仕。 史袁建豐之第。 度、嶺南 講 副 軍 論 都官員 是降寵光,以隆敦敍、俾煥成家之美,貴 度 ,至是建豐 節 周 九朝實錄及殘缺雜書而 刺史婁繼英爲冀州刺史,充北面水陸 使李曮 從近 敬 度、嶺南 傳美爲蜀王衍之舊僚,家在 東道觀 外郎 爲右 例 本 也。 粘籤) 于鄴 隰州,原本作「顯州」,今據歐陽史袁建 世 察處置等使、 金吾 風疾沈廢, 西道 聯 、守太 戊辰, 宗 衞 奏請指揮不 進 觀 屬、 大 食邑。 察處置 將 師、 以僞 任 軍 故親幸其第以 檢校 兼尙 重 , 甲戌, 等使、 藩宣 蜀 E 得 充街 書令、 太 檢校太 書 成都, 尉 癸亥,應 檢 以前 製券輒 使。 慶善有 楚王 兼 校太太 便 辛

崇猶 子之親。 宜於本名上加『從』字。」癸未,文武百僚至張全義私第柩前立班辭,以來月二

日 雄故 也

防 大 林 乞迴御筆,以行黜陟,疏下中書門下商量,宰臣奏請施行。」從之。 曉諭,改而正之。」丙戌,吏部侍郎盧文紀上言:「請內外文武臣僚,每歲有司明定考校,將相 刑部員外郎孔莊上言:「自兵興以來,法制不一,諸道州縣常行枷杖,多不依格律,請以舊制 上疏,內一件:「百僚朔望入閣,及五日內殿起居,請許三署寺監官輪次轉對奏事。」 臣也,卿宜計度。」圜遂與安重誨據品秩之差,以定春冬之賜,其後遂以爲常。 喪亂已來,急於軍旅,人君所賜,未能周給。 大臣多服。 、鬼主 百 禦使,以河 蠻都鬼主、右武衞大將軍李卑晚 多十月甲 傳能、阿花等來朝貢(H),帝御文明殿對之,百僚稱賀。 甲午,以前 帝顧謂判三司任圜曰:百僚散未?」圜奏曰:「臣聞本朝給春冬服,徧及百僚, 中節度副使李鏻爲太子賓客。 中朔,詔賜文武百僚冬服緜帛有差。 刺 史袁 建豐遙領 李卑晚,原本作「卑免」,今從歐陽史及通鑑改正。(影庫本粘籤)造 洪州節度使。 今止近臣而已,外臣無所賜。」帝曰:「外臣亦吾 壬辰,邠州節度使毛璋移鎭潞州 近例, 十月初寒之始,天子賜近侍執政 庚寅, 以客省使李嚴 丁亥,雲南巂州 右拾遺曹琮 山後 進 領 從之。 泗州 兩

唐 書 幽 + 州 Ξ 明 契丹平州守將偽署幽州節度使盧文進 宗 紀 第 = 遼史作盧國用,蓋文進在遼改名國用

軍節度 使、檢校太傅、兼侍中馬希振 士 御 進 軍,大渡河 安夷夏,貴洽雍 馬道 史 所率降戶 大 案:歐陽史作廢朝三日。(舊五代史考異) 使、 夫 爲 、李琪三上 兵部侍郎,以中 山前 桂州管內觀察使、檢校太 。孳畜 熙。 |邛川六姓都鬼主(t)、懷安郡 人口 一表求 契丹王世預 在平州 解任 ·書舍人、充端明殿 故 西,首尾約七十里。 加檢校太尉。 也。)歡盟,禮交聘問,遽聞凶計,倍軫悲 師、兼中書令、扶 以兵部 丙午, 盧文進 侍郎 學士趙鳳 以篱州 王 一勿鄧 劉岳爲 庚戌, 至 山後 摽莎爲定遠將軍。 幽州 風 爲戶部 東部 郡 以吏部侍郎盧 兩林、 主 遣軍 一馬蜜 诗郎? 侍 郎,以戶 百蠻都 吏奉表 加食邑實 並 懷,可輟 弦 鬼主李 文紀爲 來上 部 前 1 侍 未, 充 封(も) 職。 郎、 卑晚 御 今月十 燃 充端明殿 史 州 ,遭朗觀察 壬子, 爲寧遠 一中丞 奏, 九 靜 盧 日 文 朝 將

舊,附 辛酉,以前秘書少監温輦爲太子詹事。 契丹 海 國 識于), 自 一月戊午,以 此 阿保機身死,雖已抽退,尚留兵馬在渤海扶餘城,今渤海王弟領兵馬 **案**: (舊五代史考異) 契丹次,蓋 滄州留後王景戡爲 言契丹方即 己未, 次也。 以翰林 薛史前後, 學士、 那州 壬戌,以前房州刺史朱罕爲潁州團練使。 如 節 尚書、 戶部 郎中、 攻城 度使。 次 (銀州 青州 次, 多單用「次」字, 奏,得登州狀 知制誥劉昫爲中書舍人 凝卽當時案贖之文, 申, 攻圍 契丹先攻逼 扶餘城內 是日,詔 、
充職 今仍其 渤

原本作 開 西 州 後 壇受戒,不得衷私剃度。」癸丑(5),日南至, 府階, 川 昭 |言:`「諸州刺史經三考方請替移。」詔曰:「有政聲者就加恩澤, 梁漢顒爲邠州節度使氏之。 馬步 武 「課再」,今據五代會要改正。(影庫本粘籤)密州獻芝草。 庚午,河陽節度使夏魯奇移鎮 軍留後,以果州 今日已前 進食邑。 軍都指揮使。 :修蓋得寺院,無令毀廢, 癸未,鎭州奏,準韶盧文進所率歸業戶 刺史孫鐸爲漢州 壬午, 靜海軍節 淮南楊溥遣使貢獻,賀登極。 度、安南管內觀察等使、檢校太尉、 刺史,果州,原本作「畀州」,今據册府元銀 自此已後不得輒有建造。 帝御文明殿受朝賀,仗衞 , 口 , 乙亥,以前振武留後張温 蠲放租 無課最者卽 如要願在僧門, 税三年, 如式。 改正。(影庫本粘籤) 兼侍· 便替移。」 禮 仍每 部 中錢元 侍 許州 並須官 口 郞 裴皡 給 球 爲 充 糧 利 加

各 蠻 素 中 頒 都 歸 興 竭 、實祚 或 首 IE 乃 朔 領 悃 月戊子,盧文進及將東四百人見,賜鞍馬、玉帶、衣被、器玩、錢帛 勿鄧 ,洎平僞蜀, (10),復正 別進王 誠 摽莎等, 備 封。 傾向 皇 思錫 綱。 其屬州刺史李及、大鬼主離吠等,或遙貢表函, 化之心, 天資 萬國 舊恩,於乃睠以 、智勇, 一財羅、 深獎來庭之意 世稟忠勤 俱在 雖深, 照臨之內; 梯航之道路纔 來庭, 欲霈 原本作「果庭」,今據文改正。(影庫本粘籤) 草 八 前 一紘遼夐,咸居覆載之間。 未暇 通 琛費之貢 百 蠻 或躬 都 首 輸 有差。 領 趨朝闕,亦宜特 已至 李 卑晚、 矧彼 詔 쬭 日:「朕 雲南 上其種 六姓 今則

五

斗。

唐

書

十 三

明宗

紀

第

 \equiv

平章事 銅錢內鐵鐵 授官資,各遷 據 {歐 史, 厥終。」 校 太保、同平章 陽史改 鐵林 ',充滑州 壬 都 錢 正 一辰,帝狩於近 知知 即宜毁 一。(影庫本粘籤) 階秩。 事 節度使。 馬希果爲衡州刺史。 事、天雄軍節度使、 (葉,不得行使。(舊五代史考異) 庚子, 勉敦信義,無墜册書,示爾金石之堅,保我山河之誓。 郊,臘故也口口。 獎能 戊戌、詔嚴禁鑞錢。 E 也。 鄴都留守。 壬寅,預州刺史孫岳加檢校太保, 甲午, 案洪遵泉志引宋白續通典云: 以契丹盧龍軍節度使盧文進爲檢校太尉、同 皇第二子金紫光祿大夫、檢校司徒從榮可檢 以武安軍馬步軍都指揮 天成元年十二月,敕中外 孫岳, 使馬希範 欽 原本作「孫崇」, 承 休命, 為澧州 永保 所 刺 今 使

錢 官氏、授上 三千貫 丙 午 中書 以 年月,餘充修葺 充中書及兩省公使。 門下奏:「故事 中書及兩省公署部堂什物。」從之。 藩 :鎭節度、觀察使帶平章事,於都堂上事刊石記壁, 今欲各納禮錢 五百 千, 於中書立 石 亭子, 鐫勒宰 一臣使相 合納 禮

邀 訪 縣 凡是死亡, 聞, 一个。 檢 舉 庚 即行舉勘。 戌 邀脅,原本作「邀頡」,今從册府元龜 軍 御 皆是臺 家 史臺 委 軍巡, |奏:「京城坊市 司 如是文武兩班官吏之家,即是臺司檢舉。 左 右 商 巡舉勘檢 旅 委 戶 士庶工 部。 改正。(影庫本粘籤) ,施行已久, 然諸 一商之家,有婢僕自經投井,非理 司 檢舉後, 仍恐所差人吏及街 臣詢訪 具 事 故事, 由 臣請自今已後,並準故事施行 申 臺, 凡京 市 其間 城民庶之家,死 胥 一物故者。 徒, 或枉 同於民家, 濫 情故 近者已來, 喪委府 因事 臺

者。」詔曰:「今後文武兩班及諸道商旅,凡有喪亡、卽準臺司所奏施行。 鄰檢察,若無佗故,逐便葬埋。 妄有邀脅。 家,凡死喪及婢僕非理物故,依臺司奏,委府縣、 行科罪。 如聞諸道州府,坊市死喪、取分巡院檢舉,頗致淹停,人多流怨,亦仰約京城事例 或恐暑月屍柩難停,若待申聞檢舉,縱無邀脅, 如後別聞枉濫、妄有保證,官中訪知、勘詰不虛,本戶鄰保 軍巡同檢舉,仍不得縱其吏卒,於物故之家 亦須經時日。 其坊市民庶軍士之 今後仰本家喚 並 DU

校勘記

處分。」

泳樂大典卷七千一百六十四。

1〕藩侯 原作「蕃侯」,據殿本、冊府卷六一改。

- (11) 三川 原作「三州」,據會要卷二四改。
- \subseteq 于鄴 原作「於鄴」,據殿本、劉本改。 本書卷三九明宗紀亦作于鄴。
- 至 傳能 旣在維城之列 阿 花 殿本、歐陽史卷六明宗紀作傳能、 在 原作「任」,據殿 《本改。 影庫本批校云:「『任』字當是『在』字之訛。」 何華,會要卷三〇作傅能、阿花。
- [A] 邛川 原作「卬川」,據彭本、會要卷三〇改

唐

書

+

=

校勘

記

(中) 馬 睿 原作「馬賓」,影庫本粘籤云:「馬賓,原本作『馬賓』,今從九國志改正。」按劉本、冊府卷

五一六

七八、 歐陽史卷六六楚世家、新唐書卷一九〇劉建鋒傳、本書卷三一莊宗紀等書均作馬竇, 據

改。

3 癸丑 彭校作「癸亥」。 按二十史朔閏表,天成元年十一月甲寅朔,無癸丑,癸亥爲初十日。

留後梁漢顒爲邠州節度使 本書卷八八梁漢顒傳:「天成初,授許州兵馬留後、檢校太保,尋爲

邠州節度使。」此處「留後」當爲「許州留後」。

(10) 中興寶祚 「中」原作「自」,據殿本、劉本改。

(11) 臘故也 「臘」原作「獵」,據殿本、劉本改。

售五代史卷三十八

唐書十四

明宗紀第四

縣皆從改更,則丼偏旁字而亦改之。 編。 期於薄德; 渾同,原本作「溫同」,今據冊府元龜改正。(影庫本粘籤)荷玄穹之睠祐,契兆庶之樂推。 臨寰宇,必順體元之典,特新制義之文。朕以眇躬,獲承丕構,襲三百年之休運,繼二十聖 云:唐時避諱最重,人君卽位多更名,後唐尙沿其例。 之耿光。 今改名爲亶,凡在中外,宜體殷懷。」宣制訖,百僚稱賀, 天成二年春正月癸丑朔,帝御明堂殿受朝賀,仗衞如常儀。 馭杇納隍,夕惕之心罔怠; 法天師古,日躋之道惟勤。 耕田鑿井,誠有慕於前王。 當時明宗在御,臣下避諱之嚴如此。 將陳享謁之儀,卽備郊丘之禮,宜更稱謂, 明宗初名嗣源,後改名亶, 今考薛史楊光遠傳云"初名檀,唐天成中, 於是楊檀改稱光遠, 有司告郊廟社稷。 今則載戢干戈,渾同書軌, 制日:「王者祗敬宗祧, 檢玉泥金,非敢 其金壇及檀州諸州 案楊文公談苑 永耀簡 以明 統

唐書

四

明宗

紀第

四

|宗 夫、 敕, 籤) 稱 遺李同上言:「天下繫囚,請委長吏逐旬親自引 殿 下 翰 檀州 改御名爲賣,始改名光遠。 大學士, 林學士之上,今後 門下 時論 官 又 在 如三館例 則 侍 便之。 地 職 名 郎、 上 以太常卿崔協 赤不 監修國 趙 改,凝談苑所紀不能無誤。 癸亥, 鳳 三館,原本作「玉館」,考新唐書百官志 轉侍 如有 字臣鄭廷 史,以端明殿學士、尙書、兵部侍郎馮道 與談苑合。 郎日 :轉改,只於翰林學士 爲中 , 書侍郎、平章 然閔帝紀尚稱安北都護楊寶,是檀在天成中未嘗改名〔一〕。 加特進、 諷宰相府移之。 薛史紀、傳異文, 門下侍 事 內選任。」 郎兼太微宮使,崇文館大學士 問, 既而禁林序列有不可之言, 唐以集賢殿、弘文館、國史館爲三館,今改正。(影庫本粘 戊 亦未畫 辰, 質其罪狀眞虛 以前鄧州 先是,端 丙辰, 詔:「端明殿學士班位 爲中書侍郎〔三、平章事 節 明殿學士班 度使劉 然後論之以 **理**卒
,
廢 安重 任 在 叉,明宗紀前後皆 翰林學士之 法, 睘 加 海 朝。 光澈 奏行 庶 集賢 無枉 宜 左 在 此

從厚 州 中微,毕佝浮華,罕持廉讓。 一。」從之。 留後、檢校司徒王建立爲鎭州節度使、 加檢校太保、同平章事、河南尹,判六軍 辛未,皇子河中節度使從 乙亥,以監門衞大將軍傅璉爲右武 其有除官蘭省, 珂 加同 平 章 檢校太傅。 事 -諸衞 衛上將 Q 蘭省, 河中, 事 原本作「蘭有」,今據文改正。(影庫本粘籤) 軍 原本作 癸酉,第三子金紫光祿大夫、檢校 北 丙子, 面 「河平」, 副招討 韶日:「頃 今據文改正。(影庫、七粘籤) 房 知温 自本朝多難 奏,營州 界奚 命秩柏 以鎮 陁 雅 司 徒 道 羅

後 臺,或以 應新授官朝謝後,可準例上事 人事相疎,或以私讎見訝,稍乖敬奉,遽至棄捐,蓋司長之振威,處君恩而 , 司長不得輒以私事阻滯。 其本官亦不得因遭抑挫,託故 何地。

請假。」

以 從 列郭崇韜父名弘,希其意奏改之,今乃復焉。辛巳,詔曰:「亂離斯久,法制多隳,不有舉明, 書監孔循加檢校太傅、同平章事。 下 禁勘,以肅 檢校太保、行兵部尚書安重誨加開府儀同三司、檢校太傅、兼侍中,樞密使、檢校太保、守祕 求影庇; ·係名糧者,只得衣紫皂,庶人商旅,只著白衣,此後不得參雜。 何禁止。 戊寅, 月壬午朔,新羅遣使朝貢。 ,皇子從厚領事於河南府,宰相鄭珏已下會送,非例也。 奸欺。 或希假于攝貴, 起今後三京及州使職員名目,是押衙兵馬使,騎馬得有暖坐。 攝貴,原本脫「攝」字,今從冊府元顯增入。(影庫本粘籤)以免丁徭。仰所在 韶崇文館依舊爲弘文館。 丁亥,以北京皇城使李繼朗爲龍武大將軍,北京 初,同光中,宰相豆盧革以同 兼有富戶,或投名於勢要, 己卯,樞密使、光祿 諸都軍將衙官使 都指揮

傅 運 使 招 李從臻爲左 兼六軍 撫使 諸 、守冀州 衞 衞 副 使。 大將軍,捧聖都指揮使李從璨爲右監門衞大將 刺刺 史烏震領 壬 辰, 西川節 宣州節 度使孟知祥奏,泗州防禦使、 度使。 庚寅, 陝州 節度使、 軍。 泗州, 檢校司徒石 戊子,以前 原本作「瓊州 敬 北 瑭 加 面 考歐陽史及 檢校太 水 陸 轉

唐

書

+

24

明

宗

紀第

Щ

使、 (通 案通鑑考異 刺 叛 南 族 型艦、十國 一 以以 故 史孫岳 面 開 #17 招 其首 府 計 春秋 儀 |梓 爲 使, 使、 又 謀 同 變皆 並作 命 耀 共領 三司、 大逆以 知 湖南 州 泗州 荆 在 画 南 刜 一个改 節 練 南之西 守太尉 弑 軍 行 使。 度 7府事 莊宗 下 正。(影庫本粘籤) 使 峽州 南, 馬 丙 也。 而 兼尚書令、 殷 許 申 云 三面 ', 以 州 以 東南 以 湖 節 尚 從 面者, 齊 南 度 馬直 書 充西 全軍 使夏 進 南平王 左丞 蓋據 指揮 二川兵馬都監李嚴,扇搖軍衆, 會合。 夔、 魯奇爲 崔沂 梓所 高 使郭 季 爲 向言之。(舊五代史考異) 以 副 興 太子 從 東川 招 미 謙 討使, 削 為景州 办 節 奪官爵, 保 度 致 統 使董 蕃 仕。 刺 史, 漢馬步 璋 仍令襄 壬 充 新 尋令中使誅之, 寅, 授夔州 尋已處 東 四 州 南 制 萬 節 面 日 人進 刺 招 度 斬。 使劉 討 荆 史 南 以 使 四 一, 以 方 潁 訓 夷 節 鄴 充 度

趙 河 吏部 尙 南 書 鳳 侍 府新 爲 蕭 甲 辰 兵 郞 頃 安縣 部 李德 爲 兗州 侍 太常 宜爲 郥 休 節 爲 卿。 $|\tilde{I}|$ 度 依 次次赤 禮 使房 前 部 戊 充 申 尙 以雍 知 職 書, , 以 温 陵 御 加 庚 以 在其 史大 同 戌 前 平 吏部 界故 大夫李琪 詔 章 諸道 事 侍 也。 , 郎 宋州 (為右 節 崔 度使男及親 辛 貽 節度使王 亥, 僕 孫爲 射 以 吏部 以太 刑 部 一晏球 嫡 侍 侍 子 骨肉 鄓, 郎歸 賓 加 客李鳞爲戶 檢 以端 未 藹 校太傅。 沾 爲 明殿 恩命 戶 部 學 者, 部 侍 Ţ 尙 郎 未, 特許 戶 書 部侍郎 以 L 禮 聞。 以 部

爲

副

招

討

進 錢絹, \equiv 月壬 請開宴。 子 朔, 以中 癸丑,遣供奉官賈俊使淮南。 書舍人 馬縞 爲 刑 部 侍 鄓。 案 幸 九國志作賈進, 會 節 園 宰 柏 考册府元龜所引薛史亦作「俊」,今 樞 密 使 及 在 京 節 度 使共

仍其舊。(舊五代史考異) 臣判三司任圜奏:「諸道藩府、請依天復三年已前許貢綾絹 常丞段顒請國學五經博士各講本經,以申橫經齒胄之義,從之。 養稍難,因此羣方俱爲定制。 聖節及正、至等節貳奉,或討伐勝捷,各進獻馬。 請選孳生馬,分置監牧。」並從之。 所由 殺牛賣肉,犯者準條科斷。 尉、兼中書令,以大內皇城使、守饒州刺史李從璋爲應州節度使。 校太傅、兼侍中孔勍爲河陽節度使。 貢輸之稍易,又誠敬之獲申。 司 司 徒致仕趙光逢可太保致仕, 準例輸皮入官。」癸酉,以戶部郎中、知制誥盧詹爲中書舍人。盧詹,原本作「盧處」,今據列 甲寅, 兼欲于諸處揀孳生馬,準舊制分置監牧,仍委三司使別具制置奏聞。(舊五代史考異) 自今後伏乞除蕃部進駝馬外,諸州所進馬,許依天復三年已前事例,隨其土產折進價 以西川節度副使李敬周爲遂州武信軍留後。 其自死牛卽許貨賣、肉斤不得過五錢、鄉村民家死牛,但報本村 仍封齊國公。 案五代會要: 任圓奏:三京留守、諸道節度觀察、諸州防禦使、刺史,每年應 伏見本朝舊事,雖以獻馬爲名,多將綾絹金銀折充馬價,蓋跋 壬戌,幸甘水亭。 以武信軍節度使李紹文卒廢朝。 甲子,青州節度使霍彥威加檢校太 金銀,隨其土產折進馬之直。 庚申,以前澤潞節度使、檢 丁卯,詔:「所在府縣糾察 乙卯,開府儀同三 丙 涉之際, 辰, 直, 峷 太 叉 翼 護

尋與安審通 夏四 月辛 斬殺亂 已朔、房知温奏:「前月二十一日,盧臺戍軍亂,害副招討寧國軍節度使鳥震, 兵 八訖。」 案五代春秋: 盧臺戍軍亂, 房知溫討平之。 據華史房知溫傳 及通鑑, 知溫初誘戍軍

傳改正。(影庫本粘籤

唐

書

+

깯

明

宗

紀第

79

爲亂 傅 繼 恐事不 濟,乃 與安審 通 謀討亂兵也。 T 亥, 五代春秋所書殊非事實。(舊五代史考異) 以 節 度 帝聞之, 使 〔至〕。 廢 朝 日 , 幸 日 會 贈 節

太 行 諸朝官皆在敷政門外兩廊食,惟 月三日 郞 宴近 裴皡為 私禮 臣 廊 ,是失朝儀,各罰 新 戸部 下食,百官坐定, 己 羅 丑 或 侍 一,以兵 遣使貢 鄓, (部侍 以翰 る方物。 半月俸。」 北省官于敷政門內別 郎崔居儉 林承旨、 兩省官方來,自五 守中 案五代會要: 權 知尙 華 書舍人李愚爲禮部 州 心坐, 旣 書左丞 留後 品下 爲隔門,各不相見,致行坐不齊, 長興三年五月韶:文武兩班,每遇入閤賜食, 劉彦琮爲本州 , 以戶 いる。」認 部 侍 侍 郎王權 郎 日:「 充 職 每赴廊餐, 爲 難于 兵 庚 部 寅 肅整。 是 侍 御 郎 如對御宴、若 今後每 從前御 史臺奏:「今 以 史臺 遇 禮 入閣賜 部 官及 侍 闡

食,北 省官亦宜于敷政門外東廊下設席,以北首爲上,待班齊一時就坐。(舊五代史考異)

之所 州 孟 迎 正。(影庫本粘籤) 莊 北 知 劫 祥所害,以爲 禦 宗 趙 招置也,皆天下雄勇之士,目其都爲銀槍劾節,僅八千人。 契 在. 入 「盧臺亂 丹。 魏 ",從征 據 是行 在營家口 有)劍南阻絕,互相煽動。 軍龍 魏 河上, 所向有 也,不支甲胄,惟 博。 **医所部鄴都奉節等九指揮三千五百** 一骨肉, 及帝纘位 並 功。 可 全家處斬。」龍晊所部之衆, 莊宗 幟 在 禮 於 長竿 冀脫 及屯於盧臺,會烏震代房知温爲帥,轉增浮 一統之後,雖數預 其禍 表 隊 伍而 潛 奏願 已(t),故俛首遄 資, 赴 人 朝朝 而 龍旺, 師 卽 驕 厚卒, 梁故魏博節 遂除皇子 縱 原本作 無 征。 賀德 厭。 「龍暗」, 倫 在 從榮 同 途 不能 度使楊師 光 聞 今據通鑑 爲 李嚴 制 帥, 自 爲 月 震 四 厚 改

者相 衆復 安審 與房知温博於東寨,日亭午,大譟於營外,知温上馬出門,為甲士所擁,且曰"「不與兒郎爲 奔於定州 主,更何處去?」知温紿之曰:「馬軍皆在河西,步卒獨 | 麹舊寨,至則已焚之矣。 顧 通戢騎軍不動,知温與審通謀伺便攻之,令亂兵卷甲南行。 失色,列炬宵行,疲於荒澤。 及王都之敗,乃無噍類矣。 翌日、盡戮之,脫於叢草溝塍者十無 遲明,潛令外州軍 癸巳,兗州節度使房知温加侍中, 何爲 別行,知温等遂擊亂軍,橫尸於野, 也 」遂得躍馬登舟,濟於西岸。 騎軍徐進, 二三, 迨夜竄於山谷, 齊州防禦使安審 部伍嚴整。 稍 餘 叛

通

加

檢校太傅,並賞盧臺之功也。

|野州 充職 第。 今仍其舊。(影庫本粘籤) 氣,請許收認。 下,時招討使劉訓有疾故也。 進白鵲。 丙午, 故振武 Ţ 右諫議大夫梁文矩上言,平蜀已來,軍人剽略到西川人口甚多, 酉,僞吳楊溥遣移署右威衞將軍雷現貢端午禮幣。 帝仁慈素深,因文矩之奏,詔河南、河北舊因兵火擄隔者,並從識認。 節度使李嗣恩贈太尉,以司 辛丑, 以前利州節度使張敬詢爲雲州節度使。 甲辰,以戶部侍郎韓彥惲爲祕書監。 '封郎中、充樞密院直 雷現,九國志作雷觀,十國春秋仍作「現」, |學士閻至爲左諫議大 是日,幸石敬瑭、 遣樞密使孔循赴 骨肉阻隔, 恐傷和 安 荆 南 重 夫 城

五月癸丑,以福 建留後、檢校太傅、舒州刺史王延鈞爲檢校太師、守中書令, 充福建節

五三三

唐書十

四

明

宗紀

第四

度使、 鶴。 徽 軍 子 有 父 賓 使 以前 張 客 肤 母 瑯琊郡王,以太常卿蕭頃 在 張 午 延 復 格卒廢 者, 朗 詔 州 調 各 罷 刺 發郡縣糧運赴荆南城下, 史高 興 荆 朝。 恩澤。」宰臣任圜 南 之 行 以翰 周 師、既而 爲右龍武 林學士、駕部 爲 令軍士散掠居民而 吏部 統軍。 表辭三司事 尚書。 。 節中、 仍以 割果州屬郡。 是日 知制誥竇夢徵爲中書舍人充職。 軍法從事 ,乃以樞密院 迴。詔:「文武 懷州 乙丑 進白鵲 以右龍 承旨孟鵠充三司副 一, 偽吳楊溥 臣 武統軍崔 戊午, 僚及諸 貢 道節 新茶。 公實爲左龍武 司副使、 癸亥, 使 度使、刺 滄州 權 進白 統

所舉 各許 院使,原本 保。 凡 言 刺 辰, I:「請 史。 决 薦 南 姓名,或有不公, 1, 六 簿尉 極 面 亥, 月 朝 ||||| 脫 刑 兩 招 班 南 手: 「徽」字,今據文增入。(影庫本粘籤) 人, 詔 討 午, 自 準 ίŒ 天 原本疑 使、 敕 四 無 華州 下除併 合三 밆 功, 知 已上 脫「六品」二字。 故 荆 一覆奏, 那州 案: 有 南 無名額寺院。 官各許 是 行 進兩 原本脫「公」字,今從五代會要增。 譴。 近年 府 事 | 歧麥, 薦令錄 功過 已來, 詔 喪 賞罰, 以宣 兗州 葬之家, 襄州 依前宣 兩 全隳 人, 徽北院使張 進三足鳥。 與舉 節 此 五 徽 度使、 法,伏乞今後 送終之禮 品官各薦 者 使、 同 檢 檢 之。 連坐舉主。 丙戌, 校 校 延 不 簿 司 朗為右 太 詔 得 傅劉 決前 徒。 尉 從之。 宰 過 兩 度。 相 訓 辛 武 人, ____ 仍令三品已上各舉堪任兩 其所 任: 加 責 衞 日 圜 乙未, 許 案 : 授 大 落平章事 、將軍 舉人, 檢 大 五代會要作五 理 校 覆 戶 右 奏。」 办 、判三司,宣徽北 部 仍 僕 卿 於官 尙 射 王鬱上 從之。 書李 一品、 守太子少 、守檀州 告 六品 鏻 內 壬 官

殷 使 爲 判 官者。 守 太 師 丙申,以天策 尚書令, 封 楚 上 (國王 一將軍 湖南 庚子 節度使、開府儀同三司、檢校太師、 幸 ·白司 馬 陂 祭突厥 神、從 北 俗之禮 守尙書令、 也 楚王 馬

之儀, 粘 據 敬 收 豆 日 使 本 冷 董 遠 盧革 安元 泉宮 周 峽 璋 爲 朝親王 詔 歐 左 加 陽史 秋 陵州 年代已深, 鄜 用 章 說。 信移鎭 衞 爵 -竹册 州留後劉仲殷並正 (與薛史 州 月庚 上將 邑。 甲子 遙 考歐陽· 合州 。」從 領 襄 、戌朔, 同。(舊五代史考異) 案通鑑:六月, , 軍 以左劾 方鎭 以檢校工 州 相沿 , 史,元年七月, 長流百姓 充入 之。 以宋州 滄州節度使趙 .未改。 義 / 量域/ 壬 遂有 指 戌, 部 西方鄴敗 揮 豆盧革 節度 信使。 授本州節 貶豆盧革為辰州刺史,章說溆州刺史。 尙 副 其東川 使元習 西川 書謝洪 大 丙 使王 使 寅, 荆南 節 在 **韋**說等, 中 知節 爲 度 禮移鎮 升夔州 水 一晏球 度使。 書 西川 爲宿 資 軍 副 奏: 主 度 州 大 今後 充北 峽 挒 事 宜令逐 刺 使、 中, 党州。 爲 馬 壬申 , 顨 史, 落副 寧 殷 面 復 知節 副 練 , 取 右劾 封 大 江 行 使。 虚刺 變、 使, 以齊州 **兗州節度使房** 楚國 營副 大 軍 度 使, 義指 , 忠、 夔州 原本作「正 事 史監賜自 以 招討 王 孟 萬三州。 甲申,流革于陵州,說于合州 只云 防禦使安審通爲滄州 揮使盧密爲 刺 知 禮文不 使。 祥 史 使」,今據新 節 節 西 加 虚 薛史繫七 度 度使。」庚午, 知温移鎮徐州 癸 微檢校 方 使。 載 丑 鄴 案:五代春秋 國王 雅 ,以左金吾將 大尉、 唐書百官志 奏, 月 戊 州 甲 一之制 辰 主, 殺 刺 , 兼 史。 敗 詵 遂州 作元年七月 詔 侍 節度使。 改正 以 荆 徐 請 奏 中 年七月, 癸亥, 南 留 州 聞 約 軍 (影庫 賊 之日 鳥昭 節 後 頃 東 軍 李 因 殺 爲 本

五

拞

豆盧革、 凝 於遼州 章 說。 劉訓於濮州 與 (薛史 同〔九〕。 ,温韜於德州 (五 八春秋 統繫于 元 甲戌, 年, 課也。 。 、太子少保任圜上表乞致仕, (舊五代史考異) 其骨肉 並 放 仍於 逐 便。 外 地 是 尋醫 日 逐段

丁丑,以左金吾大將軍 曹廷隱爲齊州 防禦使。

加 原本作「星州」, 吏 宣 以 丞 刺 將 諫 一禁中 部部 其 盧 議 到 史宋朝化等一 軍 兼 文紀 大夫。 侍 爲 郎 八 判 -書者, 月己 中, 中、 伎 內 興唐府事。 〈樂觀 爲 鄕 襲 鄆州 〕卯朔, 壬午, 縣 工 今據 文宣 請委 令盛 宴, 部 節度使符習 (册府元龜 尚書, 百五十三人來朝,進方物,各賜官告、網綵、銀器放還蕃。 從榮進 內臣 公孔邈 日有食之。辛巳,以右諫議 以右聽衛大將軍劉衡爲左領衛上將軍, 歸仁所訟, 乙酉, 改 以右諫議大夫梁文矩爲御史中丞〔10〕。 爲 馬及器幣, 人 正。(影庫本粘 昆明大鬼主羅殿 左 加檢校太尉 抄 諫議 錄 稅外 月終送 大夫。 科率故也。 帝因 籤) 新 以 史館 甲 州 史館修撰趙 伎樂賜之。 王、普露靜王九部落,各差使隨牂 大夫孔昭序爲給 仍賜歸仁緋袍魚袋。 詔差 皇子 契丹乞置 樞密直 從榮娶鄜州節度使劉 熙上言:「應內中公事 華州上言,渭河泛濫害稼。 互 以鄴都副留守趙敬怡爲右 |學士錄 市 事 鄧州留後陶田貶嵐州司 癸卯, 中, 送。 癸巳, 以祕 青州 書 丙戌, 仲殷女, 及詔 幸皇子從榮第, 少監崔憓爲 節度使朱守殷 進芝草。 牁、 書奏對,應 以御 清州 T 是夕禮 ·酉,以 衞 |青州, 郡 右

百僚表賀

州節度 壽爲 係「從」字之訛,今改正。(影庫本粘籤)朔方節度使韓洙,並加食邑,改賜功臣。以汝州防禦使趙延 之。乙丑,夏州節度使李仁福、鳳翔節度使李從曮、 光爲大理卿。 年,闔境彌堅於望幸,事難違衆,議在省方。 朕取十月七日親幸汴州。」 庚申,以衞尉卿李延 戡平之始,爲眇躬殿守之邦,俗尚貞純,兵懷忠勇。 知 則按察方 加 制 檢校太尉,鎭州節度使王 誥, 以代州 河陽節度使,以比部郎中、知制誥劉贊爲中書舍人,以河陽掌書記程遜爲比部員外郎、 九 使 月辛亥, 高 行珪爲鄧州節度使。 北京留守李彥超上言:「先父存審,本姓符氏,蒙武皇賜姓,乞卻還本姓。」從 「按察」下原空一字,今據册府元職增「方」字。(影庫本粘籤) 刺史李德琉爲蔚州 義武 軍節度使、檢校太尉、兼 一建立 |加同平章事 是日,出御扎曰:「歷代帝王,以時巡狩,一則 刺刺 中書令王都加食邑實封。 僞 吳楊溥遣使以應聖節 自元臣鎮靜,庶事康和,兆民咸樂於有 李從曮作「逢曮」,據上文李曮賜名從職,「逢」字當 矧彼夷門,控茲東夏,當先帝 貢 幽州節度使趙德鈞 人獻。 遵於禮制, 己未,以前 雲

州節 不納。 度 丙 或有 寅 使盧質 樞密使孔循兼東都留守。 南 詔諸 班 加 失儀, 檢 挒 校 錄 司徒。 事 點 ·參軍,不得兼使府賓職。 檢不及。 御史臺奏:「每遇入閣,舊例 今欲依常朝例, 襄州夏魯奇上言, 己已,鄧州節度使史敬鎔 差殿中侍御史二員,押鐘鼓樓位, 荆南高季興遣使持書乞修貢奉,詔 只一 員侍 御 史在龍 加檢校太保,同 墀 邊 延 候,彈奏

唐

書

+

74

明宗

紀

第

깯

貢(11)。 綴供奉班出入。」從之。 戊寅,西川奏:據黎州狀, 以青州節度副使淳于晏爲亳州團練使。 雲南使趙和於大渡河南起舍一 間言 契丹遣使梅老沒骨已下朝 , 留信物 十五 一籠,幷

書水 保致仕 鎬至 放。」帝重違其意,故有是韶。 之禍,恐人非之,思沛恩於衆以掩已過, 主 磁 次京水、知朱守殷反、帝親統禁軍倍程前進。 奉祠祭。 姓,所在賜自盡 雜牋詩一卷,遞至闕下。 州 碑石 ,稱制殺太子少保致仕任圜。 刺史藥縱之上言,藥縱之,原本作「縱正」,今據列傳改正。(影庫本粘籤)今月十二日,供奉官王仁 冬十月已卯朔,帝御文明殿視朝。 任圜。 丁亥,帝宿於滎陽。 敗闕 ·,欲爲其父表其葬所。 據薛史作十二日,是年十月爲己卯朔,十二日乃庚寅也,與歐陽史異日。(舊五代史考異)契丹遣使持 課利,幷沿河舟船折欠,天成元年殘欠夏稅, 判官樂文紀配祁州,責其違法贖貨也。乙酉,駕發西京, 汴州朱守殷奏, 時議者以蠲隔年之賦,猶或惠民,場院課利一概除之,得不啓 戊戌,詔曰"「諸道州府,自同光三年已前所欠秋夏稅租,并 案:安重誨害任圓,五代春秋及通鑑俱不書日。歐陽史作乙未,殺太子少 癸未, 乃奏曰:「三司積欠約二百萬貫, 虛繫帳額, 翌日,至汴州,攻其城,拔之,守殷伏誅。丙申, 亳州刺史李鄴貶郴州司戶, 都指揮使馬彥超謀亂口見,已處斬訖。 並特與除放。」時重誨旣搆任 詔留宰相 又貶崖州長流 請 崔協以 戊子, 並 百

奸倖之門乎

州節 也, 午, 威武 度使石敬瑭爲汴州節度使、銀六軍諸衞副使、侍衞親軍馬步都指揮使。 惡五逆、殺人放火、劫盜、合造毒藥、官典犯贓、僞行印信、屠牛外,罪無輕重,並從釋放。 姓,旣經驚劫,宜放二年屋稅,諸處有會受逆人文字者,隨處焚毀。應天下見禁囚徒,除十 生靈,遘此多端紛擾,永言軫惻,無輟寐興。宜覃雨露之恩,式表雲雷之澤,應汴州城內百 邑、蓋逢歲稔、共樂時康。不謂奸臣、遽彰逆狀,爲厲之階旣甚,覆宗之禍自貽。 辛丑,詔曰:「后來其蘇,動必從於人欲;天監厥德,靜宜布於國恩。 含弘,是孤典憲。尚全大體,止罪一身,已令本州私第自盡,其骨肉親情僕使等並皆放罪。」 而 有民年八十已上及家長者有廢疾者,免一丁差役」云。以山南西道節度使張筠爲西京留 乃不遵禮分,潛附守殷,緘題罔避於嫌疑,情旨頗彰於怨望。 起軍令衆則使之,彥威本非蕃將,以臣 張筠,原本作「張漢筠」,今考張筠傳,筠未嘗名漢筠,當係傳寫衍文,今删去。(影庫本粘籤) 行京兆 度使霍彦威差人走馬進箭一對,賀誅朱守殷,帝卻賜彦威箭一 己亥,詔曰:「太子少保致仕任圜,早推勳舊,曾委重難,旣退免於劇權,俾優閑於 ,軍節度副使、檢校太尉、守建州刺 史王延亶可同平章事(四、守建州刺史,充奉國軍 .傳箭於君,非禮也。 癸卯,以權知汴州事、陝州節 自收汴壘,備見綜由,若務 對。 近者言幸浚郊,暫離洛 鳳翔奏, 傳箭, 番家之符信 地震。 以致近輔 尹。 外地。 應 内

節度副使、兼威武軍

節度副使。

韶割施州卻屬黔南

卯, 李 保, 升 守、檢校太保、同平章事從榮,河南尹、判六軍諸衞事、檢校太保、同平章事從厚, 黔南 太 慶州 、傅,進爵邑。 种」, 青州 鄭州 節度使李紹義加檢校太保。 今據 爲 霍彦威 僕射陂 月己酉 防禦所, |魏書改正。(影庫本粘籤) 故因以爲名,及是命之降以爲李靖,蓋誤也。 貝 可 州刺史竇廷琬上言:請制置慶州青白兩池,逐年出絹十萬 鄆州符習 帝祭蕃神於郊外。 `改爲太保陂。 以廷琬爲使。 來朝。 時議者以僕射陂者,後魏孝文帝賜僕射李冲 壬申, 庚申,皇子河中節度使、 以太子詹事温輦爲 庚戌,以皇 詔霍彥威等歸藩 城使、行袁州刺 吏部侍 檢校太保、同 詔太宗朝左僕射 鄓。 史本 徐 從敏為 州 平章 房 知 陝州 事 温 匹,米萬 李靖 契丹遣使梅老 從 來 李冲, 珂 朝 節度使。乙 並 μ] 册 加 **鄴都留** 石 戊午, 原本作 檢校 贈 詔

德殿, 望,歲時豐稔,亦淳化所致也。 數 近 刺 千 史 故 里 也。 周 言 一, 斗 令武 反 月 遣 民 粟 得 戊 飛 不 事 勝指 代 寅朔,以前 小馬道 過十錢。」帝 歸 闕, 揮使於契丹口的,賜契丹王錦綺、銀器等,兼賜其母繡被纓絡。己卯, 奏 帝問 白:「莊 鳳翔留後高允貞爲右監門上將軍。 北 悅, 州 宗 顧 更願居安思危。」帝然之。 事, 令武 謂 末年,不撫 左右日:「須行 奏曰:「二一是甚安,諸蕃不相侵擾。 軍 民, 善事,以 惑於聲樂,遂致人怨國亂。 許州地震。 副 天道。」居數日,帝延宰臣於元 韶以施州爲夔州屬郡,以其便 庚辰, 皇子鄴都留守 鴈門已北,東西 陛下自膺人 蔚 州

等來乞通

和

三

移鎭遂州。 出潛龍宅米以賑百官。壬辰,以太傅致仕齊國公趙光逢卒輟朝。 理,詔歸闕。 從榮移鎭太原。 庚子,幸石敬瑭公署及康義誠私第。 敕新及第進士有聞喜宴,逐年賜錢四十萬。 以北京留守符彥超爲潞州節度使。 甲辰,狩於東郊, 乙酉, 己丑,兗州節度使趙在禮來朝。詔 以彰國軍節度使李從璋昧於政 丙申,許州節度使夏魯奇 臘也至。 丙午,追奪四

校勘記

廟,以應州舊宅爲廟。

永樂大典卷七千一百六十四。

然閱帝紀尚稱安北都護楊檀是檀在天成中未嘗改名 「安」字原無,據孔本、本書卷四五閱帝紀

補。 「是檀」二字原無,據孔本補。

馮道爲中書侍郞

「侍郎」原作「門下」,據殿本、劉本、通鑑卷二七五改。

- 3 充東. 南 面 招討使 「東」字原無,據殿本、劉本、通鑑卷二七五補
- 李 鏻 原作 「李璘」,本書卷三七明宗紀作李鏻,本書卷一〇八、歐陽史卷五七有李鏻傳, 據改。

本卷下文同

- 金色 華州 留後劉彦琮 「劉」字原無,據殿本、劉本、本書卷六 劉彦宗傳補。
- **?** 自 唐 五 書 믺 + 匹 起 校 勘 起 記 原作「取」,據殿本、劉本、冊府卷五 一七改。

(4) 惟幟 於長竿表 隊伍 而 已 「竿」原作「行」。 歐陽史卷四六房知溫傳作 「惟以長竿繋旗幟以表隊

伍, **通鑑** 卷二 七五 作「但 繋幟於長竿以 别 隊 伍 . . 據改。

S 知荆 南行 府事 「荆」下原有「州」字,本卷上文作「知荆 南行府事」,本書卷六一 劉訓傳 同。據删。

(元) 與薛 史同 「同」原作「異」,據殿本考證 改。

8

右諫

議大

夫梁文矩

梅老沒骨 原作「摩琳孟袞」,注云:「舊 作 梅老沒骨, 今改正。」殿本作美稜瑪古。 梁文矩傳 按此係輯錄舊

「右」原作「左」,據本卷上文、本書卷九二

改。

五代史時據遼史索倫國語解所改,今恢 復原文。

=雲南 原作「雲州」,據劉本、彭本、冊府卷九八〇 改。

馬彥超謀亂 「謀」原作「等」,據殿本、劉本改

王延 亶 孔校云:「明宗既改名亶,似應避諱,疑原本有誤。」

会 梅老 原作「摩琳」, 注云:「舊作梅老, 今改正。」按此係輯錄舊五代史時據遼史索倫國語解所

改,今恢復原文。

금 遣飛勝指揮使於契丹 孔校云:「飛勝指揮下似脫人名。」按冊府卷九七六作「宣飛勝指揮使安

念德 使於契丹

宝 臘也 「臘」原作「獵」,據殿本、冊府卷一 一五改。

舊五代史卷三十九

唐書十五

明宗紀第五

素卒廢朝。丙辰,以鎮南軍節度使袁建豐卒廢朝,鎮南,原本作「鎮方」,今據歐陽史改正。(影庫本粘 傅、兼侍中孔勍以太子太師致仕。癸丑,詔取今月十七日幸|鄴都。 甲寅,以國子祭酒|朱守 天成三年春正月戊申朔,帝御崇元殿受朝賀,仗衞如式。 辛亥,前河陽節度使、檢校太

) 詔贈太尉。

不容,率爾傳宣,令付石敬瑭處置。今旦重誨敷奏,今旦重誨敷奏,原本作「令旦」,今從冊府元龜改 正。(影庫本粘籤) 日(1),據巡檢軍使渾公兒口奏稱,有百姓二人,以竹竿習戰鬭之事。 朕初聞奏報,實所 丁巳,詔曰:「朕聞堯、舜有恤刑之典,貴務好生;禹、陽申罪已之言,庶明知過。 今月 方知悉是幼童爲戲,載聆讜議,方覺失刑,循揣再三,愧惕非一。 亦以渾公兒

唐

香十

1.

明宗紀第五

誑 諸 在 石 道 身 敬 誣 州 職 頗 瑭 甚, 府 是 銜 厥 凡 配 懿 有 流 親, 極 登 州 刑 合施 ٠, 並 極 小 須 諫 兒 字 骨 細裁 旣 肉 茲錯誤, 賜絹 造,不得 五. 宜示 + 因 匹 循。」 省 循 粟麥各 百 可罰 僚 進 百 石 表 月俸 稱賀 便令 如 渾 法 公兒 埋 葬。 決脊杖二 兼 此 後在 +, 朝 仍 及 銷

協判之。 都指 王妻。 文字, 論石 考平州自梁開平中劉守光以路契丹,天成元年盧文進 年 領 寧 軍 二月勅, 求 晉 丁,以 己未, 國 重 揮 |路遼故地" 此 奔托山, 使、 軍 春州 官。 節 辛酉,以前路州節度使毛璋爲右 富 中書門下 休假 虧 度 沉屬聖朝,方勤 州 刺史張虔釗 原本作「賁托山」,考通鑑作「奔」,胡三省云: 一缺點畫。 兼及平州,蓋 使。 刺 史康 日, 中 奏,國子祭酒 書上言:「舊制 義誠 請 |未詳考,今附識于此。(舊五代史考異) 庶政, 契丹遣使禿汭悲梅老等貢獻行力, 為鄭州防禦使。 準近勅。」從之。 兼 須宏雅道, 領鎮 南 望令宰 遇二月十五 軍 以 節 振 舉其地以 時 腹使, 相 吐蕃野利延孫等六人(ii)、迴鶻米里都督等四人, 契丹陷平州 金吾上將軍 風。 兼 望令宰 判。 奔, 歸於唐,至三年復爲遼人所 日玄元皇帝 以隨 姓也。 案五 臣 詔應 駕步 今改正。(影庫本粘籤) 代會要載 以 員, 案:契丹陷平州,歐陽史作丁 帝遣指揮使奔托山押國信賜契丹 左 廟諱文字(三),只避正 軍 兼判 降 驍 都指揮使、 聖節, 衞 原奏 國子祭酒。 上將 云: 取, 休假三日。 軍 祭酒之資,歷朝所貴,爰從近 (舊五代史考異) 自是平州 潮州 華温琪爲 戊辰,以 刺 遂 史楊漢章 文, 屬於遼。 通鑑不 隨駕 右 準會昌元 其 金吾 乃 /偏旁 馬 詔 書日。 崔 遙 軍

校 並 授 司 空從諲爲太保。 歸德、懷遠將軍,放還蕃。 甲戌,制以楚國夫人曹氏爲淑妃,以韓國夫人王氏爲德妃, 庚午,册贈故瀛州刺史李嗣 頵爲太尉。 壬: 中, 册贈 故皇子檢 仍令所

擇日册命。

移鎭 亥,天 曹,鄴 以光 朔 私 庚辰, 偽吳楊溥遣使貢獻, 賀誅朱守殷。 例 府 ·通《鑑 僚屬名與長官諱同,或改其任。 以 安州 「業」, 都 一祿卿韋寂卒廢朝,贈禮部尙書。 二月丁 文紀 、德軍 其 作左衞上將軍,歐陽史從薛史作左驍衞(舊五代史考異) 禮 督。 夕 部 自 自 應州 節 尚書崔貽孫 文紀私諱「業」,原本作「諱葉」, 丑朔,有司上言,太陽合虧,旣而有雲不見,羣官表賀。 乙未,以樞 度使 經 請 連假。 節度使李從璋移鎭滑州 而 郭承豐加檢校司 死,故文紀貶官。 密使 |鄴尋就位,及差延州官告使副未行,文紀參告,且言候||鄴迴日終請換 卒輟朝。 兼 東都 甲午, 留守孔循 徒行。 以倉部 今從冊府元龜改正。(影庫本粘籤)時新除于鄴爲工 文紀素與宰相崔協有隙,故中書未議改官。 癸未, 工部尚書盧文紀貶石州司馬, 員外安置。 以 滑州節度使盧文進移鎭鄧州。 帝以荆南拒命,通連淮夷,不納其使,遣還。 吐渾寧朔、奉化兩 郎中何澤爲吏部郎中,獎伏閤諫巡幸鄴都也。丁 辛卯,以山南 爲 許州 韶中外羣臣父母亡沒者,並 節度使 西道節度使張筠爲左 兼東都 府都 知 留守, 兵馬使 韶巡幸鄴都事宜停至。 鄧州, 鄧 州 李紹 節 原本作「斑州」, 與追 驍 度使 魯爲 一部郎中,舊 衞上 于鄴授官 封 吐渾 壬午, 將 贈。 文紀 軍 珪 寧 癸

唐

+

五三六

據歐陽 敬 汗 慢 州 爲 喩 史盧文進 團 同 州 遣 練 使 都督李阿 節 度使。 傳 以左監門上將軍高 改 E (山 甲辰,以 (影庫本 等 貢 粘籤) 獻 威 (4)0 塞 1 允 軍 酉,以責授檀州 案 : 貞爲右金吾衞 節 度 歐陽史作戊戌。(舊五代史考異) 使張 廷裕 刺 卒 大將軍 史劉 廢 朝 訓爲右 ,以右金吾衞 詔 赠 太 龍 壬 保 武 寅 大 以 大將軍 以 將 左 耀 軍 州 金 ·華温 吾 團 已亥, 練 大 琪 將 使 爲 孫 迴鶻 軍 羅 左 岳 金 爲 居 口

吾衞

大將

守孔 使。 官 武 歸 州 節 史 翟章爲新州 張 徽 度使, 州 節 賱 廷 度 循 己未,以宰臣鄭珏爲開府儀同三司、左僕射致仕,加食邑五百 北 軍 三月丁未 藴 以 使 帶 院 留 使 後 前 那州 王 平 爲金州 章 事 建 威塞軍留後。 鄭 以前 判 州 朔, 7. 原本作 爲右僕: 防禦使。 ,宜令攝太尉行事。」孔循稱:「使相有戎機,不司 刺 蔡州 以久雨, 司 史楊漢賓爲洋州 張 「汧州」, 刺 姃 射 史孫 朗 己巳, 中書奏:「孟夏薦饗,合宰相行事 兼 韶文武百 爲宣 今從冊府元龜改正。(影庫本粘籤) 中書侍 漢 徽 韶 命范延光權知鎮州軍 爲 南 武定軍留後。 郎、平章事、集賢殿大學士、判三司。 辟極言時政得失。 院 應 使, 州 彰 以前 國 軍 冀 ·留後, 戊辰, 州 刺 府 以前 以宣 史 丁巳, 事 以前 妻繼 , 北京副留守李從温 在 徽 西方 彰國 以邢州節度使王 朝 英 南 洞祭重 爲 院 只有宰相二員,今東 戶。 鄴奏, 軍節度副使陳皐爲 耀 使范延光 州 庚申 於歸州殺敗 事。」癸亥,以前 專 西方鄴上言, 丁,以前 練 使, 為 一景戡 爲 樞 復州 邢州 以 密使, 荆 懐 爲 收復 南 都 華 州 鳳 刺 節 賊 州 鎭 溜 州 刺 史 度

制 軍 可笑也。」賜號 置 太白 使,要修 山 道 西京宮 知白 士解元龜 先生,賜紫,放歸山。 闕。 自西川 帝謂侍臣曰:「此人老 至,對於便殿,稱 甲戌, 册迴鶻 耄, 年一百一 自 遠來朝, 可汗仁喻爲順 歲。 方期 旣而 別有異見, 上表乞西都留守兼 化 可 反 為 身名 西川 。 甚

程 空、 漢州刺 祥之請也。 亥,復州 使 庫本粘籤) 光」,今據歐陽史改正。(影庫本粘籤)以司農卿鄭績爲太僕卿。 密使、權 西方鄴加檢校太保。 一晏球 而 安重誨 達靼 近。 夏 以定州節度使王 |四月戊寅,以汴州節度使石敬瑭爲鄴都留守, 充天雄軍節 史,遂留屯成都。(舊五代史考異) 一遣使朝貢。 第十三女趙氏封興平公主,仍令所司擇日册命。 知鎭州軍府事、檢校太保范延光爲鎭州節度使兼 癸巳, 兼 河南 案九國志趙廷隱傳:知祥至蜀,康延孝陷漢州 湖南大破淮賊於道人磯。 殿中 尹 少監 以隨駕馬軍都指揮使康義誠爲侍衞親軍 以皇子河南 甲申,皇第三女石氏封永寧公主, 都 石 反狀聞 知訥 貶憲州 尹、 洋州 案 : 判六軍諸衞事從厚爲汴州節度使, 以西川 遼史作三月, 上言, 口 戶公, 重開 馬步軍 ,遭廷隱率兵擊破之,擒延孝, 坐 王都以定州來歸。 入蜀舊路三百餘里, 扇 ·都指揮使趙廷隱棄漢州 惑軍 永寧, 壬午,夔州節度使、東南 北 幽州 鎭 面水陸轉運使; 也。 ·馬步軍都指揮使。 原本作「求寧」,今從五代會要改正。 上言,契丹有書求樂器。 {五 度 二代春秋 北 使, 面 檻送闕下。 副 及通鑑並 比 加 招 今官 判六軍如故。 同 范延光,原本 平 刺史,從孟 知祥 從薛史作四月。 宋州 路 面 章 丙戌,樞密 較二 副招 奏加檢校司 節 ; — 十 五 度使]討使 以樞 作「廷 (影 知 Ţ

唐

書

+

五

明

宗

紀

第

五

庚子, 討使 面行 兼 營招討 制義武軍 諸道馬軍都指揮使; 使, 節度使、檢校太尉、兼中書令、太原王王都削奪官爵。 知定州 行軍 州 以左散騎常侍蕭希甫兼判大理卿事。 事 ٠, 以滄州節度使棄北 面行營馬軍都指揮使安審 西京奏, 壬寅,以王晏球爲北 前樞 通爲 密使張居 副招

翰卒。 幽州 節度 凡加勳,先自武騎尉,十二轉方授上柱國,十二轉,原本作「二輔」,今據新唐書百官志改正。(影庫本粘籤) 代已來,文臣官階稍高,便授柱國,歲月未深,便轉上柱國。 充樞密直學士。詔州縣官以三十月爲考限,刺史以二十五月爲限,以到任 官並聽旨授,書記已下卽許隨府。」從之。以六軍判官、尙書司封郞中史圭爲右諫議大夫, 員數。今後節度使每年許薦二人、帶使相者許薦三人,團練、防禦使各一人,節度、觀察判 丑,湖南馬殷奏,二月中,大破淮寇二萬,生擒將士五百人。 使趙延壽 辛酉,以天雄軍節度副使、判興唐府事趙敬怡爲樞密使。 奏,契丹禿餒領二千騎西南趨定州〔亡〕。以前同州節度使盧質行兵部尚書, 王晏球上言,收奪得定州北西二關城。 五 月乙巳朔,迴鶻可汗仁喻封順化可汗。 並 加駙馬都尉。 以右僕射李琪爲太子 北西二關,原本作「比三關」,今從通鑑增改。(影庫本 丁未, 鄴都留守、天雄軍節度使石敬瑭, 少傅。 辛亥, 武資初官,便授上柱國。今後 中書上言:「諸道薦 韶曰:「上柱國、勳之極也。近 沙州節度使曹義金 日爲始。 判太常卿 宜酌定 粘籤)癸 河陽 加

唐 書 + 五 明 宗 紀 第 五

永作成規,不令踰越。」丁卯,鎭州奏,今月十八日,王師不利於新樂。 十一日,大破定州賊軍及契丹於曲陽,斬獲數千人,王都與禿餒以數十騎復入於定州。 壬申,王晏球奏,今月

將 故金槍指揮使、檢校左僕射從璟贈太保。 申,馮道等再上尊號,不允。戊戌,以西京副留守、知留守事張遵誨行 馬六百匹。 軍,以前華州節度使劉彥琮爲左武衞上將軍。 六月己卯,以右 壬辰,宰臣馮道率百僚上表,請上尊號日聖明神武文德恭孝皇帝、詔報不允。內 金吾上將軍毛璋爲左金吾上將軍,以前安州節度使史敬鎔爲右金吾上 己丑,幽州趙德鈞奏,殺契丹千餘人於幽州東,獲 壬午, 放內園鹿七頭於深山。 京兆尹。 乙酉,皇子

廢朝。 麴 聽民造麴,而于秋稅畝收五錢。己未,敕從之。今改正。(影庫本粘籤) 詔 弛麴禁,許民間自造, 欲急攻,朱宏昭、張虔釗切於立功,促攻賊壘,晏球不得已而進兵,遂致傷痍 IE 太子少保李茂勳卒輟朝。 敬 價 卿 周爲邠州節度使。丁未,以滄州節度使安審通卒於師輟朝。 李舒除名,刑 秋七月乙巳,詔故僞圖主王衍追封順正公,以諸侯禮葬。 畝 甲寅、王晏球奏、六月二十二日進攻逆城、將士傷者三千人。時晏球 出 五 錢。 時孔循 部侍郎馬編貶綏州司馬,刑部員外郎李愼儀貶階州司戶。 以 己未, 麴法殺 己未,原本作「丁未」。 一家於洛陽,或獻此 考通鑑云:東都民有犯私麴者,留守孔循 ·議,以爲愛其人,便於國,故行之。宗 丙午,以前武信軍節度使李 壬子,以朔方節度使韓洙卒 、者衆。 知城中有備,未 於秋苗上納徵 杒, 李紓差攝 族之。 乙卯,以 或請

令, 詐假 北 也, 陵 朔方節 |唐 流 勅 關 「天下州 臺令 永州 詐 加 長 {歐 進封 甲 震。 北 流 宥州 張 度使韓洙贈太尉。 ||国王 已前 府, 疑訛。(舊五代史考異) 續 追至 唐河 保 理 韌 執 例 嗣 易州。 ,原本 尋賜 或有 賜 是攝 Ż, 等 己巳,王晏球 自 各 作「康 自 所 盡 稱 召 官, 虚 推長曆 虚 試 兩 稱 皆結 河」,今據通鑑 案 銜,一 司 坐受本品 試 :歐陽史 廷 與 以兵部侍郎王權、御史中丞梁文矩並爲吏部侍郎, 衡,爲奉先令王 甲子,王 〈薛史合。 泛議 試 切 奏,此月二十一日, 銜 作己未,殺齊州 彳 州 刑 改 問 倉 部 戊辰 一晏球 正。(影 試 吏錢 理 衝, 此 屈, 了; 詔 奏, 後 原本作「私 庫本 百 延朗 並 故 防禦使曹 碿 絽 粘籤) 今月 有 宜 建 也。 禁 是 所 銜」,今據五 節 追 十 訟, 貶。 大破之COO。 止 廷 契丹 度使王 壬 九 隱 世。」曹州 戌 大 日契丹 紓 至易州 己未 理 }代 續 齊 延 一寺斷以詐 (會要 州 勅 在 刺 鈞 王. 防禦使 七 史 配 改 可 案通 戌前三日, 千 成 正。(影 掩 隴 依 騎 景宏 殺四 鑑 州 前 假 來援定 曹廷隱 庫本 檢 官論 王 术 徒 + 貶 戌, 校 應發 粘籤) 里 綏 太 年。 王晏 州 州 以 刑 配 以 師 擒 在 奏 或 部 司 =球 左諫議 王 獲 後, 未 舉 詳覆 戶 因 破 甚 師 賜 契丹 失 參 勘 衆。 守 死 逆 實 詔 軍 于 轉 稱 中 戰 唐 在 便 書 於 配 故 河

守 守 祕 部侍郎,以中書舍人張文寶守刑部侍郎。 書 E 監,以 月 癸酉朔, 吏部 侍 以 郞 翰 韓彦惲守禮 林學士 守中書舍人李懌、 部 尚書, 以 戶 詔 部 劉 凡有姓犯 侍 昫 並爲戶部侍郎 鄓 歸藹 廟諱者, 守太子 充職 以本望爲姓 賓 客 以 以 戶 吏 部。 部 侍 侍 鄓 鄓 1 劉 裴 一,以

呂夢

爲

御

史中丞

唐 書 + 五. 明 宗 紀 第 五

)

鄧、復、郢、均、房之民,父母骨肉有疾,以長竿遙致粥食而餉之,出嫁女,夫家不遣來省疾 降,泥濘莫進,人饑馬乏,散投村落,所在村民持白梃毆殺之。 使戴思遠爲太子太保致仕。 疑當作「雄邠」。 類言。帝致書喩其本國。 檢 乃下詔委長吏嚴加禁察。 「邀殺 (資先後,在學士之上。) 校尙書右僕射、守龍武大將軍劉訓爲晉州節度使、檢校太傅。 辛卯,以朔方軍留後韓璞爲朔方軍節度使、靈武雄警甘肅等州觀察使、檢校司 契丹敗黨數千人, 考五代會要及册府元龜俱作警。 房州奏,新開山路四百里,南通夔州,畫圖以獻。 生擒首 案:通鑑作八月壬戌,趙德鈞邀擊契丹。據薛史,八月係癸酉朔,不得有壬戌,疑通鑑 庚子,詔:「今後翰林學士入院,以先後爲班次,承旨一員,不計 領惕隱等五十餘 叉,通鑑注云: 警州在涇原西。 人言。 是時, 今仍其舊。(影庫本粘籤) 德鈞出兵接於要路, 官軍襲殺契丹, 壬午,幽州趙德鈞奏,於府 以前洋州節度 屬秋 徒。 帝聞隨 幾無噍 雨 雄警

十人留 節 州 大 度使,以吏部 都督府長史,充鎭東、鎭海等軍節 里 陝州 於親 月 丁未, 節度使李從敏移鎭滄州 衞,餘契丹六百人皆斬之。 尚書蕭頃爲太子少保。 兩浙節度觀察留後、清海軍節度使、檢校太師、兼中書令錢元瓘可杭州、越 度使。 以宣徽南院使張延朗爲陝州節度使。 乙卯,升楚州爲順化軍。 契丹遣使來貢獻。 戊申,趙德鈞獻戎俘於闕下,其蕃將惕隱等五 契丹平州刺史張希崇上表歸順。 以明州刺史錢元珦爲本州 韶:「在京遇行

縣 極 民聞 法 理 寺 日 威, , 斷 宜不 處流 父爲 ·舉樂, 特勅 人所殺,不雪父冤,有狀和解,特勅處死 兼 孟昇賜自 减 常 膳。 盡 諸 州 觀 遇行 察使、 極 觀 法 察判官、錄 日,禁聲 樂。」 事 是月二十七,大水, 參 己巳, 軍 失 其糾 滑 州掌 察 ?;各行 書記 河水溢。 孟 殿 罰 匿 母 襄 邑

地

庫本 荆 誅 流 使 館 之也。 南 盲 事 粘籤) 段 獻 李 行 九 凝 營 郁 月 Ţ 乙亥, 爲 内 嵐 招 王 四 辰, 宗 申, 計 州 正 使, 宰 以捧 河 司 以 卿。 陽 戶 臣 知 邠 王建 陶 荆 節 州 聖左右廂副 壬: 玒 度 南 節 午, 使、 立. 行 度 憲州 進玉 府 以 使梁漢 駙 事 晉 司 馬 杯, 州 都指揮使索自通爲雲州節度使。 戶石 都尉 節 顒 F 爲右 度使安崇阮 一有文日「傳 知 趙 訥、原州 延 威 壽爲 衞 F 檢校司 國 一 將 爲 萬 馬 左驍衛上 軍 歲 聶 ်ဝ 盃。 嶼, 威 衞 ,原本作「威武」,今從五代會要改正。 並宜賜 处於本處, 乙未, 將 軍 0 丁 丑 詔徐州節度使房 詔 甲申 i 德州 , 以 , 太 流人温韜、遼州 吐蕃 府 暴其宿惡 で、迴紇 卿 判四 知 各遣 (影 方 兼 而

{異 度 面 使 招 以刺 李 討 冬十 使。 敬 史竇廷琬拒命故也。 周 月 攻 戊 甲 慶州 申 辰 制 帝 瓊 蹜 **案**: 華 軒 {通 長 鑑 公主 命 作 案 禮 |李 敬 部 孟 簽廷 通 尙 氏 琬反,通鑑從薛史作十 書韓彦 可 4種 册 {史 前後並 爲 惲 福 作 慶長公主。 工 敬 周, 部 侍 卢 }歐 鄓 ~陽 歐陽史緊于十 愛亦作 任 丙午,以 贊 往 敬 周 應 滄州 月以前,與 州 疑 {通 奉 鑑 節 册 傳 度 几 (薛史異。 刻 之訛。 廟 使 李從 (舊五代 詔 {舊 紐 邠 敏 州 兼 史考 {史 節 {考

青州 汝州 卒。 尉、 (異 班 兵 長 節 高 來 一今後 、朝貢 三品品 丈餘,在牛星 度 任 戊午, 官官 案: 珪 五. 使索自通 甲 刺 同 軍 + 或 奏, 已上 白 平 州 史, 補 高季興卒,通鑑作十二月丙辰, 有 音 事 月癸酉, 契丹平州 屯駐 封 以尚 謝 人, 案 : 事 歐 自指 册 領壽州節 見通 陽史作慕晉。 0 庚 歐陽史作汝州防禦使,通鑑從薛史作刺史。(舊五 五 今後 左神捷、左懷順 書左 請御 寅 丙 度。 日 揮使已下 喚。」 申 刺史張希崇已下八十餘人見於元德殿 南 改官須 僕 禮 Ī. , 至, 射、 部 帝 度使,以前雲州節度使張温復爲 衙。」從之。 從之。 (舊五代史考異 員 謂 帝御崇元殿受朝賀。 同 轉 至節 外郎和 侍 平 딞 軍 臣 是日 章 詳見通鑑考異。(舊五代史考異) 中書舍人劉贊奏:「詩節 卽 級四十餘人並 日 士作亂, 事 青州 可, 凝 , 「古鐵券如何? 奏: 集賢殿大學士、 以 如 奏,節 無子, 契丹所署平州刺 案 : 已 應]逐殺出 張慕進 補 度使霍 斬, 許 齋 甲戌, 以親姪 鄓 來朝,歐陽 餘衆釋之。 城 並 E 彦威 (代史考異) 判 須引 捧聖指揮使何福 趙鳳對曰:「帝王誓文, 三司 雲州節度使。 繼 韶升壽州 卒, 史、光祿大夫、檢校太保 更作丁巳。 限 驗 頒賜有 王 輟 加檢 JF. 壬 建 朝三日。 身, 午、房知温奏, , 立 為忠正 (孔本) 念書十 校太傅。 差。 爲 以 青州 防偽濫 庚午夜,西南有彗星 進招收到安州作亂 突厥 韶宰臣王 甲子 卷 軍 節 ¬, 試 己丑 首領 度使、 , 戊辰, 安州 荆 許其子子孫 可 舊例 建立 張慕 南 則 張希崇爲 度使及文 中 以 節 高 檢 補 -書奏: (雲州 權 度使 進 校 使 季 等 太 從 蔭 興 知

唐

書

+

五

明

宗

紀

第

五

校

勘

五

四三

股之危疑 孫長享解祿。」 郎中何澤 奏:「流外官請不試書判之類。」何譯,原本作「何譯」,今據歐陽史改正。(影庫本粘籤)從之。 **慮在旦夕。」於是嗟嘆久之。** 帝曰:「先朝所賜,唯殷與郭崇韜、 趙鳳曰:「帝王執信, 李繼麟三人爾, 故不 崇韜、 必銘金鏤石矣。」 繼麟尋已族滅, 吏部

州節度使李敬周奏,收下慶州,刺史竇廷琬族誅。永樂大典卷七千一百六十四 十二月壬 寅朔,詔眞定府屬縣宜準河中、 鳳翔例升爲 文畿,真定縣升爲次赤。 甲辰、邠

戊戌,前安州節度副使范延榮幷男皆斬於軍巡獄,爲高行珪誣奏故

也。

蕃遣使朝貢。

校勘記

- (一) 今月七日 「七日」原作「十七日」,據冊府卷一五一改。 按此詔下於丁巳,該月戊申朔,丁巳爲
- (三) 韶應廟諱文字 殿本句上有「癸亥」二字。

初十日。

詔中敍已發生之事,不應爲十七日。

- 秃汭悲梅老 係輯 錄 舊五代史時據遼史索倫國語解所改,今恢復原文。 原作「特蘇巴摩琳」。注云:「舊作禿汭悲梅老,今改正。」殿本作托諾巴摩哩。 按此
- 野 利 延 孫 殿本作伊埓雅遜。 殿本考證云:「伊埓雅遜舊作野利延孫,今改。」
- 至 詔巡幸鄴都事宜停 「鄴都」原作「汴京」,據殿本、通鑑卷二七六改。

郭承豐 殿本同,劉本作郭彥豐。

(2)

- (中) 李 阿 111 劉本作李阿三,殿本作李阿 爾珊。 殿本考證云:「阿爾珊舊作阿山,今改。」
- (3) 石知訥 原作「石知納」,據殿本、本卷下文改。
- へたし 禿餒 索倫 國語 原作「塔納」,注云:「舊作禿餒,今改正。」殿本作「託諾」。 解所改,今恢復原文。 按此係輯錄舊五代史時據遼史
- 69 大破之 五「滿城」作「蒲城」,餘文略同。 劉本同。 殿本句下有「追至滿城,又破之,斬二千級,獲馬千匹」十五字。 心府卷四三
- (11) 詔福建節度使王延鈞 「詔」字原無,據殿本補。
- 惕隱 改,今恢復原文。 原作「特哩袞」,注云:「舊作惕隱,今改正。」按此係輯錄舊五代史時據遼史索倫國語解所
- $\stackrel{\triangle}{=}$ 幾無噍類 劉本同。 殿本作「惟奇峯嶺北有馬潛遁脫者數十,餘無噍類。」冊府卷四三五「有馬

作「有棄馬」,餘同

如無子許以親姪繼限 六載和凝奏云:「以姪繼院者,即初補時狀內言某無子,今以姪某繼院爲子使蔭。」 殿本、劉本同。 册府卷六三二作「如無嫡子, 卽許以親姪繼院。」 會要卷

舊五代史卷四十

唐書十六

明宗紀第六

秋稅。 就試。」幽州,原本作「邠州」;論語,原本作「何論」,今從册府元龜改正。(影庫本粘籤)詔曰:「都尉之子, 贊,年五歲,默念論語、孝經, 奏:「支屬刺史乞臣本道自署。」 云:特賜童子及第,附長興三年禮部春牓。 尉之孫,能念儒書,備彰家訓,不勞就試,特與成名。 放還(二)。 天成四年春正月壬申朔,帝御崇元殿受朝賀,仗衞如儀。 以左衞上將軍安崇阮爲黔南節度使。 以北京副留守馮贇爲宣徽使、判三司。戊戌,禁天下虛稱試攝銜。 案:宋史作贊七歲,誦書二十七卷。(舊五代史考異)
 薛史作天成四年春膀,與宋史異。(舊五代史考異) 戊子,放元年應欠
 壬辰,迴鶻入朝使掣撥等五人各授懷化司戈 宜賜別勅及第,附今年春牓。」 案深波 幽州節度使趙德鈞奏「臣孫 舉童子,於汴州取解 西川孟知祥

唐書

十六

明宗紀第六

之逆 於樓前 通鑑作癸丑,考癸丑 射。 發 爲 外 以 爲 出,獻于郊 百 面 會要: 汴州 鄆州 樞 僚 識 行營兵 定州 密使 稱賀。 者所 東都 節 月 **尙書兵部宣露布于樓前**, 社,其王 禮 送 留守、 丙寅 嗤 馬 趙敬怡權知汴州 度使,加兼侍中; 到僞太子李繼陶,已處置訖。 畢,以王都首級 都監、鄭州防禦使張虔釗爲滄州節度使; 詔 都男丼蕃將等磔于開封橋。(舊五代史考異) 取今月二十四日車駕還東京。 樞密使趙 非二月三日也,疑傳寫之訛。(舊五代史考異) 太子 王晏球奏,此月三日收復定州 至 韶曰:「契丹即爲凶黨, 鄭州 少傅李琪 敬怡卒,贈 賜 軍 獻於太社。 宣訖, 以北面 左 州 公等奏, 僕射 事 尚書 刑 太 致 行營副招討使、滄州節度使李從敏爲定州節度使, 至 趙敬怡,原本作「敬貽」, 仕鄭珏 傅。 部侍郎 偃 王都男四人、弟一人,秃餒父子二人,並磔於市。 真定不是逆城, 師 辛酉,帝御咸安樓受定州俘馘, 以端 縣 張文寶奏曰:「逆賊王都首級請付所司。」大理卿 錢二十 奉迎。 辛亥,以北面行營招討使、宋州節度使王晏球 明殿 時露. 案 : 獲王都首級,生擒契丹禿餒等二千餘人。 學士 歐陽史作二月癸卯, 萬。 時 布之文、類制勅之體、蓋執 幽州節度使趙德鈞加兼侍中。 今從歐陽史改正。(影庫本粘籤) 丙辰, 琪 趙 .1, 李珙罰一月俸。」庚午, 奏章 卯, 鳳 權 中有「敗契丹之凶 宰 知汴州 相 王晏球克定州 崔協卒, 軍 百官就列,宣露布 州 事 詔 ,與薛史合〔三〕。 贈 筆 甲子,車 蕭希甫受之以 尚 車駕至自 者悞, 書 破 乙卯, 邢州 右 眞 頗 定 僕 駕

筠」,考通鑑注云:會節園 從璨,帝之諸子 鄴都、幽、鎭、滄、邢、易、定等州管內百姓,除正稅外,放免諸色差配,以討王都之役,有輓運 有乞假覲省者, 改正。(影庫本粘籤) 三月 甲戌, 也。 請量賜茶藥。」從之。 酒酣, 馮道進表乞命相。 在洛陽城中,張全義鎭洛歲 先是,帝巡幸汴州 戲登 一御楊。 安 丙戌, 〈重海 乙未,以前鄆州 , 久,私第在會節坊,室字園池,爲 留從 璨以警大內, 奏之, 詔皇城使李從璨貶授房州 故置於法焉。 節度使符習 從璨因遊會節園 壬 辰, 爲汴州節度使。 時互麗,輸之官, 司戶參 中書奏:「今後羣臣 軍, 會 以爲 節, 仍令盡命。 丙 會節園。 原本作「曾 申, 內 詔 今

之勞也。

請以 指揮 流入中 尹、 云 軍於石首鎭 上 一使、鎮 進,)丹漆金碧飾之,帝曰:「此殿經焚,不可不修,但務宏壯,不勞華侈。」 湖南奏, 剉 夏四 國 壬子 六軍諸 國家 疑原本「鐵」字誤。 一月庚子朔,禁鐵鐵錢。 南 軍 雖約其價以給之,及計其館穀錫賚,所費不可勝紀。 以皇子北京留守、 詔沿邊置場買馬,不許蕃部直至闕下。 衛事從厚爲北京留守; 節 度使康 考册府元龜亦作鐵鐵錢,今仍其舊。(舊五代史考異) 義誠爲河陽節度使。 案:通鑑作鐵錫錢。胡三省注云:馬殷得湖南,鑄錫爲錢, 河東節度使從榮爲河南尹, 以河陽 節度使趙延壽爲宋州節度使, 契丹寇雲州。 先是,党項諸蕃凡將到馬, 癸丑,契丹遣捺括梅里等來朝 判六軍諸衞事; 以皇子河 壬寅,重修廣壽殿成, 計司以爲耗蠹中華 本用之境內, 以侍衞 敗 荆 無驚良 親 其後 軍 南 有 並 賊 司 遂

唐

+

六

明

宗

紀

第

六

使范 鄓,與 孔 平 貢 (三)、 循 (本紀異,見吳頫纂誤。(舊五代史考異) [七年勅,就位起居,永爲恆式。]從之。 、帶中書直省吏歸藩,並 延 事 光加 稱 取 案 檢校太傅。 禿 **歐** 餒 要本紀作品 等骸骨, 戊辰,中書 端 並 明 追 殿 斬於北市。 學士、 迴。 丙辰, 奏:五 壬戌, 尚書兵部 諫議 甲寅, 幽州 月一 侍郎 大夫致仕 節度使趙 |趙 以端明殿學士趙鳳爲門下 日,應在京九品已上官,及諸道進奉使, 鳯 爲門下侍郎 、襲文宣 德鈞 兼 (兼北) 工部尙 一公孔 面行營招討使, 書、 邈卒。 同平 侍 章 庚 事, 郎 申, 兼工 趙鳳傳 以 鎭州 部 作 建 尙 請準 禮 節度 部侍

軍 稱景宗,非議其行事有失也。 宗。 使,以黔州留後楊漢賓爲本州節度使。 保殷卒。 路州節度使。 ·留後 伏以少帝今不入廟,難以言宗,只云昭宣光烈孝皇帝。」從之。 五月己巳朔,帝御文明殿受朝。 翟璋爲威 州 己卯,以忠武 奏,荆南高 乙酉,以黔州節度使安崇阮爲夔州節度使,以左驍衞上將軍張温 塞軍 從誨乞歸順。 節度使。 **舊唐書**誤。 軍節度使索自通爲京兆尹,充西京留守,以左威衞上將軍朱漢 壬辰,以 丁亥,以 雲州 丙子,以變州節度使西方鄴卒輟朝。 鳳州 權 中書奏:「太常寺定少帝諡昭宣光烈孝皇帝,廟 奏, 知 武興軍留後 尙 契丹犯塞 書 古丞 崔 陳皐爲 居儉爲尙書右丞。 武武 興 案舊唐書哀帝紀云: 軍節度使,以 丁丑, 大理 詔葺天下廨宇。 為洋州 新 中書 州 卿李 威塞 奏,少 賓 號 節 度

衞尉 後、 在任 京 刺史,上 州爲興唐府,建東京。 護,充振 長流百姓,尋賜自 力者,許人請射營構。」 郡所請賓幕及主事親從者,悉以名聞。」丙辰, 韶二計道 此。(影庫本 下高 馬 定難 從海 無名科 事 步 六月 秋 表 七月庚午,以前西京留守判官張鎛爲司 軍 求 () 近洋 軍 充客 粘籤) 上章 節 都 辛 內附。 都 率故也。 指 度 丑,以左散騎常侍姚顗爲兵部侍郎。 省使。 知兵馬使韓澄爲朔方留後。 節度使。 使行 應 揮使 ·首罪,乞修職貢,仍進銀三千兩 群史作丙辰,與通鑑異。(孔本) 魏府、 既遷洛, [盡,以其在藩鎭陰蓄奸謀故也。 余銀外 軍司 國子博士 詔 汴州、 戊申, 鄴都 同光三年復唐之舊,以洛陽 馬,名位 刺 益州宮殿悉 仍舊爲魏府。 以宿州 史張敬達爲鳳州節 一田敏請 .雖高,或帥臣 團 **葺四郊祠** 練 壬戌,幸至德宮。 去鴟 使康 癸丑 鄴都 為東都, 贖罪。 不 尾,賜節度使爲衙 思立 農 案:通鑑作庚 , 仍舊爲魏府,考通鑑注云:莊宗同光元年卽位于 祭齋室。 度使。 在, 卿。 以前 壬寅, 道為利州! 甲戌,御史中丞呂夢奇責授太子右贊善 其州 改魏州之東京為 案通鑑: 路州 壬 癸卯 夔州節度使楊漢章移鎭 申,貶前左金吾上將軍毛璋爲儒州 丙午,以沂州 事 (申〔五〕。(舊五代史考異) 詔:「京城空地,課人蓋造。 節度使。 節度使符彥超爲左 宜 庚申, 委節 以前 署。 鄴都, 高從誨自稱前 度副 西京 登州 辛亥,以權 至是復以爲魏州。 刺 使權 副 史張萬進爲 刺 留 史孫元停任 荆南 知。」 權 守 一驍衛 知荆南 事 行 知朔方 雲州 軍司 張 又詔:藩 上將 魏州,以魏 安北 今附 遵誨 馬、 軍 軍 以 歸州 軍 識 留 都 出出 식식 行 于

紀第六

唐

書

+

六

明

宗

品題。 度使。 分撰五代史,方委大臣監修。 光義爲御史中丞。 祖以上並 七月、監修國史趙鳳奏:「奉勅修懿祖、獻祖、太祖、莊宗四帝實錄,自今年六月一日起手,旋具進呈。 憝,奄有中原 天成三年十二月,史館奏:「據左補闕張昭遠狀:『嘗讀國書,伏見懿祖 年錄。」紀年錄,原本作「繫年錄」,考通鑑注、玉海、文獻通考並作紀年錄,今改正。(影庫本粘籤) 夫、充匭使閻至爲 大夫,坐曾借 奏:「今後新及第舉人,有曾授正官及御署者,欲約前任資序(云),與除一官。」從之。 壬辰, 蕩不還,冒當修撰之名,曷揚褒貶之職。 功王室, 承乾御字之君,行事方云實錄;追尊册號之帝,約文祇可紀年。 目爲紀年錄。」從之。考當時史館能審名實如此。薛史列武皇于本紀,識者叢之,歐陽史始改莊宗紀〔七〕。(舊五 陳力國朝。 丙戌,涇州節度使李從 昶移鎮 甲申,以 ,倘闕編修,遂成凐墜。 毛 璋 太祖 前 工部侍郎 馬故也。 史館上言:「所編修莊宗一朝事迹,欲名爲實錄,太祖、獻祖、懿祖名爲紀 武皇帝自咸通後來, 荆南行軍司馬、檢校太傅高從誨起復,授檢校太傅、兼侍中,充荆南節 自大曆後來,始奏兩員修撰,當時選任,皆取良能,一代之書,便成于手。 充職。 己卯,以工部侍郎任贊爲左散騎常侍,以樞密直學士、左諫議大 伏請與當館修撰,參序條綱,撰太祖、莊宗實錄者。』 及乎編修六典,即云別訪通才,况當館職在編修,合行撰述。」敕:宜依 遂州進嘉禾,一莖 勤王戮力, 華州, 以冀州刺史李金全爲涇州節度使。戊子, 翦平多難, 頻立大功, 三換 昭烈皇帝自元和之初, 九穗。 所修前件史書,今欲自莊宗一朝名爲實錄, 壬午,以給事 節旄,再安京國。 伏見前代史館,歸于著作, 獻祖文皇帝于太和之際,立 中、判 從之。案五代會要. 伏以凡關 其後源 莊宗皇帝終平大 大 理 纂述, 八六八。 流 卿 失緒,波 事許 務合 四年 國初

韶取來年二月二十一日有事於南郊。

祀。 威 書『使』字。今錢鏐是元帥、尚父,與使相名殊,馬殷守太師、尚書令曰己,是南省官資,不合署 建遣使貢方物。辛酉,詔:「準往例 (10),節度使帶平章事、侍中、中書令,並列銜於勅牒, 戌,以宰臣、監修國史趙鳳兼判集賢院事,以左散騎常侍任贊判大理卿事。 子賓客。 郎、知制誥李愚爲兵部侍郎, 職如故。 使。乙巳,黑水朝貢使骨至來朝(云),授歸德司戈,放還蕃。丁未,以翰林學士承旨、禮部侍 使,兵部侍郎姚顗爲鹵簿使,河南尹從榮爲橋道頓遞使,客省使、衞尉卿張瓊誨爲修裝法物 守官。」甲辰,以宰臣馮道爲南郊大禮使,兵部尚書盧質爲禮儀使,御史中丞許光義爲儀仗 中丞奏請,合隨廳罷任。」詔曰:「主簿旣爲正秩,况入選門,顯自朝恩,合終考限,宜令仍舊 還之。」以前淸河縣令、襲酅國公、食邑三千戶楊仁矩爲祕書丞。 進霍彥威神道碑文,不分眞僞,是混功名,望令改撰。」從之。以,梁之故相,私懷感遇,敍彥 在梁歷任,不欲言爲梁故也。 八月丁酉朔,大理正路阮奏:「切見春秋釋奠於文宣王, 而武成王廟久曠時祭, 請復常 常祀,原本作「嘗耐」,今據五代會要改正。(影庫本粘籤) 吐渾首領念公山來朝貢。戊申,帝服袞冕,御文明殿,追册昭宣光烈孝皇帝。 辛丑、韶、「亂離已來,天下諸軍所掠生口, 以中書舍人盧詹爲禮部侍郎,以兵部侍郎裴皡爲太 從之。戊戌,中書奏:「太子少傅李琪 御史臺奏:「主簿朱穎是前 有主 已未,高麗王王 一識認, 即勒 近撰 側

唐

帯十六

明宗紀第六

義 願 勅 光路 爲 尾,今後勅牒 圓 中 惠 所 大 師, 築 卽 內並落下。」乙卯,党項首領朝貢。 案: 洛陽縉納舊聞記引薛史此文而辨之云: 武皇夫人陳氏也。 丙寅(III , 達 言光啓中築乃再葺而已,非始築也, 靼來朝貢。 甲子,幸金眞觀,改賜建法 京城內有南州 其城壕今尙有遺跡 大師賜紫尼智 北 乃張全

焉。 (舊五代史考異) 至是,詔許人依街巷請 射城濠,任使平塡,蓋造屋宇。

鴈門 令致 臣 致 事 丽 金 一,謁 仕 城 則 仕。 一從之。 差字 縣。」 縣 九 鏐 責 月 行拜 無 窕 詔: 長寧,原本作「去寧」;建極,原本作「述極」,今據五代會要改正。(影庫本粘籤) 鳥 相 丁卯二 流禮也。 癸巳, 昭 行 蹈之禮。 遇下 應州 乙未、 事 , 先是, 制天下兵馬元帥、 中 御 升爲望州 中 詔 洞 及迴, 也臺,尋賜 書奏:「據宗正寺申, 諸道 則 上將 卿監 通 使 軍烏 勘 金城、 副 行事 自 兩 劉 昭遇 盡 浙 玫 ٠, 鴈門並 尚父、吳越 小 綱 使於兩浙,以 案:通鑑作韓政。 後有 運 而 進 則 升爲望縣。」辛酉二一 懿 奉使, 自 委太祝、 祖 浙 國 永 中 王 並下 興陵、獻祖 朝 錢 使還者, (舊五代史考異) 奉禮, 缪 廷事 巡獄 可 落 私 言昭遇無臣鏐之事 並不差官, 於 元 長寧陵、 吳 帥、尙 具述 太常博士段顒 太祖 皇帝 其 仍目繆 父、吳越 事 今後請 建極陵並在 追 故停 尊 爲殿下 國王 差五 奏「 ,爲政所誣, 几 1削繆官 一廟 一,授 切 디디 在 代州 見大 官 自 太 應 稱 州 師

戊戌, 月 内 申 以襄州兵馬都監、 朔 ,
併
吏
部
三
銓
爲 守磁州刺史康福爲朔方、 銓,官令本司 官員 同商 量 河西等節度使, 一注擬, 連 署 申 ·奏 , 朔方, 仍不 原本作「翔 得 於私

以爲

緋。 往鎭 方」,今據通鑑改正。(影庫本粘籤) 以 福 軍 上 內 將 · 公 將 之。 夏州 客 兵 軍 愿 省 萬 南 以前 以前 違詔 使 郊 庚 X 行 子 行艺、左 赴 華 黔州節度使 延鎭 , 進 事 州 以 貢 o , 節 右 與祠 一篇大將 , 己 度 金吾 臣 四 使王景戡 官 已 上將 11-李承約 同 制 軍李仁矩 靈、威、雄、警 約。 飮 復 , 軍 故 一帝 詰 爲 史敬鎔 爲右 荆 右驍 旦 曰:「善。 南節 爲 一猶醉 聽 閬州 衞 爲左 衞 、凉等州觀察使。 度使高 不 上 E 節 能 將 一朝退 金 將 度使。 軍 行 吾 季興 軍 禮 , 上 三 帝密 癸卯, 將軍 官 幸七 爲 爵 令左 以 御 , 雲州 星亭。 太常 史所 以 時 辛亥 右 左 朔方將 少卿 節度 聽 進 刻 焉。 丙辰、 也 衞 升間 使張敬 蕭愿 上 吏請 將 是 詔 州 夏州 日 新 責 軍 帥於朝 爲保寧 ·符彦 詢 授朔方節 授 幸龍 進 太子 爲 白 左 超 廷, 麎 門 軍 洗 爲 廳 故命 度使 衞 右 馬, 壬子 海 金 吾 幅 奏 康 將 奪

祖 少監于嶠 郊,試夏州 所在故也 胴 以尚書右丞李 祖 {紀 月丁 配 有差。 年錄共二十卷、 所進白 甲戌, 振武長流百 卯, 洛州 光序 案 五 鷹 奉國 ‴, 戒 爲 水暴漲 姓 左右 軍 刑部侍 節 懿祖 監 永不齒任, 勿令重誨 度使王 修 趙鳳、 壞居 郎。 原本 修 延 脱 人 癸酉, 撰張 「懿」字,今從五代會要改 稟加 知 垣舍。 爲宰臣 昭 兼侍 遠、呂咸休各賜繒綵、銀器等。(舊五代史考異 己卯 升 一曹州 戊辰, 趙 中, 鳳 日 濟陰 **汽至**, 誣奏也 以 從 刑 福 縣 馬。 部 建 帝 爲 (影 節 侍 次 御文明殿受朝賀 史官張昭遠等以新修獻 庫本 郎 度使王 赤 張文寶 ٠, ·粘籤) 以 延 昭 鈞 宣 爲 莊宗實錄三十卷上 請 光 右 也 散騎常侍。 烈孝皇帝 癸未, 車駕 祖 温 秘 H 書 陵 懿 近

器帛

唐

+

六

明

宗

紀

第

公事。大祠致齋內,請不開宴。每遇大忌前一日,請不坐朝。」從之。泳樂大典卷七千一百六十五。 內,不押班,不知印,不赴內殿起居。 韶:「應授官及封贈官誥、舉人冬集等所費用物,一切官破。」 壬戌,中書奏:「今後宰臣致齋 十二月丁 酉,靈武康福奏:「破野利、 或遇國忌,行事官已受誓戒,宜不赴行香,并不奏刑殺 大蟲兩族三百餘帳於方渠,獲牛羊三萬。」戊戌,

校勘記

- 掣撥 劉本同,殿本作徹伯爾。殿本考證云:「徹伯爾,舊作掣撥,今改。」
- (三) 與薛史合 「合」原作「異」、據孔本、殿本考證改。按二十史朔閏表,天成四年二月辛丑朔,癸卯

爲初三日。

}倫

威

語解

所改,今恢復原文。

- 3 捺括梅里 原作「紐赫美稜」,注云:「舊作捺括梅里,今改正。」按此係輯錄舊五代史時據遼史索
- (国) 天成三年博士呂朋龜議 三敍此 事均作天成三年十一月,「呂明龜」作「呂朋龜」,據改。 「三年」原作「二年」,「呂朋龜」原作「呂明龜」,會要卷三、冊府卷五九
- 金 通 鑑作 庚申 「庚申」原作「庚戌」,據殿本考證、通鑑卷二七六改。
- **公** 者伏見前代史館……敕宜依 九十八字原無,據孔本補。

(4)考當時史館……歐陽史始改莊宗紀 三十字原無,據孔本補。

(以) 欲約前任資序 殿本、劉本同。 會要卷二三、冊府卷六四一作「仍約前任資序」。

(九)骨至 劉本同,殿本作郭濟。 殿本考證云:「郭濟舊作骨至,今改。」

(10) 準往例 「往」原作「待」,據殿本、劉本改。

[11] 尚書令 「令」原作「今」,據殿本、彭本改。

丙寅 原作「丙戌」,據殿本、劉本改。按二十史朔閏表,天成四年八月丁酉朔,無丙戌,丙寅爲

丁卯 原作「丁亥」,據殿本改。 影庫本粘籤云::「以長曆推之,當作丁卯。」影庫本批校云::「丁

亥、應作丁卯。」

三十日。

辛酉 影庫本粘籤云:「辛酉,以長曆推之,當作辛巳。」影庫本批校云:「辛酉,應作辛未。」殿本

作辛未。

읖 李承約爲右驍衞上將軍 「右」原作「左」,據殿本、本書卷九〇李承約傳、歐陽史卷四七李承約

傳改。

唐

書

六

校勘

記

(F) 張敬詢爲左驍衞上將軍 內客省使 「客」字原無,據殿本、通鑑卷二七六補。 「左」原作「右」,據殿本、本書卷六一 張敬詢傳改。

五五七

舊五代史卷四十

唐書十七

明宗紀第七

必有春澤。」是夜降雪。其夕,右散騎常侍蕭希甫封狀申樞密稱,得河堰衙官狀,告本都將 之。丙子,帝謂宰臣曰:「時雪未降,如何?」馮道曰:「陛下恭行儉德,憂及烝民,上合天心, 束飾及光學錢備監中修葺公用,光學錢,原本作「充學」,今從無府元顯、五代會要改正。(影庫本粘籤)從 日,合差大內留守。 校二十餘人欲謀不軌,至旦追問無狀,斬所告人。是日,幸至德宮。 長 |興元年春正月丙寅朔,帝御明堂殿受朝賀, 仗衞如常儀。 韶以宣徽南院使朱宏昭充。 乙亥,國子監請以監學生 辛卯,中書奏,郊天有

院,舊試五題,請今後停試詩賦,祇試麻制、答蕃書、批答共三道。 二月戊戌,幸稻田莊。 唐 書 + 七 明 宗 紀 鄭 己亥,黑水國主兀兒遣使貢方物。 七 翰林學士劉昫奏:「新學士入 仍請內賜題目,定字數, 五五九

舊徵 刺 罪 甲寅 宮、太廟,祭天地於圜丘,準禮例親王爲亞獻行事,受誓戒。」從之。以天雄軍節度使石敬瑭 能成功。 批答各一道,詩賦各一道,號曰五題,並于當日呈納。 付本院召試。」從之。 並 事 入。(影庫本粘籤) 郊宫受賀。 爲御營使。 冠、絳紗袍,文武五品已上著袴褶,近例祇著朝服。」從之。乙巳, 当與思澤 史郭 、侍中、 橋 輕重,咸赦除之。 赴南 今請權停詩賦,祇試三道,仍內賜題目,兼定字數。」從之。 知 道 瓊善政聞 錢 中書令,並與改鄉名里號。朝臣及蕃侯郡守亡父母,及父母在丼妻室未沾恩命者, 郊齋宮。 是日,御五鳳樓,宣制: 應 五. 壬子,帝宿齋於明堂殿。 文, 私債 大赦天下,除十惡五逆、放火劫舍、屠牛、官典犯贓、僞行印信、 田 今後不 詔褒之。 是夜微雨,三鼓後晴明如晝。 案五代會要載劉昫原奏云:「舊例學士入院,除中書舍人不試,餘官皆先試麻制、答審 利已經倍者,祇許徵本,已經兩倍者,本利並 天成四年終諸道所欠殘稅及場院欠折,並特放免。 徴 諸道州府每畝先徵麴錢五文, 癸丑,朝獻太微宮。是日,宿齋於太廟,詰旦請行饗禮。 改天成五年爲長興元年, 從前每遇召試,多預出五題,潛令宿搆,其無黨接者, 有司奏:「皇帝致齋於明堂,按舊服通天 乙卯,祀昊天上帝於圜丘, 今特放二文云。 長興元年,原本脫「年」字,今據文增 放。 中書奏:「皇帝朝獻太微 河陽管內人戶,每畝 羣臣職位帶平章 合造毒藥外, 商州吏民以 柴燎禮畢, 即日起草,罕

三月丁卯,幸會節園,遂幸河南府。

靈武奏,殺戮蕃賊二千人。

壬申,鳳翔節度使李從

嚴 嵐 度使 介。 使 衞 度使王 進 親 州 于 爲 潞 封 張 軍 司 壬 此 陝州 一晏球 岐 午 州 馬 戶 虔 (影庫本 ·, 許州 , 參 節 國公,移鎭 釗 步 移鎮 移鎭 i 度 使 節度使、 軍 軍 子,仍馳 都指 -粘籤) 節 朱漢賓 徐州, 南 腹使 甲戌,延州 揮 州 汴州 檢校 驛發遣,坐誣 使、 孔 加檢校太保。 宰臣 加 太保 河陽節 循 檢 移鎮 李從曮移鎭汴州,據通鑑云: 馮道 校太 箾 度 滄 度 庚 率 傅 告之罪 州 使高 寅, 使康義誠 \subseteq 百 癸未, ; l 僚拜 制淑妃 陝州 , 允韜移 也。 移 鎖 詔 表,請上 爲襄 節 で曹氏 宰臣 晉州 贬右 度使 鎭 州 邢 從職因入朝陪祀,徙爲宣武節度使。 散騎 馮道 ; 川 張 節度使、 尊 州 徐州 立爲皇后,仍令擇 延期 號 等再 常侍、 日 丙 節 聖明 子 移 檢校 請 度使房 集賢殿 鎭 ٠, 以宣 上 許 神 尊號, 太 武 州 一徽使 知温 傅, 、學士、 文德恭孝皇帝 加檢 詔 日 朱 以左武 移 册 元之。 校 弘 判 鎭 命 太 昭 院 鄆 薛史未及詳 (傅; 州 爲 衞 事 丙 蕭 鳳 戌 一將軍 |滄|州 希 詔 翔 軍 以 報 載,今 甫 州 節 侍 爲 節 不 節 度

守、太尉、兼 學 戌,遂州節度使夏 道節鎮 謬矣。 四門、 夏四 皆次第 月 律學、書學、算學是 丁酉,前汴州節度使、檢校太尉、 中書令 甲午朔, 加 魯奇加 ,使 恩, 國子 以郊 如 同平章 故。 司業張溥奏, 깯 也。 青州 覃慶澤故也。 事, 書 節度使王建立加侍中,移鎭潞州 學, 皇子河中節度使從珂 原本作「 請復 八館 兼侍中 「署學」, 己亥, 以廣 今據新唐 ·符習 幸會節 生 可太子太師 一徒。 進位 園 書百官志改正。(影庫 按六典, 壬 檢校太尉 寅 致 以 皇子河中節度使從 仕 監有 樞 , 封開 密使 本 進 ·粘籤) 封 學 安 衞 國 , 重 公。 國公。 而溥云 國 誨 子、太 爲 自 是 珂 留 戊

唐

書

+

Ł

明

宗

紀

第

三省通 奏。「臣 射 步 , 部 軍 趙 尙 都 鑑注 鳳 一今月 指 加 云: 李 揮 更部 使藥彥稠 鎌 爲 克 州 \overline{H} 樞 密院用宣,三省用堂帖。(舊五代史考異) 日 尙 , 書。 翅 馬於黃龍莊,衙內指揮使楊彥温據城 行軍 等攻之,仍授彥温絳州刺史, 乙酉,以左龍 ·司馬, 坐 武 引 統 准 軍 南覘 劉 臣見在 人貽安重誨寶帶也。 君鐸卒 冀誘而 虞鄉 廢朝 縣。 叛, 擒 之也 一帝遣 臣尋時 戊申, 詔 西京留 計 從 問 珂 宰臣馮道加右 赴闕 守索自 稱 奉 宣 通 T 命 未, 侍 案間 (僕

中, 度使、檢校司徒李從温爲左武衞上將軍。 父 双 |誨 安 師 傾 皆非 復 陷 重海 日 斬 帝 楊彦溫。 之間 自 戒 公等意 道 論 方弄國 丑: 彥 之日 等奏:「合行 温 。 臣 奏, 索自 癸丑, 旣 也。」 :「與股 帝 .不 誅 權 合言 通 極 從 ,從榮諸 傅 後 言以 、藥彥稠等奏, 首 朝 數 生 珂 來戲。 典。」 歸清 致 拒 日 稟聖旨。」 主敬 [彥温,吾將自訊之。] 及 之, ,帝於中 歐陽史亦作辛亥,自通 化 帝不 語 里 事 在 第 不 收 悅, 興殿 末帝紀: 帝 暇 復 趙鳳 獨 日:「從佗 重 河 見宰臣, 中, 海 忌從 中。 謂 邢州,原本作「涇州」,今從歐陽史家人傳改正。(影庫本粘籤) 堅奏:「故 執意溫 馮道 斬楊彥温 河威 帝 私 趙 收 又曰:「卿欲 一般之。 等日 第 鳳 名 城, 閖 承 事 一清 、斬首 有 坐, 每 較蘇史爲詳審。 重 傳首 於帝 海 責 何 意 傳 帥 帥 「來獻。 煩 如 了, 又 之義, 失守, 前 送,帝怒彦 奏 何 屢言其短, 再 也 制 (舊五代史考異) 責 論 所 案 : 置 帥之義, 列, •> 以 通鑑作 稠 乃 激 帝 等。 止 重 巧 勵 默 辛亥, 誨 作 藩 法當 然。 初, 以 時議皆以 守 窥 於於 前 索自通拔 圖 翌 如 彦 邢 帝 何? 日 冀能 陛 椆 州 日 出 節 丙 重 河

辰, 以西京留守、 檢校司徒索自通爲河中節度使。 丁巳, 雲州奏: 掩襲契丹, 獲頭口萬

午, 傅、上柱國、酒泉郡開國侯、食邑一千戶臣李琪等五千八百九十七人言: 戶、食實封一百戶臣馮道,銀靑光祿大夫、門下侍郞兼吏部尙書、同中書門下平章事、監修 學士、上柱國、始平郡開國侯、 國史、判集賢院事、上柱國、天水郡開國伯、食邑七百戶臣趙鳳,及文武百官特進、太子少 金紫光祿大夫、守尚書左僕射兼門下侍郎、同中書門下平章事、充太微宮使、弘文館 戊午,帝御文明殿受册徽號,册曰:「維長興元年,歲次庚寅,四月甲午朔,二十五日戊 始平,原本作「始興」,今據册府元顯改正。(影庫本粘籤)食邑一千五 大

生其間,總神祇之靈,叶帝王之運。 臣 .聞天不稱高而體尊,地不矜厚而形大,厚無不載,高無不覆。 日出而星辰自戢,龍飛而雷雨皆行,元氣和而天下

四時行於內,萬物

和

正而

天下正。

纂 困 風 既治 《鴻圖 救德威於燕危, 伏惟皇帝陛下,天授一德,時歷多艱。 1,嘉瑞 ,每敷皇化。 自臻。 遏思遠而全鄴都,誅彥章而下梁苑。 故登極之前,人皆不足;改元之後,時便有年。 去內庫而省庖膳,出宮人而減伶官,輕寶玉之珍,却鷹鸇之貢。 翊太祖以興邦,佐先皇而定難,拯嗣昭於路 成再造之業,由四 **遐荒旋斃於戎王**, 征 之功。

唐

+

七

明 宗 紀

第

字之誤,今改正。(影庫本粘籤

並復 重譯 徑來 瓜、沙,原本作「爪分」,考通鑑: 、於蠻 子,東巡而守殷殪,北討而王都殲,破契丹而燕、趙無虞,控 天成四年, 康福大破吐蕃,進至靈州 ,自是朔方始受代。「分」字當係「沙」 靈武 而瓜、沙

平。 諸侯,中外同辭,再三瀝懇。 不以大明自貴,於烝民有惠,於元后同符,列聖皆然, 作解恩覃,帝命咸均, 休徵備載於簡編,徽號過持於謙讓。 常敦孝禮,每納忠言,則何以臨御五年, 近以 一墾上元而 薦太廟,就吉土而配昊天,輅已降而 人情普悅。 臣等不勝大願,謹奉玉寶玉册,上號曰聖明神武文德恭孝 非陛下有道有德, 三年不允, 澄清四海 舊章斯在。 衆志皆堅。 雨霑, 至聖 時久纏於災害,民驟見於和 至明, 事欲行而月見。 今以明庭百辟, 列土 天不以上帝自 動 不 疑 人, 燔柴禮 靜 惟 恭 日

繼 加榮寵, 伏惟皇帝陛下, 體燒、舜之至道, 法日月於太虚, 威於夷狄, 違天者咸就誅鋤。 典禮當告成之後, 夙夜思即位之初, 恩及蟲魚。 千秋萬歲, 奉國者 永混

車書。

宰臣 **兗州** 節度使,以聽衞上將軍張敬詢爲滑州節度使,以閬州防禦使孫岳爲鳳州節度使行。詔 馮道之辭也。 庚申,以左金吾上將軍史敬鎔爲鄧州節度使,以右金吾上將軍符彥超爲

改 鳳翔管內應州爲匡州 匡州, 原本「匡」字分注「御名」二字, 蓋薛史原書之體; 今改正。(影庫本粘籤) 信州

爲晏州,改新州管內武州爲毅州。

使買 監 右驍 不形文字 后。 權 報 州 本粘籤) 乃言建立 表稱賀。 皇后」。 で。應 節 章肅爲洺州 知 方物。 昭 禮院 衞 度使高行珪卒輟朝。 五 皇 以是罪之,故令致仕。 義 H 月乙丑 。」中書門下奏〔曰:「諸道節度使但進表上言皇帝,外命婦上皇后賀牋表,進呈 親或有慶賀及起居章表,內中進呈後,祇宣示來使, 一自鎭 將 中 E 軍 尋常祇 -書覆 軍 言,百官上疏於皇后日「皇后 軍 辛 刺史, 鄭州 卯 州 歸朝過鄴都, 奏,若祇 事 呼 以翰林承旨、兵部侍郎李愚爲太常卿。 劉 以路州 皇 防禦使張進、副使咸繼威並停任,以盜掠城中居人故也。 仲殷爲路州 言。 `呼「殿下」,恐與皇太子 有司上言:「皇后受册, 日 節度使王建立爲太傅致仕。 從之。 有扇搖之言, 丁卯,以前興元節度使劉仲殷權 節度使、檢校太傅。 癸未,太子 殿 下一, **扇搖,通鑑作「搖衆」,考册府元酮亦作扇搖,** 無所 少傅蕭頃 及六 內外命 分別,凡 宮及率 T ∄; 建立素與安重酶不協, 卒 婦 壬辰,以前滑州節度使李從璋爲 並 並 帝臨 <u>-</u> 上 廢朝。 合奉賀。 婦 不合答復。」從之。 知路州 中 軒, 人慶賀 宮表章呼「皇后殿 甲申 命使 軍州 今未有 祇 迴鶻 册淑 事。 呼「殿下」, 丙寅,以少府 今仍其舊。(影庫 盯 命婦準例 妃曹氏 戊辰, 因其入朝 汗 壬 下 仁裕 申, 志,無 爲 以 不 以 遣 上

唐

改正。 賓貢 辰,以 今年及第進士李飛、樊吉、夏侯珙、吳沺、王德柔、李穀等六人,望放 改爲縣。」從之,仍舊爲 揮 使; 鄭朴, (影庫本粘籤) 六月 皇城使安崇緒 以 護 T 望許令將來就試。 一駕 酉 步 望罰 軍 以 都指揮 護 爲 一季俸。」從之。 駕 軍鎭 河陽留後, 馬 使、 軍都指揮使、 前振 澄州 知貢舉張文寶試士不得精當, 重誨 武節 刺史 丁巳,皇子北京留守、河東節度使從厚移領鎭州,以 子也 樂意稠 度使安金全卒。 貴州 刺 鳳 爲壽州 史安從進爲宣州節度使, 翔 奏:「所管良、晏、匡三州 節度 壬子, 使兼 張文寶, 中書 護駕步 及第。 門下 原本作「人寶」, 軍 奏:「詳覆 ·都指 其盧 充護 並 無 揮 價等七 駕馬軍都指 屬 今據五代會要 使 到 縣, 至。 禮 請 部 及 院 却 甲

適。 以 建 延 捎 洲 稟 鄧 在 州 使,卒於明州 逐 禮 甲 加 秋 節 爲 七 日 兼 Й 度 立. 中 左 以 甲子, 使史敬鎔卒廢朝。 ·書令。 驍 班 前 一。」新 衞 齊州防禦使孫璋 Ŀ ,贈兵部尙書。 以宣 例也。 將 詔:「諸州得替防禦、團練使、刺 軍。 一徽南院使、行右衞上將軍、判三司馮贇爲北京留守、太原尹。 辛巳,詔揀年 庚辰(K),奉國軍節度使兼威武軍節度副使、檢校太尉、兼侍中王 甲戌,以左威衞上將軍梁漢顒爲鄧州節度使,前兗州節度使 爲鄜州 宿州進白兔,安重誨謂其使曰:「豐年爲上瑞, 節度使。 少宮人及 西川宮人並還其家, 戊子,以右散騎常侍陸崇卒廢朝。 史並宜於班行比擬,如未有員闕 無家 可 歸者, 豐年, ,可隨常 崇爲 任. 己巳, 原本作 從所

左

武

衞

F

一將軍李從温爲許州節度使。

止」,今據 歐陽史改正。 (影庫本 ~粘籤) 発懷 一校性 雖 白 何爲 一命 退 歸

朝之醴 盲 作捧聖都 以後 附 III 王 擇 下 事 延 延 族 一大臣 誅 ·, 宣 微 朗 朗 日 額 欲 、歐陽史 册 使下 \mathbf{H} 諸 爲 八 8 (元),其 於嵐 問 俾 拜諸 命 道 軍 月 檢 風 專 使, 校 鹽 甲午,以 作壬寅, 王 州 委 臣 俗 通鑑作軍 (日受册: 皆 案 五 太 鐵 按 案宋史職立 於近 安 TF. 傅、 纽 轉 興 族 代 衙 與 禮 利 運 百 會要 命 者 ·行兵部 (薛史異。 **編業** 帳 前 臣 等使, 使, 使、詣 除 司 朝 官志 鄧州 影 害。」 長興 服 貴 云 今從通鑑改 都 一「古者 延英 從第 射 便 (舊五代史考異) 尙 節 官 元年九三 = 兼 不 州 進 鹵 司 度使 書 員 判 峙 皆因 簿,與 報 縣 册 使 戸 外 皇 月、太常 在 稅 o. 充三司 正。(影庫本粘籤) 盧文進 郞 何 部 .禘嘗而頒爵祿,所以示無自專,禀之于祖宗也。」今 宣徽使 帝 百 戶。 1 循 度 御 官 寅 知 內 俱 支事 禮 往 後, 制 使。 以 殿 集朝 院 爲 例 皇子 一高 其 奏, 誥 촖 左 堂 仍後唐之 奏 品 三司 誣 草定 張 兼 捧 衞 引 就 河 告安 移 十將 入, 昭 聖 上將 王 文 册 南 遠 之有 內 受 入 秦王 宣旨 軍 尹 制。 |奏 立 册 職 重 張 ·使李 軍 訖, 于 (舊 儀 使 海 儉、告密 判 可示 位 曰:「會計 注 額 五代史考異) 請 私 通 高 (中)。 行 北 事 市 依 軍 品 德 京 新 自 舍 兵 或 官 諸 奏, 人引 人 博 規。 延 制 仗故 朝 之司, 衞 捧聖軍 士 朗 邊彥温 讀 舊 吐渾 段願 事從 始 册 癸 張 不 也。 例, 載 Í 卯 延 也。 議 ·使 謁朝 築 雖 受 千餘帳 或 日 並族 選 朗 原 以前 册 册 北 封 朝 還 郎 口 初 本作「章 據開 命, 訖, 秦王 第之 京 重 誅 官 充三司 許 內附, 歸院 不 奏, ?元禮 事 中 儀 在 御 州 使」, , 書 案: 一禘嘗 九山 生吐 史 將 節 仍 覆 臨 亦 使、 考歐陽 令 分 李行德 度 無 軒 總 奏, 於 = 乘 自 册 使張 天 行 渾 所 成 班 開 輅 命 , 內 H 其 在 然 {史

唐

陽史傳 史考異) 州。 堂,就 武 石 氏 衞 次 L 帝 刻之訛。 受册訖 封大邑, 戊申,兗州 將 遣 卯 軍 使 ,至應天門外,奉册置于載册之車,秦王升輅,出謁太廟訖,歸理所, ·, 以 (舊五代史考異) 慰納之。 以 必至 前 左監門衛上 殿 奏「淮南 鳳州 廷, 敬愼之道也。 庚戌, 節度使 殺 海 將 本 IF. 州 軍 陳皐 州 衙 都指揮使王傳拯 刺刺 今當司欲準開元體,其日秦王服朝服,自理所乘輅車、備鹵 陳 命使 一爲右 延 史陳宣 福 册 卒 威 福慶長公主 -廢朝。 衞 ,焚燒州 上 將 案:歐陽史作「傳 軍。 丙 城,以所 辰 孟氏。 壬子, 皇子 部兵士及家口五千人歸 以前 鎭 IE 極」,考薛史列傳及通鑑並 儀仗鹵簿如來時之儀。 州 衙 雄武 節 命 度使從厚 使赴太原 軍節度使王 簿, 封宋王 册 從之。(舊五 與 作傳拯, 一思同 永寧 ス塁臣 國 一俱集朝 公主 爲 至 疑 魯

董璋 軍趙 使。 閬、遂三州, 主 擇 不得奏薦著紫衣官員 |客已及三千二百 日 在 謀叛,結連 册 利 九 命 |禮爲同州節度使兼四面行營馬步軍都指揮使。 州 月乙丑 通鑑作三鎭, 閬 州 進納 階州 西 川孟 考利帥為李彦琦, 東川 欲依舊額立 刺 爲 史王弘 知 州縣官。 祥。 檄書,言將 贄上言:「一州 甲 將利、福津二 申, 戊寅, 閬帥為李仁短, 兵 以 擊 鎭 升尚 利 州節度使范 閬 主客戶 書右丞爲正 縣,請置令佐。 逐州爲夏魯奇,今附識 責以 纔及千數, 延光 間諜朝廷爲 樞密院直學士、守工部侍郞閻至,樞 匹 爲檢校 品 從之。 並無 **デ此**。 癸未,利、閬 〈太傅、 名 (縣局) (影庫本 T Z 守刑 11: 酉, - 粘籤) 臣今檢括得新 逐三 詔天下諸州 部 以左 尙 東川 書, 州 驍 節 奏, 充 衞 度使 Ŀ 樞 府, 利 將 密

節度 姚顗 夏魯 尙書右丞,以翰林學 郎,依前充職 密院直 使 為 奇 東部 都 孟 [學士、守尙書右丞史圭,並轉戶 兼 i 虞候 東 知 Л 祥 侍 郎。 行營招 兼 以中書舍人劉贊爲 西 南 丙戌,詔 土、戶 計劃 面 供 公饋使, 部侍郎劉昫爲兵部 使。 東川 庚寅, 天雄 節 御 度使董 以 軍 史中丞, 部侍郎,佐前充職。 右 節度 衞 璋 使 上將軍 可 侍郎、 以御 削 石 敬 奪 史中丞許光義 主 瑭 以翰林學士、中書舍人竇夢徵 在身官館, 一思同 兼 東川 爲 以翰林學士、守戶部侍郎李懌爲 京兆 行 仍 營都 徴兵 爲兵部侍郎 尹 招討使, 充西京留守兼 、進討。 以 **塗州** 以 亥, 兵 爲 節 以 部 工部 四 侍 南 度 西 使 郎 III

步

攻陷 度使 云:藏 州節度使、駙馬都尉趙 矢,事久不行,理 己亥之後, 贈 布帛,言段不言端匹,段者二丈也,宜令三司 閬州 、冰之制,載在前經,戲廟之儀,廢于近代, 劉彦琮移鎭 冬十月壬辰,以太子少傅李琪卒廢朝。 與歐陽史先後殊異, 案:董璋陷閬州,通鑑作九月庚辰,歐陽史作十月乙巳,蓋以奏聞之日爲據也。(舊五代史考異) 難備創。 邠州 其諸侯亦宜準往制藏冰。(舊五代史考異) 延壽之私第。 尚書博士田敏請依舊典藏冰、頒 今附識于此。 (影庫本粘籤) 既朝臣之特舉, 己亥,以左驍衞上將軍 癸巳,以鄜州節度使米君立卒廢 以銷陰陽愆伏之沴 依此 案典禮 給付。」 乙巳,供奉官張仁暉自 以宜行。 冰 甲午,正 李從璋 田敏所奏祭司寒獻羔事宜依。 考歐陽史作十月丁 -, 衙 韶從之。 為陝州 命 使册 利州 節 酉 案五代會 朝。 興平公主於宋 I 始 藏 度 使, 迴, 詔: 奏董 [要載] 陝州 節度使 其桃 薛史繫于 凡賻 原 弧 節

欲 度 李仁矩舉家遇害。 處注 委 病 副 (定其等第 至),文優者超 使、洪鄂道行營副都統、檢校太尉馬希聲爲武安軍節度使,加兼 不 擬 任軍政,乞以男希聲爲帥,故有是命。 。」從之。 丁未, 宮苑使董光業幷妻子並斬於都市,璋之子也。 一資,其次者次資,又次者以同類,道 中 書奏。「東部流內銓諮色選人,所試 理 《侍中。 全疏者於同類中少人 辛亥,以武安軍節 時 湖 南 判兩 馬殷奏, 節,

於鎭州 護, 聞,帝 天子, 西面 州 萬 子,以前 (影庫本粘籤) 軍前奏, 以捧 馬足蹉跌,則貽臣 充振 + 深納之。 豈可 同州 月庚 武 聖 是 自 節 都 日 , 今月十三日, 節度使羅 |輕哉 度使。 為董璋所攻 指 申朔,帝御文明殿,册皇子秦王,仗衞樂懸如儀。 己巳, 幸龍 揮使、 門。 壬 故太子少保致仕封舜卿贈太子 帝斂容謝 下 周敬爲左監門上將軍 守恩州 申 一之憂。 翌 也。 階州刺史王弘贄、 日 黔 ,馮道奏曰:「陛下 乙亥,制 南節度使楊漢章棄城奔忠州 刺史沙彥詢為 之。 臣聞千金之子, 退令小黃門 西川 節度使孟 應州節度使; 瀘州刺史馮暉, Ţ 宮中 坐不 丑 至中書問 ,故兵部侍郎許光義 少傅。 - 垂堂; 無 知祥削奪官爵 事 • 道垂 遊幸近郊 以潁州 庚午, 百金之子, 自利州取山路出劍門關外倒 楊漢章, 堂、 甲子,正衙命使册皇子宋王 團 應州 倚衡之義, ,以其同 則 練使高 原本脱「章」字, 立不 印 贈禮部尚書。辛旦, 節度使張敬達 矣, 董璋 倚 行 若涉 衡。 周 道 叛 爲 因 今據通鑑增 歷山 安北 注 況 也。 貴爲 移 解 雲 丙

弘養、 明宗密召之事,當日人皇王自以見疑出奔,當不待明宗之召也。(舊五代史考異) 有舛誤,今附識于此。(影庫本粘籤) 戌奏:「今月十七日,收下劍州,破賊千餘人,獲指揮使劉太。」是進 其部四十餘人越海歸唐。(殿本) 再至,倍立木海上,刻詩曰:『小山壓大山,大山全無力; 月戊寅,東丹奏:「人皇王浮海適唐。」又義宗傳:「太宗旣立,見疑。 散騎常侍。 七日,收下劍州。 - ,殺敗董璋守關兵士三千人,收復劍州。 馮暉,自利州入山路出劍門關外倒下,殺董墮把關兵士約三千人,獲都指揮使齊彥溫,大軍進攻入劍門次。」又, 青州奏,得登州狀,契丹阿保機男東丹王突欲越海來歸國 薛史統繫于十三日,疑有舛誤。(舊五代史考異) 甲申,日南至,帝御文明殿受朝賀。 羞見故鄉人,從此投外國。』 案 : 通鑑考異引唐實錄作今月十三日,大軍進攻入劍門次。 攻劍門,收復劍州, 唐明宗聞之,遺人跨海持書密召倍, 據通鑑考異引唐實錄云: 丙戌,以給事中鄭韜光爲 攜高美人載書浮海而去。」 契丹國志: 先後殊日。 (三)。 軍前奏:「今月十三日,王 時東丹王失職怨望,因 薛史統繫於十三日, 案遼史太宗紀:十一 倍因畋海上。 薛史不載 左 + 疑 丙 率 使

卒于十一月已已,至十二月始奏聞耳。(舊五代史考異) 節度使。 戌、湖南 樞密院直 十二月乙未,荆南奏,湖南節度使、楚國王馬殷薨, 節度使馬希聲起復,加兼中書令。 辛丑,幸苑中。 學士、戶 部侍郎 丁未,以二王後祕書丞、襲酅國公楊仁矩卒輟朝,贈工部郎中。 史圭爲貝州刺史。 廢朝三日。庚子,以前襄州節度使安元信爲宋州 壬子,以樞密院直學士、戶部侍郎閻至爲澤州 甲寅,遣樞密使安重誨赴 案五代春秋:十二月,楚王殷薨。 西 面軍前。 據通鑑,殷 東 庚

唐

書

+

七

明宗

紀

第

七

校勘

尙書令、 南平王高季興贈太尉。 辰,車駕畋於西山、臘也G.E.。 丁巳,迴鶻遣使來朝貢。 戊午,故荆南節度使、檢校太尉、兼 以蜀路險阻,進兵艱難,潼關已西,物價甚賤,百姓輓運至利州,率一斛不得一斗,謂侍臣 行。」帝許之。言訖而辭,翌日遂行。甲寅,故西川兵馬都監、泗州防禦使李嚴贈太傅。 曰:「關西勞擾,未有成功,誰能辦吾事者〔四! 朕須自行。」安重誨曰:「此臣之責也,臣請 泳樂大典卷七千一百六十五。 丙

校勘記

- (1) 答蕃 「答」原作「各」,據本卷正文、會要卷一三改。
- Ξ 潞州節度使朱漢賓 「潞州節度使」五字原無,據殿本補。
- 閬州 原作「閬中」,據殿本改。 按閬中爲縣,不設防禦使。
- (四)中書門下奏 「門下奏」三字原無,據會要卷四補。
- (云) 護駕步軍都指揮使 「駕」字原無、據殿本補。
- **3** 庚辰 辨題表,長興元年七月壬戌朔,庚寅爲二十九日,在甲戌十三日和辛巳二十日間,當是庚辰十九 原作「庚寅」,據殿本、劉本改。 影庫本 ·粘籤云:「庚寅,以長曆推之,當作庚辰。」按二十史

- (F) 草定册秦王儀注 「冊」字原無,據會要卷二、冊府卷五九三補。
- **元** 臨軒冊 命 「冊」下原有「禮」字,據會要卷二、冊府卷五 九三删。
- 通事舍人引不載謁朝還第之儀 殿本、劉本、會要卷二同。 删府卷五九三作「通事舍人引出,不

載謁廟還第之儀。」

- 8 亦無 乘輅謁朝之禮 殿本、劉本、會要卷二同。 册府卷五九三「朝」作「廟」。
- 不在禘嘗 「禘」原作「烝」,據會要卷二、冊府卷五九三改。
- $\stackrel{\triangle}{=}$ 所試 判 兩節欲委定其等第 「節」下原有「度」字,據會要卷二二、冊府卷六三三刪。
- 突欲 原作托允,注云:「舊作突欲,今改正。」殿本作托雲。 按此係輯錄舊五代史時據遼史索倫

國語解所改,今恢復原文。

吕

(15) 臘也 「臘」原作「獵」,據殿本改。 (15) 誰能辦吾事者 「誰」字原無,據殿本、劉本補。

舊五代史卷四十一

唐書十八

明宗紀第八

賀。 節度使高從誨落起復,加兼中書令。 之日爲據;歐陽史作四年十一月丙戌,蓋以奏聞之日爲據(舊五代史考異)帝慰勞久之,錫賚加等, 禮葬。」壬申,契丹東丹王突欲自渤海國率衆到闕〔〕,案:托雲歸唐,五代春秋作二年正月,蓋以到 守太師、尚書令、楚國王馬殷,品位俱高,封崇已極,無官可 東丹王突欲進本國印三紐。庚辰,以靜江軍節度使馬竇(三)卒廢朝,贈尚書令。 丙子,以沙州節度使曹義金銀中書令。案:原本作「汝州」,今據通鑑改正。(舊五代史考異)丁丑, 長 興二年春正月庚申朔,帝御明堂殿受朝賀,仗衞如儀。 贈, 乙丑、詔曰:「故天策上將軍 宜賜諡及神道碑文,仍以王 丙戌, 荆南 百僚稱

闙

月己丑朔,以宋州節度使趙延壽爲左武衞上將軍,充宣徽北院使。癸巳,詔貢院舊例 唐 書 + 八 明 宗 紀 第 八 五七五

夜試 第。 幕 道 諸 兼 職 行 府 中 書令 少尹 隨 · 軍 辛 進 府 士 上任, 馬 者不在 充 以 今後 鴻 河 副 書試, 中節度 臚 使、 上任,原本作「尙佐」,今從五代會要改正。 此 卿 例。 兩 致仕 使判官已下賓 排門齊入, 使,進 癸丑 一賈馥 封 卒 沂 國公。 即日 職 度使李敬周移鎭 團 一試畢。 以 防軍 樞 酉(言,以右 密院使、守太尉 丁 事 酉, (影庫本粘籤) 判官 幸至德宮,又幸安元信、東丹王突欲之 徐州。 、推官、府縣官等,並以三十日爲 威 衞 以二十五 Ł 、兼中書令安重 詔禁天下開發無主 將軍陳皐爲 日 爲 洋州 限。諸 一海爲 節度使。 州 檢校太師、 墳 刺史、諸 詔

名懷 含利 命。 定州 西道 左 化 衞 宥 擒獲 節 壬申, 則 節度使,充西面行營馬步軍都虞侯。 大將軍。 三月辛酉, 至是安重 刺 ,三人並授檢校太子賓客。 甲子,以前 度、瑞愼等州觀察等使 (蕃將,惕隱宜賜姓)狄,名懷惠, 宜賜姓原氏了,名知感,棫骨宜賜姓服任了,名懷造,奚王副使竭失訖宜賜姓乙氏了, 以 滄州 從珂自河中失守, 一海出 詔 渤海國人皇王突欲宜賜姓東丹,名慕華, 節度使孔循 鎭 (河中,帝召見,泣而謂之曰: 「如重誨意, (国)。 卒廢朝。 歸淸化里第, 其從慕華 則骨宜賜姓例至,名知恩,並授檢校右散騎常侍。 乙亥, 以西京 庚辰,以少府監聶延祚爲殿中監, ·歸國部校,各授懷化、歸德將軍中郞將。 鴻臚卿王瓊爲太僕卿。 清化, 原本作「情化」,今從通鑑注所引薛史改 留守、權知興元 仍授檢校太保、安東都護, 爾安得更相 軍府 丙寅,以皇子從珂爲 見耶! 事 以前 主思同為 雲州 正。(影庫 因 節 有 充懷 Ш 南 是 本

授天下兵馬都元帥、尚父、吳越國王,以其子兩浙節度使元瓘等上表首罪, 使楊漢章爲安州節度使。 楊漢章,原本作「漢重」,今從通鑑改正。(影庫本粘籤) 乙酉, 太師 故有是命。 致仕錢鏐 復

亥,以太常卿李愚爲中書侍郎、平章事、集賢殿大學士。

路州 使張 監 省察寃濫,見禁囚 誤以奏聞 罕陷遂州 部尚書盧質爲 嗣 誨 諸 後率斂爲 衞 昭 密指,令於內中伺帝起居故也。 節 甲辰, 虔釗 故故 副 夏 [之日爲城陷之日〔三〕,宜從蔣史。 |四月辛卯,制德妃||王氏進位淑妃。 使。 度使 夏魯奇自殺。 幽州節度使周德威、故汴州節度使符存審,並配饗莊宗廟庭。 地圖。 爲 以宣徽北院使、左衞上將軍趙延壽爲檢校太傅、行禮部尚書,充樞密使。 鳳翔節 劉 辛亥(11),以前鳳 仲殷移鎮 河陽節 又禁人毁廢所在碑碣(云)。戊戌,詔今年四月禘饗太廟。 徒,除死 歐陽史作四月甲寅,董璋陷遂州,武信軍 腹使。 度使。 秦州。 罪外、 癸卯,以汴州節度副使藥縱之爲戶部侍郎,前宗正卿李諧爲將作 翔節度使朱弘昭爲左武 甲寅,以遂州節 帝幸龍門佛寺祈雨。 並放 二三。」案:歐陽史作乙卯,以早赦流罪以下 詔曰:「久僽時雨, 丁酉, 幸會節園宴羣臣,因幸河南府。 韶錢鏐依舊賜不名。 度使夏 節度使夏魯奇死之,與通鑑異。 魯奇沒於王事 深疚予心。 衞上將軍 己酉(10),天雄軍節度使石敬瑭兼六軍 ,充宣徽南院使。 宜 誅內官安希倫,以其受安 委諸州 己亥,以前徐州節 点 府長 案通鑑:正月庚午,李仁 以薛史考之,歐陽史蓋 詔 故昭義節度使李 與薛史作壬子異。(舊 罷州縣官到任 吏親 壬子,以兵 問 乙巳, 刑獄 度

唐

+

八

明宗

紀

第

五代史考異)

撓諸侯 史馬 代會要改正。(影庫本粘籤) 齒。 將 權 爲 甚便之。 禁麴,其麴官中自造,減舊價之半貨賣。 知制誥崔梲上言,請搜訪宣宗已來野史, 酉,詔:「近聞 、貶官 齋 左 ·卯,以武德使孟漢瓊爲右衞大將軍、知內侍省,充宣徽北院使。 知 希 朗 詔 郎 五 「,求薦 月戊 文 彝 州 衞 指 戊辰,中書奏,應朝臣丁憂者, 書 應見任前資守選官等,所有本朝及梁朝出身歷任告身,並仰送納,委所在磨勘,換 爲 軍 大將軍, 射 鄂州 州 一賣與 午朔,帝御文明殿受朝。 人流 職 百 事、守永州 執 員,安排親昵,或潛示意旨,或顯發 節度使、檢校 同姓人柳居則、伏罪、大理寺斷當大辟、緣經赦減死, 配。 事等,或親居內職,或貴 相州刺史, 長更罰兩月俸,發薦人更加一等,被替人却令依舊。」 如逐處 刺 史馬希範爲洪州節度使、檢校太傅,以權知桂州軍府事、富州 原本脫「刺史」二字,今從册府元颽增入。(影庫本粘籤) 行徒。 長吏自 徇 乙酉,以左金吾大將軍薄文爲晉州留後。 庚申,以三司使、行工部尚書張延期爲兗州 人情, 望加頒賚。 應田 以備編修。 《列廷臣,或宣達君恩,或勾當公事 畝上所徵麴錢並 只仰被替人詣 書題。 從之。 從之。 自今後一 丁丑; 闕 丁卯, 放, 訴, 以秘書監劉岳爲太常卿。 辛巳,以前相州 鄉村人戶一任私造。」時 切止 韶:「諸州府城郭內 被替,原本作「被贊」,今從五 追奪 充三司使。 絕,有所 」甲子, 見任官, 經 鴻臚 由 都官 節 犯 刺史孟鵠 甲申,以 列 者, 度使。辛 終身不 卿 鎭 郎 依舊 發薦 柳 刺

唐 書 + 八 明 宗 紀 第 八

宜敍 仕,其所犯之人並傳者,並當極法。 (代會要改正。(影庫本粘籤) 其不合敍使文書, 公憑, 錄 只以中興已來官告,及近受文書敍理。 如實無子孫,別立人繼嗣,已補得身名者,只許敍蔭一人。 應合得資蔭出身人,並須依格依令施行。」 限百 日內焚毀須絕。 其諸色蔭補子孫,如非虛假,不計 此後更敢將合焚文書參選求 敍蔭, 原本 作「緒蔭」, 庶嫡, 今從五 並

璋移 城歸 未,以 五月丁 **蘇史亦作崇緒等,今仍其舊。(影庫本粘籤)以右散騎常侍張文寶爲兵部侍郎。** 崇緒等潛 以右領軍上將 侍 郞 海 安重誨奏:「男崇贊、崇緒等到州,臣已拘送赴闕。」崇緒至陝州,詔令下獄。 王權 ·闕,待罪於閤門,詔釋之。 時<u>董璋寇峽</u>內諸州,崇阮望風遁走。 宜削奪 悝 酉;與薛史異。(舊五代史考異) 前 河中。 月庚寅,制河中節度使、檢校太師、兼中書令安重誨可太子太師致仕。是日, 中 歸河中。 爲尙書左丞。 書舍人楊凝式爲左 在 軍 身官爵,並妻阿張、男崇贊崇緒等並 癸丑,升廬州爲昭順軍日間。 李肅爲左金吾大將軍。 崇緒,原本作「宗諸」,今從通鑑改正。又,下文兼言崇贊、崇緒,疑此處有脫文,考冊府元龜所引 丙午,以 散 其餘親不問。 隨駕 騎常侍。 馬 軍都指揮使、宣州節度使安從進爲陝州節度使。 壬子,以隨駕步軍都指揮使藥彥稠爲邠州節度使。 戊申,以右 甲午, 壬寅,以尚書左丞崔居儉爲工部尚書,以吏部 以衡州 一賜死,案:五代春秋作五月,誅安重誨,歐陽史作閏 龍武統軍王景戡爲新州 刺史姚彥章爲昭順軍節度使。 壬辰,陝州節度使李從 夔州節度使安崇阮 節 度使。己酉, 棄 1.

本局 癸 丑 一,以邪 公事 書 州節度使劉行踪卒廢朝, 於廳壁,令其遵行 贈太傅。 詔有司及天下州縣,於律令、格式、六典中錄

太原 授同 軍節 州節度使,盧質爲滄州節度使。 嗣,原本作「有嗣」,今從五代會要改正。(影庫本粘籤) 子 名,今據通鑑改正。(舊五代史考異) 前黔州 疑有舛錯。 八 同 ,,詔諸道觀察使均補苗稅,將有力人戶出剩田苗,補貧下不迨頃畝, 代孫韶爲安定縣主簿。 一章事、行京兆尹,充西都留守。 が地震。 正將軍及檢校官。 度使,以天雄軍節度使石敬 六月丁巳朔,復置明法科, 節度使楊漢賓爲羽林統軍。 考册府元顯所引薛史與永樂大典同, 詔天下州府斷獄,先於案牘之上坐所該律令、格式及新勅,然後區分。 壬午,以前秦州節度使李德琉爲定州節度使兼北 乙亥,以鎭州節度使、宋王從厚爲 韶止絕諸射係省店宅莊園 同開元禮。 班為 庚辰, 皇孫太子舍人重美授司勳員外郎, 重眞已下六人並 案:原本作「漢章」,考上文有雲州節度使楊漢章,不應黔州節度使與之同 庚午,以邠州 河陽節度使, 今姑仍其舊,附識 自今年起爲定額。 乙丑,以皇子左衞大將軍從珂依前檢校太傅,加 節 于此。(影庫本粘籤) 以天雄軍 度使張温 節度使石敬班 興唐尹 乙卯,定州節度使李從敏移鎭 爲右龍 依前六軍 , 武統軍。 爲河陽節度使,與上文複互, 以石敬瑭爲 有嗣 面行營副招討使。 者 諸 排 甲戌,以 改 衞 河 、檢括, 副 乙酉,以 陽 使。 魏徵 天 雄 丙 有

秋七月庚寅、以權侍衞馬軍都指揮使、登州刺史張從實爲壽州節度使銀侍衞步軍都指

唐書十八 明宗紀第八

致仕。 人。 越富 揮使。 序、判大理卿事任贊各降一官、罰一季俸,坐斷罪失入也。 例指揮,仍據已造到麴納官,量支還麥本。」從之。甲辰,前晉州節度使朱漢賓授太子少保 司奏:「先許百姓造麴,不來官場收買。 官,更不在赴常調。 省銜,幷內供奉裏行及諸色出選門者〔1世,或降授令錄,罷任日,並依出選門例處分,便與除 五 韶:「應州縣官內,有曾在朝行及曾佐幕府,罷任後,準前資朝官賓從例處分口。 義王,其餘任自於境內祭享。」乙未,詔:「諸道奏薦州縣官,使相先許一年薦三人,今許 庚戌,大理正劇可久責授登州司戶,刑部員外郎裴選責授衞尉寺丞,刑部侍郎李光 壬辰,福建王延鈞上言:「當境廟七所,乞封王號。」敕:「無諸史傳有名(三)宜封爲閩 不帶使相先許薦二人,今許薦三人;直屬京防禦、團練使先許薦 州縣官其間書得十六考者,準格敍 伏恐課額不逮,請復已前麴法,鄉戶與在城條法 加朝散階,亦準出選門例處分。」三 一 人, 今許薦二 其帶

進、法直官比 軍上將軍,前懷州 亥,以太常少卿盧文紀爲祕書監,以祕書監馬編爲太子賓客, 左監門上將軍羅 趙王王鎔男昭誨爲朝議大夫、司農少卿,賜紫金魚袋,繼絕也。 八月丙寅,詔天下州府商稅務,並委逐處差人依省司年額勾當納官。以故鎭州節度使、 禮直 刺 官任使。 史婁繼英爲左監門上將軍。 仍於諸道贓罰錢內,每月支錢一百貫文, 乙丑, 韶"「大理寺官員, 宜 辛丑,升虔州爲昭信軍。 賜刑部、大理兩司,其 同臺省官例 周敬爲右領 升

鱛 亥, 詔 仍舊,其輪 本作「統車」; 官,凡要 行 昭 刑 公事 不得薦銀青階爲州縣官。 信 部 翰林學士、工部侍郎竇夢徵卒。 禮部 遺 軍 於所賜錢 節 公。」己巳, 直 出 尚書致仕李德休卒。 度 承約,原本作「丞約」,今從薛史列傳改正。 樞 次轉對 入,不在 使。 密院李崧充樞密直學士。 三分與 韶:「百官 宜 拘 太傅 停口艺。 (一分。) 東之限。 致仕 職 壬午, 若有封 東,應選授外官者,考滿 丙 王建立、 寅, 辛未,以翰林學士、兵部侍鄓劉昫 韶應有朝臣、藩侯、郡守, 以武平軍節度使馬希振依前檢校太尉、兼 事 丁丑,以前 太子 ,,許非時上表,朔望入閤,待制候對, 壬申,以左龍 (影庫本粘籤) 少保致仕朱漢賓皆上章求 西京副留守梁文矩爲兵部尙書。 癸酉, 武統 日 ", 軍 委本語 李承約爲路州節 詔:「文武 凡欲營葬,未曾封贈,許追封 州 守本官 申奏, 歸 百官, 1,充端 鄉 追 里。 還 一依舊制。」乙 度 五 本司 侍 明殿學士,以 使。 日 詔 中, i 內殿 己卯言, 內 外 依 充 統 軍 起居 致仕 舊執 虔州 原

章 荒 節 名李贊華,改封 度使李從温移鎭河東。 事 田 ,使 及召 九 月 如 (浮客三),不得留占屬縣 丙戌,以前 故。 隴 壬寅,以 西 縣開 · 兗州節度使符彥超爲左龍武統軍。 中書舍人封翹爲 國 詔 公。 天下州縣官,不得與部內富民於公廳同坐。 應有 編 戶。 先 配 禮部侍 辛 諸軍 丑, 契丹 樞密使、檢校太傅、刑 郎,禮部 並. 賜姓名。 侍 己亥,懷化軍節度使東丹慕華賜姓 郎 盧澹 詔天下營田 爲 戶 部尚書范 部 侍 辛亥,詔五坊見在 .! 務, 延光 只 癸卯 許 耕 加 許州 無主 同 平

鷹隼之類,並可就山林解放, 案:歐陽史作丁亥,通鑑從薛史。(舊五代史考異) 今後不許進獻

先與收 敢言 任 追 一贈者 京 朝 者 班 地震多日 冬十月戊午, 7,及詳 了, 據 ·補,後受官者據月日次第施行。」從之。 ,新授命後,便於所司投狀,旋與施行。 在 .朝品秩格例,合得封贈敍封者,並與施行。 有是奏,帝甚嘉之,改賜章服。 ,請遣使臣往彼慰撫,察問疾苦,祭祀山 以前北京留守、太原尹 馮贇爲許州節度使。 丙寅, 封妻蔭子, 準格合得者, 亦與施行。 詔:「應在朝臣僚、藩侯、郡守, 川。」從之。 其補蔭, 辛 先是, ·酉,左補闕李詳上疏:「以 據資蔭合得者, 太原留後 先受官者 準例合得 密奏,無 外官會

判官並三年後與比擬。 衞 郞 刑 壬 丑: 寅, 上將軍華温琪為華州節度使。 部侍郎、以鳳州節度使孫岳充西面閣道使。 張礪爲兵部員外郎、知制誥充職,以汝州防禦使張希崇爲靈州兩使留後。 以給 十一月甲申朔,日有蝕之。 韶今後諸道兩使判官罷任一年與比擬, 事 中崔衍爲御史中丞 仍每遇除授, 己丑,日南至, 福州 量與改轉官資或階勳、 節度使王延鈞奏,誅 書記、支使、防禦團練判官二年,推巡、軍事 壬子, 鄆州奏, 黃河暴漲, 漂溺四千餘戶。 帝御文明殿受賀。 建州節度使王延禀及其子繼雄。 職次云。 丁酉, 以御史中丞劉贊爲 以翰林學士、起居 庚子, 以左威

十二月甲 唐 + ·寅朔,詔開鐵禁,許百姓自鑄農器、什器之屬,於秋夏田畝上,每畝輸農器錢 八 明 宗 紀 第 八 校 勘 記

五八四

使康思立爲陝州節度使。 文五分(言)。 乙卯、 **败於西郊**。 秦州地震。 丁巳,以彰武軍節度使劉訓卒廢朝。 丁丑,詔三司,所過西川兵士家屬,常令瞻給。 庚午,以前利州節度 · 永樂大

校勘記

典卷七千一百六十五。

東州王突欲 「王」字原無,據殿本、通鑑卷二七七、會要卷二九補,下同。 突欲,舊五代史考異

作托雲。

3 馬賓 本書卷三一莊宗紀改。 原作「馬賓」,據彭梭及冊所卷一七八、歐陽史卷六六楚世家、新唐書卷一 九〇劉建鋒傳、

3 己酉 文,二月己丑朔,在辛丑十三日和癸丑二十五 原作「己丑」,據殿本、劉本改。 影庫本粘籤云:「己丑,以長歷推之,當作己酉。」按本卷上 日間,當是己酉二十一日。

(四) 瑞慎等州觀察等使 通鑑 後 唐 所置。 卷二七七改。 薛史"瑞、愼二州本遼東之地、唐末爲懷化節度。」 通鑑注云:「時置懷化軍於慎州。 「愼」原作「鎭」, 據會要卷二九、冊府卷一七〇、 瑞州領遠來 縣, 歐陽史卷七二四夷附錄 慎州領逢龍 縣, 蓋皆

至 則骨 原作「哲爾格」,殿本作札古。 殿本考證云:「扎古舊作則骨。」今恢復原文。

(水) 舍利則刺 原作「錫里扎拉」,殿本考證云:「錫里扎拉舊作舍利則刺。」今恢復原文。

(七) 棫骨 原作「英格」,殿本作裕勒古。 殿本考證云:「裕勒古舊作棫骨。」今恢復原文。

(元) 竭失訖 劉本、彭本同、殿本作格斯齊。 殿本考證云:「格斯齊舊作竭失訖,今改。」

へたし 又禁人毀廢所在碑碣 劉本同,殿本句下有「恐名賢遺行失所考也」九字。

(10) 己酉 原作「乙酉」,據殿本、劉本改。影庫本粘籤云:「以長曆推之,乙酉當作己酉。」按二十史

辨毘表,長興二年四月己丑朔,無乙酉,在乙巳十七日和辛亥二十三日間,當是己酉二十一日。

辛亥 溯閏表,長興二年四月己丑朔,己亥爲十一日,在己酉二十一日和壬子二十四日間,當是辛亥二朔閏表,長興二年四月己丑朔,己亥爲十一日,在己酉二十一日和壬子二十四日間,當是辛亥二 原作「己亥」,據殿本、劉本改。 影庫本粘籤云:「以長騷推之,己亥當作辛亥。」按二十史

以奏聞之日爲城陷之日下「日」字原作「月」,據彭校改。 陽史誤以爲城陷之日,據文義「月」當作「日」。 按此言薛史四月甲寅爲奏聞之日,歐

詔曰久偻……並放 三十五字原無,據殿本補。

廬州 原作「盧州」,按本書卷四四明宗紀:「以廬州節度使兼武安軍副使姚彥章爲檢校太尉、同 據改。

平章事。」太平寰宇記卷一二六云:廬州,「後唐爲昭順軍節度」。 「無諸」原作「如諸」,據冊府卷三四改。 按無諸,史記卷一一四東越列傳有傳。

唐 書 十八八 校 勘 記 呈

無諸史傳有名

準前資朝官賓從例處分 「例」原作「別」,據會要卷二二、冊府卷六三三改。

(F) 諸色出選門者 「色」原作「己」,據劉本、會要卷二二改。

문 依舊執行公事 「執」,盧本同,殿本、劉本作「職」。影庫本批校云:「『職』訛『執』,應改。」按全要

卷一七、冊府卷六三三仍作「執」。

云 其輪次轉對宜停 「宜停」二字原無,據會要卷五、冊府卷一〇八補。

(10) 己卯 原作「乙卯」,據殿本改。影庫本粘籤云:「乙卯,以前後干支推之,當作己卯。」按二十史朔

及召浮客 「及」原作「各」,會要卷一五、冊府卷四九五載長興二年九月敕文均作「及召浮客」,

據改。

CIED 一文五分 作「文」。 劉本同,殿本「文」作「錢」。 影庫本批校云:「『錢』訛『文』,應改。」 按倉要卷二六仍

舊五代史卷四十三

唐書十九

明宗紀第九

守呂夢奇爲戶部侍郎。 鎭 中、中書令,亦分行居右,其餘使相依舊。」從之。 官至兼侍中、中書令,則與見任宰臣分班定位,宰臣居左,諸親王居右。 申,詔選人文解不合式樣,罪在發解官吏,舉人落第,次年免取文解。 難軍。(舊五代史考異) 兼 步軍都指揮使。 延 州。 長 興三年春正月癸未朔,帝御明堂殿受朝賀,仗衞如式。丁亥,陝州節度使安從進移 延州,原本作「逮州」,今據通鑑改正。(影庫本粘籤) 11 11,遣邠州節度使樂彥稠、案:歐陽史作靜 靈武節度使康福率步騎七千往方渠討党項之叛者。庚寅,以前北京副留 庚子, 契丹遣使朝貢。 辛卯,以前彰國軍留後孫漢韶爲利州節度使, 辛丑,秦王從榮加開府儀同三司、兼中書令。 渤海、迴鶻、吐蕃遣使朝貢。 中書門下奏:「請親王 充西面行營副部 如親王 大理正 |及諸使守侍 張居 戊 署

唐

書十九

明宗

五八八

珠上言:「所 頒 諸 州 新定格式、律令,請委逐處各差法直官 二 人, 專掌檢討。」從之。

愛日齋叢鈔云: 絕,蜀 字刻九經印板,敕令國子監集博士儒徒,將西京石經本,各以所 粘籤) 保。 令判國子 隨帙刻印 未,中書奏:「請依石經文字刻九經印板。」從之。 衛大將軍,以前<u>夔州節</u>度使安崇阮 務,以其所費多而 至德宮。 十一鎭人戶,係鎭 毋昭 詔出 以前新州節度使翟璋爲右領軍上將軍 監田敏 月乙 板,廣頒天下。 裔 選門官, 以右衞大將軍高居貞 迅 私 卯 校定九 通鑑載:「後唐長興三年二月辛未, 財百萬 制晉 ※經 所 罷任 營學館,且請板刻九經,蜀 如諸色人要寫經書, 刻 收 將徵科, 國 板印 少、欲復其水利、資於民間碾磑故也。 後 夫人夏氏追册爲皇后。 周年方許 賣,從之。 欲隨其便, 爲右監 後周廣順三年六月丁 並 爲右驍衞 擬議(二), 請依所印 門衞上將軍。 主從之。 初令 宜復置隴城、天水二縣以隸之。」詔從之。 國子 刻本, , 上將軍 以右 自於所司投狀 由 監校定九經, 是蜀中文學 、業本經,廣爲抄寫,仔細 丙 不得更使雜本交錯。」 案五代會要: È, 領 辰, , 庚午, 軍上將 板 原本脫 成,獻之。 幸龍門。 復盛。 雕印 以前 長興三年二月,中書門下 軍羅 「夔州」二字,今據册府元願增 賣之。」 磨勘送中 秦州 叉曰 由 是 周 華州節度使李從昶爲左 詔故皇城使李從璨 看 濫刻 ·奏"「州界三縣之外,別 叉曰 雖 敬爲右威 唐明宗之世, 讀,然後僱召 亂 板之流 書。 世, 自唐末以 · 九 經 叉 行, 衞上 沼罷 傳 宰相 能 實始 布 奏:「請 來, 雕 甚 字 馮道 將 城 甲子, 所在學 え。 於 匠 依石 可贈太 軍 南 (影庫本 李愚請 稻 校廢 經文 各部 王仲 有 幸 田

言

1揮塵錄

一一班的高貧賤時,嘗借文選于交遊間,其人有難色,發憤,異日若貴,

當板以鏤之遺學者。

後仕王蜀爲宰相,遂

盡曉。 踐其言,刊之,印行書籍,創見于此。 書舍人,旬休,閱書于重城之東南,其書多陰陽雜記、占夢相宅、九宮五緯之流。 又有字書小學,率雕板,印紙浸染,不可 史,以鏤板爲正。 子監,爲監中刻書之始。 葉氏燕語正以此證刻書不始于馮道,而沈存中又謂板印書籍,唐人尙未盛行爲之,自馮瀛王始印五經,自後典籍 見兩朝國史。此則印書已始自唐末矣。案柳氏家訓序:中和三年癸卯夏,鑾輿在閩之三年也,余爲中 統覺寮雜記云:雕印文字,唐以前無之,唐末,益州始有墨板,後唐方鏤九經,悉收人間所有經 事載陶岳五代史補。 後唐平蜀,明宗命太學博士李鍔書五經,仿其製作, 刊板于國

也。(舊五代史考異) 埋等十族, 絕斯文,信矣。(舊五代史秀異)甲戌,靈武奏,都指揮使許審環等謀亂伏誅。 案歐陽史: 二月己卯,辭難軍節度使藥彥稠及党項戰于牛兒谷, 與康福入白魚谷追襲叛黨行為獲大首領六人、諸羌二千餘人、孳畜數千, 敗之。 據薛史則甲戌已奏捷, 藥彥稠奏, 誅 党 項 阿 非己卯

大概唐末漸有印書,特未盛行,後人遂以爲始于獨也。

當五季亂離之際,經籍方有託而流布于四方,天之不

先送秦王金裝胡鞍, 象、雲物、水旱,及十曜細行、諸州災祥,宜並報史館,以備編修。 自通爲鄜州節度使。 及先劫掠到迴鶻物貨。 爲党項所掠, 懷化軍節度使李贊華進契丹地圖。 詔彥稠軍士,所獲並令自收, 至是得之以獻。帝曰:「先詔所獲令軍士自收,今何進 勿得箕斂。 詔司天臺,除密奏留中外,應奏曆 己卯,以前河中節度使索 壬午, 藥彥稠進迴鶻可汗

也?」令彥稠却與獲者。 三月甲申,契丹遣使朝貢。

唐 書 + 九 明 宗 紀第 九 靈武軍將裴昭隱等二人與進奏官阮順之隱官馬一匹,有司 五八九

常道 神威 朝。 遣 揮 論 城 使 使 內 罪 的對重。 雄 癸卯 .掘得 合抵 然季 武 宿 法 帝 春行 (三、廣 以右 帝 藏 庚戌,帝觀稼 顧 玉 謂 秋令,臣之罪也。 領 20 捷 宰 :「不可 軍 團 臣日 已下指揮改爲 上 進納 將軍翟璋 以 於近郊。 春雨 一馬殺三人命。」笞而釋之。 賜可洪 稍多, 爲右羽林統軍,以前 更望陛下 民有父子三人同挽犂耕者,帝閔之、賜耕牛三頭。高 左右羽 二百緡、 久未 ·林軍,置四十指揮,每十指揮 晴 廣敷恩宥, 霽、 絹二百匹。 何也?」 安州 久雨 丙申, 庚子, 馬道對 無妨於 留後周 西京 以前 曰:「水旱作沴 、聖政 知裕 奏, 鄜州 也。」 為左 立為 百 節 姓 神武 1 侯 度 軍, 未 使 可 統 軍 雖是天之 孫 洪於楊廣 以神捷、 軍 置 璋 都指 卒廢 麗 國

枕、福 唐府 府,以 舊制 南道 「準勅重定三京、諸道州府地望 如檢校官同 爲上, 夏四月 、潭等州爲都督,望以十大都督府爲額,仍據升降次第,以陝爲首,餘依舊制。 靈州爲首,陝、幽、魏、揚(弘)、潞、鎭、徐爲次,其魏、鎭已升爲七府兼具員內,相 鎭州爲眞定府, 其 五 (甲寅, 三 一府,按十道圖,以鳳翔爲首,河中、成都、江陵、興元爲次。 河南,原本作「河內」,今從五代會要改正。(影庫本粘籤) (日),以先授者爲 詔諸道節度使未帶 望升二府在五府之上,合爲七州, 上,前資在見任之下。 次第者 [五]。 使相及 舊制以王者所都之地爲上,今都洛陽 (防禦、 團練使、刺 新羅王 關內道爲第二,河東道爲第三,餘依 餘依舊制。 金溥遣使貢 史, 班位 又天下舊有八大都督 中興 、方物。戊午, 居檢校官高 (初,升魏州 次升越、 者爲 中書奏: 請 以 河

五

臣不 情, 先人約爲兄弟,故贊華來附。 使李贊華爲滑州節度使。 保口、太傅、太師、國夫人。 兼中書令。 后曹氏曾祖父母已下爲太傅〇〇、太尉、太師、 [圖] 帝顧問侍臣,亦以爲不可與。 定十道圖以次第爲定。」從之。 此 [有大都護,請以安東大都護爲首。 輩來援王都,謀危社禝,陛下寬慈,貸其生命。 能抗 爲 思深矣。」帝然之。 議。 辛未,以幽州節度使趙德鈞兼中書令。 甲子,以太子賓客蕭蘧爲戶部尙書致仕。 初,帝欲以贊華爲藩鎭,范延光等奏,以爲不可。 旣而 壬戌, 前樞密使、驃騎大將軍馬紹宏卒。 帝意欲歸之,會冀州刺史楊檀罷郡至闕(云,帝問其事,奏曰: 吾老矣,儻後世有守文之主, 契丹累遣使求歸則刺、惕隱等〔も〕,幽州趙德鈞奏請不俞允。 只遭則骨舍利隨來使歸蕃(丸), 防禦、團練等使,自來升降極多,今具見在,其員依新 國夫人, 苟若歸之, 必復向南放箭, 旣知中國事 乙丑,以天雄軍節度使、宋王從厚 淑妃王氏曾祖父母已下爲太子太 則此輩招之亦不 不欲 全拒其請 癸亥, 來矣。」 以懷化軍 帝曰:「吾與其 也。 由 詔贈 是近 節

邱令,襲文宣公。 **興元奏,東、西兩川各舉兵相持。** 延 《紹爲右贊善大夫,仍襲封酅國公,食邑二千戶。 五 一月壬午朔,帝御文明殿受朝。 戊申,襄州奏,漢江大漲,水入州城,壞民廬舍。 甲辰,以文宣王四十三代孫曲阜縣主簿孔仁玉爲兗州襲 詔禁網羅、彈射、弋獵。 丁酉, 以太子太師致仕孔勍卒廢朝。 丁亥,以二王後前詹事府 樞密使奏:「近知兩川交 司直

唐

+

九

明宗紀第

九

如令一賊棄 有兩 川 撫衆守險, 恐難討除, 欲令王思同以興元之師伺 便進取。」 韶從

五 步、深一丈二尺,以通漕運,舟勝千石,畫 六月壬子 朔, 幽州趙德鈞奏:「新開東南 圖以獻。」 河,自王 馬 甲寅, 口至淤口,長一百六十五 以權 知高 麗國事王建爲 里,闊 檢校太 六十

至漢州 辭史奏聞之日爲據。(舊五代史考異) 得部下人二十餘,走入東川城,尋爲前陵州刺史王暉所殺, 保,封高麗國王。 知祥已入梓州。」辛酉,范延光奏曰:「孟知祥兼有兩川,彼之軍衆皆我之將士,料其外假 ,西川孟知祥出兵逆戰,璋大敗, 丁巳,衞州奏,河水壞 堤, 案通鑑: 東北流入御河。 孟知祥克東川 在五月,五代春秋、歐陽史俱作六月, 戊午, 荆南奏:「東川董璋領 蓋以 兵 朝 孟

諜,故茲阻隔,今因而 宜. 去「存」字。(舊五代史考異) 一釋放。 甲子,以大雨未止, 使 撫之,何屈意之有!」由是遣供奉官李褒 西川, 齎詔以賜知祥。 放朝參兩 日。 洛水漲泛二丈, 廬舍居民有溺死 詔以霖雨積旬,久未晴霽,京城諸 案:通鑑作李存瓌,唐人避莊宗諱,故 司繫囚,並 以前濮 州

廷形勢以制之,然陛下苟不能屈意招攜,彼亦無由革面。」 帝曰:「知祥予故人也,以賊臣

間

水口,鎭州旱。詔應水旱州郡,各遣使人存問。

刺

史武

延

翰

爲

右領

軍

上將軍

,前階州刺

史王宏贄爲左千牛上將軍。

金、徐、安、

瀬等州:

秋 、七月辛巳朔,以天下兵馬元帥、尙父、吳越國王錢鏐薨,廢朝三日。 案五代春秋: 七月,吳

救接 越王錢鏐薨,蓋祇以薛史廢朝之日爲據也。 錢 有差。 案:「救接錢」,疑有舛誤,考册府元顯亦作「救接」,今仍其舊。(舊五代史考異) 通鑑作三月庚戌,與九國志異 [三]。 (舊五代史考異) 戊子,正 丙戌, 一衙 詔賜諸 追至 命 一賀蘭 使 軍

監修 赤甲山 度使 爲 高 山 福 防禦 、監往發之,竟無所得。 建 F 麗 國 康 節 國 青州節度使王晏球加兼中書令。 授臣尚書令。」不報。 史趙鳳 使, 崩。 福 度使王延鈞進絹表云:「吳越王錢鏐薨,乞封臣爲吳越王。 賀蘭,原本作「駕蘭」,今從歐陽史改正。(影庫本粘籤) Ŧ 工王建。 爲涇州節度使。 并所管興、文二州並依舊隸 壬 爲檢校太傅、同平章事 |辰,以前太僕卿鄭績爲鴻臚卿,以前|兗州行軍司馬|李銖爲戶部尚書。 靈武奏,夏州界党項七百騎侵擾,當道出師擊破之,生擒五 以皇子 幽州 戊戌,太子賓客李光憲以禮部尚書致仕。 衙將潘杲上言,知故使劉仁恭於大安山藏錢之所, 西京留守、京兆尹從珂爲 , 充邢州節 秦、鳳、虎、宋、亳、潁、鄧大水,漂邑屋,損苗稼。 興元府。 r 度使。 T 己丑,兩浙節度使錢元瓘起復, 未, 以門下侍 韶諸州府遭水 鳳翔節度使。 鄓 湖南馬殷官是尚書令,殷 兼 吏部尚書 己亥公司,以前 人戶各支借麥種及等 廢鳳州武 一十騎, 一、同 興軍節制 樞密院差 加守尙 严章事 靈武節 書

使。 甲 ·寅 月辛亥, 以前 振 青州 武節 節度使王晏球卒, 度使張萬進爲鄧州節度使。 廢 朝 二日 己未,以鄆州節 以 利 州節 度使孫漢韶 度使房知温兼中書令 兼 西面 行營招討

第賑

貸

唐

書

+

九

明宗

紀

第

九

移鎮青州 聲卒廢朝。 案通鑑: 丙 寅, 以宰臣李愚爲門下侍郎、平章事、監修國史。 馬希聲卒在七月辛卯,五代春秋從薛史作八月。(舊五代史考異) 乙亥,以湖南節度使馬希 己卯分量, 吐蕃遣

令壞往焉。 乞授節鉞; 部內刺史令錄已下官, 乞許墨制補授。帝遣閤門使劉政恩充西川宣諭使。 申, 西川迴,節度使孟知祥附表陳敍隔絕之由,幷進物,先賜金器等。 荆南節度使、檢校太傅、兼中書令高從誨加檢校太尉、兼中書令。 又奏五月三日,大破東川董璋之衆於漢州,收下東川。又表立功將校趙季良等五人, 九月壬午,以鎮南軍節度使、檢校太傅馬希範爲湖南節度使、檢校太尉、兼侍 壞至閩,具述朝廷厚待之意,知祥稱藩如初,奏福慶長公主以今年正月十二日 壤,知祥甥也,母在蜀.故 壬辰, 供奉官李褒自 中。

巳,契丹遣使自幽州進馬。秦州地震。

大將趙季良等五人正授節鉞,續有處分。 詔報不允。 辭玉帶。先是,兩川隔遠⊆n,朝廷兵士不下三萬人,至是,知祥上表乞發遣兵士家屬人川, 多十月己酉朔,再遣供奉官李瓌使西川,兼押賜故福慶長公主祭贈絹三千匹,幷賜知 己未行,以兵部侍郞張文寶爲吏部侍郎、以戶部侍郞樂縱之爲兵部侍郎。 知祥所奏兩川部內文武將東,乞許權行墨制除補訖奏,詔許之。知祥所奏立功 襄州奏,漢水溢,壞民廬舍。癸丑,以太常卿劉岳 庚申,

不足懼 昇鼎 湖南 五岳 雄。 下尊 失,治亂興亡,誠不繫於天時,固非由於地利,童謠非禍福之本,妖祥豈隆替之源 幸至德宮, 延光 狥 涸 而 逐處守臣 勿論 深 不足懼,蟊 百:[. 1爭高 所以 臨 M 馬希範 可畏,廉 者 萬 桑穀生朝,不能止殷宗之盛 .管轄斷決,近似簡易。」帝曰:「速以宣命條舉之。」 五 深 不 國 如聞禁軍 盛業共磐石永 因幸石敬瑭、李從昶、李從敏之第。 軌 ,有深可畏者六。 可畏者,願陛下修而靡忒。 賊傷稼 荆南高 「恥道消深可畏,毀譽亂眞深可畏,直言蔑聞深可畏,此深可畏者六也。 奄 不物之徒,咸思革面; 有八紘, 戍守,多不 從誨 不足懼,此不足懼者五也。 並進 固。」優韶獎之。 蕩三季之澆風, 振百王之舊典, 設四科而羅 陰陽不調不足懼,三辰失行不足懼,小人訛言不足懼,山 ·稟藩臣之命,緩急 一銀及茶(12), 乞賜戰馬, 帝還其直, 各賜馬有差。 神馬 無禮 加以崇三綱五常之教, `長嘶而玉龜告兆,不能延晉祚之長。 澄言可畏六事,實中當時之病, 無儀之輩,相率悛心。 如 賢人藏匿深可畏,四民遷業深可畏,上下相 壬申,大理少卿康澄上疏曰:「臣聞安危得 何驅使? 」延光日:「承前禁軍出戍,便令 敷六府三事之歌, 然而 俊彦,提二柄 不足懼者, 識者許 T 是知 丑,帝謂范 之。 則 願 故雊 伏惟 唑 國家有 鴻 而 癸酉 基 崩 下 御 與 英 存 哔 JII 雉

徽使、判三司,以宣徽北院使孟漢瓊判院事。 月辛巳, 以三司使、左武衞大將軍孟鵠爲許州節 壬午,史館奏:「宣宗已下四廟未有實錄,請下 度使, 以 前許州節 度使馮贇爲宣

唐

書

+

九

明

宗紀

第九

以左 數月二 兩浙 浙、 常 司。 代會要載十一 馬 以 沿革簿籍 散 及 制 騎 卿 福建、 伏念江 常侍 諸 北方 圖 僕射致仕鄭珏卒廢朝。 以工 彰國 荆湖購募野 書未 湖廣伏乞詔旨,委各于本道采訪宣宗、懿宗、 物。 不不 表 楊 貢于 限 部 列藩 故有是命。 月四日,史館奏: . 卷數,據有者抄錄上進。 凝式 甲午, 侍)湖南 武、威塞等軍蕃漢馬 編。 郞 爲工部侍 史及 文章 日南至,帝御文明殿受朝賀。 蓋以 奥壤,至于閩、 北 己丑 除 光 當館昨爲大中 土州 為 目 息。 報 禮 (五) 樞密使趙延壽 城,久罹兵火,遂 丁亥、以河陽節度使兼六軍諸衞副使石敬瑭爲河東節度使, 狀。」 越,方屬 部侍郎 若民間收得,或隱 庚子. 步總管。 以來,迄于天祐,四朝實錄,尚 動賢。 除目,原本作「際自」,今據五代會要改正。(影 以 祕 乙巳, 成滅絕,難 僖宗、昭宗以上 戈鋌 書監 時 士撰成, 自擾 雲州 契丹 盧文紀 加 已亥, 于 可 同 訪 中 即令各 奏, 帳 平 原, 求。 四朝 章 族在 爲工部尚書,以 河中節度使李從璋加檢校太傅,以 契丹主在黑榆林南 屏翰 屻 野史, 事 列 未 恐 姓名, ့ .雲州境上,與羣臣議擇威望大臣 、纂修, 悉 歲 全于 及 月漸 詔 逐 在 請議爵賞。 轉具 外 深, 朝 京臣僚,不得進 府 日 奏聞 耳 歷、 工部 固 目 庫本 銀 (舊五代史考異) 多 不 謹 臺 奇 接, 粘籤) 捺 尚書崔 事 行 士, 宜 購 長爲 刺 募。 富 泊 從之。 內 有霉 闙 奉賀 居儉 外 造 勅命 典, 制 攻 癸未, 詞 過 雖 長 案:五 城 爲 百司 其 在 頒 至 兼 兩 攸 于

官敬新磨受賄,爲人告,帝令御史臺徵還其錢而後撻之。 十 二月戊 申 朔 供 奉官 T 延 徽 信官 田 繼 勳 並 棄市 癸丑,幸龍門, 坐 擅 出倉粟數 白 觀修伊水石 斛 故 也。 敎 堰 坊 賜

,

具

帝遣

使賜

契

丹

主

銀

器

綵

帛

學士、中書舍人程遜爲戶部侍郎,依前充職。 郎姚顗爲尙書左丞,以尙書左丞王權爲禮部尙書,以兵部侍郎藥縱之爲吏部侍郎,以翰林 弘昭爲襄州節度使,康義誠爲河陽節度使,充侍衞親軍馬步軍都指揮使。 寒,且不可失信於小民。」卽止其役。甲寅,以太子賓客歸藹卒廢朝。 丁夫酒食。 後數日,有司奏:「丁夫役限十五日已滿,工未畢,請更役五日。」帝曰:「不唯時 戊辰,帝畋於近郊,射中奔鹿。 戊午, 壬戌,以吏部侍 以前宣徽使朱

校勘記

是冬無雪。泳樂大典卷七千一百六十六。

(1) 方許擬議 「許」原作「詳」,據彭校及冊府卷六三三改。

與康 白 魚谷,『與』訛『興』,應改。」 福入白魚谷 「與」原作「與」,「福」原作「復」,據殿本、劉本改。 影庫本批校云:「與康福人

3 雄武 殿本、劉本同。 會要卷一二、通鑑卷二七八注引薛史均作「雄威」。

(12) 如檢校官同 「如」原作「加」,據無府卷六一改。

(私) 陝幽魏揚 「揚」原作「楊」,據殿本、劉本改。 (五) 諸道州府地望次第者 「道」字原無,據冊府卷一四補。

書十九 校勘記

唐

- (十) 則刺惕隱 原作「扎刺特哩袞」,注云 「舊作則刺、惕隱,今改正。」按此係輯錄舊五代史時據遼
- 史索倫國語解所改,今恢復原文。
- \mathcal{Z} 冀州 原作「翼州」,據劉本、本書卷九七楊光遠傳、冊府卷九九四改。
- (元) 則骨舍利 原作「哲爾格錫里」,注云:「舊作則骨舍利,今改正。」按此係輯錄舊五代史時據遼史
- 索倫國語解所改,今恢復原文。
- (10) 皇后曹氏曾祖父母已下 「已下」二字原無,據殿本補。
- 淑妃王氏曾祖父母已下 「父」下原有「祖父」二字,據殿本刪。「已下」二字原無,據殿本補。
- $\stackrel{\frown}{=}$ 通鑑作三月庚戌與九國 金徐安潁等州 「潁」原作「頴」,據殿本、劉本改。 志異 「與九國志異」, 孔本作「與九國志同」,

按九國志卷五吳越世家

自注作「三月庚戌」

- 已亥 原作「乙亥」,據殿本改。按二十史朔閏表,長興三年七月辛巳朔,無乙亥。 影庫本粘籤
- 云:「乙亥,以長曆推之,當是己亥。」
- 물 己卯 己卯。」 兩川隔遠 原作「乙卯」,據殿本、歐陽史卷六唐本紀改。影庫本粘籤云:「乙卯,以長曆推之,當作 「遠」原作「過」,據殿本、劉本改。

至 已未 原作「乙未」,據殿本改。按二十史朔閏表,長興三年十月己酉朔,無乙未。 影庫本粘籤

云:「乙未,以長曆推之,當是己未。」

문 (お) 己丑 高從誨 原作「乙丑」,據殿本改。按二十史朔閏表,長興三年十一月己卯朔,無乙丑。影庫本粘 原作「高重誨」,據本卷上文、本書卷一三三世襲列傳、歐陽史卷六九南平世家改。

籤云:「乙丑,以長曆推之,當作己丑。」

8 契丹主在黑榆林南捺刺泊造攻城之具 句 中「主」字同。 「捺刺泊」三字原無,據通鑑卷二七八注引薛史補。 「主」原作「王」,據殿本、通鑑卷二七八注引薛史改,下 殿本作納喇伯。

舊五代史卷四十四

唐書二十

明宗紀第十

內附。 <u></u> 晚傳作長興三年,拜中書侍郎兼刑部尚書、同中書門下平章事, 劉 際加守尚書令、兼侍中,依前河南尹,判六軍諸 正 衙 昫 命使册故福慶長公主孟氏爲晉國雍順長公主, 爲中書侍郎、平章事。 長興四年春正月戊寅朔,帝御明堂殿受朝賀,仗衞如式。 庚子,以前河東節度使李從温爲鄆州節度使。 案:歐陽史劉昫傳作三年,本紀仍從薛史作四年。(舊五代史考異) 衞 與本紀繁年,先後互異,見吳縝纂誤。 事。 遣太常卿崔居儉赴西川行册禮。 庚寅,以端明殿學士、 是日雪盈尺。 尚書兵部侍郎 戊子,秦王從 (殿本) 案 : 歐陽史劉 甲午,

問范延光內外見管馬數, 月癸丑朔〔一〕,案:上文正月爲戊寅朔,則二月不得爲癸丑朔,原文疑有舛誤。(舊五代史考異)帝於 案:錦繡萬花谷引薛史作范延慶, 疑傳寫之誤。(舊五代史考異) 、便殿

唐書

二十

明宗紀第

+

度使; 不能 職名。」從之。 庚午,以御史中丞崔衍爲兵部侍郎,以右諫議大夫龍敏爲御史中丞 省有諸道 令人悲歎耳! 朝定天下,於此堤塢間小大數百戰。」又指一邱曰:「此吾擐甲臺也。 使安元信加兼侍中。 度使、檢校太保康君立贈太傅。 軍 擇其良壯給券,具數奏聞。(舊五代史考異) 五貫(三) 數,樞密使范延光奏:「天下常支草粟者近五萬匹。見今西北諸道蕃賣馬者往來如市,其郵傳之費、中估之直, 國力,臣 家養馬太多,試計一騎士之費,可贍步軍五人,三萬五千騎抵十五萬步軍, 副使姚彥章爲檢校太尉、 匹。」帝歎曰:「太祖在太原、騎軍不過七千,先皇自始至終馬纔及萬。 使 以鄂州節度使馬希廣爲檢校太尉、同平章事,充桂州節度使,以廬州節 ,以臣計之,國力十耗其七,馬無所使,財賦漸消,朝廷甚非所利。」上善之。十月,敕沿邊藩鎮,或有蕃部賣馬, 九 [恐日久難繼。]帝曰:「誠如卿言,肥騎士而瘠吾民,何益 靈鐵轉運使衙職員都押衙、正押衍、同押衙、通引、衙前虞候、子弟,今欲列爲三司 、州混一,是吾養士練將之不至也。 !」 癸亥,以西川節度使孟知祥爲劍南東、西兩川節度使,封蜀王。 濮州進重修河堤圖,沿河地名,歷歷可數。 同平章事;以靜江節度副使馬希範爲鄂州節度 康君立,原本作「軍立」,今據歐陽史改正。(影庫本粘籤) 丁巳, 以虔州節度使、檢校太尉、兼侍中馬希振爲 吾老矣,馬將奈何 」延光奏日:「臣每思之,國 哉 帝覽之,愀然曰:「吾佐先 時事 案五代會要: 今有鐵馬如是, ,如昨, 奄忽一紀, 己未,宋州節 既無所施 使。 腹使 三司奏:「當 故路州 上問 洪州節 金銀武安 日以 見管馬 虚 四十 節 度 丽 耗 口

之師 温爲 所居 也。 也。 甲 進爲夏州留後,以夏州左都押衙、四州防遏使李彝超爲延州留後,仍命邪州節度使藥彥稠 節度使, 傅、 遂州 宮苑使安 校太保、黔南節度使,以西川諸軍 川 申 衙 孫欠夏秋 符彥超爲安州 雲州節度使。 制置鹽州 寢室,蕭然四壁,病榻弊氊而已。 丙戌,賜宰相李愚絹百 節度使李從敏罰 二月己卯,幸龍門。 鎭州 內馬步都指揮使、知昭武 以西川右廂馬步都指揮使、知寧江軍 節度使,以西川 重益帥師援送從進赴鎭。 稅物,及營田 ,故有是命。 行 軍 節度使。 庚寅,以鳳翔行軍司馬李彥琮爲鹽州防禦使。 司馬 一季俸。 左廂馬步指揮使、知保寧軍節度兵馬留後趙廷隱爲檢校太保、閬 趙瓌 延州 莊宅務課利,以其曾輦運供軍糧料也。 癸巳,以右威衞上將軍安重霸爲同州節度使。 匹、錢十 詔除放京兆、秦、岐、邠、涇、延、慶、同、華、興元十州 、節度判官陸院、元從押衙高 節度使安從進奏,夏州節度使李仁福卒,其子彝超自稱留後。 乙酉,以西川 軍 馬 兵 以左衞上將軍盧文進爲潞州 萬、鋪陳物一十三件。 步都指揮使、 一馬留後李肇爲檢校太保、 光鄴具言其事,故有是賜。 節度 ·兵馬留後張知業爲檢校司徒、夔州節度使,以 副使、知武泰軍節度兵馬 知武信軍節度兵馬留後李仁罕爲檢校太 知柔等並 時愚 利州節度使, 病, 節度使,以右龍武統軍張 時范延光等奏,請因夏州 戊子,以延州節度使安從 棄 甲辰,故晉國夫人夏氏 帝令近 市, 坐受路 留後趙季良為 己亥,以左龍 臣翟 從孟知祥之請 光鄴宣問, 長興元 枉法殺人 州 檢

唐

書

+

明

宗

紀

第

+

追册皇后,有司上諡曰昭懿,從之。

具,守蘆阏兵士退守金明鎭 降是命。 侍郎,歐陽史從薛史〔三〕。 五代會要:長興四年 任贊爲戶部侍郎,以吏部侍郎藥縱之爲曹州刺史。癸酉,延州奏,蕃部劫掠餉運及攻城之 追册昭宗皇后何氏爲宣穆皇后,祔饗太廟,百僚進名奉慰,廢朝三日。 觀察使魚崇遠爲秦王府記室多軍。 遣 閣 門使蘇繼顏齎詔促彝超 夏 ULI 甲寅,前鄧州節度使梁漢顒以太子少師致仕,太子賓客裴皥以兵部尚書致仕。戊午, 月戊 申,李彝超]奏:「奉詔除延州留後,已受恩命訖,三軍百姓擁隔,未遂赴任。」帝 時言事者請爲寮王置師傅,上顧問近臣、皆以秦王名勢隆盛,不敢置議,請自選擇, 赴任。 四月,以祕書監劉贊爲秦王傅,前 癸丑,以刑部侍郎劉贊爲祕書監、 忠武軍節度判官蘇瓚為秦王友, 己已,以左散騎常侍 秦王 傅。 案通 鑑作兵部 前襄州 ፓታ

史書法如此。(孔本) 暴得風虛之疾,馮道不敢斥言,因奏事諷悟上意。(舊五代史考異) 班三云:上聖體乖和,馮道對寢膳之間,動思調衞,因指御前果實曰:「如食桃不康,翼日見李而思戒可也。」初,上因御李, **贊改刑部侍郎,贊訴以所授官是丁憂闕,故改焉。皇子從益封許王,鄆州節度使李從温封** ·
克王、河中節度使李從璋封洋王,鎭州節度使李從敏封涇王。 五 月丙子朔,帝御文明殿受朝。戊寅,皇子鳳翔節度使從珂封路王。 甲申、帝避暑於九曲池、旣而登樓、風毒暴作、聖體不豫、翌日而愈。 丙戌, 契丹遣使朝貢。 案 : 從溫等皆明宗從子,故書其姓,薛 丁酉,安從進奏, 新授戶部侍郎任 案北夢

故夏州節度使、朔方郡王李仁福追封虢王。 大軍已至夏州(四),攻外城,以其不受命也。 壬寅,以前晉州留後,薄文爲本州節度使。 庚子,以靈武留後張希崇爲本州節度使。辛丑,

右龍 癸亥,詔御 戊午,宋王從厚加食邑至萬戶,實封一千戶。 實封二千戶。 詔允之。 檢校太尉、兼侍中馬存加食邑實封。甲戌,帝復不豫。 六月 戊辰,以前利州節度使孫漢韶爲洋州節度使。 武統軍,以右驍衛上將軍羅周敬爲左羽林統軍,以右監門上將軍婁繼英爲金州 、丙午朔,文武百僚、宰臣馮道等拜章,請於尊號內加「廣運法天」四字, 詔宮 史中丞龍敏等詳定大中統類。 西新園宜名永芳園,其間新殿宜名和慶殿。 丁巳ED,以右驍衞上將軍李從昶爲左龍武統軍, 甲子,第十四女封壽安公主,第十五女封永樂公 壬戌,以前涇州節度使李金全爲滄州節 壬申、永寧軍節度使、容州管內觀察使、 丙辰,秦王從榮加食邑至萬戶, 以前邢州節度使高允韜爲 凡拜三章, 度使。 刺史。

遺,並 監修李愚奏也。 僧曰:「不工醫, 一人,劉遂淸,原本作「隊請」,今從冊府元龜改正。(影庫本粘籤)云善醫,及召見,乃庸僧耳。問方藥, 直史館,薛史闕載王愼徽。(舊五代史考異)國朝舊制,皆以畿赤尉直史館,今用諫官自拙始,從 秋七月丁丑,以著作佐郎尹拙爲左拾遺〔代〕,直史館。 嘗於|泰山中親覩嶽神,謂僧曰:『吾第三子威靈可愛,而未有爵秩,師爲我 己卯,東岳三郎神贈威雄大將軍。 初,帝不豫,前淄州刺史劉遂淸薦泰山 案五代會要:尹拙爲左拾遺,王愼徽爲右拾

唐

書

+

明宗紀第十

節度使、檢校太傅、守中書令錢元瓘封吳王 卒廢朝,贈太傅。 請之。』」宮中神 巡職掌等規避。 其事 壬午,詔安從進班師,時王師攻夏州無功故也。 詔賜在京諸軍將校優給有差。 ,故有是命,識者嫉遂淸之妖佞焉。 時帝疾未痊,軍士有流言故也。丁亥, 詔應臺官出行, 乙酉, 以許州節度使 須令人訶 引 兩浙 使軍 孟

節 秦王 節 畢,制大赦天下,常赦所不原者咸赦除之。己酉,賜侍衞諸軍優給有差,時月內再有頒給, 自 度使。 度 「茲府藏無餘積矣。 使; 從榮以本官充天下兵馬大元帥,加食邑萬戶、實封三千戶; 八月戊申,帝被袞冕,御明堂殿受册,徽號曰聖明神武廣運法天文德恭孝皇帝 以太子賓客馬編爲戶部侍郎。 戊午,以祕書監高輅卒廢朝。 辛亥,以晉州節度使薄文卒廢朝。 辛酉,以太子太師致仕符習卒廢朝,贈太師。 壬申,幸至德宫 丁巳,以右龍武統軍李從昶爲許州 以右羽林統軍翟璋爲晉州 ·(4)·

節度使 以 元 幸 帥 兵部侍郎盧詹爲吏部侍郎。 至 一德宮。 府 九 以 月 行 》甲戌,以戶部尚書<u>李</u>鳞爲兵部尚書云,以前戶部尚書韓彥惲爲戶部尚書。 帖指揮,其判六軍諸 下帶兵權者,階下具 戊寅、樞密使范延光、趙延壽並加 (軍禮參見; 衞 丙戌,宰臣馮道加左僕射, 事 則 公牒往來,其官屬軍 其帶使相者,初見亦展 兼侍中,依前充使。 職,委元 李愚加吏部尚書, 一度公禮。天下 中書奏:「元 帥府奏請。」從之。 劉昫加刑部尚 帥 ·軍務 儀 注 癸未, 公事, 一,諸道 丙子,

以 唐 書 刑 部 + 侍 鄓 任贊爲 明 宗 紀 兵部侍郎 第 + 充元帥府判官。 六〇七

要:秦王 節度使 靟, 使,以 齊國 使 亡父名章,故改平章事爲同二品 檢 檢校司 加 李贊 校 口 班 將 公主。 位 戊子, 太 平 襄州 及朱 何用 從榮 宜 空王 傅、 章 華 梁漢顒以太子少傅致仕。 在宰臣之上。」 遙 加 弘 也 同平章事 節度使朱弘昭爲檢校太尉、同平章事,充樞密使。 兼中書令,與宰臣分班左右定位,及爲天下兵馬元帥,勅曰:「秦王位隆將相,望重磐維,委任旣崇,等威合 一萬榮爲華州節度使, 領 皇孫重光、重哲並授銀青光祿大夫、檢校工 河陽節度使兼侍衛親軍 昭 虔州 宣 弘 有 一徽南院使、判三司 樞密之命,又面辭訴,帝叱之曰:「爾輩皆欲離朕左右,怕在 節 昭 ,中吳、建武等軍節度使錢 壬: 度使。 退謝,不復敢言。 一寅,以 北 辛丑, 詔 山 萬榮, 丁酉, 行營都 馮贅依前 壬戌,永寧公主石氏 都指 天下兵馬大元帥、秦王 吏部侍郎張文寶卒。 以右龍武統軍高允韜爲滑州節度使, 王妃之父也。 揮使康義 指揮使、易州 檢校太傅、 元 璙 誠 加 檢校太師、兼 刺 戊戌, 進封 同中書門 山 部尚書, 史楊檀爲振 從榮班宜 西道 魏國 時范延光、趙延壽相繼辭退 庚子,清海軍節度使錢元璹 以樞密使趙延壽爲汴州節 秦王、 下 節度使 一公主, 二品 中書令。 武 在宰臣之上。 軍節度使。 宋王 (九), 檢校太傅張虔釗 興平公主趙氏 以前 子也。 充三 ,以韶州刺史、 眼前, 司 滑 案五代會 素養 州 前洋 使。 進封 節 樞 度 加 度 孙 爾

南

廢朝。 + 月 丙午, إلا 削 同 州 節 度使趙 在 禮 爲 襄州 節 度 使。 戊午, 未, 以前鳳翔節度使孫岳爲三司 以前 滑 州 節 度使 張 敬 詢

T

彝超 使。 州 前 爲 使 安州 李 節 左 庚 度 承 神 夏州 節 申 使 武 約 統 爲 張 度使楊漢章爲兗州 以 節 延 軍 左 樞 丁,以右 度使、 龍 朝為秦州 密使范延 武 統 檢校司徒。 ·監門上將軍 軍 節度 ·,以前 光爲鎭州節度使,以三司使馮贇爲樞密使。 使。 節 威 l度使, 塞 高 丙 壬 允貞 寅, 軍 申 以前 節 詔在朝文武 秦州節 (爲右 度 使王 雲州 神 一景戡為 度 武 節度使張 使 統 臣僚並 劉 軍 仲殷 • 0 右 敬達為 龍 壬 興加 移 一戌, 武統 鎭 恩,以受册 以 徐州節 宋州 軍 權 下, 以 知 左驍 夏 辛酉, 度 州 使。 尊 衞 事 號 以 上 庚 也 前 將 檢 午, 路州 軍 校 戊辰,以 安崇阮 以前 司 空李 節 兗 度

汴州 彰義 取尚 和亭 爲 比 盧 質 保 得 兼 書丞、郎上 奏「臣 節 軍 順 不 度使李從曮爲鄆州節度使,以 節 軍 敢自臣隳廢前 療王從榮傳作十一月戊子,雪,明宗幸 月丙 度使、檢校 辛巳,以 . 忝除官,合赴省上事,若 子 事 ,以前 例,止集南省屬僚及兩省官送上,亦不敢 人太尉 保 !規,他時任行舊制。」從之。 大 滄 、同平 州節 軍 節 度 度使、檢校太尉 章 使盧 事 杜建徽爲昭 準舊例,左右僕 質 鄆州節度使李從 宮西士 爲 右 和亭得傷 僕 鮑君 射 化 戊子,帝 寒疾 (10) 軍 福 射上 庚 爲保 節 温爲 辰, 度、 事 順 改愼 定州 順瑞 輒援往 儀注 紀傳 不 軍 豫 節 互異。 州 所 節 司 度、洮鄯 犪 養極 等州觀 度使。 案:歐陽史本紀作十 例,有費 化 五代春秋 軍爲昭 多, 際使。 等州 丙戌,新授右僕 官用, 從 欲從權 一群史作 化 觀察 軍 Z 月壬申,幸士 自量 務簡 ٠, .戊子, 一酉,以 等使,以 升 一力排 洮 帝不 射 前 州 只

豫。(舊五代史考異)

己丑,

大漸,

自廣壽殿移居雍和殿。

是夜四鼓後,帝自御榻蹶然而興,顧謂

道率百 醫 置,所在馳 南府 州 斬 俱從難敗作壬辰。(舊五代史考異)帝聞之悲駭,幾落御榻,氣絕而蘇者再,由是不豫有加。癸巳,馮 橋,內出禁軍拒之。 義誠殺孫岳, 乙未,以三 午,賜宰臣、樞密使御衣玉帶,康義誠已下錦帛鞍馬有差。 知 、並除名。 如 漏 進湯膳。 友 肺 推 ·宮女曰:「今夜漏幾何?」對曰:「四更。」因奏曰:「官家省事否?」帝曰:「省。」因 爲 元 蘇 僚見帝於雍和殿,帝雨泣哽噎,曰:「吾家事若此,慚見卿等! 官尹諲 者數片,便溺升餘。 長 帥 瓚 一瞬發 一司使孫岳爲亂兵所害廢朝。 流 是以廢朝之日爲專殺之日也。(舊五代史考異)丁酉,勅秦王府官屬,除諮議參軍高輦已 府判官、兵部侍郎任贊配武州,秘書監兼秦王 六軍 配 至曙, E 萊州 ,六軍巡官董裔 遣 姓,縱逢 判官、殿中監王居敏責授復州 帝小康。 從榮敗奔河南府,遇害。 記室參軍 時宰相、樞密使共議任贊等已下罪,馮道等曰:「任贊前在 恩赦 六宮皆至,慶躍而奏曰:「官家今日實還魂也。」已食粥一 壬辰,天下大元帥、守尚書令、兼侍中、秦王從榮領兵陣於天津 ,不在放還。河南 張 魚崇遠配 九思, 河南 慶州, 案:孫岳被害,通鑑繫於壬辰,蓋與從榮之死同日。歐陽史作乙未,康 府 少尹 案 : 河南府 巡官 口 馬, 五代春秋作壬午,誅從榮。 李薨配 張沆、李潮、江 六軍 推官王說配 一傅劉贊 石州 推官 遣宣徽使孟漢瓊召宋王於鄴都。 郭晙 配 泂 隨 嵐州 一文蔚 南府 州,並 責授坊州 一百僚皆泣下霑襟。 蓋傳寫之訛,歐陽史及通鑑 並勒歸 ,河南少尹劉陟配 判官司 爲 長流 司戶, 徒詡 班行,比與從 田 里。應 百 配 姓。 並 一睡出肉 器, 寧州 長流 員 均 虚 侍 泂 甲

六十七。 耳語,至天津橋南,指日影謂諸判官曰:『明日如今,已誅王居敏矣。』則知其冗泛之徒,不可 **榮無舊,除官未及月餘,便逢此禍。** 例從坐。」朱弘昭意欲盡誅任贊已下,馮贇力爭之乃已。 從榮所款昵者高輦、劉陟、王說三人,昨從榮稱兵指闕之際,沿路只與劉陟、高輦 王居敏、司徒詡疾病請假、將近半年,近日之事、計不同 戊戌,帝崩於大內之雍和殿,壽 並 轡

四字, 備鼠雀侵蠹,謂之鼠雀耗。」倉糧加耗,自此始也〔三〕。 之?」對曰:「竭盡家產,不足則繼之以身命。」明宗愴然曰:「只聞百姓養一家,未聞一家養百姓。 今後每石加二斗耗, 月, 罪,其較量甚輕 [1]]。 旬,純厚仁慈,本乎天性。每夕宮中焚香仰天禱祝云:「某蕃人也,遇世亂爲衆推戴,事不獲已,願上天早生聖人,與百姓 于徽陵。 侍郎、平章事劉昫宣遺制,宋王從厚於柩前卽皇帝位,服紀以日易月,一如舊制云。 明年四 太常卿盧文紀上諡議曰聖智仁德欽孝皇帝, 十二月癸卯朔,遷梓宮於二儀殿,宋王從厚自鄴都至。 爲聖德和武欽孝皇帝。 泳樂大典卷七千一百六十六。 明宗因謂之曰:「且朕自省事以來,倉場給散,動經一二十年未畢,今輕量如此,其後銷折將何以償 宰臣劉昫撰諡册文,宰臣李愚撰哀册文,是月二十七日葬 五代史補: 五代史闕文:明宗出自邊地, 明宗之在位也,一日幸倉場觀納,時主者以車駕親臨,懼得 廟號明宗,宰臣馮道議請改「聖智仁德」 是日發哀,百僚縞素於位,中書 老于戰陳, 即位之歲,年已六 以

爲主。」故天成、長興間,比歲豐登,中原無事,言於五代,粗爲小康

亦可宗也。 至,諒由天贊,匪出人謀。及應運以君臨,能力行於王化,政皆中道,時亦小康,近代已來, 史臣曰:明宗戰伐之勳,雖高佐命,潛躍之事,本不經心。會王室之多艱,屬神器之自 惜乎! 君親可輔,臣子非才,遽泯烝嘗,良可深歎矣。 儻使重誨得房、<

杜之術,從榮有啓、誦之賢,則宗祧未至於危亡,載祀或期於綿 永樂大典卷七千一百六十六。

校勘記

(1) 二月癸丑朔 朔,則「癸丑」下不當有「朔」字。 殿本、劉本同。 冊府卷四八四無「朔」字。按二十史朔閏表, 長興四年二月丁未

- (三) 中估之直日以四十五貫 殿本、劉本同。 會要卷一二作「市估之直,日以四五十貫」。
- 〔三〕通鑑……薛史 十三字原無,據舊五代史考異補。
- (图) 夏州 原作「頁州」,據殿本、劉本改。
- 至丁巳 朔闊表,長興四年六月丙午朔,在内辰十一日和戊午十三日間,當是丁巳十二日。 原作「丁未」,據殿本、劉本改。影庫本粘籤云:「丁未,以長曆推之,當是丁巳。」按二十史
- [A] 著作佐郎 「佐」原作「左」,據殿本、劉本改。

四

全)

聖明神武廣運法天文德恭孝皇帝 「運」原作「道」,據殿本、劉本改。 影庫本批校云:「廣道法

天,『道』應作『蓮』。」

3 李鏻 原作「李璘」,據本書卷一〇八李鏻傳、歐陽史五七李鏻傳改。

(元) 同中書門下二品 原作「同平章事中書門下同二品」,據通鑑卷二七八、本書卷四五閱帝紀改。

8 幸士和亭得疾……明宗幸宮西士和亭得傷寒疾 本紀、卷一五.腊明宗家人傳改。 「士和亭」原均作「上和亭」,據歐陽史卷六唐

 $\stackrel{\square}{=}$ **倉糧加耗自此始也** 原作「倉糧起自此也」,據五代史補卷二改。

原作「懼得其罪較量甚輕」,據五代史補卷二改。

懼得罪其較量甚輕

唐書二十一

閔帝紀

今據文改正。(影庫本粘籤) 也,以帝有德望,深所猜忌。帝在鄴宮,恒憂其禍,然善於承順,竟冤閒隊,閱隙,原本作「聞隱」, 專封宋王。 檢校太傅。三年三月日了,授汴州節度使。四年,移鎭河東。長興元年,改授鎭州節度使, 夫、檢校司徒。二年四月(11),加檢校太保、同平章事、河南尹,判六軍諸衞事。十一月,加 亦作第三子,與薛波同。母昭懿皇后夏氏,以天祐十一年歲在甲戌,十一月二十八日庚申,生帝 於晉陽舊第。 閔帝,諱從厚,小字菩薩奴,明宗第三子也。案:歐陽史作明宗第五子,吳縝嘗辨其誤。 二年,加檢校太尉、兼侍中,移鎭鄰都。三年,加中書令。秦王從榮,帝同母兄 帝髫齔好讀春秋,略通大義,貌類明宗,尤鍾愛。天成元年,授金紫光祿大 今考五代會要

唐

書二

+

閔帝紀

公。 質 門之東廡下,宰臣馮道進曰:「陛下久居哀毁,臣等咸願一覩聖顏。」朱弘 春秋作癸亥朔,蓋 涇王 殿,從之。 拜 未,羣臣 軍 六日戊戌, 王權 前 十九 爲 節 從敏權 退。御光政樓存問軍民。 孫后, 橋 度 司 DCI 日, 判官唐汭 道 年 副 爲 明宗 一僕射、平章事 上 禮 原本作「孜兵」, 使 頓 十一月二 一表請 帝 辛未,帝御中興殿, 崩,二十九日辛丑,閔帝已至自鄴矣,不 | 儀使,兵部尚書李鳞爲鹵簿使,御 知 遞 王玫爲三司使。 至 傅 使。 河 自 寫之訛, 聽政,表再上,詔允。 為諫議大夫, 南府事,尋以盧質代之。 鄴 + 庚申,以 今據通鑑改正。(影庫本粘籤)丁卯 馮道爲 日 歐陽史、通鑑俱從薛史作癸卯。(舊五代史考異) 案歐陽史云: 秦王 前 癸亥, 山陵使,戶部尚書韓彥惲爲副, 誅, 辛亥,賜司衣王氏死, 相州 掌書記趙彖爲起居郞, 羣臣列位, 明宗崩,秘其喪六日。 翌日,明宗遣宣徽使孟 刺 故 己酉,中外將士給賜有差。庚戌,帝穣服見羣臣於廣壽 檢 史郝瓊爲右 校太 乙卯,賜司儀康氏死,事連王氏也。 得云 馮道升階進酒, 秘 尉、 :史中丞龍敏爲儀仗使,右僕射、權 喪六日也。(舊五代史考異) 帝 右 聽 考長興四年十一 衞 坐秦王事也。 釋縗 衞 上將軍、 大 元從都押衙宋令詢爲磁州 漢瓊馳驛召帝 服 將 帝曰:「比於此物無愛, 發喪於西宮,帝於 軍, 中書舍人王延爲 羣 月癸酉朔,二十日壬 充宣 充三司 臣三上 癸丑,以前鎭州節度使、 黴 十二月癸卯 使孫 表, 北 二十六 昭前舉帽, 院使; 請 岳 柩前 復常 贈 判官,禮部尚 辰,誅從榮, 丙辰,以天雄 日, 知 太尉 以 朔, 刺 除賓友之 卽 泂 膳, 明宗 光 羣臣 南 史。 位 案 禄 齊國 府盧 不...五代 御正 崩 卿 再 Ţ

爲應順 遞副 (異 可 貢方物,故可汗仁裕進遺留馬。 也。 (影庫本粘籤) 帝御廣壽殿視朝,百僚詣閣門奉慰。 使。 應順 丑,以太常卿崔居儉爲祕書監,以前蔡州刺史張繼祚爲左武衞上將軍,充山陵橋道 元年。 乙亥,契丹遣使朝貢。案遼史太宗紀: 戊寅、御明堂殿,仗衞如儀,宮懸樂作,羣臣朝服就位,宣制大赦天下,改長興 元年春正月壬申朔,壬申,原本作「甲申」,據下文有乙亥、丁丑等日,「甲」字當係「壬」字之訛,今改 時議者以梓宮在殯,宮懸樂作,非禮也,懸而不作可也。 是日,命中使三十五人以先帝鞍馬衣帶分賜藩位 天顯九年閏月戊午,唐遣使來告哀,即日遣使祭弔。《舊五代史考 時議者云, 月首以朝服臨(三), 廻鶻 可汗仁美遣使 視 五 年

右 使; 誠, 步 「廂都指揮使、欽州刺史朱洪實爲寧國軍節度使, 今據通鑑改正。(影庫本粘籤) 以侍衞步軍都指揮使、忠正軍節度使張從賓爲涇州節度使,並加檢校太傅; 軍都指揮使、河陽節度使康義誠 庚辰,宰臣馮道加司空,李愚加右僕射,劉昫加吏部尙書, 甲申,以侍衞馬軍都指揮使、寧國軍節度使安彥威爲河中節 加檢校太尉、兼侍中, 加檢校太保, 判六軍諸衞事。 餘並 **,充侍衞馬軍都指揮使;以** 如故。 壬午, 康義誠,原本作「節 侍衞 以捧聖 親 度

唐

衛左右廂都指揮使、嚴州刺史皇甫遇爲忠正軍節度使(E)、檢校太保,充侍衞步軍都指揮

嚴

| 祥 解 書令 尙書 趙 趙 節 洺 高 使、 兼 並 軍 表 中書 延壽 在 度 州 從 堅讓中書令,制改兼侍中,封邠國公。 加 、檢校 使 禮 戊子 馬 施 兼 不 專 以 令, 受命 練 希 中書令。 封 並 太尉、兼中書令房知温 並 秘 使 範 南 , 劍 書監盧 加 加 樞密 南 皇 平王 封 幽 檢校 檢 楚王 州 甫 丙申 東 校 使、檢校太尉、同平章事朱弘昭, 節度使、檢校太尉、兼中書令趙德鈞 北京留守、 立 太尉 太 西 文紀爲太常 , 加 南平,原本作「面平」,今據十國春秋改正。(影庫本粘籤) 鎭州 師 兩 檢校 甲午 Ш 節 節 辛 戊 兩浙 太保,充鄜州節度 迚 戌, 度 度使、檢校太 河東節度使兼大同彰國振武威塞等軍 一,以振 使、 卿 加 山 節度使、檢校太師 檢校 檢校太師。 充 南 武 Ш 西 太尉、兼侍 軍節度使、安北都護楊檀兼大同、彰國、振武、威塞等 道 陵 尉、兼中 庚寅, 鳳翔節度使、潞王從珂加兼侍中, 禮儀使。 節 度使、檢校太傅 使; 辛 jp, 書令、 前彰義 中范延光 樞密使、 壬辰, 守中 以翰林學士承旨、尚書右丞李懌 加檢校太師、兼中書令。 蜀王孟 書令、 軍 荆南 檢校太尉、 節 "、同平 汴州節 腹使康 吳王 節度使、檢校太尉、兼 湖南節度使、檢校 知 章事 祥 錢 蕃漢馬步總管石敬 度使、檢校 加 福 同中書門下二品馮贇, 元瓘 張 檢 加檢校 虔釗 校 進 太 封 師 太尉、 太傅,充邠 沒越王 襄州 樞 太尉、 青州 密 制下, 兼侍 爲 使 中 節 度 馮 書 瑭 兼 工 節 使 令 中 州 中 部 前 加 度

都 i 虞侯, 充 北 面 馬 軍 都 指 揮 使

月壬寅朔, 羣臣赴西宮臨。 癸卯,御文明殿入閤。 以前右僕射、權知河南府事盧質

皆北 兵部侍 州節 爲 中書舍人崔梲爲工部侍郎至,依前充職。 侍省孟漢瓊加開府儀同三司,賜忠貞扶運保泰功臣。 時而發,乃引內于密近,以其黨陳又監之。(舊五代史考異) 爲部曲王希全所害,案:彥超被害, 院復置寫眞官、 佐 書修創凌煙閣 面 l命功臣人數,請下翰林院預令寫眞本,及下將作監興功,次序間架修建。」 寫 (工人,並已淪喪,集賢院所管寫眞官、畫眞官人數不少,都)洛後廢職。 太子少傅兼河南尹。 度 功高諸侯王,隔外面次第圖畫功臣題贊。 面 了, 閣 使 案通鑑:內以文學從帝,歷三鎮在幕府。及即位,將佐之有才者,朱、馮皆斥逐之。內性迂疎,朱、馮恐帝含怒有 館,以太僕少卿竇維爲大理卿。 丙午,正衙命使册皇太后曹氏。 が趙鳳 有中隔, 加爵邑。 畫眞官各一員, 隔內面北寫功高宰輔, 尋奉韶問閣高下等級。 以諫議大夫唐汭、 自是諸藩鎭文武臣僚皆次第加恩,帝嗣位覃恩澤也。 通鑑從薛史作閏月,五代春秋繁于正月,殊異。 餘依所奏。 甲寅,正衙命使册皇太妃王氏。 戊申,以前雄武軍節度使劉仲殷爲右衞上將軍,邢 膳部郎中知制誥陳乂並爲給事中, 隔內面,原本作「內回」,今據近代會要改正。(影庫本粘籤) 以給事 蓮按凌煙閣,都長安時在 宣徽南院使、驃騎大將軍、左衞上將軍、 丁巳, 自 西京板蕩, 中張鵬 安州 保泰,原本作「衞泰」,今據册府元龜改正。(影庫 奏, 爲御史中丞, 四十餘年, 此月七 日夜, 西內三清殿 (舊五代史考異) 以御史中丞龍敏爲 舊日主掌官吏及畫 集賢院上言:「準敕 今將起閣, 乃詔集賢御書 節度使符彦 以翰林學士、 充樞密院直 側 廢朝一 望先定 知內 南 超 像

唐

爲少府監。 日。 戊午, 以 丙寅, が前振 武 幸至德宮。 軍節度使、 車駕至興教門, 安北都護高行周爲彰武節度使。 有飛鳶自空而墜, 辛酉, 殭於御前。 以前鄆州使范政 是 日 大風

晦

用之。 留守。 使藥彦 署; 都留守事,以前 吉至宋州,繫於軍院。 殿中監。 京留守王思同奏,鳳翔節度使、路王從珂拒命。 度使、路王 改正。(影庫本粘籤) 車駕不行。」不從。 以前邠州節度使藥彥稠爲副部署。 (舊五代史考異) 稠 月乙亥,以前鎭州節度使、涇王從敏爲宋州節度使。 爲副。 山陵使奏:「伏覩御札, 庚子,殿直楚匡祚上言, 從珂爲權北京留守, 群史作丁酉,與歐陽史異。 據通鑑則思同以辛卯充都部署,丁酉加同平章事也。 河中節度使、洋王從璋權知鳳翔軍軍府事。 己卯,以前徐州節度使、檢校太傅李敬周爲安州節度使。是日,宣授鳳翔節 以河中節度使安彥威爲西面兵馬都監,以前定州節度使李德珫爲權北京 乙未,樞密使馮贇起復視事,時贇丁母憂也。 重吉,路王之長子,及幽於宋州,帝獨以金帛賜之,及聞西師咸叛,方 皇帝親奉靈駕至園陵。 以北京留守石敬瑭權知鎭州軍州 案:原本避宋諱作楚祚,今從通鑑增「匡」字。 案歐陽史: 丁酉,王思同加同平章事,充西面 辛卯,西京留守王思同爲西面行營都部署,靜難軍節度 伏見累朝故事,人君無親送葬之儀, 從敏,原本作「使敏」,今從歐陽史家人傳 庚寅,幸山陵工作所。 事, 己亥,以司農卿張鎛爲 以鎭州范延光權 監取亳州團練使李重 蓋采薛史、歐陽史而兼 行營都部 是日 知鄴 西

遣使殺之。

軍李肅 兼之。 作「大役」,今據通鑑改正。(影庫本粘籤)宗正寺奏:「準故事,諸陵有令、丞各一員,近例更委本縣令 州 者,其文任自製撰,不在奏聞。」乙卯,興元張虔釗奏,自鎭將兵赴鳳翔,收大散關。 片散,原本 韶:「藩侯帶平章事以上薨〔+〕,許立神道碑,差官撰文。 未帶平章事及刺史,準令式合立碑 北京留守,充河東節度使。 轉運制置使。 己酉,以鎭州節度使范延光依前檢校太師、兼侍中,行興唐尹,充天雄軍節度使、北面水陸 午,以右領衞上將軍武延翰爲郢州刺史。丁未,洋州孫漢韶奏,至興元與張虔釗同議進軍。 節 i 度 使、 三月甲辰,以前太僕少卿魏仁鍔爲太僕卿。 爲左衞上將軍,充山陵修奉上下宮都部署 緣河南洛陽是京邑,兼令、丞不便。」詔特置陵臺令、丞各一員。己未,以前金吾大將 大同彰國振武威塞等軍蕃漢馬步總管如故。辛亥,以前定州節度使李德珫爲 以北京留守、河東節度使石敬瑭依前檢校太尉、兼中書令,其眞定尹、充鎭 許王從益加檢校太保,前河中節度使、洋王從璋加檢校太傅。 興元節度使張虔釗奏, 會合計鳳翔。

權」,今從歐陽史改正。(影庫本粘籤)山南軍潰。」帝聞之,謂康義誠等曰:「殷幼年嗣位,委政大臣, 衞 右 廂 庚 都指揮使尹暉引軍 (申,西面步軍都監王景從等自軍前至,奏:「今月十五日,大軍進攻鳳翔。 東面入城,右羽林都指揮使楊思權引軍 西面入城, 思權,原本作「世 十六日,嚴

唐

+

閔帝紀

策。 揚言于路日:「到 將以下宣曰:「先皇帝棄萬國,朕 勉之。 」乃出 長,果致猜嫌。 翔 兄弟之間 ,迎兄主 今駕 `,必無榛梗。 下兵甲尚多,臣請 社稷, 股自 [銀絹錢厚賜於諸軍。 卿等頃從先朝千征萬戰,今日之事,寧不痛心! 鳳翔 [歸藩,於理爲便。]朱弘昭、馮贇不對,義誠曰:「西師驚潰,蓋由主將失 更請一分。」 諸公大計見告,殷獨難違,事至於此,何方轉禍。殷當與左右自往 自往 於兄弟之中,無心爭立,一旦被召主喪,便委社稷,岐陽兄 關西,振其兵威,扼其衝要。」義誠又累奏請行,帝召侍 是時方事 其驕誕 無畏如 山陵,復有此 是。 辛 酉, 賜, 幸左藏庫, 府藏爲之一空, 今據府庫, 悉以預賜, 視給將士金帛。 軍 土猶負賞物 卿 衞 等 都

改爲 足, 之。 安從進尋殺馮贇于其第行立。 潛布腹心矣。 化軍節度使, 日,誅馬軍 與薛史異。(舊五代史考異) 乙亥(元),宣諭 以宮闈服 捧聖。 癸亥,以康義誠爲鳳翔行營都招討使,餘如故。 都指揮使朱洪實,坐與康義誠 甲子,陝州奏,潞王 充侍衞 翫增給。 丁卯,潞王 馬軍都指揮使。 詔侍衞馬軍都指揮使安從進京城巡檢。 至陝州。 案通鑑考異云:張昭閔帝實錄:「帝召宏昭,不至,俄聞自殺,乃令從進殺贇。」案從 戊辰,帝急召孟漢瓊,不至, 詔 害西 西面行營將士, 左右羽林軍四十指揮改爲嚴衞, 念爭故也 面 都部署王 以王思同爲副招討使; 俟平 一思同。 鳳 召朱弘 翔 是 案: 白, 日,從進已得潞王書檄, 歐陽史作思同 人賞二百千, 昭,弘昭懼,投于井。 左右龍武、神武軍 以安從進爲順 ?奔歸于京師, 府庫不 死

随, 出 騎從行。 進傳贇首於陝。 曰:「爾誠有馬,控鶴從予。」控鶴從予,原本作「縱鶴空子」,今從通鑑改正。(影庫本粘籤) 奔 衞 與是書異,據下文王弘贊曰:「今以五十餘騎奔竄。」則作五十騎者是也。(殿本) 與薛史異 則質死非関帝之命明矣。(孔本)是夜, 案契丹國志: |愍帝領五十騎自隨,出奔衛州。 帝以百騎出玄武門, 宋史李洪信傅又作少帝東奔,捧聚軍數百 案契丹國志: 謂控鶴指揮使慕容遷 及駕出,卽闔門 愍帝領五十騎自

遷乃帝素親信者也,臨危如是,人皆惡之。

維。今以五 其亡也。今宰執近臣從乎?寶玉、法物從乎?」詢之無有。弘贄曰:「大樹將願,非一繩所 就弘贄圖之。」敬瑭卽馳騎而前,見弘贄曰:「主上播遷,至此危迫,吾戚屬也,何以圖全?」 謀社稷大計」。敬瑭曰:「衞州王弘贄宿舊語事, 於路,帝下馬慟哭,論以「潞王危社稷,康義誠以下叛我,無以自庇,長公主見教,逆爾於路 四鼓,帝至衞州東七八里,遇敬瑭。蓋是月二十九日爲己巳,故次日卽爲庚午朔。(舊五代史考異) <u>弘贄日:「天子避寇,古亦有之,然於奔迫之中,亦有將相、國寶、法物,所以軍長瞻奉,不覺</u> 士總在|路邸矣,公縱以戚藩念舊,無奈之何!」案通鑑考異引南塘烈飆實錄:弘贄曰:「今京國阽危,百官 敬瑭也。」 是月二十九日夜,帝至衞州東七八里,遇騎從自東來不避,左右叱之,乃曰:「鎭州節度 十騎奔竄,無將相一人擁從,安能興復大計!所謂蛟龍失雲雨者也。今六軍將 案歐陽史愍帝紀:戊辰,如衞州。 廢帝紀"己旦,愍帝出居于衞州。 衞州,原本作「衡州」。今從通鑑改正。(影庫本粘籤) 通鑑考異引閔帝實錄云:庚午朔 帝喜,敬瑭拜舞 且.

唐

二 十

閔帝

紀

單戰而死,洪進亦自刎。 以聞,弓箭庫使沙守榮、賁洪進前謂敬瑭曰(10):「主上卽明宗愛子,公卽明宗愛壻,富貴旣 錄,多爲晉帝諱言,當以南唐實錄爲得其實。(孔本) 乃抽佩刀刺敬瑭,敬瑭親將陳暉扞之, 同受,休戚合共之。今謀於戚藩,欲期安復,翻索從臣、國寶,欲以此爲辭,爲賊算天子耶! 無主,必相率攜神器西向,公何不囚少帝西迎潞王,此萬全之計。」 是日,敬瑭盡誅帝之從騎五十餘輩,獨留帝於驛,乃馳騎趨洛 遂與弘贄同謁於驛亭,宣坐謀之。 陳暉,原本作「陳運」,今從歐陽史改正。(影庫本粘籤),守柴與一暉 敬瑭然其言。(舊五代史考異) 敬瑭以弘贄所陳 考酶史朵五代實

宗列傳云:明宗養子從珂,弑其君自立。悟密報太宗曰:「從珂弑君,盍討之。」 薛史及通鑑均不載。(孔本) 晉高 位,諡曰閔,與秦王及末帝子重吉並葬於徽陵域中,封纔數尺,路人觀者悲之。 愍帝,愍帝不飲,巒縊殺之。 與薛史異,歐陽史同薛史。 是日辰時,白虹貫日。 皇后孔氏在宮中,及王巒 迴,即日與其四子並遇害江三。案遼史太宗紀云:九年夏四月,唐從珂殺其主自立,人皇王倍上書請討。又議 弘贄已奉帝幸州解。 四月三日,潞王入洛。 九日,巒至,帝遇鴆而崩口口,時年二十一。案契丹國志:王巒至衞州,進鴆于 五日,卽位。 七日,廢帝爲鄂王。 遣弘贄子殿直王巒之衞州,時 永樂大典卷七 祖卽

史臣曰:閔帝爰自冲年,素有令問,及徵從代邸,入踐堯階,屬軒皇之弓劍初遺,吳王之

千一百七十四。

几杖 之謀,非少主有不君之咎。 人未賜, 吳王,原本作「辰王」,今據前漢書改正。(影庫本粘籤) 以至越在草莽,失守宗祧, 遽生猜間, 遂至奔亡。 斯蓋天命之難諶,土德之將謝故 蓋輔臣無安國 也。

校勘記

泳樂大典卷七千一百七十四。

四月 殿本、劉本同、通鑑卷二七五、本書卷三八明宗紀作正月。

三三月 殿本、劉本同,通鑑卷二七六、本書卷三九明宗紀作四月。

彭本、盧本同、殿本、劉本作「常服」。

影庫本批校云:"朝服,原本係『常服』。」

吕

月首以

)朝服臨

(四) 忠正軍 「忠」原作「中」,據劉本改。 按本卷上文亦有「忠正軍」。

(三) 崔梲 原作「崔稅」,據殿本、劉本、本書卷九三崔稅傳 改。

準敕書修創凌煙閣 「敕」原作「赦」,據殿本、會要卷一八改。

(4) 藩侯 原作「蕃侯」,據殿本、劉本、會要卷九改。

えど 乙亥 寅,康義誠引侍衞兵發洛陽,詔以侍衞馬軍指揮使安從進爲京城 殿本、劉本同。 按二十史朔閏表, 應順元年三月辛丑朔, 巡 無 乙亥。 檢。」 通鑑卷二七九云:「丙

(元) 安從進尋殺馮贇于其第 十字原無,盧本同,據殿本、劉本補。 影庫本批校云:「投于井下原本

唐

曹

= +

校

勘

記

有『安從進尋殺馮贇于其第』十字,應增入。」

貫洪進 劉本同, 殿本、通鑑卷二七九「賁」作「奔」。影庫本批校云:「『賁』,原本係『奔』,誤改

(11) 帝遇鴆而崩 『賁』。」按通鑑注引史炤曰:「奔,姓也。古有墳姓,音奔,又音肥,後遂爲奔。」 永樂大典 (膠卷)卷六八五一有五代薛史王弘贄傳文一條云:「帝崩,險於郡齋東

閣,覆以黃帕。 弘贄嗟嘆之,徐謂方大曰:『吾前於秦川,見魏王死渭南驛,殮於東閣,黄帕覆之,

正如今日之事,吾未明其理也。」」今輯本舊五代史無王弘贄傳,附錄於此。

 $\stackrel{\triangle}{=}$ 是日辰時白虹貫日皇后孔氏在宮中及王巒迴卽日與其四子並遇害 「在宮中及王巒迴卽日」十七字原無,據殿本補。影庫本批校云:「時年二十一句下有『是日辰時 白虹貫日』八字,皇后孔氏下有『在宮中及王巒迴即日』九字,應照原本增入。」 「是日辰時白虹貫日」與

舊五代史卷四十六

唐書二十二

末帝紀上

歲,方得歸宗。今考五代會要、歐陽史諸書,皆作養子,惟實錄作元子,疑因太后令稱爲「皇長子」而傅會也。 歲,明宗養爲己子。案通鑑考異引應廢帝實錄云:廢帝,諱從珂,明宗之元子也。母曰宣憲皇后魏氏,鎭州平山 心自負。及從明宗征討,以力戰知名,莊宗嘗曰:「阿三不惟與我同齒,敢戰亦相類。」莊宗 甚愛之。在太原,嘗與石敬瑭因擊毬同入于趙襄子之廟,見其塑像,屹然起立,帝祕之,私 二十三日,生帝於平山。景福中,明宗爲武皇騎將,略地至平山,遇魏氏,擄之,帝時年十餘 中和末,明宗徇地山東,留戍平山,得魏后。帝以光啓元年正月二十三日生於外舍,屬用兵不息,音問阻絕,帝甫十 小字二十三。帝幼謹重寡言,及壯,長七尺餘,方頤大體,材貌雄偉,以驍果稱,明宗 末帝,諱從珂,本姓王氏,鎭州人也。 母宣憲皇后魏氏,以光啓元年歲在乙巳二,正月 通鑑仍從

唐

書二十二

末帝

紀上

與梁軍戰於胡柳陂 不悅,謂明宗曰:「公當爲吾死 ,兩軍俱撓,帝衞莊宗奪土山,摧驍陣,其軍復振。 渡渡 ||河安往?」||明宗待罪,莊宗以帝從戰 有 時明宗先渡河, 功,由 是 解愠 莊宗

乃悉 衆攻德勝, 天祐 十八年,莊宗營於河上,議討鎭州 德勝, 原本作「得勝」, 今從通鑑改正。(影庫本粘籤) 留守符存審 莊宗命明宗、存審爲兩 在德勝砦未行,梁人謂莊宗已北, 翼以抗之,

還。 自 豆 中軍 莊宗大噱曰:「壯哉,阿三!」賜酒一器。 前進。 梁軍 退却, 帝以十數騎雜梁軍而退,至壘門大呼,斬首數級,斧其望櫓而

將前軍, 同光元年四月,從明宗襲破鄆州。 帝率勁騎以從,晝夜兼行,率先下汴城。 九月,莊宗敗梁將王彥章於中都,急趨汴州 莊宗勞明宗曰:「復唐社稷,卿父子之功

也。

能」,今從新唐書改正。(影庫本粘籤) 一年,以帝爲衞州刺史。 安節少善賈,得相術於奇士,因事見帝於私邸,退謂人曰:「眞 時有王安節者,昭宗朝相杜讓能之宅吏也。

杜讓

能,

原本作

社 誼

北方天王相也,位當爲天子,終則我莫知也。」

三年,明宗 奉韶北禦契丹,以家在太原,表帝爲北京內衙指揮使,莊宗不悅,以帝爲突

騎 都指揮使,遣戍石門。

四年,魏州軍亂,明宗赴洛,時帝在橫水,率部下軍士由曲陽、盂縣趨常山行,與王建

立會,倍道兼行,渡河而南,由是明宗軍聲大振。

天成初,以帝爲河中節度使。 明年二月,加檢校太保、 同平章事。 十一月, 加檢校太

傅。

鞫問。 入。(影庫本粘籤) 不預朝請。 義,卿等可速退,從他私第開坐。」遂詔歸清化里第,清化里,原本脫「清」字,今從通鑑注所引薛史增 足,賴此兒荷石灰、收馬糞存養,以至今貴爲天子,而不能庇一兒!卿欲行朝典,朕未曉其 帝失守,諷宰相論奏行法,明宗不悅。 朝,此城不可入也。」帝止虞鄉以聞,明宗詔帝歸闕。 軍」,今從通鑑改正。(影庫本粘籤) 彥温閉城拒帝,帝聞難遽還, 宣中旨,令牙將楊彥温遇出郭則閉門勿納。 腦, 中其櫛、走而獲免。 長 十一月收城(三), 彦温已死, 明宗以彦稠不能生致彦温, 甚怒之。後數日, 安重誨以 興元年,加檢校太尉。 帝雖悔謝,然重誨終銜之。 帝佝懼重誨多方危陷,但日諷 先是,帝與樞密使安重誨在常山,因杯盤失意,帝以拳擊重誨 重誨又自論奏,明宗曰:「朕爲小將校時,家徒衣食不 是歲四月五日,帝閱馬於黃龍莊,閱馬,原本作同 及帝鎭河中, 遣藥彥稠將兵討彥温,令生致之,面要 佛書陰禱而已。 遣問其故, 重誨知其出入不時, 彦温曰:「但請相公入 因矯

凉留守。 一年,安重誨得罪,帝即授左衞大將軍。 三年,進位太尉,移 鳳翔節度使。 四年五月,封路王。 未幾,復檢校太傅、同平章事、行京兆尹,充西

唐

書二

十 二

末帝

紀

上

財犒 家財以賞軍士。 也。」遂引軍自西門入,嚴衞都指揮使尹暉亦引軍自東門而入,外軍悉潰。 骨肉,且我有何罪!」因慟哭,聞者哀之。 帝征伐,出生入死,金瘡滿身,樹立得社稷,軍士從我登陣者多矣。 財以給軍用。(舊五代史秀異) 十六日,大將督衆攻城,帝登城垂泣,諭於外曰:「我年未二十從先 史李專美傳改正。(影庫本粘籤) 案通鑑考異:是年三月辛丑朔,是十五爲乙卯也。 年幼,未親庶事 月,移帝鎮 二十六日,次靈寶,河中節度使安彥威來降,待罪,宥之,遣歸鎭。 二十七日,次陝州, 関 二十四日,次華州,收藥彥稠繫獄。 二十三日,次靈 卽 諸君凶言,非令圖 太原,是時 ,軍國大政悉委朱弘昭等,王必無保全之理。」判官馬裔孫曰:「君命召,不俟 加兼 是日,帝整衆而東。二十日,次長安,副留守劉遂雅以城降,率京兆居民家 案:歐陽史作己巳,夾陝州,薛史閔帝紀作丁卯,通鑑從薛史。(舊五代史考異)下令告論京 侍 不 中。 降制書,唯以宣授而已。 欲誅君側之罪。朝廷命王思同率師來討。 口, 也。」是夜,帝令李專美草檄求援諸道, 旣 加 案 : |帝子重吉出刺亳州, 女尼入宮, 通鑑唐紀作零口,考册府元龜亦作靈口,今仍其舊。(舊五代史考異) 九國志李彥琦傳"潞王守岐下,諸道將急攻其壘,彥琦時在圍中,罄家 時羽林都指揮使楊思權謂衆曰:「大相公,吾主 二十五日,次閿鄉,王仲阜父子迎謁 帝聞之,召賓佐將更以謀之,皆曰:「主上 帝方憂不測。 陝州節度使康思立奉迎。 三月十五日,外兵大集, 今朝廷信任 李專美,原本作「專養」,今從薛 十七 應順 日,率居民 一賊臣,殘 命誅之。 元年二 誅王 害

二十八日,康義誠軍前兵士相繼來降,義誠詣軍門請罪,帝宥之。 駕下諸軍畢至,誅宣

實錄作癸酉, 牋勸 班見 地。 誠動於三靈,德澤被於四海,方期偃革,遽歎遺弓。 機之壅滯,慰兆庶之推崇。可起今月四日知軍國事,權以書詔印施行。」是日,監國在王德 肉,猜忌磐維,旣輒易於藩垣,復驟興於兵甲。 勳臣 考異引慶帝實錄作三月三十日。(舊五代史考異)教旨以未拜梓宮,未可相見,俟會於至德宮,時六軍 徽南院使孟漢瓊於路左。 F 二十九 歸 功; 致 闕 .及節將內職已累表勸進。是日,帝入謁太后、太妃,至西宮, 伏梓宮慟哭,宰相與百僚 皇 夏 日 拜 |長子潞王從珂,位居冢嗣,德茂冲年,乃武乃文,惟忠惟孝。 四 知「焉」字係「馮」字之訛,今改正。(影庫本粘籤) 園陵]月壬申,帝至蔣橋,文武百官立班奉迎, 至州。 ,帝答拜。 纘紹丕圖,有夾輔之盛業。 **養**]禮終,退守藩服。 歐陽二史從廢帝實錄。(舊五代史考異) 癸酉, 馮道等上牋勸進, 皇太后下令降閔帝爲鄂王。 是夜,閔帝與帳下親騎百餘出玄武門而去。 諸公言遽及此,信無謂也。」衞州刺史王弘贄奏,閔帝以前月 今以宗祧乏祀,園寢有期,須委親賢,俾居監撫 馮道,原本作「焉道」,考契丹國志云:百官班見,潞王答拜,馮道等上 帝立謂羣臣曰:「予之此行,事非獲已,當俟主 又太后令曰:「先皇帝誕膺天睠, 光紹帝圖 **遂致輕離社稷,大撓軍民,萬世鴻基,將墜** 案通鑑: 自少主之承祧,爲奸臣之擅命, 案通鑑引閱帝實錄:七日[四],廢帝爲鄂王。 四月庚午朔,太后令內諸司至乾壕迎潞王。 前 朝廓清多難 離間 有戰伐 **死萬** 一, 明 · 廢 骨 於

唐

書

= + =

末

帝

紀 上

之勞,忠貞贊一統之運,臣誠子道,冠古超今。 鄂王輕捨宗祧,不克負荷,洪基大寶,危若綴旒,須立長君,以紹丕搆。 至,永言嗣守,屬任元良,宜卽皇帝位。」 上蒼之睠命攸臨。 躋孝敬,天縱聰明,有神武之英麥,有寬仁之偉略。 先朝經綸草昧,廓靜寰區,辛勤有百戰 於艱難,致蒼生於富庶。 曰:「相公諸人何罪,請復位。」乃退。 甲戌,太后令曰:「先皇帝櫛風沐雨,平定華夷,嗣洪業 至德宮,原本作「直德」,今從通鑑改正。(影庫本粘籤)宰臣馬道等率百官班於宮門待罪,帝出於庭 一日萬機,不可以暫曠; 鄂王嗣位,奸臣弄權,作福作威,不誠不信,離間骨肉,猜忌磐維。 九州四海, 不可以無歸。 而又克己化民,推心撫士,率土之謳 皇長子踏王從珂,日 况因山有期,同軌斯 歌有屬,

乙亥,監國赴西宮,柩前吿奠卽位。 攝中書令李愚宣册書曰:

館大學士、上柱國、始平郡公、食邑二千五百戶臣馮道等九千五百九十三人上言:帝王 陛下,天賌仁智,神助機權,奉莊宗於多難之時,從先帝於四征之際,凡當决勝,無不成 定之基,保無疆之祚。人謠再洽,天命顯歸,須登宸極之尊,以奉祖宗之祀。 伏惟皇帝 興運,天地同符,河出圖而洛出書,雲從龍而風從虎。 莫不恢張八表,覆育兆民,立大 郎、同中書門下平章事、充太微宮使、太微,原本作「大後」,今從新唐書改正。(影庫本粘籤) 維應順元年歲次甲午,四月庚午朔,六日乙亥,文武百僚,特進、守司空兼門下侍 弘文

享千齡萬祀。 令否者泰,人情大順,天象至明。聚東井以呈祥, 拱北辰而應運(至)。 同軌 岳牧羣賢,至於比屋之倫,盡祝當陽之位。今則承太后慈旨,守先朝遠圖,撫四海 b,親赴因山。 而自|鄂王承祧,奸臣擅命,致神祇之乏饗,激朝野以歸心。使屈者伸, 洎正皇綱,每嚴師律,爲國家之志大,守臣子之道全。自泣遺弓,常悲易月,欲期 臣等不勝大願,謹上寶册,稟太后令,奉皇帝踐祚。 由是文武百辟, 臣等誠慶誠忭, 九州,

謹言。

帝就殿之東楹受羣臣稱賀。

臣,臣唯一子,請王致之麾下,以質臣心。」帝乃以濛攝館驛巡官。至是,帝受册,册曰:「維 署小異勿怪,不出三日,當有恩命。」是夜報至,封潞王。及帝移鎭河東,甚懼,問濛,濛曰: 神,即傳吉凶之言,帝親校房暠酷信之。一日,濛至府,聞帝語聲,駭然曰:「非人臣也。」暠 詢其事,卽傳神語曰:「三珠倂一珠,驢馬沒人驅,歲月甲庚午,中興戊己土。」|暠請解釋,曰: 「王保無患。」王思同兵至,又詰之,濛曰:「王有天下,不能獨力,朝廷兵來迎王也。 王若疑 今改正。(影庫本粘籤) 「神言予不知也。」長興四年五月,府廨諸門無故自動,人頗駭異。 先是,帝在鳳翔日,有瞽者張濛自言知術數,張濛,原本作「張澂」,考歐陽史及册府元驅並作「濛」, 事太白山神,其神祠卽元魏時崔浩廟也。時之否泰,人之休咎,濛告於 遣暠問濛,濛日〔台〕:「衙

書二十二

末帝紀

上

永遠矣。」其後皆驗。夫如是,則大寶之位,必有冥數,可輕道哉 乙未年。」及舉兵,又問之,杲通曰"「今歲蔀首,王者不宜建功立事,若俟來歲入朝,則福祚 後,擢爲天興縣令。(孔本)又,石壕人胡杲通善天文,帝召問之,曰:「王貴不可言,若舉動, 徵,戮之可也。」後人云:「二十三,蓋帝之小字也。」案:太平廣記引王氏見聞錄作馬步判官何某,卽位 叱之曰:「安得違吾旨,不達其事,再放汝還。」退見廊廡下簿書,以問主者,曰:「朝代將易, 已入潞矣,今據冊府元顯改正。又,帝在鳳翔日,有何叟者,年踰七十,暴卒,見陰官凭几告叟曰: 少監同正,仍賜金紫以酬之。帝初封潞王,言事者云:「潞字一足已入洛矣。」案:原本作一足 應順元年歲次甲午,四月庚午朔。」帝回視房暠曰:「張濛神言甲庚午,不亦異乎!」帝令暠 此卽昇降人爵之籍也。」及蘇,詣帝親校劉延朗告之。 「爲我言於潞王,來年三月當爲天子,二十三年。」叟旣蘇,懼不敢言。逾月復卒,陰官見而 士解三珠一珠事,言:「三珠,三帝也,驢馬沒人驅,失位也。」帝卽位之後,以濛爲將作 帝召而問之,叟曰:「請質之,此言無 宜以

辰,以宰臣劉昫判三司。案夢溪筆談載:應順元年案檢一通,乃除宰相劉昫兼判三司堂檢,前有擬狀云:「具官 以府藏空匱,於是有配率之令,京城庶士自絕者相繼。己卯,衞州奏,此月九日鄂王薨。庚 庶,一概施行。帝素輕財好施,自岐下爲諸軍推戴,告軍士曰:「候入洛,人賞百千。」至是, 丙子,

詔河南府率京城居民之財以助賞軍。

丁丑,又詔預借居民五箇月房課,不問士

翰林降制 依前 劉昫,右,經國才高,正君志切,方屬體元之運,實資謀始之規。宜注宸衷,委司判計,漸期富庶,永贊聖明。臣等商量,望授 下文有癸未,疑當作壬午。(舊五代史秀異)帝以鄂王薨,行服於內園,羣臣奉慰。癸未,太后、太妃出 已,邢州奏,磁州刺史宋令詢自經而卒。 此。四月十日。」用御前新鑄之印,押檢二人,乃馮道、李愚也。 :中書侍郎、兼吏部尙書、同中書門下平章事,充集賢殿大學士,兼判三司,散官勳封如故,未審可否? 處分,謹錄奏聞。」其後有制書曰:「宰臣劉昫,右,可兼判三司公事,宜令中書門下依此施行。 令詢,鄂王在藩時都押牙也,故至於是。 案此條可考見五代時案檢之式,今附錄於此。(孔本)辛 付中書門下, 如蒙允許, 甲中, 望付 准

宮中衣服器用以助賞軍。

樞密院 丑,殺彥稠。(舊五代史考異) 然弘昭投井死, 官韓昭裔爲 思同、前別州節度使藥彥稠,共相朋煽,妄舉干戈,互興離間之謀,幾構傾亡之禍,宜行顯 三司使王政爲宣徽北院使。 常赦不原者咸赦除之。 乙酉,帝服袞冕御明堂殿,文武百僚朝服就位,宣制改應順元年爲淸泰元年,大赦天 直學士。 左諫議大夫, 資爲安從進所殺, 俱在三月, 戊子,侍衞親軍都指揮使康義誠伏誅。 是日 充端明殿學士;觀察判官馬裔孫爲翰林學士;掌書記李專美爲 , 以隨駕牙將宋審虔爲皇城使, 丁亥,以宣徽北院使郝瓊爲宣徽南院使,權判樞密院;以前 詔日: 未嘗與義誠同日伏誅也。 樞密使朱弘昭、馮贇、宣徽南院使孟漢瓊、西京 歐陽史作戊子,殺康義誠及藥彥稠。 案五代春秋:乙酉,誅康義誠、朱弘昭、馮贇。 劉延朝爲莊宅使。 鳳翔節度判 ^公留守王 通鑑作己

唐

鲁二十二

末

帝紀

上

以快羣情,仍削 奪官爵云

七十緡 禁軍 扶立生鐵。 至 學士韓昭 妨,宜依常年例。」史館奏:「凡書詔 殿受朝,三日夏至,祀皇 一京師 及鳳 庚寅,鳳翔奏, 下 ,不滿所望,相與謠曰:「去却 今祀在五鼓前,質明行禮畢,御殿在 至軍 胡三省 翔 裔 人錢二十緡,其在京者各十緡。(舊五代史考異) 城下 、樞密直學士李專美錄送。 注云 歸明將 関帝小字 西川 校錢帛各有差。 一地祇, 孟 菩薩。 知祥僭稱大蜀,年號明德。 前二日奏告獻祖 丙申 及處分公事, 臣下 生菩薩, - ,葬明宗皇帝於徽陵。 辛卯,以 案通鑑云 旦後 扶 起 室,不 分請比 左諫議大夫盧損爲右散 初,帝離岐下,諸軍 禁軍在鳳翔歸 條鐵。」 - 奏議, 例 坐。比正旦冬至,是日有 有司上言:「皇帝以五月朔日御明堂 行之。」詔曰:「日出 丁酉,奉神主於太廟。 其 命者,自楊思權、 望令近臣錄付當館。」 無 厭 如 · 皆 望 以 不 此。 騎常侍。 尹暉等各賜二馬 案: |御殿,舉 次之賞, 通鑑作除去菩薩, 祀 壬辰, 事 部端 戊戌,山), 則 祀 及從 詔賜 明殿 駝、錢 次日 事 無

陵使、司 空兼門下侍郎、平章事 馮道上 一表納政,不允。

莊宅使 國 以 振武威塞等軍蕃漢馬步都部署、檢校太尉、兼中書令、駙馬都尉石敬瑭爲北京留守、河東 右 千牛上將軍符彥 五 劉 月 庚子 延 朝 為 朔, **樞密副** 御文明殿受朝賀。 饒 使; 爲 左右嚴衞都指 以權 知樞 乙巳,以左龍 密事房暠爲宣徽 揮使。 丙午, 武指揮使安審琦爲左右捧聖都指揮使, 北院使; 以端明殿學士韓昭裔爲樞密使,以 以成德軍節度使、

節度使,加檢校太師、兼中書令,都部署如故。 延壽進封魯國公。 汴州節度使、檢校太師、兼侍中、駙馬都尉趙

州節度使。 使, 判三司公事,其祀事、國忌、行香,伏乞特免。」從之。(舊五代史考異)詔禮官參酌。有司上言:「李愚私忌,在 奏:「中書以近敕祠祭行事官致齋內,唯祀事得行,其餘悉斷。又,宰臣行事致齋內,不押班,不赴內殿起居,不知印。臣緣 假,李愚十八日私忌,在致齋內,劉昫又奏判三司免祀事,案五代會要:清泰元年五月,幸臣劉昫 廟,稱疾辭命,改差光裔,復稱馬墜傷足,故俱罷之。 召例。」案:五代會要載此奏,下有「差李愚從事」五字,薛史刪去。從之。以陝府節度使康思立爲邢州節度 致齋內。諸私忌日,遇大朝會入閣宣召,皆赴朝參。 以同州節度使安重霸爲西京留守, 戊申,中書門下奏,太常禮院狀,明宗以此月二十日祔廟,宰臣攝太尉行事。 己酉,左監門衞將軍孔知鄴、右驍衞將軍華光裔並勒停見任。 以羽林右第一軍都指揮使、 今祔廟事大,忌日屬私,請比大朝會宣 春州刺史楊思權爲那 時差知鄴應州告 緣馮道在

使,典軍如故。 指 軍節度使范延光爲樞密使,封齊國公; 揮使尹暉爲 庚戌,以司空兼門下侍郎、平章事

馮道爲檢校太尉、同平章事,充同州節度使,以天雄 齊州防禦使。 太常卿盧文紀奏:「明宗一室,酌獻舞曲,請名雍熙之舞。」從之。丁巳,以皇 甲寅, 以侍衞馬軍都指揮、 鄆州節度使李從曮爲鳳翔節度使。 順化軍節度使安從進爲河陽節 辛亥,以嚴衞都 度

唐

書二十二

末帝

紀上

遣 爲 史、文武臣僚,相繼加檢校官,或階爵封邑,以帝登位覃慶也。 子銀青光祿大 左 陝州 威 判官薛 衞 大 節 度使。 將軍,使如故。 文遇往來計 、夫、檢校工部尙書重美爲檢校司徒、守左衞上將軍。 陝州,原本作「隰州」,今從通鑑及歐陽史改正。(影庫本粘籤) 事, 以樞密使、左諫議大夫韓昭裔爲刑部尚書,使如故 故以節鎭獎之。宣徽北院使、檢校工部尚書房暠加檢校司 戊午, 以隴州 初,帝以 自是, 檄書告藩隣 諸道節度使、 防禦使相里 唯金 刺

爲左 景戡爲右 郎、 史、判三司。 吏部尚書、 平章事 聽 己未,太白晝見。 衞 T 聽 德 上將軍,職如故。 、監修國史李愚 同平章事、集賢院大學士、判三司劉昫 癸亥,秦州奏,西川 上 蔣軍 以 樞密副使 加 以前義州刺史張承祐爲武勝軍留後。 特 進, 孟 知祥出 一劉延朗爲左領軍大將軍,職 充太微宮使(も)、弘文館 軍 一迫陷 成州 加門下 侍郎、兼吏部尚書、平章事 以宣徽南院使、右驍 大學士, 如 故。 戊辰,以前右龍武統軍王 餘如故。 庚申,左僕射、門下侍 衞 中 大將 書侍 、監修 軍 郎、 郝瓊 兼 或

腐靈應,宜示殊禮,臣等商量, 禮 正 月,封 秩 同 六 吳山 月庚午朔,改侍 五 岳。 成德公〔六〕,與沂山、會稽 帝初起, 遣使祭岳以求 衞捧聖軍爲彰聖,改嚴 請加封爲靈應王。 、醫巫閭同 站, 從之。(舊五代史考異) 封 及登祚, 至德二載十二月, **衞軍爲** 故有 寧衞。 是報 改吳山 幽州節度使趙德鈞進封北平王,青 壬申,封吳岳成德公爲 [為岳, 案 五 代會要載中書門下 祠 享官 屬 同五 長。 奏: 今國家 靈 天寶 應王 欲所 十載

光、索自通、李從敏第。 壬午, 州 下見禁罪人,委所在長吏躬親慮問,疾速疏決。 衞 上將 節 度使房知温 軍 重美 加檢校太保、同平章事,充鎭州節度使銀河南尹,判六軍諸衞事。 進封東平王。 以檢校太子太傅致仕王建立爲檢校太尉、兼侍中、鄆州節度 癸酉,以前鄜州節度使索自通爲右龍武統軍。 庚辰,幸至德宮,因幸房知温、安元信、范延 甲戌,皇子左 丁丑,詔

使,以前宋州節度使安元信爲檢校太尉、衆侍中、潞州

節度使。

使; 亳州 史。 澄俱爲閔帝所害。 太子 以 百 皇城使宋審虔爲壽州節度使, 姓詣闕訴田不均,累行蠲放,漸失稅額,望差朝臣一槪檢視。」不報。 太傅 以侍 刺 丙戌,襄州節度使趙在禮加同平章事。 癸未,三司使劉昫奏:「天下戶民,自天成二年括定秋夏田稅,迨今八年。 史重吉、皇長女尼惠明大師幼澄舉哀行服,羣臣詣閤門奉慰。 致仕。 衞 步軍 都指揮使、 丁酉,左神武統軍 乙酉,以戶部侍郞韓彥惲爲絳州 壽州節度使皇甫 充侍衞步軍 周 知裕卒,贈太傅。 甲午,以 都指揮 遇爲鄧州節度使; 使; 武勝 刺 史, 以右 軍留後張 以左 衞 上將軍劉 武衞上將軍 以前華州節度使華温琪爲 承站 帝起兵之始,重吉、幼 爲 甲申, 華州 仲殷爲宋州 李肅 節度使公力, 帝爲故皇子 近者相次有 為單州 節度 刺

是月,京師大旱,熱甚,暍死者百餘人。

秋 七月庚子,太子少保致仕崔沂卒。 癸卯,鳳翔進僞蜀孟知祥來書,稱「大蜀皇帝獻書

六三七

唐

書

+

_

末帝紀

上

三十卷上之。

位。 張繼祚爲右衞上將軍,以右驍衞上將軍王景戡爲左衞上將軍,以右領衞上將軍劉衞爲左 甲申,以兵部侍郎龍敏爲吏部侍郎,以祕書監崔居儉爲工部尙書。 前金州防禦使樓繼英爲右神武統軍,以右神武統軍高允貞爲左神武統軍。 官,疑是廢帝初舉兵時所置之官,以其非吏部正授,故須有旨方得選。 書侍郞、平章事。 士承旨、工部尚書、知制誥字懌爲太常卿,以翰林學士、戶部侍郎、知制誥程遜爲學士承旨。 壬申,以尙書禮部侍郞鄭韜光爲刑部侍郞,以前工部侍郞楊凝式爲禮部侍郞。甲戌,以 八月庚午,詔蠲放長興四年十二月以前天下所欠殘稅。辛未,以前尙書左丞姚顗爲中 詔應會受御署官逐攝同一任正官,依期限赴選。 案徐無黨五代史注云: 御署 荆南奏,僞蜀孟知祥卒,其子昶嗣 乙酉,以右武衞上將軍 乙亥,以翰林學

保。 臣盧文紀,使副攝司徒、右諫議大夫盧損詣皇后宮,行禮畢,恩賜有差。 致仕李光憲卒。 武衞上將軍,以右千牛上將軍王陟爲右領軍上將軍。以司農卿兼通事舍人、判四方館事 司上言:「皇后受册,內外命婦上牋無答教。」從之。內申,御文明殿册皇后,命使攝太尉、宰 者,注簿便當一使。自長興三年正月後已曾奉使者,便爲簿首,已後差者,次第注之。」有 王景崇爲鴻臚卿,依前通事舍人、判四方館。丁亥,右龍武統軍索自通卒。 韶:「文武百官差使,宜令依倫次,中書置簿,不得重疊。 若當使者自緣有事,或不欲行 甲午,以太子少傅盧質爲太子少師。乙未,以前邢州節度使趙鳳爲太子太 辛卯,禮部尙書

阿弑其主自立,人皇王倍自唐上書請討。八月,自將南伐,九月乙卯,次雲州。自太宗之伐唐,人皇王召之也。(舊五代史 使、檢校太尉、同平章事盧文進爲安州節度使。 縱之卒。 流,尾迹長數丈,屈曲如龍形。 疏理。 三年敕, 九月己亥,以久雨,分命朝臣榮都城門(10),告宗廟社稷。辛丑,夜有星如五斗器,西南 「畫時」二字原本疑有舛誤,考五代會要亦作「畫」,今姑仍其舊。(影庫本粘籤)壬子,中書門下舉行長興 常年薦送舉人,州郡行鄉飲酒之時,帖太常草定儀注奏聞。 甲辰,以霖霆甚,詔都下諸獄委御史臺憲錄問,諸州縣差判官令錄親自錄問,畫時 又衆星亂流,不可勝數。 己未, 雲州奏, 契丹寇境。 京師大雨,雹如彈丸。 甲寅,以前路州 案遼史太宗紀: 李從 曹州刺史藥 節度

誥呂琦守本官,充樞密院直學士。 令依舊分銓。」從之。辛卯,以左衞上將軍李宏元卒廢朝,贈司徒。癸巳,以禮部郎中、知制 應州,詔河東節度使石敬瑭率兵屯代州。戊子,宰臣姚顗奏:「吏部三銓,近年倂爲一司,望 日爲千春節。」從之。戊寅,宰臣李愚、劉昫罷相,以愚守左僕射,昫守右僕射。 冬十月辛未,有雉金色,止於中書政事堂。 中書門下奏:「請以正月二十三日皇帝誕慶 契丹寇雲、

使張 邊經 子,以中書舍人盧導爲禮部侍 候,以前右 州刺史,屯乾渠,蜀人來侵,暉自屯所奔歸鳳翔,故有是責。 居,每遇五日起居,亦合綴班。」從之。 辰前後各一日不坐朝。」從之。

御史臺奏:「前任節度使、刺史、行軍副使,雖每日於便殿起 |驍衞上將軍致仕。 契丹蹂躞處,放免三年兩稅差配,時契丹初退故也。 延朗奏,率師伐蜀。 十一月辛丑,以刑部侍郎鄭韜光爲尙書右丞,以光祿少卿烏昭遠爲少府監。 金吾大將軍穆延暉爲右武衞上將軍。 甲寅,以振武節度使楊光遠充大同、彰國、振武、威塞等軍 中書門下奏:「二十六日明宗忌,陛下初遇忌辰,不同常歲,請 郎 丙午,以前興州刺史馮暉配同州衙前安置。 壬戌,以禮部侍郎楊凝式爲戶部侍郎。 癸丑,以前華州節度使王萬榮爲 丁未,詔振武、新州、河東 兵馬都虞 秦州節度 暉爲 西北 於忌

十二月丁卯朔,詔修奉本朝諸帝陵寢。 己已,以北面馬軍都指揮使、易州刺史安叔千

氣,東西亙天。 書侍郎、平章事姚顗兼集賢殿大學士;以前邠州節度使康福爲秦州節度使。 乞特免。」從之。(舊五代史考異)以中書侍郎、平章事盧文紀爲門下侍郎、平章事、監修國史; 同平章事、判三司;案五代會要:二年三月,宰臣張延朗奏:「臣判三司公事,每日內殿祗候,其合綴前班押班,伏 司上言:「依貞觀中庶人承乾,以公禮葬。」從之。乙亥,以秦州節度使張延朗爲中書侍郎、 爲安北都護、振武節度使,以齊州防禦使尹暉爲彰國軍節度使。庚午,詔葬庶人從榮。 庚寅,幸龍門祈雪,自九月至是無雨雪故也。 泳樂大典卷一千七百七十四。 丙戌,夜有白 以中 有

校勘記

- 乙巳 原作「己巳」,按通鑑卷二五六,光啓元年爲乙巳年,據改。
- (三) 盂縣 原作「孟縣」,據劉本、歐陽史卷七廢帝紀、通鑑卷二七四改。
- (三) 十一月收城 通鑑卷二七七:四月「辛亥,索自通等拔河中」。此云「十一月收城」,疑誤。 殿本、劉本同。按本書卷四一明宗紀:四月「癸丑,索自通、藥彦稠等奏收復河中」。
- (图) 七日 原作「七月」,據殿本考證、通鑑卷二七九改。
- (至) 北辰 原作「北宸」,據殿本改。
- 〔六〕濛曰 「濛」字原無,據殿本、冊府卷二一補。

唐

書

二 十 二

校勘記

(七) 太微宮 原作「太徽宮」,據殿本、劉本改。影庫本批校云:「太徽,應作『太微』。」

3 吳山 原作「吳岳」,據殿本、會要卷一一改。

(元) 張承祐 原作「張承遷」,據殿本、劉本改。

(10) 分命朝臣祭都城門 「禁」原作「營」,據劉本改。

六四二

舊五代史卷四十七

唐書二十三

末帝紀中

節, 云:北京永興、長寧、建極三陵,應州遂、衍、奕三陵,准曹州溫陵例,下本州府官朝拜。 是曹州先以府官朝拜,北京、應州 之。戊申,宗正寺奏:「北京、應州、曹州諸陵,望差本州府長官朝拜。案五代會要載宗正寺原奏 奏,光祿卿致仕周元豹卒。庚申,鄴都進天王甲。帝在藩時,有相士言帝如毗沙天王,帝知 後從其例也。 之,竊喜。及卽位,選軍士之魁偉者,被以天王甲,俾居宿衞(二),因詔諸道造此甲而進之。 ,凡刑獄公事奏覆,候次月施行。今後請重繫者卽候次月,輕繫者卽節前奏覆決遣。」從 清泰二年春正月丙申朔,帝御明堂殿受朝賀,仗衞如式。 **藤史刪併原文,似未分晰。雍、坤、和、徽四陵,差太常宗正卿朝拜。」從之。己酉,北京** 乙巳,中書門下奏:「遇千春

乙丑,雲州節度使張

三司奏,添徵蠶鹽錢及增麴價。先是麴斤八十文,增至一百五十文。

唐書

三 十

=

末帝紀中

温移鎮晉州,以西京留守安重霸爲雲州節度使。

度使范 大 等上 鎭 衞 行 夫 些 南 4 盧損 一皇妣 、左右 軍節度使馬希振 馬 月庚 延 步 魯國太夫人尊諡 爲 光爲檢校太師、兼中書令, 都 街坊使重美加檢校太尉、 遠候。 午, 御史中丞 定州節度使、克王 甲戌, 加銀 以御史中丞 以安州 中書令。 日宣憲皇太后 節度使李周 從温移鎮 張鵬爲刑部侍郎。 同平章事,充天雄軍節度使, 詔 充汴州節度使; 順 義軍 ,請擇日册命。 |
発州 為京兆 節度使姚彥璋加兼侍中。 \exists ; 尹 皇子鎭州 振 壬午, 從之。 充 武 酒京 軍 節 寧遠軍節度使馬存 節度 留守 度使楊檀 餘 如故。 使 ; 兼 以 己丑, 河南 樞 移 辛巳, 密 鎭 尹、 定州 使、 宰臣盧文紀 加兼侍中 判六 以右諫議 天 /雄軍 兼 軍 北 節 面

保色 彝超 密 表 建 (白科、文章應制科、持念科、禪科、聲贊科,道士欲立經法科、講論科、文章應制科 廟 使,以夏州 卒故 (E), 一從之。 月 餘 齊國 也。 戊戌,故太子太保趙鳳贈太傅。 如 故。 行 辛亥, 公主 癸卯, 軍司馬李彝殷爲本州節 丙午,以給 一趙氏 功德使奏:「每 以靜 封燕國 海 事 軍節度使、 中趙光輔 長 公主。 年誕節, 度使, 爲右散 己 檢校太師、 辛丑,以前汴州節度使趙延壽爲許州節度使兼 酉,有司 諸 州府奏薦僧 本州, 騎常 侍。 上言:「宣 原本闕「本」字,今從歐陽史增入。(影庫本粘籤) 兼 中書令、 戊 道, 申,皇妹魏國 憲皇后未及山 其僧 安南都 尼欲立 公主 護錢元 講 陵,權 論 石 氏 球 科 封 爲留守太 於舊陵 講 晉 應制,原 經 國 兄 所

本院「制」字,今據册府元與增入。(影庫本粘籤) 武統軍李德珫爲涇州節度使。 壬戌,以左右彰聖都指揮使、富州刺史安審琦領楚州順化軍節度使,軍職如 表白科、聲贊科、焚修科,以試其能否。」從之。 庚 申, 以鎭州節度使、 知軍府事董温琪爲鎭州節度 丙辰,

約如 下中書令宰臣面試。 之下軍。其東班臣僚, 請內出策題, 本部大將一一考試武藝短長,權謀深淺。居下位有將才者便拔爲大將,居上位無將略者移 代史考異) 則倩人。 雖被堅執銳,戰則棄甲,窮則背軍。 使、檢校太保。 以右龍 此。 審琦受閔帝命西征,至鳳翔 是月,太常丞史在德上疏言事,其略曰:「朝廷任人,率多濫進。 逢陛下惟新之運,是文明革弊之秋。臣請應內外所管軍人,凡勝衣甲者,請宣下 所謂虛設具員,枉耗國力。 盧文紀等見其奏不悅, 班行亦多憤悱, 故諫官劉濤、楊昭儉等上疏, 請出在德疏, 如下位有大才者便拔居大位,處大位無大才者卽移之下僚。」其疏大 而降,故有是命。 稱文士者,鮮有藝能,多無士行,問策謀則杜口,作文字 請內出策題,原本脫「請」字,今從通鑑注所引薛史增入。(影庫本粉籤) 案:通鑑注引薛史作「枉费」,考册府元龜亦作「枉耗」,今仍其舊。〈舊五 稱武士者,不開計策,

左補 闕 劉濤等奏,太常丞史在德所上章疏,中書門下駁奏,未奉宣諭,乞特施行,

唐

+

=

末 帝 紀 辨可否宣行,中書覆奏亦駁其錯誤。帝召學士馬裔孫謂曰:「史在德語太凶,其實難容。

初臨天下,須開言路,若朝士以言獲罪,誰敢言者!爾代朕作詔,勿加在德之罪。」詔曰:

六四六

分明黜陟。

所戒 無闕 懲。 古道 行。 獻陳,誠無避忌,中書以文字紕繆,比類僭差,改易人名,觸犯廟諱, 太宗之道彌光,文貞之節斯著。 陳,若所言不中,亦何損於國家。」朕每思之,誠要言也。遂得下情上達,德盛業隆, 不容誅,賴文貞之彌縫,恕德參之狂瞽。 一,簡拔時材。 政、盡善盡美,無得而名。 朕常覽貞觀故事,見太宗之治理,以貞觀昇平之運,太宗明聖之君, 蓋以中書旣委參詳, 千慮一得,冀愚者之可從。 懷忠抱直之人,虛心渴見,便佞詭隨之說,杜耳惡聞。 合盡 事 而陝縣丞皇甫德參輒上封章,恣行訕謗,人臣無禮,罪 股惟寡昧,獲奉宗祧,業業兢兢,懼不克荷,思欲率循 理, 因覽文貞之言, **股纘承前緒**, 魏徵奏太宗曰:「陛下思聞得失, 只可恣其所 遂寬在德之罪, 已令停寢, 不遣宣 誘勸將來。 多言數窮, 請歸憲法, 野無遺賢, 史在 雖 德近所 聖祖之 以示 戒 朝

傾輸, 畢臻,留 今濤等請黜在德,事同 原本作「頃輸」,據通鑑作「傾輸」。 劉濤等官列諫垣至,宜陳讜議,請定短長之理,以行黜陟之文。 在德不足爲多,去一 言異,何相遠哉 在德未足爲少, 胡三省注云:謂傾其胸臆而輸忠于上也。 將議 荷可懲勸, (允俞, 恐虧開納。 今改正。(影庫本粘籤) 方朝 昔魏徵則請賞德 但緣情 廷粗 理, 在 傾輸, 理難 俊乂

黜責,濤等敷奏,殷亦優容,宜體含弘、勉思竭盡,凡百在下,悉聽殷言。

將 皆及限,與眞命。其主簿同縣令條。 年加階, 作夏五月辛卯,通鑑從薛史作四月。(舊五代史考異) 集賢殿大學士。 十四道,編爲三十卷。其不中選者,各令所司封閉,不得行用。 敕施行。」從之。 癸未,御史中丞盧損等進清泰元年以前十一年制敕,堪悠久施行者三百九 限內了絕,與試銜。 兼 史臺頒行。 司 天監 兵部尚書、平章事行。乙酉,以前武勝軍節度使張萬進爲鄜州節度使。辛卯, 軍,充宣徽南院使:以樞密副使劉延朗爲左領軍上將軍,充宣徽北院使兼樞密副 夏四月辛巳,宰臣判三司張延朗奏:「州縣官徵科條格,其令錄在任徵科,依限了絕,一 耿瑗爲太府卿,以爲蜀右衞上將軍胡杲通爲司天監,以宣徽北院使房暠爲左衞上 兩年與試銜,三年皆及限了絕,與服色。 以宰相盧文紀兼太微宮使,弘文館大學士姚顗加門下侍郎,監修國史張延朗兼 張延朗, 諸節級三年內並了絕者,與賞錢三十貫。其責罰依天成四年五月五 原本作「正朗」,今據莊史列傳改正。(影庫本粘籤)以樞密使韓昭裔爲中書侍郎 本判官一年加階,二年改試銜,三年轉官。 以宣徽南院使劉延皓爲刑部尚書,充樞密使,以 攝任者一年內了絕,仍攝云了,二年三年內 詔其新編敕如可施行,付御 本曹官省 案歐陽史 使。 日

十 惡五逆、放火燒含、持仗殺人、官典犯贓、僞行印信、合造毒藥并見欠省錢外、罪無輕重,

乙巳,韶:「天下見禁囚徒,自五月十二日以前,除

五月

丙申,

新州、振武奏、契丹寇境。

唐

書

+

=

末

帝紀中

呼,不 文, 郎 表 其 使 郞 (影 院 兼 盧導爲尚書右丞,以尚書右丞鄭韜光爲尙書左丞。 章文案 偏旁文字不 切釋放。」 云,以 庫本粘籤) 或有舛誤。 直 彰 學 聖 全改。 端端 書。 都 偏旁字闕點畫,凡臣僚名涉偏旁,亦請 士 庚 呂琦 指 庚戌, 明殿學士李崧爲戶部侍郎,以翰林學士馬裔孫爲禮部侍郎, 今無別 申, 癸亥, 在減少點畫。 揮 楊檀賜名光遠,餘依舊。」甲寅,以戶部侍郎楊凝式爲祕書監,以尙書 爲給 使、 本可考, 以 詔不 Ű 兵部 北 事 六二軍 面行 ·得貢 中,並充 , 姑仍其 尙 一營排 書李鏻 諸 今定州節度使楊檀、檀州 奉 舊, 衞 寶裝龍鳳雕鏤刺作組 職如故。 陣使安審琦爲 判 附識于此。(影庫本粘籤) 官、給事 為太常卿 太子 中張允爲右散 ", 以 禮 邢州 少保致仕任圜贈尚書右僕射,以順化軍節度 改名。」詔曰:「偏旁文字,音韻懸殊 部 節度使。 中 織之物。 尚書王權爲戶部尚書,以太常卿李懌 丙辰,以端明殿學士李專美爲兵部侍 金壇等名, 書 S 騎常: 奏: 邢州,原本作「鄧州」,今從歐陽史 「準敕 庚戌, 酌情 庚 制宜 凡 戌, 以禮部郞中、 廟 與上文複見, 一; 並 諱 但 請 迴 改之。 "; 止 避 同禮部侍 IF. 疑 改 避 足衍 Ē ΙĒ

修撰 爲新州節度使。 明宗 振 六月 武 甲子 奏,契丹 實 錄 朔, 庚辰,北面招討使趙德鈞奏,行營馬步軍都虞候、定州節度使楊光遠,行營 契丹寇應州 新州 三萬 騎 上言,契丹入寇。 在 黑榆林。 以新州 節度使楊漢賓 驯 Z 丑 以 一,有司 太子 少保致仕 上言,宣 爲 同 州 節 憲皇太后陵請以順爲名云,從 朱漢 度 使, 賓卒廢朝 以前 晉州 壬 節度 申, 使 命 史官 翟

爲

禮

部

尙

盂」,今從册府元驅改正。(影庫本粘籤) 者繼至,督促糧運,由是生靈咨怨。 處, 排 百姓車子一千五百乘,運糧至代州。 軍乏芻糧,其安重榮巡邊兵士欲移振武就糧。 陣使、邢州節度使安審琦帥本軍至易州,見進軍追襲契丹次。 抄借,仍於鎭州支絹五萬匹,送河東充博采之直。 請指揮於忻、代州輸納。 辛巳,詔諸州府署醫博士。 時水旱民飢,河北諸州困於飛輓,逃潰者甚衆,軍前使 從之。 尋又奏, 懷、孟租 朝廷以邊儲不給,詔河東戶民 是月,北面轉運副使劉福 丙戌,以前許州節度使李從 河東節度使石敬瑭奏,邊 稅, 懷、 孟, 原本作「瓔 配配 鎭州 【積栗

閣,罷 以殉。 依舊衙前選 薦二人,今乞行釐革。 三年五月、長興二年七月敕,許諸州節度使帶使相歲薦僚屬五人,餘薦三人,防禦、團 屯忻州,一日,軍士喧譟,遽呼萬歲,乃斬暉等以止之。案契丹國志:契丹屢攻北邊,時石敬瑭將大兵屯 忻州,潞王遣使賜軍士夏衣,傳詔撫諭,軍士呼萬歲者數四。 秋 潞王聞,益疑之。(舊五代史考異)御史中丞盧揖奏:「準天成二年七月敕, 五日起居。 (七月丙申,石敬瑭奏,斬挾馬都指揮使李暉等三十六人,以謀亂故也。 補。 。」詔曰:「今後藩臣帶使相許薦三人,餘薦二人,直屬京防禦、團練使薦一人, 臣以爲中旬排仗,有勞聖躬,請只以月首入閣,五日起居依舊。 又長興二年八月敕,州縣佐官差充馬步 敬瑭懼,幕僚段希堯請誅其倡者,敬瑭命劉知遠斬三十六人 |判官,仍同一任,乞行 每月首、十五日入 時敬瑭以兵 又準天成 止絕, 陳使

唐

罄

+

=

末

帝紀中

命敬 總管 IЛІ 收 節 軍 餘 合州 え|川 軍 度 並 使。 達 戦 從之。」丁 迁 於金州 爲 時 北軍 契丹 甲辰 爲蜀 金州 之漢陰,王師 酉, 之副 入邊,石 [,原本作「全川」,今從歐陽史改正。(影庫本 以右神武統軍沙彦 將全師 迴紇 以 減 敬 郁所敗, 可汗仁美遣使貢方物。 敬瑭 塘 不利 運講 之權 金州 当,其 益 珣 也。 兵, 部下兵士除傷痍外,已至 都監崔處訥 權 朝廷軍 知雲州 1 巳,宰臣 土 ~粘籤) 西京弓弩指揮使任漢權奏,六月二十一 一多在北 重傷, 乙巳,以徐州節 盧文紀 固守獲全。 部 諸州 等上 俄聞 屯兵潰散。 鳳翔。 疏 忻州 其 度使張敬達 以 樞密 先是, 略 諸 軍 使 金州 一呼髞, 盩 劉 防禦使 屋鎮 充 延 一皓爲 北 帝 將 面 不 天 馬 劉 行 悅, 全節 . 營副 贇 日 雄 軍

官。 或有特宜,原本作「或特有宜」,今據册府元龜改正。(影庫本粘籤) 獨 敢 衞 奉 對 敷 瀛 + 行 敭 陳 周 况 制 臣 頗 環 敕, 於 才 近 經 一蒙召 於階 韓非 24 不 涉 但緣 濟時 輔 於 對 昔懼 陸、庶 艱 事 自上元 難 識 理,互有區 面 於說難,孟子 ,尤勤勞於委任。 臣 非經遠,因 奉天旨:「凡軍 羅列於殿庭, 年後, 分,軍 於長安東內置 五 亦憂於言責。 日 - 戎不 國 起 几 庶 每正 居之例, 面 事,利 在於職 聚觀 衙 延 害可 奏 , 臣竊 於 + 司, 英殿 事 手 兩 ٠, 錢穀非關 否, 卿等合盡 皆於前一日上聞。 所指 則 奉 班 字臣 本朝 泛容 旅 見之時、 臣等荷 政 . 如 訪 於局 有 事 於 三言者。」 奏議 羣臣; 略獲 分,荷 3欲各伸 肅宗 對敭 對御之時,祗奉 初 陳異 及 聖 臣等謬 平 愚 旨 便 宼 短 殿 見,卽 或 兼 難 有 詢 處台衡, 承 此 特宣, 謀 顧 類侵 時 再 問 安 則 復

冕旒 輩,則請依延英故事,前一日傳宣。或臣等有所聽聞,切關利害,難形文字,須 臣等亦依故事,前一日請開延英。 理坦然。 ,旁無侍衞。 伏望聖慈,俯循故事,或有事關軍國,謀繫否臧,未果決於聖懷, 獻可替否,得曲盡於討論; 當君臣奏議之時,祇請機要臣僚侍立左右。 捨短從長,故無虞於漏洩。 君臣之際、情 要詢訪於臣 面敷敭, 兼乞稍

(威嚴,恕臣荒拙,雖乏鷹鸇之効,庶盡葵藿之心。

時作事 嘗因朝會謂<u>盧文紀等曰:「股在藩時,人說唐代爲人主端拱而天下治,蓋以外</u>恃將校,內倚 機宜, 歎嘉 之實,何必拘延英之名。 當盡屏侍臣,端居便殿,佇聞高議,以慰虛懷。 思遵守,將成其美,不爽兼行。 正。(影庫本粘籤) 藥石之言並切,請復延英之制,以伸議政之規。 詔曰:「卿等濟代英才,鎮時碩德,或締搆於興王之日,或經綸於纘聖之時,鹽梅之任俱崇, 理當祕密、量事緊慢、不限隔日,及當日 ,之意,亦昔日延英之流。 恭惟五日起居,先皇垂範,俟百僚之俱退,召四輔以獨昇,接以温顏,詢其 宜以沃心爲務,勿以逆耳爲虞。 有事足可以討論,有言足可以陳述, 其五日起居,仍令仍舊,尋常公事,亦可便舉奏聞。 延英,原本脫。英」字,今從冊府元龜增入。(影庫本粘籤) 便可於閤門祗侯,具牓子奏聞。 勉罄謀猷,以裨寡昧。」帝性仁恕,聽納不倦, 朕或要見卿時, 亦令當時宣召, 但能務致理 而况列聖遺芳,皇朝盛事, 陳述,原本作「陳迹」,今據册府元龜改 載詳徵引, **殷叨獲嗣承**,切 請面敷敭,即 理道,計 或事屬 良切

唐

二 十 三

末

帝

紀

謀臣, 言 相 故端 救 坐 拱 一視 而 事 辦 朕荷先朝鴻業, 何 卿等先朝舊臣,每一 」文紀等引答 1致謝 相見,除承 因奏 延英故事, 奉外, 故 略無社稷大計 有

武統軍 卿, 州節度使康思立 母、 數 11: T 一,以太子少保致仕 亥,以 百人, 職 八 如 妻等並 婁繼英 月 洺 至是 故。 庚 州 夫 午, 團 事 辛巳, 棄市。 為 滑州 泄 練 右衞 爲 使李彦舜 而 右神 誅之。 以權 節 戴思遠卒廢 延嗣父子相 上將軍。 度使高允韜卒。 武 知雲州 統 為義 癸未, 軍 己卯,以 朝 武 路州 以前路州 右 承、與其妹、 軍節 神武統軍 庚 奏,前雲州 寅, 度使、檢校太傅。 西上閤門使、 壬 时, 行 以前 沙意珣 軍 妻於諸州 以右衞 竞州 司 節度使安重 馬 為雲州 陳元 行 上將軍 節 郡 少 度使楊漢章爲左神武 爲 誘 府 太原奏, 將作監 少監 飾 人殺之, 王景戡爲 蠹。 度 使。 兼 達 通 靻 以元 而奪其 事 鄴 左衞 部 含人 都 族 善醫 殺 上 於 財 蘇繼 入賊 統軍, 將 靈 , 前後 軍 故 邱 額 陳 有是命 安置。己 以前 以右 被 延 爲 殺 嗣 司 者 井 神

案.原 趙 之。以宣徽南院使房暠爲刑部尚書,充樞密使; 舊表薦 在禮爲宋州 本脫 九 月已亥, 「虔」字,今據通鑑增 重置明 節 算道 度使。 以 河陽 學。 入。(舊五代史考異) 節 癸 舉人落第後,別取文解。 卯 度 使、 ٠, 以 /忠正 侍衞 軍 馬 典軍 節度使、 軍 都指揮使安從進爲襄州 ·如故。 案:歐陽史作刑部尚書房暠爲樞密使。 侍衞 己酉,禮部貢 五 科 步軍 試紙,不用中 都指揮使宋 院奏:「進士請夜試,童 節 書印,用 度 審虔爲 使, 以襄州節 本司印。」 據華史,暠由宣徽 河陽 節 度使, -並從 子依 度 使

南院使遷投, 非先爲刑部尚書也。(舊五代史考異)以宣徽北院使、 充樞密副使劉延朗爲宣徽南院使,

充樞密副使。 丙辰,以左僕射李愚卒廢朝。

第。 唐汭爲左散騎常侍。 營總管石敬瑭奏自代州歸鎮。 丁丑,以端阴殿學士、兵部侍郎李專美爲秘書監,充宣徽北院使。 庚寅,以左諫議大夫 冬十月丁 卯,幸崇道宮、甘泉亭。 庚午,以晉州節度使張温卒廢朝。 己巳,以左衞上將軍李頃爲左領軍上將軍。 甲戌,幸趙延壽、張延期 北 面行

要作十二月,渤海遣使列周卿等入朝貢方物。 來緊於九月之後,據薛史則事在十一月,非九月也。(舊五代史考異) 節絳州刺史(10),羣議沸騰。帝聞之,以爲橫海留後。(舊五代史考異) 州 秘書少監丁濟爲太子詹事。 節度使張敬達爲晉州節度使,依前充大同、振武、威塞、彰國等軍兵馬副總管。丁未,以 月庚子,以左聽衞上將軍郝瓊爲左金吾上將軍,以光祿卿王政爲太子賓客。以除 乙卯,以前金州防禦使馬全節爲滄州留後。 俱與是書作十一月異。(殿本) 渤海國遣使朝貢。 案 : 歐陽史作九月乙卯,渤海遺使者來。 案: 歐陽史渤海遺使者 案通鑑: 劉延朗欲除全 五代會

節度使、累贈太傅劉建峯贈太尉, 空、同平章事,充河中節度使。 十二月戊辰,禁用鉛錢。 壬申(11),以中書侍郎兼兵部尚書、充樞密使韓昭裔爲檢校司 甲戌,以宗正少卿李延祚爲將作監致仕。 劉建峯,原本作「逑崇」,今從新唐書改正。(影庫本粘籤) 丁 <u>i</u>: ,故武安軍州 從湖南之請

唐

書 二 十

Ξ

末帝紀中

衮

勘記

也。 兵部侍郎。 代史考異) 程遂為兵部 在質明前, 盧質爲右僕射印,以兵部侍郎馬編兼國子祭酒。 戊寅,太常奏:「來年正月一日上辛,祀昊天上帝於圓丘,依禮大祠不朝。」詔曰:「祀事 翰林學士、中書舍人和凝爲工部侍郎, 儀仗在日出後, 侍郎,翰林學士、工部侍郎崔悦爲戶部侍郎,案:原本訛「崔穭」,今據歐陽史改正。(舊五 己丑,以前同州節度使馬道為司空,以尚書右僕射劉昫爲左僕射,以太子少師 事不相妨, 宜依常年受朝。」 並依前充職。 泳樂大典卷七千一百七十四。 壬午,以翰林學士承旨、戶部 乙酉,以前秘書監楊凝式爲 i 侍郎

校勘記

- 1) 俾居宿衞 「衞」原作「位」,據殿本、劉本改。
- Ξ **兗王從溫** 「克」字原無,據圖本、本書卷四八末帝紀補
- 錢 元球 「球」原作「銶」,據殿本、本書卷三三莊宗紀、卷三七明宗紀改。
- 魏國 公主 「公主」原作「夫人」,據本書卷四四明宗紀、會要卷二改。
- (至) 劉濤 原作「劉淸」,據殿本、彭本、本卷上下文改。
- **公** 攝 任 者一年內了絕仍攝 「仍」原作「及」、據冊府卷六三三、卷六三六改。
- 以樞密使韓昭裔爲中書侍郎兼兵部尚書平章事 「平章事」下原有「充樞密使」 四字, 據殿本

唐書二十三 校勘記

M 影庫本批校云:「充樞密使, 四字疑衍,以韓昭裔本樞密使也,今刪。」

(六) 李專美 「專」原作「導」,據殿本、劉本改。

(元) 宣憲皇太后陵請以順爲名 「順」下原有「從」字,據冊府卷三一刪。

6 劉延朗欲除全節絳州刺史 「除」原作「誅」,據殿本、劉本、通鑑卷二七九改。

(二) 壬申 二十史朔閏表,淸泰二年十二月壬戌朔,無壬辰,在戊辰初七日和甲戌十三日間,當是壬申十一 原作「壬辰」,據殿本、劉本改。影庫本粘籤云:「壬辰,以前後干支推之,當作壬申。」 按

== 以太子少師盧質爲右僕射 「右」原作「左」,據殿本、本書卷九三盧質傳改。

Eļ

五代史卷四十八

唐書二十四

末帝紀下

庫本粘籤)已未,以前司農卿王彥鎔爲太僕卿 壽之第。 官、尚書工部郎中薛文遇爲樞密院直學士。乙巳,以上元夜京城張燈,帝微行,置酒於趙延 戌,幸龍門佛寺祈雪。 清泰三年春正月辛卯朔,帝御文明殿受朝賀, 仗衞如式。 丁未,皇子河南尹、判六軍諸衞事重美封雍王。 癸卯,以給事中、充樞密院直學士呂琦爲端明殿學士,以六軍諸衞 雍王,原本作「壅王」,今從歐陽史改正。(影 乙未, 百濟遣使獻方物。

判

戊

要:同修撰官中書舍人張昭遠、李祥,直館左拾遺吳承範, 姓。 庚午,監修國史姚顗,史官張昭遠、李祥、吳承範等修撰明宗實錄三十卷上之。 一月戊辰,吐渾寧朔、奉化兩府留後李可久加檢校司徒口。 右拾遺楊昭儉等各頒贅有差。 可久本姓白氏, (舊五代史考異) 以大理卿 案五代會 前朝賜

唐

= +

四

末

帝 紀 下

竇 福 史 部 仇 尚 維 書 暉 今俱從 爲 一梁文矩 爲 光 左 禄 (十)國 威 卿 春秋 衞 ,以前 爲太常 上將 改 正。(影庫本粘 許州 軍 卿 , 保順 節 庚辰, 度 籤) 軍 判 節 官張登 以 同 度 前 平章 使 啷 爲 鮑 州 事 大 君 節 理 福 度 丁亥,以 卿 加 使 檢 皇 ò 校 甫 1 昭義 太 Ή, 立 尉 爲 以太常卿 節 潞 保順, 度 州 使 節 原本 安元信 度 李鏻 使。 作 :「任順 爲 辛巳, 卒 兵 _; 廢 部 君 朝 以前 福 尚 書, 原 均 本 州 以 作 兵 居 刺

闕 月 得 許 臣 放 有 軍楊漢 見 十 文 解 替 中 口 得 以端明殿學士呂琦爲御史中丞 舊例門 五. 敕 謝 匹 到 三月庚子(三) 品、武 得替 章 日 闕 誡 爲 卒。 諸 進 勵 無 見門辭; 膀 彰 到京無例見; 道 例 四品以上舊例 武 是 子 文武 都 入見。 門 押 軍 時 辭 衙 節 延 兩 中書門下奏:「準閤門分析」 今後只令朝見,依舊 鈞 在京 度 [日]。」從之。 班 馬 使。 父子 所差弔祭使 步 今後兩使判官許 鹽 中謝,其以下 都 丙 雖 麴 指 午 憯 稅官、兩官巡 揮、虞候、鎖 竊 以翰 辛 於閩嶺 及 案通鑑: 呂琦與李崧建和親契丹之策, 為薛文遇所沮 11: 告 , 林 無例 廟 門 辭。 權 學 中謝 祠祭, 知 、將、諸色場院, 獝 卽 士、 對 內外官辭見謝規 福 許 稱 謝 禮 新除諸道 建節 藩 中謝(三),新除 只 正 赴 部 於 今請 任 侍 度 朝 衙辭, 卽 郎 使王 廷, 門辭, 判官、 馬 依天成四年 無 裔 故 昶 不 例 孫 例: 奏, 有 赴 書 令、錄並 謝 其書記以下並 爲 是 內殿。 記以下無例 辭, 中書 節度 諸 奏。 Ė. 州 並進牓子放 中謝, 一月敕 侍 使王延 判官、 甲辰 諸 郎 道 ,改爲御史中丞,蓋 中謝 次 同 進 軍 釣 凡升 以 依 奏 日 舊 將 右 以 Ê 門辭, 謝放辭, 章 朝官 例 並 神 去 進 到 年十 武 放 奉 統 兼 並 到 朝 謝

疎之也。(舊五代史考異) 戊午,御史中丞盧損責授右贊善大夫,知雜侍御史韋稅責授太僕寺丞,

侍 德音,除十惡五逆、放火殺人外並放。 盧損輕易即破械釋文審,帝大怒,收文審誅之。 興岐下,專殺郡人趙思謙等十餘人,已伏其罪,復下臺追繫推鞫、未竟。 會去年五月十二日 :御史魏遜責授太府寺主簿,侍御史王岳責授司農寺主簿。 初,延州保安鎭將白文審聞兵

字,擅改敕語。大理斷以失出罪人論,故有是命。是月,有蛇鼠鬭於師子門外,鼠生而蛇死。 稱奉德音釋放,不得追領祗證。中書詰云,德音言「不在追窮枝蔓」,無「不得追領祗證」六

辛未,以中書舍人、史館修撰張昭遠爲禮部侍郎,以前滄州節度使李金全爲右領軍上將軍。 使。'領軍,原本作「衡軍」,今從薛史列傳改正。(影庫本粘籤) 戊辰,以太子詹事盧演爲工部尚書致仕。 夏四月己未朔,以左衞上將軍王景戡爲左神武統軍,以右領軍上將軍李頃爲華淸宮

是月,有熊入京城搏人。

紀自相矛盾。 河陽節度使、充侍衞馬步軍都指揮使宋審虔爲河東節度使。 令、駙馬都尉石敬 彰國振武威塞等軍 五月辛卯,以河東節度使、兼大同彰國振武威塞等軍蕃漢馬步總管、檢校太師、兼中書 據薛史,五月辛卯始移敬瑭于鄆州,戊戌始聞拒命也。五代春秋、通鑑俱與薛史同。(舊五代史考異)以 塘爲鄆州節度使,進封趙國公。 |蕃漢副總管張敬達充西北面蕃漢馬步都部署,落副總管。 案: 歐陽史廢帝紀于五月以前卽書石敬瑭反,與晉本 甲午,以前晉州節度使、大同

唐書

十四四

末帝紀下

州 節 揮 IF. 使 度 軍 枫 使 節 使 饒 范 度 剉 州 使、 官 延 刺 光 侍 畿 史符彦 結婚 衞 赤 步 令 饒 詔 軍 有 党王 爲 都 闙 忠 指 取 從 揮 IF. 省 温 重 使 郎 張 主 節 之。 度使, 彦 遺 琪 補 爲 T 充侍 丞 酉 河 博 ."。 以 衞 節 少 國 步 度 列 子 軍 使 宮 ,祭酒 都 僚 充 指 馬 侍 選 揮 縞 擇 衞 使 卒 馬 擢 廢 任 軍 丙 朝 都 申 指 案 以 揮 以 雍 使 - \pm ; 疑 重美 以 有 脫 彰 誤。 與 聖 1/1 都 以 指 州 忠

作

充

野譽, 昭 都 原 唓 武 度 義 尋 部 原 使。 使 淮 戊 红 几 節 股 改 翰 使。 戌 度 几 面 心自明 爲 使 丁 初 爲 馬 侍 面 太 未 皇 昭 壕 兵 軍 衞 壬: 甫立 原 帝 叉知 寨 寅 馬 都 馬 奏, 疑 ZU 奏, 萬 使 都 指 軍 太 削 河 面 石敬 部 都 原 揰 昭義 奪 東 副 行府 失歡 署 使 指 丙 瑭 招 石 有 源本 辰 揮 事, 叛。 敬 異 尋 討 (\frac{2}{2}) 以 使 (套 套 志 不 改 瑭 使 如 作「達 張 ||陝 , 言 爲 官 {五 何 與近 州 彦 都 以 其 升 和 餧 招 [義],今從通 爲 (史考異) 虞 節 珙 定 解? 計 招 便令 臣 候 度 為 州 討 使; 語 使 太 如 使。 節 左 以 張 及 故 |相 原 度 鑑 右 敬 鴻 其 里 几 使 增 皆 以 {鑑 達 臚 入。 事 金 面 楊 。 叉作 不對 前 爲 進 卿 (影庫 馬 光 乙巳, 帝 太 彰 步 軍 兼 遠 都 武 本粘 原 軍 攻 通 招 爲 以 : 討 討 翌. 軍 几 都 張 事 太 籤) 石 使, 敬 含 節 日 指 面 原 郎 達 度 與 Z 人、 步 揮 泂 四 飨太 欲移 與股 (薛史 使 使; 東 軍 卯 面 判 原 節 高 都 $\overline{}$ 微 兵 丢, 石 近 几 兀 指 以 異。 度 行 馬 方館 面 敬 親 以 使 周 揮 那 (舊 排 副 瑭 晉 石 陣 使 爲 州 部 猛, 於鄆州 在 . 使。 \pm 州 太 敬 節 代史考異) 一景崇寫 不 署 瑭 以 節 度 原 丙 疑 午, 兼 右 使 度 级 之 四 房暠 馬 監 安 使 地 面 以 衞 為太原 張 案: 以 門 招 步 審 尉 等 敬 流 琦 都 撫 河 **通鑑** 卿 達 爲 虞 陽 兼 几

排

候

軍

太

餰

面

並 軍都指揮使。 使安重榮驅掠戍兵五百騎叛入太原。以新授河東節度使宋審虔爲宣州節度使, 洩,戍兵自潰,奔安審信軍, 悦,手攘抵地,召馬裔孫草詔報曰:「父有社稷,傳之於子; 君有禍難,倚之於親。卿於鄂王, 宜憲,原本作「令憲」,今據近代會要改正。(影庫本粘籤)從之。己酉,振武節度使安叔千奏,西北界巡檢 下共五百騎,剽劫百井,叛入太原。又奏,大軍已至太原城下。詔安審信及雄義兵士妻男 故非疎遠。往歲衞州之事,天下皆知;今朝許王之言,人誰肯信!英賢立事,安肯如斯」云。 未契興情,宜推令辟。許王先朝血緒,養德皇闈,儻循當壁之言,免負閱牆之議。」帝覽奏不 學士院草制。翌日,宣制之際,兩班失色。居六七日,敬瑭上章云:「明宗社稷,陛下纂承, 之,石敬瑭除亦叛,不除亦叛,不如先事圖之。」帝喜曰:「聞卿此言,豁吾憤氣。」 先是,有人 言國家明年合得一賢佐主謀,平定天下,帝意亦疑賢佐者屬在文遇,即令手書除目,子夜下 召之,論以太原之事。文遇奏曰:「臣聞作舍於道,三年不成,國家利害,斷自宸旨。以臣料 言不可,司天監趙延義亦言星辰失度,尤宜安靜,由是稍緩其事。會薛文遇獨宿於禁中,帝 虚斬,家產沒官。先是,雄義都在代州屯戍(も),其指揮使安元信謀殺代州刺史張朗,事 戊申、張敬達奏,西北面先鋒都指揮使安審信率雄義左第二指揮二百二十七騎,并部 壬子, 鄰都屯駐捧聖都虞候張令昭逐節度使劉延皓, 據城叛。 審信與之入太原。太常奏,於河南府東權立宣憲太后寢宮, 翌日,今昭召 充侍衞馬

唐

杏二

+

깯

末

帝紀下

副 使邊仁嗣 逼令奏請節旄

汴州 尙書 諡 副 爲 軍 雨 鄭 張令 稍 招 馬 軍 節 [崔居儉奉宣憲皇太后寶册於寢宮。 州 您 討 都 六 i 虞候 月 使 ,頗傷農稼,分命朝臣祈禱。」辛未,工部尙 度 刺 昭 己巳,以 使范 為 辛 兼 史。 齊州 兵馬 張令昭爲檢校司空,行右千牛將軍、權 酉,天雄軍節度使劉延皓削奪官爵,勒歸私第。 案 : 延光為天雄 西上閤門副使、少府監 都 防禦使,以捧聖右第三指揮使邢立爲 康福進,疑當作康福,據册府元龜引薛史亦作康 監 詔 軍 河東將佐節度判官趙瑩以下十四 四 面 招討使, 兼 時陵 通事舍人劉頎 知行府 園 在河 事。 書致仕 知 天雄軍 東 編進, 德州 丙子,以 爲鴻臚卿 許寂卒。 適會兵興,故權於京城修奉 今姑存其舊。(舊五代史考異) 刺 人並 府 癸亥,以天雄軍守禦、右捧 史,以 西京留守李周 事 籍沒家 以權 職 捧 丙 加 聖第 寅, 故。 知 產 魏 御敷政殿,遣 五 府 庚午 指揮 為天雄 事、右 ', 詔 使 甲戌 百:「時 ·寢宮上 千 康 聖第 牛將 屲 UU 福 部 進 面

裔 指揮使石敬德,并族其家,敬瑭之弟也。乙未,以前彰武軍節度使高行周爲潞州節度使,充 介老奏公,溪王 同。(舊五代史考異) 皆敬瑭之子 秋 七月戊子, 范延光 也。 時 李素姑謀 重英等匿 案: 重英,通鑑作重殷,又通鑑考異引廢帝實錄作姪男尚食使重义、供奉官 奏,領 叛入契丹,已處斬訖 .於民家井中,獲而誅之, 軍至鄴都攻城。 ご,達刺 己丑,誅右 **丼族所** 干權知本部落事 衞 匿之家。 上將 軍石重英、 o |奚 辛卯,沂州 領 達刺 重英。 皇城 干遣 副使石重 並 奏, 业與薛史不 誅 通事

華州節度使。 四面招撫排陣使,招撫排陣,原本脫「招」字,今據通鑑增入。(影庫本粘籤)以路州節度使皇甫立爲 丁酉,雲州節度使沙彥珣奏,此月二日夜,步軍指揮使桑遷作亂,以兵圍子

作監丞、介國公宇文頡爲汝州襄城令。乙巳,以衞尉卿聶延祚爲太子賓客。 丞呂琦爲禮部侍郎,充端明殿學士。庚戌,中書奏:「劉延皓賓佐等,帥臣旣已削奪,其行軍 奏、此月二十一日收復鄴都,羣臣稱賀。 城,彥珣突圍出城,就西山據雷公口。 三日,招集兵士入城誅亂軍,軍城如故。 己酉,以禮部侍郎張昭遠爲御史中丞; 戊申, 辛丑,以將 以御史中 范延光

籤)奏入,帝大怒,詔大理曰:「帥臣失守,已行削奪,其僚佐合當何罪?」旣而竟依中書所奏。 捧聖指揮使米全以下諸指揮使都頭凡十三人,并磔於府門。癸丑,左衞上將軍仇喗卒。 部下敗兵至邢州沙河,斬首三百級,井獻張令昭、邢立、李貴等首級。又奏,獲張令昭同惡 壬子, 詔范延光誅張令昭部下五指揮及忠銳、忠肅兩指揮。 司馬李延筠、副使邊仁嗣以下,望命放歸田里。」望命,原本作「望名」,今從册府元龜改正。(影庫本粘 繼范延光奏,追兵遣襲張令昭 沼

州 彰聖指 月戊午,契丹遣使梅里入朝公。己未,以汴州節度使范延光爲天雄軍節度使、守太 揮使張萬迪以部下五百騎叛入太原, 獲 魏府作亂捧聖指揮使馬彥柔以下五十八人。邢、磁州相次擒獲亂兵,並送京師。 詔誅家屬於懷州本營。

傅、兼中書令, 以西京留守李周爲汴州節度使、檢校太尉、同平章事。癸亥,應州奏,

唐

書

+

匹

末帝紀

監門 高 斬 蘊 勳 卯 訖 鼢 送 周 上 洛州 襲殺 將 夏 張 迫 敬 衣 軍 城 獻 達 到 入壕,溺 以 野繭 奏, 州 詔 振 端 縱 武 二十斤。 造 明殿 軍節 酒 死 Ŧī. |凌轢| 者大半,擒 龍 學士呂琦往河東忻、 i度使 橋 軍 辛巳,張 攻太原 安叔 一都行, 賊 千充代北兵馬都部 城次。 一般達 將 **扨殺兵馬** 安小喜以下 奏, 戊 寅, 賊 都監張思愍、都指 代諸屯戍所犒軍 城內出 以 旨 鎭 餘 州節 署。 入, 騎 軍三十隊 度使 甲 己己, 馬 董 百百 揮 以左龍 雲州 使黨 温 步 八 珙 沙彦珣 卒三千 充 行進, + 武 匹 東 大將 北 其李 人 面 軍 副 衝 袁義 讓 供 招 長 奉 勳 連 討 爲右 官 使。 李

紀作 西,未成列,以兵薄之,而行周、 來,當 諛。 軍 者 陣 軍 . 諸 斬 山 出 管五 辛丑 印與 . 積 厛 而 九 將 一,蓋 月 重 卿 奮擊 蕃 (史考異) 之, 是 甲 破 辛 軍 賊。」 $\dot{\mathbb{H}}$ 夕 自 引 日 蕃 戰, 張 是音聞 收合餘 退 會 王 軍 唐 敬 越 師 · 屢却。 將 四日甲 達 敗 高 時 衆, 奏, 阻 行 **彦卿爲伏兵所斷,首尾不** 績 絕。 後, 周 辰乃奏到 保 此 至 符 於晉祠 時 哺 蕃 月 彦 朝 契丹 + 卿 軍 廷 我 也 以 五 復 大恐。 兵來拒 騎 主自 南 成 日 {通 軍 列 晉 鑑 將 與契丹戰於太原 亦作辛丑, 安寨, /; 猝 案 相救。 遂 移 部 勒 陣 敬 处火太宗紀 族 兵陣於太原 達 , 來援 敬達 晉 蕃 遼史作 洞 楊 軍 太原 光遠大敗,棄仗如 云 光 原 如 庚 本作 己 遠 Ш 午, 及 城下 一支,次 8 戦 而 普 安 與 進 〈薛史異。 審 祠, , 太原 佯 高 爲 琦 案: 王 之却。 今從遼 山,斬首數萬, 行 等 師 張 庚子 周 陣 歐陽 大 敬 ', 遣 唐 迎改 敗 達 於 史作甲 符彦 將 與契丹 賊 使 , 張 授 Ē 諭 城 敬 兵 卿 敬達走保晉安寨。 敬 (影 È, 達 戰 西 瑭 仗 率 于 庫 北 楊 日 戰 太原, 本 庄 相 光 三般 于 粘籤) 遠 藉 倚 右 太原 叉 興 (薛 廂 Ш 而 陣 , 史晉 師 蕃 死 横 遠 殊 于

與薛史大略相同。高模翰傳云:九月,徽兵出太原,模翰與敬達軍接戰,敗之,太原圍解。翌日復戰,又敗之,張敬達鼠竄 擾。與薛史互有詳略,今附錄于此。戊辰,代州刺史張朗超授檢校太保,以其屢殺敵衆,故以是命 自備。 阿弑君,盍討之!」是東丹王實啓兵端,唐君臣或知其陰謀,故龍敏之說不行。(舊五代史考異)帝自是酣飲悲歌, 使符彥饒率兵屯河陽,韶范延光率兵由青山路趨榆次,案:遼史避太宗諱作范延廣。(舊五代史考異) 形神慘沮。臣下勸其親征,則曰:「卿輩勿說石郎,使我心膽墮地。」其怯憊也如此。 行其謀。案遼史義宗傳云:倍雖在異國,常思其親,問安之使不絕。後明宗養子從珂弑其君自立,倍密報太宗曰:「從 <u></u>贊華爲契丹主,以兵援送入蕃,則契丹主有後顧之患,不能久駐漢地矣。 帝深以爲然,竟不 前絳州刺史韓彥惲爲太子賓客。 詔 晉安寨。 戌,樞密使趙延壽先赴路州。 申,帝發京師,路經徽陵,帝親行謁奠。夕次河陽,召羣臣議進取,盧文紀勸帝駐河橋。 幽州趙德鈞由飛狐路出敵軍後, 多十月丁巳夜,彗星出虚危,長尺餘。壬戌,韶天下括馬,又韶民十戶出兵一人,器甲 案契丹國志云:唐發民爲兵,每七戶出征夫一人,自備鎧仗,謂之「義軍」,凡得馬二千餘匹,征夫五千人,民間大 通鑑及契丹國志皆不言翌日復戰。遼史紀傳互異,疑傳文誤也。(孔本)是日,遣使侍衞步軍都指揮 辛亥,幸懷州。 契丹主移帳於柳林。乙巳,詔取二十二日幸北面軍前。戊 耀州防禦使潘環合防戍軍出慈、隰以援張敬達印。以 召吏部侍郎龍敏訪以機事,敏勸帝立東丹王

獎之(III)。

癸酉,幽州趙德鈞以本軍二千騎與鎭州董温琪由吳兒谷趨潞州台。

六六五

唐

書二

十四四

末帝紀下

要鎭 敢惜 備 上黨 朗 守其要害 軍 乃 退 上 倉卒 命 副 至 趣 C, 節 之。 州 朝 軍 死 齎 丁巳,以岢嵐 里 遁 延 柏 逃。 壽 都 月 以 苟 度 軍,合勢進 壬寅,趙德 月 谷 統官告以賜德鈞,兼犒 庚 絕援兵之路。 一德鈞 能 使 所敍 寅 戊子,以 辰, 前 楊 逐 製丹 漢章爲 以范延光爲 退 志 鋒 日 擊。 養戎, 南 軍 殺 在併范延 軍 勢, 鈞 趙 爲 蕃 至, 而 知 奏, 為勝州 李從珂 德鈞爲諸道行營都統, 此有備,皆逗遛 部衆所 彼 軍 要代予位, 羣臣 此互 五 軍 光 河 遣趙延壽 出 百 異。(孔本) 稱賀於 東道 騎。 軍 辛酉, 殺,以前 谷 軍 П, 奏請 范延光奏, 示 亦 東 以兵二萬屯團 進。 行宫, 以右龍 蕃 甘心 時 南 場州 與延光會合。 德鈞 軍 通鑑云: 時至,從容宣帝委任之意,德鈞曰:「既以兵 面 漸退,契丹主 矣。若翫寇要君,但恐犬兔俱斃。」 行營招討使,以李周副之。帝以呂琦嘗佐 帝曰:「晉安寨內將士, 刺 武統 軍 累奏乞授延壽鎭州節制,帝怒曰:「德鈞父子堅 史劉景嚴爲 [柏谷, 范延廣以兵二萬屯遼州, 以趙延壽爲 契丹 至榆 軍 主雖軍 李從昶 次, 帝以 見駐 蕃 柳 延州 林 詔諭 ^没為左 軍 河東道南 ,其輜 柳林砦。 . 退 留後 入河東川界。潘 延光,延光不從。 龍 重老弱 武統 應思家國矣。」 (國)。庚子,趙德鈞 面行營招討使, 案選史: 皆在虎北 幽州趙 軍 , 以前 德鈞 德鈞聞之不悅。 初圍晉安,分遣精兵 環 以所部兵萬餘 邠 每日 丁酉,延 州 因泣下久 幽州 、相委,焉 冥,結束以 以劉延 隰州 節 度 使 逐

楊思權 軍 爲右 一亂,承詢奔鄜州,故有是責。 龍 武統軍 壬戌, 丹州 刺史康 甲子,太原行營副招討使楊光遠殺招討使張敬達於晉 承詢 停任 配流 鄧州 時 承詢 奉 詔 率 義 軍 赴 延

州

寨,自 據歐陽史改正。(影庫本粘籤)馬尾鬣相食俱盡。 十一月以後獨糧乏絕,軍士毀居屋茅、淘馬糞、削松梆以供餘飼,松桃,原本作「松肺」,今 以兵降契丹。 案: 歐陽史、通鑑俱作閏十一月甲子,五代春秋作十一月,誤。(舊五代史考異) 時契丹圍 楊光遠謂敬達曰:「少時人馬俱盡, 不如奮命血

所降軍 將同降契丹。 戰,十得三四 士及馬五千匹以賜晉帝。 ,猶勝坐受其弊。」<u></u>敬達曰:「更少待之。」一日,<u></u>光遠伺敬達無備,遂殺之,與諸 時馬猶有五千匹,戎王並以漢軍與石敬瑭,其馬及甲仗卽齎驅出塞。 通鑑從薛史。(舊五代史考異) 丁卯,戎王立石敬瑭爲大晉皇帝, 案遼史云:

約爲 據實錄也。 父子之國,改元爲天福。 通鑑從歐陽史。(舊五代史考異) 與薛史異。 案 : 歐陽史作十一月丁酉,契丹立晉。 案: 製丹立晉,是書晉高祖紀作十一 通鑑考異引廢帝實錄作閏月丁卯,薛史蓋 月丁酉,此紀作閏月丁卯, 前後互

日為立層之日,是書應紀亦仍其誤。(殿本)戎王與晉高祖南行,趙德鈞父子與諸將自團柏谷南奔, 師 :為蕃騎所蹙,投戈棄甲,自相騰踐,擠於巖谷者不可勝紀。 據通鑑考異引廢帝實錄亦作閏月丁卯,蓋契丹立晉在十一月丁酉,唐人至閏十一月丁卯始奏聞也。 **案**通鑑:丁卯, 至團柏,與唐兵戰,趙德 王

實錄誤以奏聞之

異。

追擊。 鈞、趙 延壽先遁,符彥饒、張彥琦、劉延朗、劉在明繼之。 **蓋緊日以薛史爲據。** 遼史作庚申,聞德鈞等援兵將遁, 韶夜發兵

憚山 東,未敢南下,車駕可幸鄴城。 與薛史異。(凡本)己巳,帝聞晉安寨爲敵所陷,詔移幸河陽, 帝以李崧與范延光相善,召入謀之。 時議以魏府軍尚全,戎王 薛文遇不知而繼 必

書 四 末 帝 紀 下 至,帝變色,崧躡文遇足,乃出。

帝曰:「我見此物肉顫,適擬抽刀刺之。」、崧曰:「文遇小人,

致誤 進取。 遠。 丑: 在位共二年,年五十三公司。泳樂大典卷七千一百七十四。 太后曹氏自燔於玄武樓。 不堪交戰,誰人肯立於此?」審虔乃請帝還宮。庚辰,晉高祖至河陽。 白馬坡, 日 至河陽。 晚,至東上門,小黃門鳴鞘於路,索然無聲。 ,車駕至自 清泰帝至自覃懷,京師父老迎帝於<u>上東門外</u>,帝垂泣不止。 大事 陛下何不且入西川?」帝曰:「本朝兩川節度使皆用文臣,所以玄宗、 ,刺之益 案胡三省注通鑑云:白司馬阪在洛陽北,史遺「司」字。(凡本)言踏陣地,時諸將謂審虔曰:「何地 甲戌, .河陽。 晉高 醜。」 時左右勸帝固守河陽。 祖與戎王至潞州,戎王遣蕃將大相温率五千騎送晉高祖南行日言。 晉高祖入洛,得帝燼骨於火中,來年三月,詔葬於徽陵之封 居數日,符彥饒、張彥琪至,奏帝不可城守。 己卯,帝遣馬軍都指揮使宋審虔 父老奏曰:「臣等伏聞前唐時中國有難, 五代史闕文: 僖宗避寇幸蜀。 晉高祖引契丹圍晉安寨, 辛巳辰時,帝舉族與皇 今 孟氏已稱 尊矣, 帝王多幸蜀 率千餘騎至 壬申,車駕 7中。帝 吾何歸 降楊光 以圖 是 T

經未 梁壘之時,出沒如神,何其勇也! 失。 史臣曰:末帝負神武之才,有人君之量。 由尋戈而踐阼,慚德應深;及當宁以居尊,政 屬天命不酤,人謀匪臧,坐俟焚如,良可悲矣!稽夫衽金甲於河壖之際,斧眺樓於 及乎駐革輅於覃懷之日,絕羽書於汾晉之辰,涕淚霑襟,

乎!」因慟哭入內,舉族自焚。

信不虛矣。 何其怯也! 永樂大典卷七千一百七十四。 是知時之來也,雕虎可以生風; 運之去也,應龍不免爲醢。則項籍悲歌於帳下,

校勘記

吐渾寧朔奉化兩府 「奉化」二字原無,據冊府卷九七六、會要卷二八補。

(11) 三月庚子 「月」原作「日」,據殿本改。

見以後,請假得替,進勝子,放門辭。」會要卷六同 諸道進奏官到闕見得假進膀子門辭 兩官巡 殿本、劉本同。 冊府卷一○八作「兩軍巡」,會要卷六作「兩軍巡使」。 殿本、劉本同。 珊府卷一○八作 「諸道差進奏官到闕,得

(金) 乙卯 殿本、劉本同。 通鑑卷二八〇作乙巳。 據二十史朔閨表,清泰三年五月己丑朔,

十七日, 乙卯爲二十七日。

(\$) 丙辰 十八日,丙辰爲二十八日。 殿本、劉本同。通鑑卷二八〇作丙午。 據二十史朔閏表, 清泰三年五月己丑朔, 丙午爲

(中) 代州 原作「伏州」,據劉本、通鑑卷二八〇改。下句同。

S 達剌干 唐 書 = + 殿本作達喇罕。 四 校 勘 記 殿本考證云:「達喇罕舊作達剌干,今改。」

(元) 梅 里 原作「美稜」,注云:「舊作『梅里』,今改正。」殿本作「摩哩」。 按此係輯錄舊五代史時據遼

沙索 倫國語解所改,今恢復原文。

8 契丹主 「主」原作「王」,據殿本、劉本、冊府卷九八七、通鑑卷二八〇改。下同

耀州防禦使潘環合防戍軍出慈隰以援張敬達 「耀州」原作「輝州」,據冊府卷九八七、 通鑑卷

同,據殘宋本冊府、通鑑卷二八〇改。按本書卷一五〇郡縣志, 按本書卷九四潘環傳亦云:「淸泰中,移耀州。」「慈」原作「磁」, 慈州、隰州屬河東道, 明本冊府卷九八七 磁州屬河

北道。此次戰役在河東道。

二八〇改。

戊辰代州刺史張朗超授檢校太保以其屢殺敵衆故以是命獎之 二十六字原無, 盧本同, 據殿

本、劉本 補。

二千騎 盧本同,殿本、劉本、通鑑卷二八○作「三千騎」。

劉景巖 巖 原作「嚴」,據通鑑卷二八〇、冊府卷一七九、本書卷七六晉高祖紀及卷一〇一漢

隱帝 紀 改。

宝 大相 按 此 温 係輯 錄 原作「大詳衮」,注云:「舊作『相温』,今改正。」殿本考證云:「舊作『大相温』,今改正。」 灣五代史時據遼史索倫國語解所改,今恢復原文。

금 年五十三 劉本同、殿本作年「五十二」、歐陽史卷七廢帝紀、通鑑卷二八〇均作一年五十一」。

